




醫學綱目

中華民國二十六年四月初版

醫學綱目（全四册）

實價國幣三元

（外埠酌加運費匯費）



版權所有 不准翻印

編纂者 樓全善

發行者 陸高誼

出版者 上海大連海路
世界書局

發行所 上海及各省 世界書局

本書負責校對者何衡孫

3006



南京中医药大学图书馆版权所有

醫學綱目卷之二十一 脾胃門

內傷飲食 胎前傷食 百病皆生於痰

大法

〔垣〕飲食傷論 陰陽應象論云。水穀之寒熱。感則害人。六腑痺論云。陰氣者靜則神藏。躁則消亡。飲食自倍。腸胃乃傷。此乃言之也。分之爲二。飲也食也。飲者水也。無形之氣也。因而大飲。則形寒。飲冷則傷肺。肺病則爲喘咳。爲腫。爲水瀉。輕則當發汗。利小便。使上下分消其濕。解醒湯。五苓散。生薑半夏枳實白朮之類是也。如重而畜積爲滿者。芫花大戟甘遂牽牛之屬利下之。此其治法也。食者物也。有形之血也。如生氣通天論云。因而飽食。筋脈橫解。腸胃不和。又云。食傷太陰厥陰。寸口大於人迎兩倍三倍者。或嘔吐。或吞酸。或下痢腸辟。當分寒熱輕重治之。輕則內消。重則除下。如傷寒物者。半夏神麴乾薑三稜廣茂巴荳之類主之。如傷熱物者。枳實白朮青皮陳皮麥蘗黃連大黃之類主之。亦有宜吐者。陰陽應象論云。在上者因而越之。瓜蒂散之屬主之。然而不可過劑。過則反傷腸胃。蓋先因飲食自傷。又加之。以藥過。故腸胃復傷而氣不能化。食愈難消矣。漸至羸困。故五常正大論云。大毒治病。十去其六。小毒治病。十去其七。常毒治病。十去其八。無毒治病。十去其九。不可過之。此聖人之深戒也。

傷飲
內消

〔丹〕傷食惡食者。胃中有物。導痰補脾。二陳湯。加白朮。山查。川芎。蒼朮。

〔垣〕五苓散。治煩渴。飲水過多。或水入即吐。心中澹澹。停濕在內。小便不利。

肉桂兩一

猪苓

茯苓

白朮各一兩
五錢

澤瀉二兩
五錢

右為細末。每服二錢。熱湯調下。不拘時候服訖。多飲熱湯。取汗出。

愈。治傷冷飲者。煎五苓散。送半夏枳朮丸。治傷飲不惡寒。胸中

微覺夯悶。身重。飲食不化者。或小便不利者。五苓散去桂。依前斟酌服之。

如瘧熱在裏。身發黃疸。食前濃煎茵陳湯。調服愈。

除濕散。治傷馬牛乳酪。及冰水一切冷物。

半夏湯炮
三錢

車前子炒五
錢

甘草炙二
錢

紅花二
錢

茯苓七
錢

乾薑三
錢

澤瀉半
兩

右為細末。每服三錢。食前白湯調下。

〔丹〕導飲丸。治水飲。

吳茱萸三
錢

白茯苓一
兩

黃連五
錢

蒼朮一
兩

獨活七
錢

右為細末。神麩糊丸服。

〔丹〕葉黃丸治飲用六一散一料加吳茱萸一兩水丸服。

〔垣〕酒者大熱有毒氣味俱陽乃無形之物也若傷之止當發散汗出則愈矣其次莫如利小便乃上下分消其濕今之病酒者往往服酒癘丸大熱之藥下之又有用牽牛大黃下之者是無形元氣受疾反下有形陰血乖誤甚矣酒性大熱已傷元氣而復重瀉之亦損腎水真陰及有形血氣俱為不足如此則陰血愈虛真水愈弱陽毒之熱大旺反增其陰火是以元氣消燼折人長命不然則虛損之病成矣酒疸下之久而為黑疸慎不可犯宜以葛花解醒湯主之。

〔海〕治酒病宜發汗若利小便炎燄不肯下行故曰火鬱則發之以辛溫散之是從其體性也是知利小便則濕去熱不去若動大便尤為疎陋蓋大便秘者有形質之物酒者無形之水從汗而發之是為近理濕熱俱去故治以苦溫發其火也佐以苦寒除其濕也。

〔垣〕葛花解醒湯治飲酒太過嘔吐痰逆心神煩亂胸膈痞塞手足戰搖飲食減少小便不利。

青皮分三

木香分五

橘紅分五

人參

猪苓

白茯苓各一錢

神麴炒

澤瀉

乾薑

白朮各二錢

白芷各一錢

葛花

砂仁各五錢

右爲細末。每服三錢。白湯調下。但得微汗。則酒病去矣。此蓋不得已而用之。豈可恃此酣飲成病。自損元氣。惟病酒者宜之。

〔聖〕治酒醉不醒。用菘菜子二合。研細。井水調服。

〔丹〕烏梅丸。治酒毒化痰消食。

烏梅斤一 半夏

白礬各八兩

生薑兩二

右搗爲細末。以新瓦兩片夾定。火焙三晝夜爲度。次入神麩麥芽陳皮青皮蓬朮枳殼丁皮大腹子各四兩。糊丸。每服四五十丸。薑湯下。

〔世〕烏梅丸。治酒積神效。方見積塊門

〔潔〕百杯丸。治酒停胸中。膈氣痞滿。面色黃黑。將成癍疾。飲食不進。日漸羸瘦。如欲飲者。先服不醉。

生薑一斤去皮切片以鹽二兩淹一宿焙乾

橘紅三兩

廣茂炮三錢

乾薑三兩

益智仁二十粒

丁香五十枚

甘草二錢

砂仁三三粒

三稜炮二錢

木香

茴香炮各一錢

白荳蔻三十粒

右爲末。煉蜜丸。每一兩作五丸。硃砂爲衣。生薑湯下。細嚼無時服。〔丹〕解酒毒併熱毒。栢若本草名枳柜。北人名曰爛瓜。杭州貨賣名蜜屈律。春生秋熟。冬間經霜後取食。

〔垣〕枳朮丸。治痞積消食強胃。梅蘆云本仲景枳朮湯也今易老改為丸治老幼虛弱飲食不化或臍腑軟弱者

枳實去穢鉄炒一兩 白朮二兩

右爲末。荷葉裹燒飯爲丸。如桐子大。每服五十丸。白朮湯下。服白朮者。本意不取其食速化。但久服令人胃氣強實。不復傷也。

麩蘖枳朮丸。治爲人強食所致。心胸滿悶不快。

神麩炒 麥蘖炒 枳實炒各一兩 白朮二兩

右爲末。荷葉燒飯爲丸。每服五十丸。

木香枳朮丸。破滯氣。消飲食。開胃進食。

木香 枳實各一兩 白朮二兩

照前法爲丸服。

又方。開胃進食。

木香錢三 人參 乾薑各一錢半 枳實一兩

白朮二兩

照前荷葉燒飯爲丸。食前白湯服三五十九丸。忌飽食。

檳榔丸。消食破滯氣。

檳榔錢三 木香二錢 陳皮五錢 甘草一錢

人參錢二

右爲末。蒸餅丸。每服二三十丸。食前白湯下。

〔羅〕木香檳榔丸。疎三焦。寬胸膈。破痰飲。快氣潤腸。

神麴

皂角

去皮 酥炙

郁李仁

去皮各一兩

杏仁

去皮 尖炒

木香

檳榔

青皮

枳殼

一兩 棘炒各

右爲末。再用皂角四兩。水一碗。浸一日。揉膏入熟蜜少許爲丸。桐

子大。每服五十丸。淡薑湯下。

〔丹〕保和丸。治食積酒積。

山查肉

一兩

半夏

製薑

蘿蔔子

炒各五錢

神麴

麥芽

錢三

黃連

炒半兩

陳皮

半兩

右爲末。酒糊丸服。或用神麴糊爲丸尤妙。

大安丸。脾經消導之劑。虛者宜斟酌用之。

山查

二兩

神麴

炒

半夏

製

茯苓

各一兩

陳皮

錢五

白朮

二兩

連翹

錢五

蘿蔔子

炒半兩

右爲末。神麴糊丸服。一方無白朮。

三黃枳朮丸。治傷肉食濕麪辛辣厚味之物。填塞悶亂。胸膈不快。

黃芩

二兩

黃連

酒炒

大黃

煨

神麴

炒

白朮

陳皮

各一兩

右爲末。湯浸蒸餅爲丸。如葶苈大。每服五十丸。白湯下。

〔垣〕除濕益氣丸。治傷濕麵。心腹滿悶。肢體沉重。

枳實炒

白朮

黃芩生

神麴炒各一兩

紅花三分

蘿蔔子炒熟半兩

右爲末。荷葉飯丸。每服五十丸。白湯下。

上二黃丸。治傷熱食痞悶。兀兀欲吐。煩亂不安。

黃芩二兩

黃連酒洗一兩

升麻

柴胡各三錢

甘草二錢

枳實炒半兩

右爲末。湯浸蒸餅丸。每服六七十丸。白湯下。

枳朮導滯丸。治傷濕熱之物。不得旋化而作痞滿。悶亂不安。

黃芩

茯苓

白朮

黃連各一錢

澤瀉二錢

枳實炒

神麴炒各五錢

大黃一兩

右爲末。湯浸蒸餅爲丸。白湯下五七十丸。

白朮丸。治傷荳粉濕麪油膩之物。

白朮一兩

半夏製一兩

橘紅七錢

神麴炒

枳實炒各一兩

黃芩半兩

枯白礬三分

右爲末。湯浸蒸餅爲丸。量所傷多少加減服之。如素食多用乾薑。

故以黃芩瀉之。

〔梅〕食狗肉不消。心下堅或腹脹。口乾發熱妄語。煮蘆根汁飲之。

〔干〕食魚膾及生肉在胸膈不化。必成癥瘕。搗馬鞭草汁飲之。飲生薑水亦易消。

〔垣〕半夏枳朮丸。治因冷食內傷。一方有澤瀉一兩。有小便淋故也。

半夏薑製二兩

枳實炒一兩

白朮一兩

右為末。荷葉飯為丸。如傷食寒熱不調。每服加上二黃丸十九丸。白湯下。

木香乾薑枳朮丸。破滯氣。消寒飲食。

木香三錢

乾薑炮五錢

枳實炒一兩

白朮一兩

右為末。荷葉飯為丸。食前白湯服四五十丸。

丁香爛飯丸。治食傷太陰。又治卒心胃痛。

丁香一錢

丁香三錢

甘草炙一錢

甘松海

砂仁

益智仁各三錢

三稜炮一錢

廣茂炮一錢

香附五錢

木香一錢

右為末。湯浸蒸餅為末。白湯服。或細嚼亦可。

〔丹〕小胃丹

芫花好醋拌勻過一宿於瓦器內不住手攪炒令黑不令焦

大戟水煮一時洗曬乾各半兩

黃栢炒三兩

甘遂濕麵裹長流水浸洗曬乾一云水浸冬七日春秋五日或用水煮亦可

大黃濕紙裹腹勿焦切焙乾再以酒潤炒熟焙乾一兩半

重者除下傷飲

右爲末。以白朮膏丸。如蘿蔔子大。臨臥津液吞下。或白湯送下。取其膈上濕痰熱積以意消息之。欲利空心服。一方加木香檳榔各半兩蒸餅丸每服七八十九

巴荳去油二粒

烏梅二枚

丁香三粒

胡椒五粒

右爲末。入飯同杵二三千下。爲丸如桐子大。細嚼。丁香湯下五七丸。小兒一丸。

〔仲〕備急丸。治尺寸俱盛。填塞悶亂。方見卒中門

〔垣〕蠲飲枳實丸。逐飲消痰。導氣清膈。

枳實炒

半夏製

橘紅各二兩

黑丑取頭末三錢

右爲末。水煮麵糊爲丸。每服五十丸。食後生薑湯下。

如所傷飲食在胸腹間。兀兀欲吐。反覆悶亂。以物探吐之。甚者用瓜蒂散。

〔仲〕人病有宿食。何以別之。曰脈浮而大。按之反澹。尺中亦微而澹。故知有宿食。用大承氣湯下之。方見傷寒脈數而滑者。實也。此有宿食。

下之愈。宜大承氣湯。下痢不飲食者。宿食也。亦宜大承氣湯下之。

脈緊如轉索無常者。有宿食也。脈經云寸口脈緊胸中有宿食不化

〔藏〕金露丸。治內傷心痞。氣不升降。水穀不消。

大黃兩一

枳實炒五錢

桔梗二兩

牽牛二錢五分

右爲末。荷葉飯爲丸。白湯下三五十九。食後常服減半。一方薑糊丸

巴荳霜五分

京三稜煨

神麴炒

石三稜去皮釀各一兩

木香二錢

香附兩

升麻三錢

草薺煨熟取汁五錢

柴胡三錢

右爲末。湯浸炊餅爲丸。如菘荳大。每服一二十丸。白湯送下。

三稜消積丸。治傷生冷硬物。不能消化。心腹滿悶。

京三稜炮七錢

廣茂炮七錢

青皮

陳皮各五錢

丁皮

益智各五錢

神麴炒三錢

茴香炒半兩

巴荳和米皮炒焦去米

右爲末。醋麪糊爲丸。如桐子大。每服十九至二十九。溫薑湯下。食前服。量虛實加減。得更衣。止後服。

感應丸。治中虛積冷。氣弱有傷。停積胃脘。不能傳化。或因氣傷冷。或因飢飽傷食。飲酒過多。心下堅滿。兩脇脹痛。心腹大痛。霍亂吐瀉。大便頻數。後重遲澀。久痢赤白。膿血相雜。米穀不化。愈而復發。又治中酒嘔吐。痰逆惡心。喜睡頭旋。胸膈痞滿。四肢倦怠。不思飲食。不拘新舊冷積。並皆治之。

木香

肉荳蔻

丁香各一兩半

乾薑炮一兩

巴荳 七十箇去皮
心膜研出油

杏仁 一百四十粒湯
泡去皮尖研

百草霜 二兩

右前四味爲末。外入百草霜研。與巴荳杏仁七味同和勻。用好蠟六兩溶化成汁。以重絹濾去渣。更以好酒一升。於銀石器內煮蠟數沸。傾出。候酒冷。其蠟自浮於上。取蠟秤用丸。春夏修合。用清油一兩。銚內熬令香熟。次下酒煮蠟同化成汁。就銚內乘熱拌和前項藥末。秋冬修合。用清油一兩半同煎。煮熟成汁。和匱藥末成劑。分作小錠子。油紙裹放。旋丸服之。每三十丸。空心薑湯下。神應丸。治一切冷物冷水及乳酪傷。小腹痛。腸鳴。米穀不化。

巴荳

杏仁

乾薑

百草霜 各半兩

丁香

木香 各二錢

黃蠟 二兩

右先將黃蠟用好醋煮去渣穢。將巴荳杏仁同炒黑烟盡。研如泥。春夏入香油半兩。秋冬入錢。溶開。下杏仁巴荳攪勻。次下木香丁香等末研勻。搓作錠子。油紙裹旋丸。桐子大。每米飲下三五十九丸。食前日三服。大有效。

雄黃聖餅子

巴荳 一百枚
去油膜

雄黃 半兩

白麪 十兩妙
又羅通

右三味。內除白麪。餘同爲細末。共麪和勻。用新水攪和。做餅如手

氣口
緊下
宜

大以水再煮。浮於湯上。看硬軟捏作餅子。每服五七餅。加至十餅。十五餅。嚼食一餅利一行。二餅利二行。食前茶酒任下。

〔潔〕人之生也。由五穀之精。化五味之備。故能生形。經曰。味歸形。若傷於味。亦能損形。今飲食過節。以致腸胃不能勝。氣不及化。故傷焉。經云。壯火食氣。氣食少火。壯火散氣。少火生氣。又云。飲食自倍。腸胃乃傷。以失四時之調節。故能成病。脈在氣口。經曰。氣口脈盛傷於食。心胃滿而口無味。口與氣口同。口曰坤者。口乃脾之候。故胃傷而氣口緊盛。夫傷有多少。有輕重。如氣口一盛。得脈六至。則傷於厥陰。乃傷之輕也。枳朮丸之類主之。氣口二盛。脈得七至。則傷於少陰。乃傷之重也。雄黃聖餅子。木香檳榔丸。枳殼丸之類主之。氣口三盛。脈得八至九至。則傷太陰。填塞腸胃。則心胃大痛。備急丸。神保丸。消積丸之類主之。兀兀欲吐不已。俗呼食迷風是也。經曰。上部有脈。下部無脈。其人當吐。不吐者死。瓜蒂散主之。如不能吐。是無治也。經曰。其高者因而越之。此之謂也。備急下之亦可。

檳榔丸。治飲食過多。心腹脹悶。

檳榔 二錢

陳皮

牽牛 各一

木香 二錢

枳實 兩

右爲末。醋糊丸。生薑湯下三四十丸。

煮黃丸。治飲食過多。心腹脹滿。脇肋走氣。痲痺刺痛如神。

雄黃研一兩

巴豆五錢去皮心研如泥

右入白麩二兩。同研勻。滴水丸。如桐子大。滾漿水煮十二丸。濾入冷漿水內。令沉冷。每用時用浸藥冷漿下一丸。一日十二時盡十二丸。以微利爲度。不必盡劑。

〔仲〕宿食在上脘。當吐之。宜瓜蒂散。又云凡血虛者。不可吐。

〔垣〕瓜蒂散。治大滿大實。氣上衝逆。上部有脈。下部無脈。填塞悶亂者用之。如尺寸俱盛者。宜用備急丸。

瓜蒂炒

赤小豆煮等分

右爲細末。每服二錢。溫漿水調下。取吐爲度。仲景以香豉七合。煮取汁和散一匕服之。若不至兩尺脈絕者。不宜便服。此藥恐損元氣。令人胃氣不復。若止胃中窒塞。悶亂不通。以物探之。得吐則已。如探不去。方以此劑吐之。或曰盛食填塞。胸中痞亂。兩寸脈當用事。今反兩尺脈不見。其理安在。曰胃中有食。是木鬱宜達。故探吐之。食者物也。物者坤土也。是足太陰之號也。胃中者肺也。爲物所塞。肺者手太陰金也。金主殺伐。與坤土俱在于上。而旺於天。金能克木。故肝木發生之氣。伏於地下。非木鬱而何。吐去上焦陰土之物。木得舒暢。則鬱結去矣。食塞於上。脈絕於下。若不明天地之道。

無由達此至理。水火者陰陽之徵兆。天地之別名也。故獨陽不生。獨陰不長。天之用在於地下。則萬物生長。地之用在於天上。則萬物收藏。此乃天地交而萬物通也。此天地相根之道也。故陽火之根本於地下。陰水之源本於天上。故曰水出高原。故人五臟主有形之物。物者陰也。陰者水也。右三部脈主之。偏見於寸口。食塞於上。是絕五臟之源。源絕則水不下流。兩尺脈之絕。此其理也。何疑之有。然必視所傷之物冷熱。隨症加減。如傷冷物一分。熱物二分。則用寒藥二停。熱藥一停。隨時消息。經云。必先歲氣。無伐天和。此之謂也。

〔海〕秦生好服三生茶及冷物。成積而痼寒。脈非浮非沉。上下內外。按舉極有力。堅而不柔。觸指突出膚表。往來不可以至數名。縱橫不可以巨細狀。此陰症鼓擊脈也。一身流行之火。萃於胸中。寒氣逼之。故搏大有力。與真武四逆理中等湯丸。佐以芍藥茴香。使不僭上。每日服百丸。夜八十九。至夜出汗而愈。

〔潔〕既有三陰可下之法。亦必有三陰可補之法。予故云。內傷三陰。可用溫劑。若飲冷內傷。雖云損胃。未知色脈各在何經。若面色青黑。脈浮沉不一。弦而弱者。傷在厥陰。若面色紅赤。脈浮沉不一。細而微者。傷在少陰。若面色黃潔。脈浮沉不一。緩而遲者。傷在太陰也。如

傷在厥陰肝之經。當歸四逆湯加吳茱萸生薑湯之類。方見傷寒

傷在少陰腎之經。宜服通脈四逆湯。方見傷寒 傷在太陰脾之經理中

丸湯主之。大便軟者宜湯。結者宜丸。方見傷寒

〔海〕唐臣嗜冷食。遂成陰症。脈遲七八至。一止後僅三至。予亟與溫劑數服。四五日不解。遂續進三服。一日脈生。大汗而解。

〔羅〕陰氣者。靜則神藏。躁則消亡。飲食自倍。腸胃乃傷。謂食物無食於多。貴在有節。所以保冲和而遂頤養也。若貪多務飽。飢塞難消。徒積暗傷。以召疾患。蓋食物飽甚。耗氣非一。或食不下而上瀉。嘔吐以洩真元。或飲不消而作痰。咯唾以耗神水。大便頻數。而洩耗穀氣之化生。溲便滑利。而濁耗源泉之浸潤。至於精清冷而下瀉。汗淋漓而外洩。莫不由食物過傷。滋味太厚。如能節滿意之食。省爽口之味。當不至於飽甚。即頓頓必無傷物。物皆為益。津液內蓄。精華和凝。邪毒不能犯。疾痰無由作矣。

胎前傷食

〔本〕治婦人有孕傷食。宜服木香丸。

木香二錢

三稜

白茯苓

人參各三錢

右為末。麪糊丸。每服三十丸。熱湯下。

治妊娠氣不和調。飲食少味。宜服白朮散。

白朮

紫蘇各一

白芷

人參

訶子皮

川芎

青皮各半兩

甘草錢

右爲末。每服二錢。水一盞。薑三片。煎至七分。不拘時溫服。

傷食。又當於前條傷飲食之輕劑參酌用之。

妊娠

經云。飲食自倍。腸胃乃傷。又云。陰之所生。本在五味。陰之五官。傷在五味。若妊婦飲食不節。生冷毒物。恣意食啖。致脾胃之疾。故妊娠傷食。難得藥效。惟此二方穩便。

百病皆生於痰

傷飲

〔仲〕有痰飲。有懸飲。有溢飲。有支飲。其人素盛今瘦。水走腸間。漚

漚有聲。謂之痰飲。病痰飲者。當以溫藥和之。又云。心下有痰飲者。蒼桂甘朮湯主之。飲後水

流在脇下。咳唾引痛。謂之懸飲。病懸飲者。十棗湯主之。方見傷寒留飲者。

脇下痛引缺盆。咳嗽則轉甚。胸中有留飲。其人短氣而渴。四肢歷

節疼。脈沉者有留飲。飲水流行歸於四肢。當汗出而不汗出。身體

疼重。謂之溢飲。病溢飲者。當發其汗。大青龍湯小青龍湯主之。二方並見傷寒

咳逆倚息。短氣不得臥。其形如腫。謂之支飲。人咳數年。其脈弱

者可治。實大數者死。其脈數者。必苦冒眩。其人本有支飲。在胸中。故

也。治屬飲家。支飲亦喘而不能臥。加短氣。其脈平也。水在心。心

下堅。築短氣。惡水不欲飲。水在肺。吐涎沫。欲飲水。水在脾。少氣

身重。水在肝。脇下支滿。噯而痛。水在腎。心下悸。

嘔吐是水飲在心脇。仲景云。嘔吐心下痞者。胸中有水。宜半夏茯苓湯主之。又云。嘔家本渴。今反不渴。心下有支飲故也。小半夏湯主之。

又云。先渴却嘔者。水停心下。小半夏加茯苓湯主之。羅謙甫云。痰飲為患。或嘔吐惡心。或頭眩心悸。或半身不快。或為寒熱。並二陳湯主之。

方見丹溪痰門 眩悸是飲。仲景云。卒嘔吐。心下痞。眩悸者。膈間有水。半夏加茯苓湯主之。方見嘔吐 又云。瘦人臍下有悸。吐涎沫而顛眩者。此水也。

五苓散主之。方見嘔吐 又云。胸滿目眩者。苓桂甘朮湯主之。方見嘔吐 又云。心下有支飲。其人苦冒眩。澤瀉湯主之。方見眩暈

〔仲〕膈上病痰滿喘咳吐。發則寒熱。背痛腰疼。目眩自出。其人振振身瞤。劇必有伏飲。治見痰條 脈大。心下有留飲。其人背寒冷。病人臂不

時疼痛。其脈沉細。非風也。必有飲在上焦。其脈虛者為微勞。營衛氣不和故也。久久自瘥。脈虛扶苓丸不虛按挺丹 胸滿是飲。仲景云。支飲胸滿者。厚朴大黃湯主之。方見眼痛 又云。心下有痰飲。胸脇支滿。目眩。苓桂朮甘湯主之。方見短氣

渴燥是水飲在腸胃所生。仲景云。渴而小便利。宜五苓散主之。又云。先渴却嘔者。為水停心下。小半夏加茯苓湯主之。又云。腹滿口舌乾燥。此腸間有水氣。防椒麝黃丸主之。但因水所在之處不同。

之。方見短氣

又云。先渴却嘔者。為水停心下。小半夏加茯苓湯主之。又云。腹滿口舌乾燥。此腸間有水氣。防椒麝黃丸主之。但因水所在之處不同。

又云。先渴却嘔者。為水停心下。小半夏加茯苓湯主之。又云。腹滿口舌乾燥。此腸間有水氣。防椒麝黃丸主之。但因水所在之處不同。

而所兼之症不一也。

自利有飲。故丹溪治久痢皆吐之。去膠痰自愈。又仲景云。病者脈伏。其人欲自利。利反快。雖利心下續堅滿。此為留飲欲去故也。甘遂半

夏湯主之。方見泄瀉。又云。小便不利。四肢沉重疼痛。自利者。此為水氣。宜

用真武湯去芍藥加乾薑主之。久病傷寒表不解。嘔欬自利者。此為

水氣。宜服小青龍湯去麻黃加芫花主之。尺膚龜如枯魚之鱗者。

水飲候也。全文見診。色鮮明者有留飲。

〔素〕肝脈栗而散。色澤者。當病益飲。益飲者。渴暴多飲。而易入肌皮

腸胃之外也。脈要精微論。肝脈瀦甚為益飲。全文見治虛實法

〔仲〕脈雙弦者飲也。皆大下後善虛。脈偏弦者飲也。肺飲不弦。但

苦喘短氣。脈弦數。有寒飲。冬夏難治。脈沉而弦者。懸飲內痛。

脈浮而細滑者傷飲。

〔孫〕綵帛鋪劉員外患傷寒。六七日晝夜不得眠。方眠即起。方起即

倒。未嘗少息。看待厭倦。召孫。孫曰。若言是氣。必喘作。今無此症。非氣

也。時復身上冷汗出。尺寸脈皆沉。關中亦沉。重診之。鼓擊於指下。此

痰積寒聚於胸中也。遂用陳皮半夏乾薑三物各一兩為飲。薑半兩

搥碎。以水兩碗煎七分。去渣分二服。服藥經時遂睡。經一晝夜不甦。

既覺。下痰一塊。如鷄子大。其疾遂愈。凡痰症皆有冷汗。其证明矣。

痰症

診

〔丹〕風痰多見奇症。凡風痰病。必用風痰藥。白附子天麻雄黃牛黃僵蠶皂角之類。濕痰多見倦怠軟弱。濕痰宜用蒼白二朮。又用油炒半夏。

痰清者屬寒。用二陳湯之類。

半夏

陳皮

茯苓

甘草

每服四錢。加生薑七片。烏梅一箇煎。不拘熱服。嘔吐甚者加丁香。導痰湯

半夏

兩

南星

橘紅

枳殼

赤茯苓

各半兩

甘草

薑水煎服

燥濕痰方

南星

製

半夏

製各半兩

蛤粉

二兩

青黛為衣

熱痰多挾風。外症為多。用青黛黃連天花粉。大快膈上熱痰。痰因火盛逆上者。治火為先。白朮黃芩石膏之類。中氣不足。加參朮黃芩。假之以降其熱也。食積痰神麩麥蘖山查。欲吐食積痰。用蘿蔔子油炒為末。漿水調下。探而吐之。食積痰必用攻。若氣虛者。用補氣藥送。老痰。海石半夏瓜蒌香附五倍子。佐他藥大治頑痰。鬱痰僵蠶杏仁瓜蒌訶子貝母五倍子。痰而脾虛者清中氣。二陳湯加白朮之類。兼用升提藥。內傷挾痰。必用參朮芪之類。多用薑汁

傳送或加半夏之類。虛甚加竹瀝。眩暈嘈雜，乃火動其痰，用二陳湯加梔子、芩連之類。噫氣吞酸，此係食鬱有熱，火氣上動，以黃芩爲君。南星、半夏、橘紅爲臣。熱多加青黛。喉中如有物咯不出，咽不下，此老痰也。重者吐之，用瓜蒂散。氣實用荆瀝。仲景用牛朴祛薑治之神驗痰結核在咽喉中，燥不能出入，化痰藥內加鹹藥軟堅。白朮、瓜蒌仁、杏仁、海石、桔梗連翹，少佐以朴硝、薑蜜丸噙化。凡人身上中下有塊，是痰。問其平日好食何物，吐下後方用藥。痰之爲物，隨氣升降，無處不到。痰在腸胃間，可下而愈。痰在經絡中，非吐不可出，吐中就有發散意。痰在膈上，必用吐之，瀉亦不出。痰膠固者，及脈浮者，俱用吐法。吐法見治法門上下條痰在脇下，非白芥子不能達。痰在皮裏膜外，以薑汁竹瀝導之。痰在四肢，非竹瀝不能開。二陳湯善治人一身有痰，如在下加下引藥，在上加上引藥。潤下丸降痰最妙。青礞石丸重在風化硝。小胃丹能損胃，食積痰用之，然不宜多服。蒼朮治痰飲成窠囊者，極效。海粉能治熱痰，降濕痰，軟結痰，消頑痰，最效。可入丸子，不可入煎藥。枳實瀉痰，能衝牆壁。竹瀝能治膈間有痰，或癩狂，或健忘，或風痰，最效。又能養血，荆瀝治痰稍重，用此二味，效速且穩當。二瀝治痰結在皮裏膜外，及經絡者，必佐以薑汁。菲汁治血滯不行，中焦有飲，取自然汁冷飲三四盞，必覺胸中煩

躁不寧。後自愈。氣實熱痰。吐難得出。或成塊。或吐咯不出。及兼氣鬱者。難治。中焦有痰。胃氣亦賴所養。卒不便虛。若攻之盡。則虛矣。凡治痰用利藥過多。致脾氣下虛。則痰反易生而多矣。

〔丹〕痰之爲病。方論少有細述之者。近惟三因略言。亦無加減法。夫痰之源不一。有因痰而生熱者。有因熱而生痰者。有因氣而生者。有因風而生者。有因驚而生者。有積飲而生者。有多食而成者。有因暑而生者。有傷冷物而成者。有脾虛而成者。有飲酒而成者。其爲病也。驚痰則成心包痛顛疾。熱痰則成煩躁頭風。爛眼燥結。怔忡懊懣。驚眩。風痰成癱瘓。大風眩暈。暗風悶亂。飲痰成脇痛。四肢不舉。每日嘔吐。食痰成瘧痢。口出臭氣。暑痰中暈眩冒。黃疸頭疼。冷痰骨痺。四肢不舉。氣刺痛。酒痰飲酒不消。但得酒。次日又吐。脾虛生痰。食不美。反胃嘔吐。氣痰攻注。走刺不定。婦人於驚痰最多。蓋因產後交接。月事方行。其驚因虛而入。結成塊者爲驚痰。必有一塊在腹。發則如身孕。轉動跳躍。痛不可忍。凡人手臂或動不得。或骨節遍身痛。坐臥不寧。此痰入骨也。有人腳氣久不治。骨節痛。與腳氣藥不效。此痰病也。凡傷寒病後嘔吐。藥不得入。亦因初病膈中有涎痰也。或因下之太早。而遂議其非痰。未爲確論。傷寒發黃。亦是痰病。蓋因熱搏而成。凡大便秘者。亦是痰結。

右前件諸症變生不一。甚不易辨。指下難求。得此妙訣。慎勿輕傳。凡有痰者。眼皮及眼下必有烟灰黑色。舉目便知。不待切脈。眼黑而頰赤者。熱痰也。面大黃色。亦熱痰也。外症必煩滿膈熱。口乾思冷。大便秘結。小便赤熱。久必生風。或眩暈耳鳴眼花。多虛症。治之而用熱藥。服久必脈大實。發大熱。而中風。可急下之。眼黑而行步呻吟。舉動艱難者。入骨痰也。其症遍體骨節疼痛。眼黑而面帶土色。四肢痿痺。屈伸不便者。風濕痰也。眼黑而氣短促者。驚風痰也。左右關脈大者。膈中有痰也。可吐之。怕吐者。稍息下之。凡人每日背上一條如線而寒起者。宜吐下之。

凡病百藥不效。其關上脈伏而大者。痰也。用妙應丸加減法。方見走注痰痛即按

丹脚氣加明松脂一錢。檳榔木瓜各一兩。卷栢半兩。先以鹽水煎

半日。次日白水煮半日。同前藥為丸。每服二十九。加至四五十丸。再服下惡物立效。驚痰加硃砂二錢。又加全蠍。每用八九丸常與之。三五服去盡。酒痰加雄黃全蠍各二錢。每服十丸。走注腰痛。加核桃三箇。燒灰。每服三十丸。加至五十丸。溫酒下。脚氣走注。於前方內加吳茱萸。驚氣成塊者。加川山甲炒鱉甲燒各三錢。玄胡索蓬朮各四錢。每服五十丸。加至七十丸。以利為度。腎痺痛。加木鱉子去殼研一兩。桂半兩。熱痰加盆硝等分。每服三兩丸。寒痰加

妙應丸加減法

胡椒丁香蠟桂各等分。每服二十五丸。

〔洞虛〕痰之爲病。成偏頭風。成雷頭風。成太陽頭痛。眩暈如坐舟車。精神恍惚。或口眼瞶動。或眉稜耳輪俱痒。或頰腮四肢遊風腫硬。似疼非疼。或渾身燥痒。搔之則隱疹隨生。皮毛烘熱。色如錦斑。或齒頰似痒似痛而疼無定所。滿口牙浮。痛痒不一。或暖氣吞酸。鼻聞焦臭。喉間荳腥氣。心煩鼻塞。咽隘不利。咯之不出。咽之不下。或因噴嚏而出。或因舉動而唾。其痰如墨。又如破絮。或如桃膠。或如蜆肉。或心下如停冰鐵。閉滯妨悶。暖嚏連聲。狀如膈氣。或寢夢刑戮刀兵劍戟。或夢入人家。四壁圍繞。暫得一竇。百計得出。則不知何所。或夢在燒人地上。四面烟火。枯骨焦氣撲鼻。無路可出。或不因觸發。忿怒悲啼。雨淚而寤。或時郊行。忽見天邊兩月交輝。或見金光數道。回頭無有。或足膝酸軟。或骨節腰腎疼痛。呼吸難任。或四肢肌骨間痛如擊戳。乍起乍止。並無常所。或不時手臂麻疼。狀如風濕。或臥如芒刺不安。或如毛蟲所螫。或四肢不舉。或手足重滯。或眼如薑韭。膠枯痒澁。開闔甚難。或陰晴交變之時。胸痞氣結。閉而不發。則齒痒咽痛。口糜舌爛。及其奮然而發。則噴嚏連聲。初則涕唾稠粘。次則清水如注。或眼前黑暗。腦後風聲。耳內蟬鳴。眼瞶肉惕。治之者。或曰腠理不密。風府受邪。或曰上盛下虛。或曰虛。或曰寒。或曰發邪。惟洞虛子備此疾苦。乃

能治療病勢之來。則胸腹間如有二氣交紐。噎塞煩鬱。有如烟火上衝。頭面烘熱。眼花耳鳴。痰涎涕淚。並從肺胃間湧起。凜然毛豎。噴嚏千百。然後遍身煩燥。則去衣凍體。稍止片時。或春秋乍涼之時。多加衣衾。亦得暫緩。或頓飲冰水而定。或痛飲一醉而寧。終不能逐去病根。乃得神秘沉香丸方。屢獲大效。愈人數萬。但不欲輕傳匪人。故以隱語括之。詩曰。甌裏翻身甲帶金。於今頭戴草堂深。相逢二八求斤正。硝煨青礬倍若沉。十七兩中沉半兩。水丸梧子意須斟。除驅怪病安心志。水寫雙身却不任。

大黃蒸八兩

黃芩八兩

青礬石一兩硝煨如金色

沉香半兩

右爲末。水丸。如梧子大。白湯食後空心服。一切新舊失心喪志。或癲或狂等症。每服一百丸。氣盛能食狂甚者加二十九。臨時加減消息之。一切中風癱瘓。痰涎壅塞。大便或通或結者。每服八九十九。或加至百丸。永無秘結之患。一切陽症風毒。腳氣遍身。遊走疼痛。每服八九十九。未效加至百丸。一切無病之人。遍身筋骨疼痛。不能名者。或頭疼牙痛。或搖或痒。風蛙等症。風寒鼻塞。身體或疼或不疼。非傷寒症者。服八九十九。痰盛氣實者加之。一切吞酸噯逆。膈氣及胸中疼悶。腹中氣塊衝上。嘔沫吐涎。狀如

翻胃。心下恍惚。如畏人捕。怵惕不安。陰陽關格。變生乖症。食飢傷飽。憂思過慮。心下嘈雜。或痛或噎。或晝夜虛飽。或飢不喜食。急慢喉閉赤眼。每用加減服。一切新舊痰氣喘嗽。或嘔吐頭暈目眩。加減服之。一切顛頤腫硬若瘰癧者。及口糜舌爛咽喉生瘡者。每服六七十丸。加蜜少許。一處嚼碎嚙化。睡時徐徐嚙之。會有口瘡者。服二三十丸。依前法嚙之。二三夜瘡。一切男婦大小虛實心疼連腹。身體羸瘦。發時必嘔綠水黑汁冷涎。乃至氣絕。心下溫煖者。量虛實加減服之。若事屬不虞之際。至於百丸。即便回生。未至顛危者。虛弱疑似之間。只服三十丸。或五十丸。立見生意。然後續續進之。以瘡爲度。兼服生津化痰溫中理氣之藥。一切荏苒疾病。凡男婦患非傷寒內外等症。或酒色過度。或吐血。或月事愆期。心煩志亂。或腹脹脇痛。勞倦痰眩。或暴行日中。因暑伏痰。口眼喎斜。目痛耳憤。鼻塞骨節酸疼。乾嘔惡心。諸般內外疼痛。百藥無效。衆醫不識者。依前法加減服之效。大抵服藥。須臨臥在牀。用熱水一口許。嚙下便臥。令藥在喉膈間。徐徐而下。如日間病出不測。疼痛不可忍。必欲急除者。須是一依前臥法服。大半日不可食湯水。及不可起身行坐言語。直候藥丸除逐上焦痰滯惡物過膈入腹。然後動作。方能中病。每夜須連進二次。次日痰物既下三五次。

者仍服前數。下五七次。或只下二三次。而病勢頓已者。次夜減二十九丸。頭夜所服。並不下惡物者。次夜加十九丸。人壯病實者。多加至百丸。惟候虛實消息之。或服過仰臥。咽喉稠粘壅塞不利者。痰氣泛上。乃藥病相攻之故也。少頃。藥力既勝。自然寧帖。往往病久結實於肺胃之間。或只暴病。全無泛濫者。服藥下咽即仰臥。頓然百骸安靜。五臟清寧。次早先去大便一次。其餘遍數。皆是痰涕惡物。看甚麼糞。用水攪之。盡係痰片粘涎。或稍稍腹痛腰腎拘急者。蓋有一種頑痰惡物。閉氣滑腸。裏急後重者。狀如痢疾。片晌即已。若有痰涎易下者。快利不可勝言。頓然滿口生津。百骸爽快。間有片時倦怠者。蓋因連日病苦不安。一時為藥力所勝。氣體暫和。如醉得醒。如浴方出。如睡方起。此藥並不洞泄刮腸大瀉。但取痰積惡物。自腸胃次第而下。腹中糟粕。並不相傷。其推下腸腹之糞。則藥力所到之處。是故先去其糞。其餘詳悉不能備述。服者當自知之。

黃連導痰湯。二陳湯加黃連枳實是也。

〔垣〕黃芩利膈丸。利胸中熱。治膈上痰。

黃芩 生炒各一兩

南星 錢三

半夏 錢五

黃連 錢三

枳殼 錢三

白朮 錢五

陳皮 錢三

澤瀉 錢五

白礬 錢五

熱痰
難方

〔丹〕中和丸
右為末。水浸蒸餅丸。每服三四十九丸。白湯下。食遠服。

蒼朮

黃芩

半夏

香附

各等分為末。蒸餅糊丸。

〔垣〕小黃丸。化痰止涎。除濕。和胃氣。治胸膈不利。

黃芩一兩

乾薑二錢

白朮半兩

半夏薑製五錢

澤瀉三錢

黃芪半兩

右為末。蒸餅糊丸。白湯下。

〔羅〕祛風丸。有人喜食酸鹹。酒色過節。滲注成痰。飲聚於胸膈。滿則嘔逆。惡心涎流。一臂麻木。升則頭目昏眩。降則腰脚疼痛。深則左癱右瘓。淺則厥然倒地。此藥寬中祛痰。搜風理氣。和血駐顏。延年益壽。

半夏麩

荊芥各四兩

槐角子炒

白礬生

橘紅

硃砂各一兩

右為末。薑汁糊丸。每服五六十丸。生薑皂角子仁湯送下。日三服。

〔玄〕導痰丸

半夏六兩分作三處一分礬水浸一分肥皂角為末水浸一分用巴豆百粒同水煎

右餘藥在下。半夏在上。浸至十日半月。時時動水。令二藥相透。次相合一處。揀去巴豆皂角。慢火煮乾。取半夏切碎晒乾入。

甘遂製二兩

百藥煎二兩

殭蠶一兩

全蠍二兩

右為末。同前半夏末一處合和用。揀出皂角煉膏為丸。如硬再入糊。令得所。每服十五丸。實者二十五丸。

〔本〕膈上有痰。川芎丸。

川芎二兩細剉

大黃二兩蒸令乾

右件焙乾為末。用不蛀皂角五七挺。溫水搽汁。絹濾出渣。瓦罐中熬成膏。和前二味為丸。如桐子大。每服十五丸。小兒三丸。生薑湯下。

〔經〕治風痰。用鬱金一分。藜蘆十分。各為末和勻。每服一字。用溫漿水調下。以餘漿水嗽口。仰服。以食壓之。

〔海〕五飲湯。治五飲最效。

旋覆花

人參

陳皮去日

枳實

白朮

茯苓

厚朴製

半夏製

澤瀉

猪苓

前胡

桂心

白芍

甘草炙

右等分。每兩分四服。薑十片。水二盞。煎去渣。溫服無時。忌肉食生冷等物。因酒成飲。加葛根葛花砂仁。

〔局〕倍朮丸。治五飲。一曰留飲。停水在心下。二曰懸飲。水在兩脇。三

寒痰
雜方

曰痰飲。水在胃中。四曰溢飲。水溢在膈。五曰流飲。水在脇間。漚漚有聲。皆由飲水過多。或飲冷酒所致。

白朮

桂心皮去

乾薑炮各一兩

右爲末。蜜丸。每服二十九丸。溫米飲下。加至三十九丸。食前。

〔本〕治心腹中脘痰水冷氣。心下汪洋嘈雜。腸鳴多唾。口中清水自出。脇肋急脹。痛不欲食。此因胃氣虛冷所致。其脈沉弦細遲。旋覆花湯。

細辛

陳皮

桂心

人參

甘草

桔梗

芍藥

半夏

旋覆花

已上各半兩

赤茯苓

右爲末。每服四錢。薑七片。煎去渣。溫服。

〔羅〕木香半夏丸。治痰涎上壅。心胸不利。常服消痰寬膈。

木香七錢

半夏一兩

陳皮

茯苓

薑屑

人參

草薺

白附子

各五錢

右爲末。麩糊丸。食後生薑湯下。三五十丸。

降痰丸。治三焦氣滯。下痰飲。消食利膈。痞滿。咳唾稠粘。面熱目赤。肢體倦怠。不思飲食。常服升降滯氣。消化痰涎。

木香

檳榔

青皮

陳皮

京三稜

枳殼炒

半夏洗

大黃

黑牽牛各一兩

右為末。麪糊丸。食後薑湯下。

運氣痰飲。皆屬濕土。經云。太陰在泉。濕淫所勝。民病飲積。又云。歲土太過。雨濕流行。甚則飲發中滿。又云。土鬱之發。飲發中滿。又云。太陰之勝。腹背病滿。飲發於中。治以諸熱劑是也。

〔撮〕諸痰為病。頭風喘嗽。一切痰飲。豐隆 中脘

〔心〕婦人年高風痰作楚。脈沉實滑數。痰在下則無力。在中則胸膈閉悶。在上則頭風喘嗽昏暈。發則抽牽。手足皆動。風門沿皮二寸半 巨

關三分 豐隆二分半 肩井五分

〔甲〕盜飲。脇下堅痛。中脘主之。

痞 不能食 飢不能食 惡食 妊身 惡食

痞者。心下痞滿而不能食是也。仲景云。滿而不痛為痞。滿而痛為結。〔垣〕夫痞者。心下滿而不痛是也。太陰者濕也。主壅塞。乃土來心下。為痞滿也。傷寒下太早亦為痞。乃因寒傷其榮。榮者血也。心主血。邪入於本。故為心下痞悶。仲景立瀉心湯數方。皆用黃連以瀉心下之土邪。其效如響。應桴。故活人書云。審知是痞。先用桔梗枳殼湯。非以此專治痞也。蓋因先錯下。必成痞症。是邪氣將陷而欲過胸中。故先

傷痞主
下早

針灸

運氣

雜病
下之
太過

虛實

攻補
兼施

用截散其邪氣。使不致於痞。先之一字。早用之義也。若已成痞而用之。則失之晚矣。不惟不能消痞。而反損胸中之正氣。則當以仲景痞藥治之。經云。察其邪氣所在而調治之。正謂此也。非止傷寒如此。至於酒積雜病。下之太過。亦作痞傷。蓋下多亡陰。亡陰者。謂脾胃水穀之陰亡也。故胸中之氣。因虛下陷於心之分野。故致心下痞。宜升胃氣。以血藥兼之。若全用氣藥導之。則其痞益甚。甚而復下之。氣愈下降。必變為中滿膨脹。皆非其治也。又有虛實之殊。如實痞大便閉者。厚朴枳實湯主之。虛痞大便利者。白芍陳皮湯主之。如飲食所傷痞悶者。當消導之。去其胸中窒塞。上逆兀兀欲吐者。則吐之。所謂在上者因而越之是也。

〔海〕治痞獨益中州脾土。以血藥治之。其法無以加矣。傷寒痞者從血中來。雜病痞者亦從血中來。雖俱為血症。大抵傷寒之症。從外至內。從有形至無形。故無形氣症。以苦泄之。有形血症。以辛甘散之。中滿者勿食甘。不滿者復當食也。中滿者腹脹也。如自覺滿而外無腹脹之形。即非中滿。乃不滿也。不滿者病也。當以甘治之可也。無形氣泄之者枳實黃連之類是也。有形血症以辛甘散之者仲景人參湯是也。

〔垣〕黃芪補中湯

黃芪五分

人參八分

甘草

白朮

蒼朮各五分

陳皮五分

澤瀉

猪苓

茯苓各三分

用水煎至七分。溫服。送下大消痞丸。

〔丹〕治一婦人。因有大不如意事。遂致膈滿不食。因循累月。積成癥痞。不能起坐。至午已間必發熱面赤。酉戌後熱退。面赤亦退。至夜小便雖數。每出數滴而已。六脈沉澁而短小。左右一般。重取皆有。經水雖按月。亦數滴而已。予曰。此志不遂而氣鬱。胃有瘀血而血亦虛。鬱氣成痰在中宮。却不食。兼用補瀉之治法。以白朮二錢。人參茯苓各一錢。紅花一荳大。陳皮一錢。煎取濃湯一呷。食前熱服之。少頃藥行。後與半匙稀粥。又少頃用減輕粉牽牛三花丸。如芝蔴大。以津唾下十五丸。一日一夜煎藥丸藥各服四遍。至次日方食知味。又次日食稍進。第三日則熱退面亦不赤。如此七日。飲食起坐。平復如初。三燂口渴食少。氣痞脈弦。

白朮

青皮

半夏各二錢

乾葛一錢

木通一錢

甘草許

分二帖。薑二片。煎下與點丸三十九丸。保和丸二十九丸。

葶藶丸。治心下痞。胸中不利。

苦葶藶酒浸炒

人參各三錢

甘草根炙

羌活

無形氣症以苦雜之

柴胡

獨活各二錢

黃芩三錢一牛酒

砂仁

茵陳酒炒各一錢

白芷薤一錢

青皮

厚朴

半夏各五分

當歸身七錢

右為末。蒸餅丸。篩內水發如米大。臨臥白湯服一錢。

木香消痞湯。治因憂氣鬱結中脘。腹皮急微痛。心下痞滿。不思飲食。亦不散。常覺痞悶。

柴胡七分

陳皮八分

甘草炙五分

半夏一錢

生薑一錢

歸梢二錢

紅花少許

枳實一錢

木香七分

草薤一錢

作一服。水煎去渣。食前熱服。忌酒麪等物。

大消痞丸。治一切心下痞滿。及積年久不愈者。

黃芩

黃連炒各六錢

薑黃

白朮各一錢

人參二錢

甘草炙六錢

砂仁各一錢

枳實炒五錢

半夏製四錢

乾薑一錢

陳皮二錢

神麩炒一錢

澤瀉三錢

厚朴二錢

猪苓半錢

右為末。水浸蒸餅為丸。每服六七十丸。至百丸。食遠白湯下。

黃連消痞丸。治心下痞滿。壅塞不散。煩熱喘促不寧。

黃連兩一

枳實炒七錢

乾薑二錢

半夏七錢

黃芩一兩

茯苓

白朮

甘草各三錢

薑黃一錢

澤瀉一兩

猪苓

右爲末。湯浸蒸餅爲丸。每服五七十丸。白湯食前下。

失笑丸。治右關脈浮弦。心下濕痞。惡食懶倦。開胃進食。

枳實

黃連各五錢

乾薑二錢

半夏麴三錢

厚朴炙四錢

人參五錢

甘草炙二錢

白朮三錢

麥蘖二錢

右爲末。水浸蒸餅爲丸。每服三十九。白湯送下。不拘時量虛實加減服。

減服。

〔丹〕小娘心頭痞悶。口乾。面微黃。脈洪。

黃連

半夏

白朮

青皮

木通各三錢

分三帖。薑煎。去渣熱服。下保和丸十五丸。

回金丸。瀉肝火。行濕與熱。能開痞結。治肝邪。補脾土。

黃連六兩

吳茱萸一兩

右爲末。水浸蒸餅爲丸。一方用黃連六兩。吳茱萸半兩。一名佐金丸。

〔海〕少陰面赤下痢。心下痞。瀉心湯加減例。易老單用黃連瀉心湯。

有形
血症
辛甘
攻之
脾氣
鬱結

飲食
傷脾

用錢氏法。後隨症加減。煩者加山梔。燥加香豉。嘔加半夏。

滿加枳實厚朴。腹痛加芍藥。脈遲加附子。下焦寒加乾薑。

大便硬加大黃。如用薑附。先煎令熟。使熱不僭。後加黃連同用。

〔羅〕枳實理中丸。治中脘痞滿。滯氣不消。積寒停冷。飲食不化。方見傷寒

〔仲〕人參湯。治胸痺心痞。方見胸痺。半夏瀉心湯。治痞滿。關脈沉。方見傷寒

〔丹〕一女子在家。因事不如意。鬱結在脾。半年不食。每日食棗數枚。

適喜饅頭。亦能少食。惟深惡粥飯。予診其脾氣非枳實不能散。遂以

溫膽湯去竹茹與服。經三月。服二百帖而愈。又一女子。二十餘許

婚。後夫遠出。二年不歸。女子病重不食。因臥如癡。他無所苦。諸醫不

效。予往治之。見女向裏牀而睡。形體羸瘦。予思之。此氣結病也。藥不

能治。得怒可解。予往激其怒。掌其面三。且責以不得有外思。女果大

怒而哭。待其哭一二時許。令其父母解之。進藥二帖。即欲食矣。予謂

其父母曰。雖愈必得喜方可解。若再思則結氣必復至矣。其父因僞

作其夫有書回。約日成婚。一月餘。其夫果歸。病得全愈。

飲食傷脾痞悶。輕者大消痞丸。枳朮丸。回金丸之類。甚者微下之吐

之。下之者檳榔丸。煮黃丸。吐之者二陳湯及瓜蒂散。探吐之是也。

〔經〕治膈下冷氣。及酒食飽滿。常服用青皮四兩。分作四分。一分用

湯浸一宿去穢。餘三分用鹽二兩拌勻。良久。銚內微炒焦為末。每服

寒熱

一錢半。茶末五分。水一盞。煎七分。放溫常服。用沸湯點服尤妙。寒痞。辛甘散之。枳實理中丸之類是也。熱痞。苦寒泄之。大消痞丸之類是也。

運氣

〔丹〕治痞軟石膏。研末。醋糊丸服。能瀉胃火。食積痰火。運氣痞有三。

一曰濕痞。經云。土平氣曰備化。備化之紀其病痞。又云。太陰所至爲畜滿。爲積飲痞膈。又云。太陰司天之政。民病寒濕痞逆。又云。土鬱之發。痞堅腹滿。又云。土不及曰卑監。卑監之紀。其病留滿痞塞是也。二曰寒痞。經云。水鬱之發。民病痞堅腹滿。又云。太陽之復。心痛痞滿是也。

針灸

三曰燥痞。經云。陽明之復。甚則痞滿是也。

〔海〕問井主心下滿。十二經皆有井。當治何井。假令善潔。面青。善怒。是少陽經受病。當治金井。竅陰是也。假令滿閉。淋瀝。便難。轉筋。足厥陰肝經受病。當治木井。大敦是也。假令頭項痛。腰脊強。發熱惡寒。足太陽膀胱受病。當治陽井。至陰是也。假令手足自溫。自利。不渴。足太陰脾受病。當治陰井。隱白是也。

禁忌

〔羅〕藥戒。客有病痞者。積於其中。伏而不得下。自外至者。捍而不得納。從醫而問之曰。非下之不可。歸而飲其藥。既飲而暴下。不終日。

而向之伏者散而無餘。向之捍者柔而不支。焦扁通達。呼吸開利。快然若未始有疾者。不數日瘡復作。投以故藥。其快然也亦如初。自是不踰月而瘡五作五下。每下輒愈。然客之氣一語而三引。體不勞而汗。股不步而慄。肌革無所耗於前。而其中蕭然莫知其所來。嗟夫。心瘡非下不可已。予從而下之。術未爽也。蕭然獨何如。聞楚之南有良醫焉。往而問之。醫笑曰。子無怪是蕭然者也。凡子之來。固爲是蕭然也。坐。吾語汝。天下之理。有甚快於吾心者。其末也。必有傷。求無傷於其中。則無望快於吾心。夫陰伏而陽蓄。氣與血不運而爲瘡。橫乎子之胸者。其累大矣。擊而去之。不須臾而除。甚大之累。和平之物不能爲也。必將搏擊震撓而後可。夫人之和氣冲然而甚微。泊乎其易危。擊搏震撓之功成。而子之和亦已病矣。由是觀之。則子之瘡凡一快者。則子之和亦一傷矣。不踰月而快者五。子之和平之氣不既索乎。故蕭然如不終日也。且將去子之瘡而無害於和也。子歸。燕居三月而後與之。藥可爲也。客歸三月。齋戒而復請之。醫曰。子之氣少復矣。取藥而授之。曰。服之三月而疾少平。又三月而少康。終年而可復常。且飲藥不得亟進。客歸而行其說。然其初使人憊然而遲之。蓋三投藥而三反之也。然日不見其所攻之效。久之則月異。而時不同。終歲而疾平矣。客謁醫再拜而謝之。坐而問其故。醫曰。此醫國之說。豈特

施之於病哉。子獨不見秦之治民乎。捍而不聽令。墮而不勤事。放而不畏法。令之不聽。治之不變。則秦之民常痞矣。商君見其痞也。厲以刑法。威以斬伐。悍厲猛鷲。不毫髮少貸。痛刻而力鉏之。於是乎秦之政如建瓴。流通四達。無敢或拒。而秦之痞常一快矣。自孝公以至二世。凡幾痞而幾快矣。頑者已圯。強者已柔。而秦之民無懼心矣。故猛政一快者。歡心一亡。積快而不已。而秦之四肢枵然。徒具其物而已。民心日離。而君孤立於上。故匹夫大呼。不終日而百姓皆起。秦欲運其手足肩膂。而漠然不我應。故秦之亡也。是好爲快者之過也。昔者先王之民。其初亦嘗痞矣。先王豈不知善然擊去之。以爲速也。惟懼其有傷於中也。故不敢求快於吾心。優柔而撫育之。教以仁義。道以禮樂。陰解其亂。而除去其痞。旁視而憇然有之矣。然月計之歲察之。前歲之俗非今歲之俗也。不擊不搏。無所忤逆。是以日去其戾氣。而不嬰其歡心。於是政成教達。安樂久而後患除矣。是故三代之治。皆更數聖人。歷數百年。而後俗成。則予之藥終年而疾愈。蓋無足怪也。故曰。天下之理有甚快於吾心者。其末也。必有傷。求無傷於其終。則無望快於予心。雖然。豈特治天下爲然哉。客再拜而紀其說。

不能食

心下不痞滿。自不能食也。

虛實
脾虛
難任
飯食

〔經〕治大人小兒不進乳食。和氣去痰。用人參四兩。半夏一兩。薑汁浸一宿。曝乾為末。麪糊丸。食後生薑湯下。

〔垣〕和中丸。開胃進食。

乾薑一錢

木瓜一枚

甘草炙二錢

陳皮一錢

人參一錢

白朮三錢

右為末。蒸餅糊丸。食前白湯下。三五十九。

〔本〕七珍散。開胃進食。補脾養氣。

人參

白朮

黃芪蜜炙

山藥

白茯苓

粟米微炒

甘草等分

右為末。每服二錢。薑棗煎服。如故不思飲食。加扁荳一兩。名八珍散。此方溫平不熱。常服飲食自倍。

〔海〕六神湯。治傷寒虛羸。不思飲食。

人參

白朮

黃芪各一兩

枳殼一方用枳實炒

白茯苓各半兩

甘草二錢

右為末。每服五錢。薑棗同粳米合許煎。食前服。

〔羅〕錢氏異功散。治脾胃虛弱。難任飲食。異功散用人參白茯苓白朮甘草。草福紅木香各等分。薑棗煎服。

羅謙甫云。脾胃弱而飲食難任者。不可一槩用克伐之劑。宜錢氏異功散補之。自然能食。設或嗜食太過。傷脾而痞滿嘔逆。權用枳實丸。

一服。慎勿多服。予嘗治翁氏久瘧。食少汗多。先用補劑。加黃連枳實。月餘。食反不進。汗亦不止。因悟謙甫此言。遂減去枳連。純用補劑。又令粥多於藥。而食進。又於原方內加附子三分半。一服而愈。
〔垣〕寬中進食丸。滋形氣。喜飲食。

草薹仁錢五 砂仁錢五分 半夏錢七 麥芽炒一

枳實炒四錢 神麴炒兩 甘草炙一錢半 乾薑兩錢

陳皮錢三 木香五分 白朮錢半 白茯苓各二錢

豬苓 澤瀉 人參 青皮各一錢

右爲末。湯浸蒸餅爲丸。每服三五十九丸。白湯下。

和中丸。治病久虛弱。厭厭不能食。而臟腑或秘或澹。常服和中理氣。消痰進食。去濕厚腸胃。

厚朴薑製一兩 白朮一兩 半夏製一兩 橘紅八錢

檳榔四錢 枳實鐵炒三錢 木香二錢半 甘草炙三錢半

右爲末。生薑汁浸蒸餅丸。每服五六十九丸。食遠白湯下。

木香枳朮丸。木香乾薑枳朮丸。能開胃進食。二方並見內傷飲食門

交泰丸。升陽氣。瀉陰火。調榮氣。進飲食。助精神。寬腹脹。除怠惰嗜臥。

四肢不收。沉困懶倦。

知母四錢 一半生 一半半炒 春夏用 秋冬減去

柴胡一錢半

厚朴去皮炒三錢 秋冬加七錢

寒熱
虛熱

濕熱
抑鬱

人參錢一

黃連六錢秋冬減一錢半

苦棟酒煮三錢

肉桂去皮一錢

白茯苓錢三

皂角去皮弦煨六錢

紫苑去苗六錢

小椒炒去籽并陳目者一錢半

白朮錢二

川烏頭半錢

乾薑炮三錢

巴苳霜半兩

吳茱萸湯洗半兩

砂仁錢三

右除巴苳霜另研入。餘俱爲細末。蜜丸。每服三四十九丸。溫水下。量虛實加減。

〔河〕人參半夏丸。下痰進食。方見咳嗽門

〔丹〕治一男子。因服熱藥多。又性急。形瘦多倦。食少。此時四月。後與此方。分作十四帖。食後煎熱。下大補丸十五粒。

白朮半兩

炒麴兩一

陳皮七錢

黃芩六錢

人參

知母炒

麥門冬

木通各半兩

生甘草

炙甘草各一錢

又治勞苦不思飲食。

白朮錢三

滑石

白茯苓各一錢

水煎服。下保和丸三十九丸。

治腳氣瘦倦。不思飲食。

白朮兩二

蒼朮

陳皮

黃連

黃栢

半夏各半兩

扁栢七錢半

香附兩一

白芍藥一兩

右爲末。薑汁糊丸。

憂抑傷脾。不思飲食。

黃連炒

芍藥酒炒

香附

青六散末

方見滯下節六一散加紅曲二兩

右薑汁浸炊餅爲丸。

濕痰風滯。不思穀食。三補丸加蒼朮倍香附。

〔本〕治脾氣久虛。不進飲食。停飲脇痛。麩朮丸。

神麩炒

白朮五兩

乾薑

官桂各二兩

吳茱萸

川椒各三兩

右爲末。薄糊丸。每服三五十九。食前薑湯下。有飲加白朮二兩。此

方自試有效。

二神丸。治脾腎虛弱。全不進食。

破故紙炒

肉苳菔生

右爲末。用肥棗四十九箇。生薑四兩。切片同煮。棗爛去薑。取棗剝

去皮核。用肉研爲膏。入藥末和杵。丸如桐子大。每服三四十九。鹽

湯下。有人全不進食。服補脾藥皆不效。予授此方服之。頓能進食。

此病不可全作脾氣治。蓋腎氣怯弱。真元衰削。是以不能消化。飲

食。譬之鼎釜之中。置諸米穀。下無火力。終日米不熟。其何能化。黃

脾腎
虛寒

寒飲

魯直嘗記服兔絲子淘淨酒浸曝乾日挑數匙以酒下之十日外飲噉如湯沃雪亦知此理也

〔摘〕胃弱不思飲食腸鳴腹痛食亦不化 三里 三陰交

〔東〕三焦停冰氣攻不食身黃微熱胃中有寒故也 維道 中封

胃俞 腎俞

〔撮〕三焦邪熱不嗜飲食 關元 一分沿皮向後三分灸

〔東〕全不思食 然谷 出血立飢

脈浮滑而疾者食不消脾不磨 陽脈滑而緊滑則胃氣實緊則脾

氣傷得食不消者此脾不和也 根水丸之類治之

〔仲〕寸口脈微而澹微者衛氣不行澹者榮氣不達榮衛不能相將

三焦無所仰身體痺不仁榮氣不足則頭疼口難言衛氣虛則惡寒

數欠三焦不歸其部上焦不歸者噫而吞酸中焦不歸者不能消穀

引食下焦不歸者則為遺洩 異功散之類治之

飢不能食

〔靈〕黃帝曰人之善飢而不嗜食者何氣使然岐伯曰精氣并於脾

熱氣留於胃胃熱則消穀穀消故善飢胃氣逆上則胃脘寒故不嗜食也 大藏論

運氣飢不欲食皆屬濕邪傷腎經云太陰司天濕淫所勝民病心如

針灸

懸飢不欲食。治以苦熱是也。

鍼灸飢不欲食有一法。

其一清胃。經云。胃者水穀之海。其膈上在氣衝。下至三里。水穀之海不足。則飢不受穀。審守其膈。調其虛實是也。

其二取腎。經云。腎足少陰之脈是動。則病飢不欲食。心如懸。苦飢狀。視盛虛熱寒。陷下取之也。

〔東〕飢不能食。飲食不下。嘔而雷鳴。大迎 中極 食竇 又法

期門 章門

冬脈不及。為病在中。令人心懸如飢。全文見治虛實法

〔仲〕寸口脈弱遲。弱者胃氣微。遲者榮中寒。榮為血。血虛則發熱。胃為氣。氣虛則發厥。

惡食

〔素〕太陰所謂惡聞食臭者。胃無氣。故惡食臭也。

〔丹〕惡食者。胸中有物。導痰補脾。二陳加白蒼查芎湯。

白朮

山查

川芎

蒼朮

半夏

陳皮

茯苓

甘草

〔垣〕失笑丸。治虛痞惡食。方見痞門

妊娠惡食

虛

〔大〕治妊娠惡食。

人參兩

厚朴

生薑

枳殼

甘草兩

水煎服。

凡妊娠惡食者。以所思食任意食之必愈。

消瘴門

渴而多飲為上消

消穀善飢為中消

渴而便

數有膏為下消

胎前渴

產後渴

口燥咽乾

〔垣〕上消者舌上赤裂。大渴引飲。逆調論云。心移熱於肺。傳為膈消

是也。以白虎加人參湯主之。潔古曰上消者上焦受病又謂之膈消多飲水而少食大便如常小便清利知其燥在上焦法治宜流濕以潤其燥

中消者善食而瘦。自汗。大便硬。小便頻數。叔和云。口乾飲水多食亦

飢。虛癯成為消中者是也。以調胃氣承湯及三黃丸主之。潔古云中消者胃也渴而飲食

多小便亦黃熱能消穀知

其熱在中焦也。下之

下消者煩燥引飲。耳輪焦乾。小便如膏。叔和云。焦煩水易虧。此腎消

也。以六味地黃丸主之。潔古云腎消者病在下焦初發為膏淋謂淋下如膏油之狀至病成面色鵝黑形瘦而耳焦小便濁而有脂液治宜養血以分其精

濁而自

愈矣。

右。上消者。經謂之膈消。膈消者渴而多飲是也。中消者經謂之消

中。消中者渴而飲食俱多。或不渴而獨飲是也。下消者經謂之腎

消。腎消者飲一溲二。其溲如膏油。即膈消。消中之傳變。王註謂肺

臟消燥氣無所持是也。蓋肺藏氣。肺無病則氣能管攝津液。而津

液

液

液

液之精微者收養筋骨血脈。餘者為溲。肺病則津液無氣管攝。而精微者亦隨溲下。故飲一溲二。而溲如膏油也。筋骨血脈無津液以養之。故其病成漸形瘦焦乾也。然肺病本於腎虛。腎虛則心寡於畏。妄行凌肺。而移寒與之。然後肺病消。故仲景治渴而小便反多。用腎氣丸補腎救肺。後人因名之腎消及下消也。或曰。經既云肺消死不治。仲景復用腎氣丸治之何也。曰。飲一溲二者死不治。若飲一未至溲二者。病尚淺猶或可治。故仲景腎氣丸治飲水一斗小便亦一斗之症。若小便過於所飲者。亦無及矣。

病式服藥

熬猪肚湯

小承氣湯

益火之源以消陰翳。則便溺有節。

羊肉冬瓜湯

賢氣丸。地黃丸。

消渴手太陰大渴不止

消中足陽明痺成消中而數小便。便胃熱消穀。食飢。

腎消足少陰膏痺飲少溲多

麥冬飲子

內化丸。鳳髓丹。

化水丹 易老順氣散

壯水之主以制陽光。則渴飲不思。

〔垣〕論消渴未傳能食者。必發腦疽背瘡。不能食者。必傳中滿鼓脹。聖濟總錄皆為必死不治之症。潔古分而治之。能食而渴者。白虎加人參湯主之。不能食而渴者。錢氏白朮散倍加葛根主之。上中既平。不復傳下消矣。前人用藥。厥有旨哉。或曰未傳瘡疽者何也。此火邪

消渴末傳癰疽中滿不治

三消分水圖

勝也。其瘡痛甚。面不續。或赤水者是也。經曰。有形而不痛者。陽之類也。急攻其陽。無攻其陰。治在下焦。元氣得強者生。失強者死。未傳中滿者何也。以寒治熱。雖方士不能廢繩墨。而更其道也。然臟腑有遠近。心肺位近。宜制小其服。腎肝位遠。宜制大其服。皆適其所至所爲。故知過與不及。皆誅罰無過之地也。如膈消中消。制之太急。速過病所。久而成中滿之疾。正謂上熱未除。中寒復生者。非藥之罪。失其緩急之宜也。處方之際。宜加審焉。

〔本〕總錄論消渴有三種。一者渴而飲水多。小便數。有脂似麩片而甜者。消渴病也。二者吃食多不甚渴。小便少。有似油而數者。消中病也。三者雖渴飲水不能多。腿脚瘦小痿弱。小便數。此腎消病也。特忌房勞。千金云。消渴病宜慎者有三。一飲酒。二房勞。三鹹食及麪。能慎此三者。雖不服藥亦自可愈。消渴之人。愈與未愈。嘗須慮患大癰。必於骨節間忽發癰疽而卒。

〔素〕帝曰。夫子數言熱中消中。不可服膏粱芳草石藥。石藥發癩。芳草發狂。夫熱中消中。皆富貴人也。今禁膏粱。是不合其心。禁芳草石藥。是病不愈。願聞其說。岐伯曰。芳草之氣美。石藥之氣悍。二者其氣急疾堅勁。故非緩心和人。不可以服此二者。帝曰。不可以服此二者。何以然。岐伯曰。熱氣慄悍。藥氣亦然。二者相遇。恐內傷脾。脾者土也。

而惡木。服此藥者。至甲乙日更論。腹中論王註云多飲數復謂之熱中多食數
復謂之消中芳草即白芷石藥即鍾乳之類
〔垣〕滑石治渴。本為竅不利而用之。以燥能亡津液也。天令濕氣太
過者當用之。若無濕用之。是犯禁也。

診

〔靈〕黃帝曰。人之善病消瘴者。何以候之。少俞答曰。五臟皆柔弱者。
善病消瘴。黃帝曰。何以知五臟之柔弱也。少俞曰。夫柔弱者必有剛
強。剛強多怒。柔者易傷也。黃帝曰。何以候柔弱之與剛強。曰。此人薄
皮膚。而目堅固以探者。長衝直揚。其心剛。剛則多怒。怒則氣上逆。胸
中蓄積。氣血逆留。臆皮充肌。血脈不行。轉而為熱。熱則消肌膚。故為
消瘴。此言其人暴剛而肌肉弱者也。五變 鬻虧弱小以薄者心脆。心
脆則善病消瘴熱中。肩背薄者肺脆。肺脆則善病消瘴易傷。脇
骨弱者肝脆。肝脆則善病消瘴易傷。唇大而不堅者脾脆。脾脆則
善病消瘴易傷。耳薄不堅者腎脆。腎脆則善病消瘴易傷。全文見心
診法
脈微小為消瘴。滑甚為善渴。肺脈微小為消瘴。肝脈微小為消
瘴。小甚為多飲。脾脈微小為消瘴。腎脈微小為消瘴。諸脈小
者。陰陽俱不足也。勿取以針而調以甘藥。全文見治
虛實法 凡治消瘴。肥貴人
則膏梁之疾。

〔素〕心脈栗而散者。當消渴自已。脈要精
微論 帝曰。消瘴何如。岐伯曰。脈實
大病久可治。脈懸小堅。病久不可治。虛實
論

大法

能食
熱為實

不能
食為
虛熱

〔難〕病若開目而渴。心下牢者。脈當得緊實而數。反得沉澹而微者死也。十七

〔脈〕消渴脈數大者生。細小浮短者死。

渴而多飲為上消

〔丹〕治消渴養氣、降火。生血為主。瓜蒌根治消渴之神藥。

心移熱於肺。傳為膈消。全文見診病傳變王註云心膈兩間中有斜膈膜膈膜下際內連於橫膈膜故心熱入肺久久傳化內為膈熱消渴而多飲也

〔垣〕潔古云。能食而渴者。白虎倍加人參湯主之。不能食而渴者。錢氏白朮散加葛根大作湯劑廣服之。

〔保〕人參石膏湯。治膈消。上焦煩渴。不欲多食。

人參五錢

石膏兩一

知母七錢

甘草四錢

每服五錢。水煎。食後溫服。

〔錢〕加減地骨皮散。治上消。

知母

柴胡

甘草炙

半夏

地骨皮

赤茯苓

白芍藥

黃芪

石膏

黃芩

桔梗

右為細末。每服三錢。薑五片。水煎。食遠溫服。

〔垣〕白朮散。治虛熱而渴。

人參

白朮

白茯苓

甘草各一兩

乾葛兩二

藿香一兩
去土

木香一兩

右為末。每服三錢。煎溫服。如飲水多。多與服之。海藏云四君子加減法
治濕勝氣脫泄利太過

〔海〕治脾胃虛弱。大渴不止而食少。小便不利。大便不調。精神短少。腹窄狹如繩束之。

白茯苓皮去

橘紅各一兩

生薑半兩

右為末。煉蜜丸如彈子大。每服二九。白湯化空心服。忌生冷硬物。

怒發。思慮過度。如脈弦或腹中急甚者。加甘草三錢。

易老門冬飲子。治老弱虛人大渴。

人參

枸杞子

白茯苓

甘草各三分

五味子兩半

麥門冬去心
半兩

薑水煎服。

〔羅〕門冬飲子。治膈消。胸滿心煩。精神短少。多為消病。

知母

甘草炙

瓜蒌仁

五味子

人參

葛根

茯神

生地

麥門冬各一兩

右為齏末。每服五錢。加竹葉十四片同煎。

〔垣〕小便不利而渴。知內有濕也。小便自利而渴。知內有燥也。濕宜泄之。燥宜潤之。

〔仲〕脈浮。小便不利。微熱消渴者。宜利小便發汗。五苓散主之。方見傷寒

濕分
燥屬
熱

渴分
瀉結

渴分
無汗

脈浮發熱渴欲飲水小便不利者猪苓湯主之。方見傷寒

〔本〕火府丹治消渴。方見淋 壬戌年一卒病渴日飲水三斗不食者三

月心中煩悶時已十月予謂心中有伏熱與此藥數服每服五十九

溫水下越二日來謝云當日三服渴止又次日三服飲食如故此方

本治淋用以治渴效信乎藥要變通用之

〔藏器〕石燕主消渴同水牛鼻和煮飲之

渴而小便自利諸方並見下消燥熱條

〔垣〕神效生津甘露飲子。方見下消燥熱條

〔丹〕消渴泄瀉先用白芍白朮各炒為末調服後隨症用藥

〔垣〕止渴潤燥湯治消渴大便乾燥喜溫飲陰頭短縮舌上白燥唇

裂口乾眼眩難開及於黑處如見浮雲

升麻一錢 柴胡七分 甘草梢五分 杏仁箇六

桃仁研一錢 麻仁研一錢 歸身一錢 紅花少許

防風根一錢 荆芥穗一錢 熟地二錢 小椒一分

細辛一分 黃柏一錢 知母 石膏各一錢

水煎去渣食後熱服

雜症有汗而渴者以辛潤之無汗而渴者以苦堅之

渴不宜服白虎湯若得汗後脈洪大而渴者宜服之

太陽無汗而

陽明汗多而

渴。不宜服五苓散。若小便不利。汗少脈浮而渴者。宜服之。

〔丹〕消渴病退後而燥渴不解。此有餘熱在肺經。可用參苓甘草少許。生薑汁冷服。虛者可用人參湯。

〔潔〕化水丹。治手足少陰渴飲不止。或心痛者。本事治飲冷水多

川烏膽大者四箇炮去皮 甘草炙一兩 牡蠣生三兩 蛤粉用厚者炮六兩

右爲細末。醋浸蒸餅爲丸。每服十五丸。新水下。心痛者醋湯下立愈。飲水一石者一服愈。海藏云。此藥能化停水。

〔垣〕太陽經渴。其脈浮無汗者。五苓散滑石之類主之。陽明經渴。其脈長有汗者。白虎湯涼膈散之類主之。少陽經渴。其脈弦而嘔者。小柴胡湯加瓜蒌之類主之。太陰經渴。其脈細不欲飲。縱飲思湯不思水者。四君子理中湯之類主之。少陰經渴。其脈沉細自利者。猪苓湯三黃丸之類主之。厥陰經渴。其脈微引飲者。宜少少與之。

〔聖〕治時氣煩渴。用生藕汁一盞。入生蜜一合。令勻。分爲三服。蜜酒方

好蜜三斤 水一碗 細麴一升 好乾酵二兩

右先熬蜜水去沫。冷下麴酵。每日攪三次熱服。

〔仲〕渴欲飲水不止者。文蛤散主之。

獻要

甘緩

六經

寒 燥熱 餘熱 後

文蛤 五兩按本草云文蛤味鹹寒治消渴陳無擇以文蛤為五味子

右一件捍為散以沸湯和服方寸匕。

〔經〕治一切渴。用大牡蠣不拘多少。於臘月或端午日黃泥裏煨通赤。放冷取出。為末。用鯽魚煎湯下一錢匕。小兒五分。只兩服瘥。

〔本〕治渴疾飲水不止。神效散。

白浮石

蛤粉

蟬殼等分

右為末。用鯽魚膽七個。調三錢。不拘時服。

又消渴方

白浮石

舶上青苔等分麝香少許

右為末。每服二錢。溫湯下。

黃連丸。即瓜蒌根丸是也。

〔保〕上焦燥而渴。蜜煎生薑湯。用大器傾注。時時呷之。法曰。心肺之病。莫厭煩而少飲。內經曰。補上治上宜以緩。又曰。辛以潤之。開腠理。致津液通。則肺氣下流。故火氣降而燥衰矣。其渴即止。有人消渴引飲無度。或令食葦苗。日用三五兩。不得入鹽。但吃得十斤即效。

〔海〕千里漿。一名水葫蘆。

木瓜

紫蘇葉

桂各一兩

烏梅肉一兩

赤茯苓一兩

一方有神麴荳粉。

右為末。煉蜜丸。如彈子大。噉化。一丸嚥下。齒屬腎水故也

又方
百藥煎 烏梅肉 紫蘇葉 人參
甘草 麥門冬

右等分為細末。煉蜜丸如彈子大。噉化。
芷梅湯

烏梅肉 甘草各三分 百藥煎一分 白芷半兩 白檀三錢
右為細末。湯點服。

運氣

運氣渴有二。

一曰熱助心盛而渴。經云。少陽司天之政。三之氣。炎暑至。民病渴。又云。少陰之復。渴而欲飲。又云。少陽之復。嗌絡焦槁。渴引水漿。治以諸寒劑是也。

二曰寒攻心虛而渴。經云。太陽司天。寒氣下臨。心火上從。嗌乾善渴。又云。太陽司天。寒淫所勝。民病嗌乾。渴而欲飲。又云。寒水太過。上臨太陽。民病渴而妄冒。治以諸熱是也。

〔丹〕治消渴用燥絲湯飲之。能引腎氣上行朝於口。
〔仲〕吐酸欲得水而貪飲者。文蛤飲主之。兼治微風脈緊頭痛。

文蛤五兩 麻黃 甘草 生薑各三兩

石膏五兩

杏仁五十粒

大棗十二枚

右咬咀。以水七升。煮取二升。溫服一升。汗愈。

〔垣〕甘草石膏湯。治渴病全愈。再劇。舌白滑。微腫。咽喉噤。唾覺痛。噎腫。時渴飲冷。白沫如膠。飲冷乃止。

升麻一錢五分

柴胡七分

甘草根五分

黃栢一錢

石膏六分

杏仁六箇

桃仁

防風根

荆芥穗

生地各一錢

熟地三分

黃連三分

知母一錢

細辛一分

紅花少許

小椒三箇

歸身一錢

右水煎去渣。食後熱服。

針灸口渴咽乾有四法。

其一取心。經云。心手少陰之脈是動。則病噎乾心痛。渴而欲飲。隨盛虛寒熱。陷下取之也。

其二取肺大腸。經云。大腸手陽明之脈。所生病者。目黃口乾。隨盛虛寒熱。陷下以施補瀉疾留之法也。又云。肺虛則少氣。耳聾噎乾。取其

經太陰太陽之外。厥陰內血者是也。其三取腎。經云。腎足少陰之脈。所生病者。口熱舌乾。咽腫噎乾。隨盛

虛寒熱。陷下取之。又云。噎乾口中熱如膠。取足少陰是也。其四取肝。經云。肝足厥陰之脈是動。病甚則噎乾。面塵脫色。隨盛虛

寒熱陷下取之。

〔密〕消渴經百日已上者不可刺。
灸刺灸則瘡口病水不止。

玉液一分瀉見血 二里瀉訖如前補玉液
訖取下穴 關元瀉訖再取廉泉

〔集〕又法。金津 玉液 承漿不已再取 海泉 人中 廉泉 腎俞

氣海

〔東〕小腸俞 陽池各灸 廉泉出惡血方已 又法 胃脘 心脘 賈中

各灸 又法 承漿 然谷 勞宮 曲池 意舍 關元各灸

〔世〕口熱咽乾。唾如粘膠。口苦噎中介介然。大溪五分 陽陵泉二寸

〔甲〕渴飲。身體燥。多噫。隱白主之。消渴嗜飲。承漿主之。消渴。腕

骨主之。噎乾腹痠痛。坐臥目䟽䟽。善怒多言。伏溜主之。

消穀善飢為中消。

瘴成為中消。全文見診經云五臟皆柔弱而脆者為消瘴王註云瘴為消熱病也 已食而飢者胃疸。平人氣象論一云注夏即瘴勞

病也。穀入多而氣少。得之有所脫血。濕居下也。全文見診生死

〔靈〕胃中熱則消穀。令人心懸善飢。眇已上皮膚熱。師傳篇下同 胃中熱。腸中

寒。則疾飢。小腹痛脹。中熱則胃中消穀。五癰律按篇

〔素〕三陽結謂之消。陰陽別論王註云胃及大腸俱熱結也熱則善消水穀

〔垣〕消渴中消。自古只治燥止渴誤矣。殊不知三陽結謂之消。三陽

者陽明也。手陽明大腸主津液。所生病熱則目黃口乾。是津液不足

虛熱

則消

大腸
熱則
消水

食甘
致美所

虛者
瀾之

也足陽明主血所生病熱則消穀善飢血中伏火是血不足也結者津液不足結而不潤皆燥熱為病也此因數食甘美而多肥故其氣上溢轉為消渴治之以蘭除陳氣也不可服膏粱芳草石藥其氣悍烈能助熱燥也越人云邪在六腑則陽脈不和陽脈不和則氣留之氣留之則陽脈盛矣陽脈太盛則陰氣不得榮也故肌肉皮膚消削是也

〔素〕帝曰有病口甘者病名為何何以得之岐伯曰此五氣之溢也名曰脾瘴夫五味入口藏於胃脾為之行其精氣津液在脾故令人口甘也此肥美之所發也此人必數食甘美而多肥也肥者令人多熱甘者令人中滿故其氣上溢轉為消渴治之以蘭除陳氣也奇病論
〔潔〕胃熱則善消水穀可飲甘辛降火之劑用黃連末生地白藕各自然汁牛乳各一升熬成膏和黃連末一斤丸如桐子大每服三五十丸少呷白湯下日進十服

〔河〕猪肚丸治消渴

猪肚一箇

黃連一兩

瓜蒌根四兩

麥門冬去心四兩

知母一兩

為細末納猪肚中線縫置甌中蒸極爛乘熱於石臼中杵可丸為度如硬加少蜜為丸每服三十丸漸加至四五十丸渴則服之因三

實者
下之

方多梁米杜仲本草云
豬肚能補中益氣止渴

〔垣〕調胃承氣湯治消中渴而飲食多。方見傷寒此初起時宜服之。

三黃丸。方見治發熱條。

〔潔〕順利散治中熱在胃而能食。小便赤黃微利。至不欲食為效。不可多利。

厚朴

枳實各一兩

大黃腹四兩

每服五錢。水煎食遠服。

大腸移熱於胃。善食而瘦。又謂之食休。

全文見診病傳變食休者謂食移易而過不生肌膚亦易飢也東垣云善食而瘦者

胃伏火邪於氣分則能食脾虛則肌肉削也。

胃移熱於膽。亦名食休。同上。

〔河〕參苓丸治食休。胃中結熱。消穀善食。不生肌肉。

人參

赤茯苓

菖蒲

遠志

地骨皮

牛膝酒浸各一兩

右為末。煉蜜丸。每服二十九丸。米飲下。

運氣

運氣消中。皆屬熱。經云。少陰之勝。心下熱。善飢。又云。少陽之勝。熱客於胃。善飢。治以寒劑是也。

針灸

針灸消中。皆取於胃。經云。邪在脾胃。陽氣有餘。陰氣不足。則熱中善飢。取三里灸之。又云。胃足陽明之脈。氣盛則身已前皆熱。於胃則消

穀善飢。熱則消之。感則瀉之。

〔甲〕陰氣不足。熱中消穀。善飢。腹熱。身煩。狂言。三里主之。腹中氣

脹引脊痛。飲食多而身羸瘦。名曰食飢。每作先取脾俞。後取季脇。渴而便數有膏為下消。

〔羅〕張安撫芸夫。年四十五歲。病消渴。舌上赤裂。飲水無度。小便數多。先師以此藥治之。良愈。消渴多傳瘡瘍。為不救之疾。既效亦不成瘡瘍。享年七十五而終。名之曰生津甘露飲子。治消渴上下齒麻。舌硬赤爛腫痛。食不下。腹時脹滿疼痛。渾身色黃。目白睛黃。甚則四肢萎弱無力。面塵脫色。脇下急痛。善噎。善怒健忘。臀肉腰背疼寒。兩丸冷甚。一方石膏用一兩二錢。

石膏二錢

人參

甘草生

山梔

白芫薺

白芷

連翹

甘草炙

萹澄茄

黃連

薑黃

藿香各一錢

白葵五分

麥門冬二

杏仁各一錢

歸身

蘭香各五分

黃栢酒炒錢半

升麻根二錢

木香一錢

桔梗三分

柴胡根五分

知母酒二錢

全蠍二個去毒

右為末。水浸。蒸餅和勻成劑。捏作餅子。晒乾杵碎。如黃米大。每服二錢。挑於掌內。以舌舐之。津液送下。或白湯食後服之。神效。凡消渴為病。燥熱之氣勝也。內經云。熱淫所勝。佐以甘苦。以甘瀉之。熱則傷氣。氣傷則無潤。折熱補氣。非甘寒之劑不能。故以石膏之甘。

寒為君。啓玄子曰。滋水之源以鎮陽光。故以栢連。梔子。知母之。苦寒。瀉熱。補水為臣。以當歸。杏仁。麥門冬。全蠍。連翹。白葵。蘭香。甘草。甘寒。和血。潤燥為佐。升麻。柴胡。苦平。行陽。明少陽。二經。葶藶。茄白。荳蔻。木香。薑。香。反佐以取之。又用桔梗為舟楫。使浮而不下也。
〔垣〕和血養氣湯。治口渴舌乾。小便數。舌上赤裂。此藥生津除燥。生肌肉。一名地黃飲子。

黃連 酒七分

桃仁 個六

生地 七分

紅花 許少

黃栢 酒一分

當歸 酒四分

甘草 炙三分

升麻 錢一

知母 酒五分

防己 酒三分

羌活 五分

麻黃根 二分

口乾舌渴加杏仁 個六

甘草 生三分

小便數加石膏 六分

右咬咀。作一服。水煎去渣。稍熱服。忌酒麪房事。

清涼飲子。治消中能食而瘦。口舌乾。自汗。大便結。小便數。

羌活 梢 錢一

柴胡 梢 錢一

升麻 梢 四分

防風 梢 五分

當歸 分六

甘草 梢 錢一

石膏 半 錢

知母 酒製 錢一

紅花 許少

防己 分五

龍膽草 半 錢

黃栢 半 錢

桃仁 個五

杏仁 個五

生地 酒五分

黃芪根 錢一

黃芩 酒一分

甘草 炙一分

右水二盞。酒一小盞。煎服。

甘露膏。治消渴飲水極多。善食而瘦。自汗。大便結燥。小便頻數。又名
蘭香飲子。

石膏錢二

知母半錢

甘草生一錢
炙五分

人參五分

防風根錢一

半夏製五分

蘭香五分

白芷錢

連翹

桔梗

升麻各五分

右爲末。水浸蒸餅丸。或捏劑作薄餅子。晒乾。碎如米大。每用淡薑湯下二錢。

〔丹〕徐兄年四十歲。口乾。小便數。春未得之。夏來求治。診其兩手。左澹。右略數而不弦。重取似大而稍有方。左稍沉。略弱而不弦。然澹却多於右。喜兩尺皆不甚起。此由飲食味厚生熱。謂之痰熱。禁其厚味。宜降火以清金。抑肝以補脾。用三消丸十粒。左金阿魏丸各五粒。以薑湯吞下。一日六次。又以四物湯加參朮陳皮生甘草五味子麥門冬煎服。一日三次。與丸藥間服。一二日自覺清快。小便減三之二。口亦不乾。止渴未除。頭暈眼花。久坐則腰疼。遂以摩腰膏治腰疼。仍以四物湯用參芪減川芎加牛膝五味子炒栢麥門冬煎飲。調六一散服。及覺便多。遂去六一散。仍服丸藥而安。黃連末治消渴要藥。加天花粉末人乳生地黃汁生藕汁二物爲膏。入山藥末搜和。以薑汁和煉蜜爲膏。徐徐挑於舌上。以白湯少許送下。亦得。能食加軟石膏。

治消渴。以天花粉為末。用人乳汁生薑汁煎膏。丸如棗荳大。每服百丸。食後服。

〔肘〕治消渴小便多者。煮瓜萹根汁飲之良。

〔世〕治消渴無方可治者。用天花粉大烏頭炒等分為細末。蒸餅丸。每服百丸。黑荳湯下。

已上四方。瓜萹根為君。本草云。瓜萹根。主消渴。止小便。通月水。乳汁。夫既能止小便。又能通月水。知其流濕潤燥。治消渴之要藥也。〔本〕千金地黃丸。治腎渴。

黃連四兩為末

生地半斤研取汁連渣埽黃連末和勻曬乾用

右再為細末。煉蜜為丸。食後麥門冬湯下五六十丸。

〔羅〕黃連丸。治消渴飲水無度。小便頻數。

黃連

淨半斤用無灰好酒浸一宿重傷蒸一伏時取出曬乾用

右為細末。滴水丸。白湯下五七十丸。

又方。治卒消渴。小便多。搗黃連細末。蜜丸。服三四十丸。麥門冬湯治消渴。日夜飲水無度。飲下即復。

麥門冬去心

黃連

冬瓜各二兩

右為齏末。每服五錢。水煎入分。去渣溫服。若冬瓜無乾者。用新冬瓜肉三斤。去穰。分作十二片。為十二服。每服用瓜一片。劈破水煎。

日三服。

冬瓜飲子。治消渴能食而飲水多。小便如脂。數片。日夜無度。

冬瓜一枚

黃連十兩為細末

右先以冬瓜破開去穢。摻黃連末在內。却用頂蓋定。於熱灰中煨熟去皮。切細。爛研絞汁。每服一盞至二盞。日三夜一服。

〔本〕三消丸用上好黃連治淨為細末。不拘多少。切冬瓜肉研取自然汁。和成餅。陰乾。再為細末。用汁浸和。加至七次。即用冬瓜末為丸。每服三四十丸。以冬瓜汁煎大麥仁湯送下。尋常渴止一服效。

已上五方。黃連冬瓜為君。丹溪云。冬瓜性走而急。久病與陰虛者忌之。又有黃連為佐。用者審之。

〔食〕治消渴飲水不止。小便數。用田螺五升。水一斗。浸一宿。渴即飲之。每日一度。易水換螺為妙。又方。以水煮取汁飲之。螺亦任吃。

〔子和〕治飲水百杯。尚猶未足。小便如砂。或如杏色。服此方三五日。小便大出。毒注下。十日除根。此方子和自云。此重劑。試有驗。

水銀四錢

錫二錢同水銀炒成砂子

牡蠣

密陀僧

知母

紫苑

苦參

貝母各一兩

黃丹半兩

瓜萋根半斤

右為細末。男子用不生兒猪肚。婦人用獾猪肚一個。納藥於內。以

麻線縫之。用新瓦二片。繩繫一二遭。別用米一升。瓜蒌根末半升。於新水內煮熟。取出放冷。不用米及瓜蒌。只研猪肚。併肚中藥末。爛和為丸。如硬加蜜。食前米湯下三四十丸。三因方無貝母

黃丹

胡粉各半兩

瓜蒌根二兩半

甘草一兩

澤瀉

石膏

赤石脂

白石脂各半兩

右以咀。水煎服。日二服。如腹痛減之。為丸服尤妙。每服十丸。多則腹痛。

葛根丸。治消渴消腎。日飲碩水者。

葛根三兩

瓜蒌根二兩

黃丹二兩

附子炮去皮臍一兩

右為末。煉蜜丸。每服十丸。日進三服。春夏去附子。

〔垣〕六味地黃丸。治腎消效。方見治虛實法

〔經〕治消渴不止。下元虛者。用牛膝五兩。細剉為末。生地黃汁五升。

晝曝夜浸。以汁盡為度。蜜丸。空心溫酒下三十九丸。久服壯筋骨。駐顏

色。黑鬚髮。生津液。

〔仲〕治男子消渴。小便反多。如飲水一斗。小便亦一斗。腎氣丸主之。

方見治虛實法

〔子和〕治腎消。以腎氣丸本方內加山藥一味外。桂附從四時加減。

反佐

腎虛

冬一兩春秋三錢夏一錢。又法腎氣丸去附子加五味子一兩半。

〔本〕唐祠部李郎中治消渴者腎虛所致每發則小便甜醫者多不知其故亦缺而不言洪範曰稼穡作甘以物理推之淋錫醋酒作脯法須臾卽甜足明人之食後滋味皆甜流在膀胱若腰腎氣盛則上蒸炎氣化成精氣下入骨髓其次爲脂膏又其次爲血肉其餘則爲小便故小便色黃血之餘氣也五臟之氣鹹潤者則下味也若腰腎既虛冷則不能蒸化穀氣盡下爲小便故味甘不變其色清冷則肌膚枯槁也猶如乳母穀氣上洩皆爲乳汁消渴病者下泄爲小便皆精氣不實於內則小便數澀滯也又肺爲五臟華蓋若下有煖氣蒸則肺潤若下冷極則陽不能升故肺乾而渴易於否卦言之矣乾上坤下陽無陰不降陰無陽不升上下不交故成否也譬如釜中有水以火煖之又以板覆之則煖氣上騰故板能潤若無火力則水氣不能上升此板終不得潤火力者腰腎強盛也常須煖補腎氣飲食得火力則潤上而易消亦免乾渴之患故仲景云宜服腎氣丸此疾與腳氣雖同皆爲腎虛所致其腳氣始發於二三月盛於五六月衰於七八月凡消渴始發於七八月盛於十一二月衰於二三月其故何也夫腳氣壅疾也消渴宣疾也春夏陽氣上故壅疾發則宣疾愈秋冬陽氣下故宣疾發則壅疾愈審此二者疾可理也猶如善爲

政者寬以濟。猛猛以濟。寬隨時變通。耳。

〔和〕治諸虛不足。胸中煩悸。時常消渴。唇口乾燥。或先渴而欲發瘡。或病癰疽而後渴者。宜用黃芪湯多服之。方見癰疽門凡消渴而小便反多有脂者皆腎氣不固攝津液也宜多服黃芪

黃芪乃補氣之要藥

〔保〕行氣丸。治消渴。

五靈脂 衍義云五靈脂入肝最遠能行經血不能生血 烏頭 去皮

右等分爲末。每服三錢。冬瓜湯下。無瓜時苗葉亦可。日三服。渴止勿服。再服入味丸去附子。加五味子。

〔外〕治消腎。小便數。鹿角一具炙焦。搗篩爲末。酒服方寸匕。漸漸加之。

〔保〕苗香散。治消病。下焦渴症。小便如膏。

苗香 炒 苦棟 炒 各等分。炒爲末。食後酒調下一錢。

〔食〕治消渴。舌焦口乾。小便數。野雉一隻。以五味煮令極熟。去肉取汁。渴飲之。肉亦可食。

肝痺者。夜臥則驚。多飲小便數。全文見輝

心移寒於肺。消者。飲一溲二不洽。全文見診病傳變王註云腎臟消燥氣無所攝故飲一溲二也

〔仲〕寸口脈浮而遲。浮即爲虛。遲即爲勞。虛則衛氣不足。勞則榮氣竭。跌陽脈浮而數。浮則爲寒。數則消穀而大堅。氣盛則溲數。溲數則

雜方 臟腑 診

堅。堅數相搏。即為消渴。跌陽脈數。胃中有熱。即消穀引飲。大便必堅。小便即數。

胎前渴

〔雲〕葛根散。治婦人妊娠。胃膈煩躁。唇口乾裂。四肢壯熱。食少。

葛根

黃芩

人參

棗仁

黃芪

甘草

麥門冬

右各等分。每服四錢。加竹茹彈子大。水煎服。

人參黃芪散。治妊娠身熱煩躁。口乾少食。四肢壯熱。

人參

黃芪

葛根

秦朮

麥門冬各一兩

知母七錢半

甘草五錢

赤茯苓一兩

右咬咀。每服四錢。薑三片。淡竹葉十四片。同水煎。

治妊娠壅熱。心神煩躁。口乾渴逆。

升麻

黃芩

人參

麥門冬

山梔

柴胡

茯苓

瓜蒌根

犀角鑄各一兩

知母

甘草各五錢

右咬咀。每服四錢。水煎服。

知母散。治妊娠煩悶。口乾。胞胎臟熱。

知母

麥門冬

甘草各半兩

黃芪

黃芩

赤茯苓各七錢半

右咬咀加竹茹同煎。

產後渴

〔雲〕竹葉湯治產後虛弱口渴。

竹葉三升

甘草

人參

茯苓各一兩

生薑

半夏各三兩

麥門冬五兩

大棗十五個

右咬咀以水九升先用生薑竹葉大棗煎取七升去渣入藥煎取

二升每服五合日三夜一。

玄胡索散治產後失血渴不止。

鬱金

乾葛

桂心

青皮

枳殼

玄胡索

右等分以好醋浸一宿焙乾為末每服二錢陳皮湯調下日三夜

一。

〔本〕治產後出血太多虛煩發渴用真正蒲黃末二錢白湯調下如渴燥甚并花水下。

〔大〕治產後中風煩渴用紅花子五合微炒研碎以水煎濃徐徐呷

之。

〔陳士良〕療血渴及產後渴疾用蓮子心生取為細末米飲調下二

錢效。

〔保〕桃花散。治產後不煩而渴。

新石灰兩一 黃丹錢五

右爲細末。渴時用井水調下一錢。

口燥咽乾

〔垣〕飲食不節。勞倦所傷。以致脾胃虛弱。乃血所生病。主口中津液不行。故口乾咽乾。病人自以爲渴。醫以五苓散治之。反加渴燥。乃重竭津液。以致危亡。經云。虛則補其母。當於心與小腸中補之。乃脾胃之根蒂也。以甘溫之藥爲之主。以苦寒爲之使。以酸爲之臣。佐以辛。心苦緩。急食酸以收之。心火旺。則肺金受邪。金虛則以酸補之。次以甘溫及甘寒之劑。於脾胃中瀉心火之亢盛。是治其本也。

黃芪 熟地 白芍藥 五味子

麥門冬各三兩 甘草 人參 天門冬各五錢

白茯苓兩一

右以咀。每服三錢。薑棗烏梅同煎。去渣。食後服。

五味子湯。桑枝煎。治口乾。方見燥熱咽乾。忌南星半夏。

運氣口燥舌乾。皆爲熱燥二氣。然分言之有四。

一曰熱。經云。歲火太過。民病噎燥。又云。少陰司天。熱淫所勝。病胸中煩熱。噎乾。治以寒劑是也。

二曰燥。經云。金鬱之發。噎乾面塵。又云。陽明在泉。燥淫所勝。甚則噎乾。面塵。治以溫劑是也。

三曰上熱下燥。經云。少陰司天之政。水火寒熱之氣。持於氣交。民病噎乾。四之氣。民病寒熱。噎乾是也。

四曰上燥下熱。經曰。陽明司天之政。四之氣。民病噎乾。引飲。皆治以寒溫。多少其制是也。

〔素〕督脈王。病噎乾。骨空論

黃疸 產後黃 食勞疳黃 黃汗 目黃 黑疸

〔丹〕五疸不要分。同是濕熱。如蠶麩相似。輕者小溫中丸。重者大溫中丸。熱多者加芩連。濕多者茵陳五苓散加食積藥。濕

熱因倒胃氣。服下藥大便下利者。參芪加茵陳山梔甘草。

〔仲〕諸病黃家。但利其小便。假令脈浮。當以汗解之。宜桂枝加黃芪湯。穀疸之為病。寒熱不食。食即頭眩。心胸不安。久久發黃。為穀疸。茵陳蒿湯主之。黃疸病。茵陳五苓散主之。一方並見傷寒

〔羅〕茯苓除濕湯。治黃疸氣熱。嘔吐而渴。欲飲冷。身體面目俱黃。小便不利。不得安臥。亦不思食。

白茯苓分五

澤瀉分三

茵陳蒿分六

猪苓分三

黃芩生分

黃連

山梔

防己

白朮

蒼朮

陳皮

青皮各二分

右咬咀。水煎。空心服。

完顏正卿因官事勞役。飲食不節。心火乘脾。脾氣虛弱。更以恚怒氣逆傷肝。心下痞滿。四肢困倦。身體麻木。次傳身目俱黃。微見青色。顏黑。心神煩亂。怔忡不安。兀兀欲吐。口生惡沫。飲食不化。時下完穀。小便癢閉而赤黑。辰巳之間發熱。日暮則止。至四月尤甚。予診其脈浮而緩。金匱云。寸口脈浮為風。緩為痺。痺非中風。四肢苦煩。脾色必黃。瘕熱已行。跌陽脈緊。食穀即眩。為傷脾。風寒相搏。穀氣不消。胃中苦濁。濁氣不流。小便不通。陰被其寒。熱流膀胱。身體盡黃。名曰穀疸。宜服茵陳梔子湯。

茵陳錢一

茯苓分五

山梔仁

蒼朮妙

白朮各三錢

黃芩生分六

黃連

枳實妙

猪苓去皮

澤瀉

陳皮

防己各二分

青皮分一

右咬咀。作一服。長流水煎。食前溫服。二服可愈。山梔茵陳能瀉濕。

熱而退黃。故以為君。枳實苦寒。泄心下痞滿。肺主氣。今熱傷其氣。故身體麻木。以黃芩苦寒。瀉火補氣為臣。二朮苦甘溫。青皮苦辛溫。能除胃中濕熱。洩其壅滯。養其正氣。防己苦寒。能去十二經滯濕。澤瀉鹹平。茯苓猪苓甘平。導膀胱中濕熱。利小便而去癰閉。

〔丹〕治疸脈虛便赤。此後五方主之。治虛者驗。

白朮兩一

人參

猪苓

茵陳各半兩

澤瀉七錢

山梔炒

木通三錢

桂枝

一婦人年二十八歲。發黃。脈澁。經水自來不行。身隨倦怠。未曾生子。

陳皮

白朮

木通各半兩

黃芩

歸頭

丹皮各半兩

甘草一錢

分作十二帖。水煎。食前熱服。

〔干〕治疸取小麥杵汁絞飲六七合。晝夜飲三四次愈。

〔仲〕諸疸用猪膏半斤。亂髮如鷄子大三枚。以髮入膏中。煎至髮盡分再服。病自從小便中出。

〔垣〕腎疸湯。治腎疸目黃。渾身金色。小便赤澁。

升麻根半兩

羌活根一錢

防風根半錢

獨活根半錢

白朮

柴胡根

蒼朮一錢

猪苓一分

澤瀉三分

白茯苓

葛根半錢

甘草根三分

黃栢分二

人參

神麴各六分

分作二帖。水煎。食前稍熱服。

〔仲〕桂枝加黃芪湯。治黃疸脈浮而腹中和者宜汗之。若腹滿欲嘔吐懷懷而不和者。宜吐之。不宜汗。

桂枝

白芍藥各三兩

甘草二兩

生薑三兩

大棗十二枚

黃芪二兩

白水煎熱服。須臾飲熱粥以助藥力。取微汗為度。未汗更服。

〔丹〕治一人年二十歲。因勞。又冒雨。得疸。脚痠心悸。口苦力弱。尿黃脈浮而數。病在表。宜解外。

黃芪三錢

白朮

蒼朮各一錢

陳皮

蘇葉

木通五分

山梔炒二個

甘草梢些

白水煎服。下保和十五丸。與點抑青各十九丸。溫中二十九丸。

〔仲〕麻黃醇酒湯。治黃疸。用麻黃三兩。以好清酒五升。煮取二升五合。頓服盡。冬月用酒煮。春月用水煮。酒疸或無熱。清言了了。腹滿欲吐。鼻燥。其脈浮者先吐之。沉弦者先下之。酒疸心中熱欲嘔者。

吐之愈。如陰症欲吐者韓氏用陳皮湯理中湯類瓜蒂湯。治諸黃。用瓜蒂二七枚。以水一升。煮取五合。去渣頓服。

〔百一〕治疸。取藜蘆置灰內炮之。少變色。搗為末。水服半錢匕。小便

吐法

汗法

不利數服。

〔子和〕蔡氏一女病黃。遍身浮腫。面目如金色。困乏無力。不思飲食。惟喜食生物灰。裁之屬。先以苦劑蒸餅為丸。吐痰一碗。又以舟車丸通經散下五七行。如墨汁。更以導飲丸磨食散氣。不數日安。好如初。李七老病。涌水症。面黃而喘。二足皆腫。按之陷而復起。行則濯濯有聲。常欲飲水。不能睡臥。戴人令上涌去痰而汗之。次以舟車丸。瀉川散。下以益腎散。復下之。又以分陰陽利水道之劑。復下之。所苦皆瘥。

右脈浮而腹不和者吐之。

〔仲〕治酒疸。心中懊懊。或熱痛。梔子大黃湯主之。

山梔十四枚

大黃二兩

枳實五枚

豆豉一升

右四味。以水三升。煎取二升。溫作三服。

黃疸。腹滿。小便不利而赤。自汗出。此為表和裏實。當下之。宜大黃硝石湯主之。

大黃

黃栝

硝石各四兩

梔子十五枚

水煎將熟。納硝石頓服。

師曰。病黃疸。發熱煩喘。胸滿口燥者。以病發時。以火劫其汗。兩熱所得。然黃皆從濕得之。一身盡發熱。面黃肚熱。熱在裏。當下之。

〔羅〕黃連散。治黃疸。大小便祕澀。壅熱累效。

黃連二兩

大黃醋拌炒 二兩

黃芩

甘草炙各 一兩

右為極細末。食後溫水調下二錢。日三服。先用瓜蒂散搐鼻。取下

黃水。却服此藥。瓜蒂散見後雜方條

〔孫〕治黃疸皮黃。眼睛赤金色。小便赤。取秦苧五兩。牛乳三升。煮取

一升。去渣。入芒硝一兩服之。蕭炳云秦苧治酒疸

〔子和〕安喜趙君玉病疸。遍身發黃。往問醫衆。醫皆云乃陽明症。公

等與麻知幾皆受訓於張戴人。是商議吃大黃者。難與論病。君玉不

悅歸。自揣無別病。乃取三花神佑丸八十粒服之不動。君玉乃自悟

曰。予之濕熱甚矣。此藥尙不動。以舟車丸濬川散服之。大下結糞一

斗。一夕而黃退。君玉因此益信戴人之技。

右脈沉而腹不和者下之。

〔仲〕諸黃腹痛而嘔者。宜小柴胡湯。方見傷寒

〔孫〕治黃疸。用柴胡一兩去苗。甘草一分細剉。作一劑。以水一碗。白

茅根一握。同煎至七分。去渣。不拘服。

諸疸小便不利為裏實。宜利小便。或下之。無汗為表實。宜發汗。或吐

之。治法並見表裏疸條 男子黃。大便自利。當與虛勞小建中湯。方見傷寒

〔海〕內感傷寒。勞役形體。飲食失節。中州變寒。病生黃。非外感而得。

和法

虛實

寒熱

只用建中理中大建中足矣不必用茵陳。

〔仲〕治一婦人年六十歲病振寒轉慄足太陽寒水也呵欠噴嚏足少陽膽也口中津液足陽明不足也心下急痛而疽手少陰受寒足少陰血滯也身熱又欲近火熱在皮膚寒在骨髓也臍下惡寒丹田有寒渾身黃及睛黃皆寒濕也餘症驗之知其為寒溺黃赤而黑又頻數者寒濕勝也病來身重如山便着牀枕者陰濕盛也其脈右手關尺命門弦細按之洪而弦弦急為寒加之細者北方寒水雜以緩甚者濕盛出黃色脈洪大者心火受制也左手又按之至骨舉手來實者壬癸腎旺也六脈按之俱空虛者下焦無陽也用藥法先宜以輕劑去其寒濕兼退其洪大之脈以理中加茯苓湯投之按此症雖小便者蓋以餘症乃脈別之也黃赤亦作寒治

人參

白朮

甘草

乾薑

茯苓

水煎熟以冰冷與之此熱因寒用以假寒對足太陽之假熱以乾薑辛熱瀉膀胱之真氣故曰真對真假對假若不愈當以朮附湯與之。

〔羅〕陰黃治驗至元丙寅六月時雨霖霖人多病濕疫真定韓君祥因勞役過度渴飲涼茶又食冷物遂病頭痛肢節亦疼身體沉重胸

滿不食。自以爲外感。用通聖散二服。後添身體困甚。方命醫治之。醫以百解散發其汗。越四日以小柴胡湯二服。後加煩躁。又六日以三乙承氣湯下之。燥渴尤甚。又投白虎加入參湯柴胡飲之類。病愈增。又易醫用黃連解毒湯。硃砂膏。至寶丹。十七日後。病勢轉增。傳變身目俱黃。肢體沉重。背惡寒。皮膚冷。心下痞硬。按之則痛。眼澁不欲開。目睛不了了。懶言語。自汗。小便利。大便秘而不了。命予治之。診其脈緊細。按之虛空。兩寸脈短不及本位。此症得之因時熱而多飲冷。加以寒涼藥過度。助水乘心。反來侮土。先囚其母。後薄其子。經云。薄所不勝。乘所勝也。時值霖雨。乃寒濕相合。此謂陰症發黃。予以茵陳附子乾薑湯主之。經云。寒淫於內。治以甘熱。佐以苦辛。濕淫所勝。平以苦熱。以淡滲之。以苦燥之。附子乾薑辛甘大熱。散其中寒。故以爲君。半夏草薢辛熱。白朮陳皮苦甘溫。健脾燥濕。故以爲臣。生薑辛溫以散之。澤瀉甘平以滲之。枳實苦微寒瀉其痞滿。茵陳微苦寒。其氣輕浮。佐以薑附。能去膚腠間寒濕而退其黃。故爲佐使也。煎服一劑。前症減半。兩服悉去。又服理中湯數服。氣得平復。或難曰。發黃皆以爲熱。今暑熱隆盛。又以熱藥治之何也。予曰。理當然也。成無已云。陰症有二。一者始外傷寒邪。陰經受之。或因食冷物傷太陰經也。二者始得陽症。以寒治之。寒涼過度。變陽爲陰也。今君祥因天令暑熱。冷物

傷脾。過服寒涼。陰氣大勝。陽氣欲絕。加以陰雨。寒濕相合。發而為黃也。仲景所謂當於寒濕中求之。李思順云。解之而寒涼過劑。瀉之而逐寇傷君。正謂此也。聖賢之制。豈敢越哉。

附子 炮去皮 三錢

乾薑 炮二錢

茵陳 一錢二分

白朮 四分

草薺 根一錢

白茯苓 三分

枳實 炒

半夏 製

澤瀉 各半錢

橘紅 三分

右生薑五片。水煎。去渣涼服。

〔無〕養榮湯。治五疸。脚弱。心怯。口淡耳響。微寒發熱。氣急。小便白濁。當作虛勞治之。

黃芪

當歸

桂心

甘草炙

陳皮

白朮

人參 各一兩

白芍藥 三兩

熟地

五味子

茯苓 各三錢

遠志 去心 半兩

右每服四錢。薑棗煎。空心服。

右法治虛寒黃疸。

〔丹〕治婦人久勞苦。得面黃心忪。口苦。小便不黃。自利。食少。右脈大於左。此虛中受濕也。

白朮

芍藥

當歸 各五錢

黃芪

黃芩

茯苓

人參 各三錢

陳皮 半錢

黃連錢一

甘草五分

分六帖。下保和溫中各二十九。

〔垣〕補中湯。治面黃多汗。目皆赤。四肢沉重。減食。腹中時痛。咳嗽。兩
手左脈短。右脈弦細兼澁。右手關脈虛。

升麻

柴胡各二錢

歸身二分

蒼朮五分

澤瀉四分

甘草八分

五味子二十粒

黃芪二錢半

神麴三分

紅花少許

大麥麴五分

右作二服。水煎。食前。

右二方治虛熱黃疸。

〔仲〕黃疸。小便色不變。欲自利。腹滿而喘。不可除熱。熱除必噦。小半

夏湯主之。方見嘔吐。小便色不變。不可除熱者。蓋中無熱。故清白而不黃。自無熱可除也。

諸疸小便色白。不可除熱。

者無熱也。若有虛寒症者。當作虛勞治之。諸疸小便黃赤色者。為

濕熱。治法並見表裏虛疸條。

〔嚴〕穀疸丸。專治穀疸。

苦參三兩

龍膽草一兩

牛膽一個

右為末。入牛膽汁加少蜜為丸。空心薑湯或甘草湯下。

葛根湯。治酒疸。

葛根兩一

枳實炒

山梔

豆豉各一兩

甘草 後半兩

白水煎不拘時溫服。

〔外〕治黃疸以柳枝入水濃煎汁服之。

〔經〕患五色急黃以水調山豆根末二錢空心服之。

運氣黃疸皆屬濕熱。經云少陰司天之政。四之氣。溽暑至。民病黃疸。又云厥陰司天之政。四之氣。溽暑濕熱相搏。民病黃疸。而為附腫是也。

〔羅〕嗜鼻瓜蒂散治黃疸渾身如金色累效。

瓜蒂 錢二

母丁香 錢一

黍米 四十粒

赤小豆 五分

右為細末。每夜臨臥時先含水一口。却於兩鼻孔嚙上半字便睡。至明日取下黃水。便服黃連散。病輕者五日效。重者半月效。黃連散方見前

大小

〔聖〕治遍身如金色。用瓜蒂四十九個。須是六月六日收者。丁香四十九粒。入甘鍋內燒烟盡為度。研細。小兒用半字吹鼻及揩牙。大人用一字吹鼻內立瘡。

〔類要〕治黃疸。用苦葫蘆瓢如大棗許四枚。以童便浸三兩食頃。取兩棗許分納兩鼻中。黃水自出。效。令病人吸之。

又方。治黃疸身眼皆如金色。修合不可令婦人雞犬見之。取東引桃

枝一握。細切。用水二鍾。煎至半。空心服。服後三五日。其黃離離如薄雲漸散。唯眼最後瘡。百日方平復。身黃漸散。後可時飲清酒一盞。使眼中黃易散。忌食熱麪猪魚等物。

針灸黃疸有二法。

其一取脾。經云。脾足太陰之脈。所生病者黃疸。視盛虛熱寒取之。其二取腎。經云。腎足少陰之脈。所生病者黃疸。視盛虛熱寒取之。

〔王〕黃疸。 脘骨三分灸 中脘補

〔集〕黃疸發虛傷寒。飲食過多。 脘骨分一 湧泉三分灸 百勞 三里

中脘 膏肓

〔甲〕黃疸善欠。脇下滿欲吐。脾俞主之。千金云身重不可動 消渴身熱。面赤黃。

意舍主之。 消渴黃瘰。足一寒一熱。舌縱煩滿。然谷主之。 消瘰善

喘。氣走咽喉不能言。手足清。溺黃。大便難。噎中腫痛。唾血。口中熱。唾

如膠。太谿主之。 黃疸熱中善渴。太衝主之。 身黃時有微熱。不嗜

食。膝內內踝前痛。少氣身重。中封主之。 黃瘰身黃。勞宮主之。 嗜

臥。四肢不欲動搖。身黃。灸手五里。左取右。右取左。 黃瘰刺脊中。千金

云腹滿不能食

〔素〕目黃者曰瘰。 溺黃赤安臥者。亦名黃疸。

〔靈〕身痛而色微黃。齒垢黃。爪甲上黃。黃疸也。論疾診尺篇

〔仲〕脈沉渴欲飲水。小便不利者。皆發黃。腹脹滿。面痿黃。躁不得睡。屬黃家。 跌陽脈緊而數。數則為熱。熱則消穀。緊則為寒。食即為滿。尺脈浮為傷腎。 跌陽脈緊為傷脾。寒熱相搏。食穀即眩。穀氣不消。胃中苦濁。濁氣下流。小便不通。陰被其寒。熱流膀胱。身體俱黃。名曰穀疸。 陽明病脈遲者。食難用飽。飽則發煩。頭眩。小便又難。此欲作穀疸。雖下之。腹滿如故。所以然者。脈遲故也。 心中懊懣而熱。不能食。時欲吐。名曰酒疸。 病酒黃疸。必小便不利。其候心中熱。足下熱。是其症也。

〔脈〕酒疸黃色。心下結熱而煩。

〔仲〕額上黑。微汗出。手足中熱。薄暮則發。膀胱急。小便自利。名曰女勞疸。腹如水狀。不治。治見 黃疸之病。當以十八日為期。治之十日已上宜瘥。反劇為難治。 疸而渴者難治。疸而不渴者可治。發於陰部。

其人必嘔。發於陽部。其人振寒而發熱。

〔脈〕凡黃家候其寸口脈近掌無脈。口鼻冷。並不可治。

產後發黃

〔丹〕治一婦人四月內產發黃。四肢倦怠。食少。經事不來。時發熱脈弦。

白朮一兩

人參

秦朮

丹皮

生地

木通

柴胡

芍藥各半兩

川芎

黃芩

乾葛各一錢

甘草

分十二帖。水煎。食前熱服。

食勞疳黃

一名黃胖。夫黃疸者暴病也。故仲景以十八日為期。食勞黃者宿病也。至有久不愈者。故宜另立篇門。

〔丹〕大溫中丸。治黃胖。朱先生晚年定者

香附一斤童便浸春夏一宿秋冬三宿

甘草二兩

苦參春夏二兩 秋冬一兩 厚朴薑製炒 黑五兩

芍藥五兩

山查五兩

蒼朮五兩 泔浸

白朮

茯苓各三兩

青皮六兩

俱為細末。醋糊丸。如桐子。面黑。筋骨露氣實者。米飲下五六十九。面肥白與氣虛羸弱者。白朮湯下三四十九。忌一切生冷油膩鷄鵝羊鴨生硬併糍粽難化之物。服過七日後。便覺手掌心涼。口唇內有紅暈起。調理半月愈。丈夫黃胖。胃有宿積。口淡。脚痠。氣急。

針砂淘炒淨醋煨 用細末三兩

蒼朮

香附

三稜 各一兩

陳皮

黃連

茱萸

人參 各半兩

茯苓 七錢

右為末。神麴醋糊丸。每服五十九丸。若飽入保和十丸。白湯下。

又小溫中丸。治黃胖。宜草野貧賤人服。蓋其飲食無積。但補除燥濕而已。

針砂一斤。以醋炒為末。入糯米炒極黃為末。亦用一斤。醋糊丸。

如桐子大。每米飲下四五十九丸。忌口同上。輕者服五兩。重者不

過七兩愈。

六十瘦面黃。口苦而渴。此食積生濕熱。

白朮 一錢半

連翹 一錢

羌活

通草

煎熟。吞下。穀疸丸。保和丸。各四十粒。阿魏丸。五粒。

煖中丸。治黃胖。殺肝邪。舒脾氣。虛者不宜用。

陳皮

蒼朮

厚朴 製

三稜

白朮

青皮 各五錢

香附 一斤

甘草 二兩

針砂 十兩醋炒紅

右為末。醋糊丸。空心鹽薑湯下五十九丸。晚食前酒下亦可。忌狗肉。

右五方附朴。查青稜蓬。以磨積。針砂。酸醋。以瀉肝。白朮。蒼朮。以補

脾。重可去怯之劑。唯溫中丸無補性。虛者勿用。

〔世〕治黃胖。綠礬六兩。用米醋於鐵鍋內煮七次。以乾為度。置地上

出火氣爲末。南星末一兩。炒麩一兩。大皂角二斤。水煮熟。揉出濃膠。去皮渣濾過再熬。入棗子六兩。蒸熟去皮核。煎成濃膏。搗勻。和前藥末爲丸。如桐子大。每服五丸。早晚用薑湯各一服。忌油膩煎燻。如身上發紅斑時。急煎棗湯服之。斑自愈。

〔本〕治男婦患食勞氣勞。遍身黃腫。欲變成水。及久患痲癩。小腸膀胱面目忽黃。宜服紫金丹。

膽礬三錢

黃蠟二兩

大棗五十枚

右以砂鍋或銀石器內用好醋三升。先下礬。慢火熬半日。取出棗。去皮核。次下蠟。再慢火熬一二時。如膏好。入蠟茶二兩。同和丸。如桐子大。每服二三十丸。茶酒任下。如久患腸風痔漏。陳米飲下。日三服。一日見效。宗室趙彥材下血。面如蠟。不進食。蓋酒病也。授此方服之。終劑血止。面鮮潤。食亦倍常。新安一士人亦如是。與三百粒作一服。立愈。

〔羅〕棗礬丸。治食勞黃目黃身黃。

皂礬不拘多少置砂鍋內燒通赤用米醋點之燒用木炭

右爲末。棗肉丸。每服二三十丸。食後薑湯下。一方用白礬不用皂。

〔世〕棗礬丸。治黃胖。

皂礬五兩

棗肉二兩

蒸粉三兩

右為末。生薑汁丸。每服二三十丸。一日二次。米飲下。食前。右三方。鑿醋之酸以瀉肝。棗肉之甘以補脾。若虛黃於前。疸門小便自利。自汗虛勞。疸條下。諸方選用之。

〔丹〕婦人年三十。面黃脚痿弱。口苦喜茶。月經不勻。且多倦怠。

黃芪三分

白朮一分

炒栢二分

秦朮二分

甘草三分

木通五分

陳皮五分

芍藥

人參各一錢

當歸一錢

一婦年六十。面黃倦甚。足痿。口苦。脈散而大。此濕傷氣也。

白朮兩半

陳皮四錢

蒼朮

木通

黃芩各三錢

砂仁

人參

川芎各二錢

黃栢炒一錢

甘草炙五分

分六帖。水煎。食前服。

王官人痿後。面黃。脚痿弱。倦怠。食飽氣急。頭旋。

黃芪二分

蒼朮一錢

白朮半一錢

木通二分

甘草炙二分

黃栢炒三分

厚朴製一錢

陳皮一錢

水煎服。

成庚五官面黃。脚痿無力。食不化。脈虛而少弦。口苦肚脹。宜補之。

蒼朮半錢

木通三分

白朮半一錢

當歸五分

芍藥

陳皮各五分

甘草後二分

川芎五分

人參三分

水煎下保和丸四十丸。

〔經〕治食氣遍身黃胖。氣喘。食不進。心胸渴悶。用不蛀皂角去皮及子。塗好醋炙令焦。爲末一錢。巴苳七粒去心膜。二件以淡醋研好。墨爲丸。如麻子大。每服三丸。食後陳皮湯下。日三服。隔一日增一丸。以利爲度。常服消酒食。

〔子和〕一男子作贅。偶病疽。善食而瘦。四肢不舉。面黃無力。其婦翁欲棄之。其女不肯。婦翁乃農夫。招壻。意欲作勞。見其病甚。每日詬辱之。人教之餌蠟礬丸三稜丸俱不效。戴人見之。不診而療。使服漏劑。去積痰宿水一斗。又以泄水丸通經散。下四五十行不止。戴人命飲水一盞立止。次服平胃散。間服檳榔丸五十粒。七日黃退力生。蓋黃疽之症。濕熱與宿穀故也。俗謂之食勞黃。

〔世〕喜喫乾茶。

石膏

白芍藥

黃芩

水煎服。更於積塊門茶潭條相參用之。

〔山〕酒麪黃。用絲瓜連皮子燒灰。因麪得病。麪湯調下。因酒得病。酒調下。

黃汗

黃汗。汗出染衣。黃如柑汁是也。

〔仲〕問曰。黃汗之為病。身體腫。發熱。汗出而渴。狀如風水。汗沾衣。色正黃如栢汁。脈沉。何從得之。師曰。以汗出時入水中浴。水從汗孔入得之。宜芪桂酒湯主之。

黃芪

白芍藥各五兩

桂枝三兩

右三味。以苦酒一升。水七升相和者。取三升。溫服一升。初發當心煩。服至六七日乃解。若心煩不止者。以苦酒阻故也。一方用好酒代苦酒

黃汗之病。兩脛自冷。假令發熱。此屬歷節。食已汗出。又身常暮盜汗出者。此勞氣也。若汗出已反熱者。久久其身必甲錯。若發熱不止者。必生惡瘡。若身重汗出已輒輕者。久久身必潤。又胸前痛。腰上有汗。腰下無汗。腰臆弛痛。如有物在皮中。狀劇者不能食。身疼重。煩躁。小便不利者。此為黃汗。桂枝加黃芪湯主之。方見本門表疽下

脈浮而洪。浮則為風。洪則為氣。風氣相搏。風強則為隱疹。身體為痒。痒為泄風。久為痲癩。氣強則為水。難以俛仰。風氣相擊。身體洪腫。汗出乃愈。惡風則虛。此為風水。不惡風者。小便通利。上焦有寒。其口多涎。此為黃汗。

目黃

經云。目黃者曰黃疸。然亦有目黃而身不黃者。故宜另立篇門。
風氣自陽明入胃。循脈而上至目眥。其人肥。風氣不得外洩。則為熱
中而目黃。全文見
諸風條
〔河〕青龍散。治風氣傳化。腹內疼結而目黃。風氣不得泄。為熱中。煩
渴引飲。

地黃

威靈仙

防風

荆芥穗

何首烏

去黑皮米泔浸一宿
竹刀切各二兩

右為末。每日三服。食後沸湯調下一錢。

〔類〕治黃疸目黃不除。用瓜丁為細末。如荳大。納鼻中。令病人深吸。
取鼻中黃水出愈。

針灸目黃有五法。

其一取心。經云。心少陰之脈。所生病者。目黃脇痛云云。

其二取心主。經云。心主手厥陰之脈。是動則病面赤目黃云云。

其三取小腸。經云。小腸手太陽之脈。所生病者。耳聾面黃云云。

其四取大腸。經云。大腸手陽明之脈。所生病者。目黃口苦云云。

其五取膀胱。經云。膀胱足太陽之脈。所生病者。目黃淚出云云。

已上五法。並視盛虛寒熱。陷下取之。

黑疸

酒疸

女勞疸

黃疸久久變為黑疸。身黃額黑。或身面俱黃是也。若身不黃。口面黑。於章門主之。針灸經云神門亦治疸

〔仲〕酒疸下之。久久變為黑疸。目青面黑。心中如噉蒜齏狀。大便正黑。皮膚爪之不仁。其脈微弱。雖黑微黃。故知之。

黃家日晡時發熱而反惡寒。此為女勞得之。膀胱急。少腹滿。一身盡黃。額上黑。足下熱。因作黑疸。其腹脹如水狀。大便黑。或時澹。此女勞之病。非水也。腹滿者難治。硝石散主之。

硝石

礬石燒名等分

右為細末。勻和。以大麥麩粥調服。方寸匕。日三服。病隨大小便下。小便去黃。大便去黑。是其候也。

〔聖〕治黑疸多死。宜急治。用土瓜根一斤。搗碎絞汁。六合頓服。當有黃水隨小便出。更服之。

面龐然浮腫。脊痛不能正立。其色焔黑。多汗惡風者。屬風。治見諸風門

醫學綱目卷之二十二 脾胃部

腹痛 胎前腹痛 產後腹痛 腸鳴

大法

〔丹〕腹痛 有寒 積熱 死血 食積 濕痰

〔垣〕夫心胃痛及腹中諸痛皆因勞力過甚飲食失節中氣不足寒邪乘虛而入客之故卒然而作大痛經言得炁則止炁者熱也以熱治寒治之正也然腹痛有部分臟腑有高下治之者亦宜分之如厥心痛者乃寒邪客於心胸絡也前人以良薑芫藶大辛熱之味末之酒調服其痛立止此直折之耳真心痛者寒邪傷其君也手足青至節甚則日發夕死夕發日死中脘痛者太陰也理中建中草薤薹丸之類主之臍腹痛者少陰也四逆薑附禦寒湯之類主之少腹痛者厥陰也正陽散回陽丹當歸四逆湯之類主之雜症而痛者苦楝湯酒煮當歸丸丁香棟實丸之類主之是隨高下治之也更循各臟部分穴俞而灸刺之如厥心痛者痛如針刺其心甚者脾之痛也取之然谷太溪餘臟皆然如腹中不和而痛者以甘草芍藥湯主之如傷寒悞下傳太陰腹滿而痛者桂枝加芍藥湯主之痛甚者桂枝加大黃湯主之夏月肌熱惡熱脈洪疾而痛者黃芩芍藥湯主之又有諸蟲痛者如心腹懊懣作痛聚往來上下行痛有休止腹熱善渴涎出

面色乍青乍白乍赤。嘔吐水者。虻咬也。以手緊按而堅持之。無令得脫。以鍼刺之。久持之。蟲不動。乃出鍼也。或局方化蟲丸。及諸蟲之藥。量虛實用之。不可一例治也。

寒

〔海〕秋腹痛。肌寒惡寒。脈沉微。足太陰足少陰主之。桂枝芍藥湯。
中脘痛。太陰也。理中。建中。黃芪湯之類。臍腹痛。少陰也。四逆。真武。附子湯之類。小腹痛。厥陰也。重則正陽散。回陽丹之類。輕則當歸。四逆湯之類。太陰傳少陰。彌甚者。當變下利而止。

中脘
痛屬
太陰

〔仲〕虛勞裏急。腹中痛。小建中湯主之。方見傷寒

〔羅〕肝勝乘脾。真定路總管劉仲美。年踰六旬。有脾胃虛熱之證。至元辛巳閏八月初。天氣陰寒。因官事勞役。渴而飲冷。夜半自利。兩行。平日予診視。其脈弦細而微。四肢冷。手心寒。唇舌皆青褐色。腹中微痛。氣短而不思飲食。予思內經云。色青者肝也。肝屬木。唇者脾也。脾屬土。木剋土。故色見於唇。難經亦云。見肝之病。則知肝當傳之於脾。故先實其脾氣。令脾不受肝之邪也。潔古先師云。假令五臟各行已勝。侮所不勝。當重實不勝。微瀉其勝。以黃芪建中。加芍藥。附子湯主之。且芍藥味酸。瀉其肝木。微瀉其勝。黃芪甘草甘溫補實脾土。皆重實其勝。桂附辛熱。治其寒水。又助陽退陰。飴糖甘溫補脾之不足。肝苦急。急食甘以緩之。生薑大棗辛甘大溫。生發脾胃。升騰其氣。行

其榮衛。能緩其急。每服一兩。依法煎服。再服而愈。黃芪建中湯倍芍藥。量虛實加附子。本方見治虛實法

〔仲〕理中湯。方見傷寒少陰病

〔垣〕草薺薏仁丸。治脾胃虛而心火乘之。不能滋榮上焦。元氣遇冬。腎與膀胱之寒水旺時。子能令母實。致肺金大腸相輔而來。尅心乘脾胃。此大復其讐也。經曰。大勝必大復。故皮毛血脈分肉之間。元氣已絕於外。又大寒大燥二氣併乘之。則苦惡風寒。耳鳴及腰背相引。胃中而痛。鼻息不通。不聞香臭。額寒腦痛。目時眩。目不欲開。腹中爲寒水反乘。痰唾涎沫。食入反出。腹中常痛及心胃痛。脇下急縮。有時而痛。腹不能努。大便多瀉而少秘。下氣不絕。或腸鳴。此脾胃虛之極也。胃中氣亂。心煩不安。而爲霍亂之漸。膈咽不通。噎塞極則有聲。喘喝閉塞。或日陽中。或暖房內。稍緩口吸風寒。則復作。四肢厥冷。身體沉重。不能轉側。不可回顧。小便溲而時燥。此藥主秋冬寒涼大復氣之藥也。

草薺薏仁 一錢四分 湯裏煨去皮

益智仁 八分 陳皮 八分

桃仁 去皮尖 七分 青皮 六分

半夏 一錢 湯倍七分 人參 八分

吳茱萸 八分 湯洗焙乾

白殭蠶 一錢 甘草 炙六分

澤瀉 一分 小便數減半 黃芪 八分

麥蘖 一錢 牛炒 神麩 四分

薑黃四分

當歸身六分

柴胡四分

右件十七味。同為細末。桃仁另研如泥。再入一處研勻。湯浸蒸餅為丸。如桐子大。每服三五十丸。白湯送下。旋斟酌多少。

神聖復氣湯。治復氣乘冬足太陽寒氣足少陰腎水之旺。子能令母實。手太陰肺實。反來侮土。火木受邪。腰背胛膈閉塞痛疼。善噎。口中涎。目中泣。鼻中流濁涕不止。或有息肉不聞香臭。咳嗽痰沫。上熱如火。下寒如水。頭作陣痛。目中流火。視物䟽䟽。耳鳴耳聾。頭并口鼻或惡風寒。喜日陽。夜臥不安。常覺痰塞。膈咽不通。口無滋味。兩脇縮急而痛。牙齒動搖不能嚼物。腰臍間及尻臀膝足寒冷。陰汗。前陰冷。行步欹側。起居艱難。掌中寒。風痺麻木。小便數而晝多。夜頻而少。氣短喘喝。少氣不足以息。卒遺矢無度。婦人白帶。陰戶中大痛。牽心而痛。薰黑失色。男子控辜牽心。陰陰而痛。面如赭色。食少。大小便不調。煩心霍亂。逆氣裏急。而腹皮色白。後出餘氣。腹不能努。或腸鳴膝下筋急。肩胛大痛。此皆寒水來復火土之讐也。

乾薑炮三分

人參五分

半夏湯泡七分

柴胡錢一

藜蘆八分

防風五分

羌活錢一

甘草八分

升麻七分

白葵花五朵去心

歸身六分酒洗

黑附子三分炮去皮臍

桃仁湯浸去皮五分研

郁李仁湯浸去皮五分研

右作一服。水五盞煎至二盞入

黃芪錢一

草苳蔻一錢麵煨
去皮稱

陳皮五分

右件入在內。再煎至一盞。再入下項藥。

黃栢五分
酒浸

黃連三分
酒浸

枳殼三分

生地二分
酒洗

已上四味。預一日另用新水浸。又次入

細辛二分

川芎三分

蔓荊子三分

預一日用水半大盞分作二處浸。此三味并黃栢等藥前正藥作

一大盞。不去渣。入此浸藥。再上火煎至一大盞。去渣。稍熱服空心。

又能治咬頰咬唇咬舌。舌根強硬等症。如神。忌肉湯及食肉。使不

助經絡中火邪也。大抵腎併膀胱經中有寒。肺氣元氣不足者。皆

宜服之。神驗。於月生月滿時。隔三五日一服。如病急不拘時候。

益智和中丸。季秋合治。心腹中大痛。煩躁。冷汗自出。

草薢仁四錢

益智仁一錢三分

砂仁七分

甘草炙二分
錢半

黃芪

當歸身

人參

乾薑

麥門冬

麵末

陳皮各五分

桂枝

桂花各一錢半

大麥蘖炒三分
錢半

黃連一錢

生地一錢

薑黃三分

木香二分

右爲細末。湯浸蒸餅爲丸。如桐子大。每服二三十九。溫水送下。細

嚼亦得。

溫胃湯。治服寒藥多致脾胃虛弱。胃脘痛。

白苳蔻分三

益智

砂仁

甘草分二

薑黃各二分

陳皮分七

澤瀉分三

黃芪分七

乾薑分二

厚朴分二

人參分三

右爲細末。每服三錢。水一盞。煎至半盞。食前溫服。

〔丹〕里成人年二十五歲。肚痛二個月。食少。面微寒。

白朮

陳皮

青皮各半兩

川芎

白芍

半夏各三錢

蒼朮

官桂

歸身尾

甘草後

木通各一錢

分七帖。薑二片煎。下保和丸二十粒。

一老人腹痛作隔不禁下者。

川芎

蒼朮

香附

白芷

茯苓

乾薑

滑石

右八方。皆治中寒虛寒腹痛也。

〔垣〕朮桂湯。治寒濕所客。身體沉重。胃脘痛。面色痞黃。

麻黃錢一

桂枝分五

杏仁十個

草薢仁

半夏

澤瀉

炒麩各五分

蒼朮錢三

陳皮錢一

白茯苓錢一

猪苓分五

黃芪各五分

甘草二分

右咬咀。水二大盞煎至一盞。去渣。稍熱服。食前。

麻黃草荳蔻丸。季秋合治。客寒犯胃。心胃大痛不可忍者。

麻黃去節二錢

草荳蔻

炒麴各一錢

益智分八

升麻

大麥麴

砂仁

黃芪

半夏湯泡

白朮

陳皮各五分

柴胡

甘草炙

吳茱萸

當歸身

青皮

木香

厚朴各二錢

萹澄茄

紅花

蘇木各五分

右爲末。湯浸蒸餅爲丸。如桐子大。每服三五十丸。細嚼溫水送下。

厚朴湯。治脾胃虛寒。心腹滿。及秋冬客寒犯胃。時作疼痛。

厚朴薑製

陳皮去白二兩

甘草炙

乾薑各五錢

茯苓去皮一兩

戊火已衰。不能運化。又加客氣。聚爲滿痛。散以辛熱。佐以苦甘溫。以淡泄之。扶持胃氣以期平也。

〔羅〕高良薑湯。治心腹絞痛如刺。兩脇支滿不可忍。

高良薑錢五

厚朴薑製

當歸炒

桂心各二錢

痛膈腹
少陰

右咬咀。以水一升。煮取四合。分二服。若一服痛止便停。不須更服。若強人分二服。劣人分三服。增損之。

〔本〕治心脾痛神效。荔枝核為末。每服一錢。熱醋湯調下。
〔仲〕四逆湯 眞武湯 附子湯已上三方並見傷寒

腹中寒氣雷鳴。切痛。胃膈逆滿。嘔吐。附子粳米湯主之。

附子一個

半夏五分

甘草半兩

大棗十個

粳米半升

右五味。以水八升。煮米熟用湯。或去渣溫服一升。日三服。

〔羅〕益智散。治傷寒陰盛。心腹痞滿。嘔逆瀉利。手足厥逆。及一切冷氣攻心。脇膈腹脹滿絞痛。

川烏炮去皮 臍四兩

益智皮去

乾薑炮

青皮去白各一兩

右為細末。每服三錢。水二盞。生薑三片。棗二枚。劈破同煎。至八分。去渣溫服。食前。

〔本〕又方。治胸滿氣噎。下部冷。膈腹疔痛。

半夏製二兩

生薑六兩

陳皮四兩 去白

桂一兩

吳茱萸五十粒 湯洗炮

右咬咀。用水十升。煮取四升。分五服。冷再服。空心食前服。予少年時。曾患膈疔腹痛。初不疑其虛。遍服諸家藥無效。遂自診之。覺

是虛症。合此藥一劑。服未至半劑頓愈。

〔海〕正陽散 回陽丹 當歸四逆湯 已上三方
方見傷寒

〔羅〕葱熨治驗。內經云。寒氣客於小腸膜原之間。絡血之中。血泣而不得注於大經。血氣稽留不得行。故宿昔而成積矣。又寒氣客於腸胃。厥逆上出。故痛而嘔也。諸寒作痛。得炅則痛立止。真定一秀士年三十一。肌體本弱。左脇下有積氣。不敢食冷物。覺寒則痛。或嘔吐清水。眩暈欲倒。目不敢開。惡人煩冗。靜臥一二日。及服辛熱之藥。則病退。延至至元甲戌秋初。因勞役及食冷物。其病大作。腹痛不止。冷汗自出。四肢厥冷。口鼻氣亦冷。面色青黃不澤。全不得臥。扶几而坐。咳嗽咽膈不利。予與藥服之。見藥則吐。藥不得入。無如之何。遂以熟艾約半斤。用白紙一張鋪於腹上。紙上攤艾令勻。又以葱蔥數枝。批作兩半片。鋪於熟艾上。再用白紙一張覆之。以慢火熨斗熨之。冷則易之。覺腹中熱。腹皮暖。不禁以帛三搭多縫帶繫之。待冷方解。初熨時得暖則痛減。大暖則痛止。至夜得睡。翌日再與對證藥服之。良愈。故立此熨法。以救將來之痛也。

〔海〕夏腹痛。肌熱惡熱。脈洪疾。手太陰足陽明主之。芍藥黃芩湯治腹痛。脈洪數。方見下
滯下

〔丹〕婦人肚墜痛不泄。脈不數。

陳皮

地黃

芍藥二錢

黃芩

木通

歸尾一錢

甘草些

桃仁二十

〔經〕卒患腹痛。水研山荳根汁半盞服之。

五靈脂湯。治中暑肚腹疼不已。

五靈脂

香附各等分

右爲末。白湯調服。

腹痛或大便秘。或用手重按痛處。不痛者爲虛。治法並於寒條選用之。或無寒者如左方。

芍藥甘草湯。芍藥甘草治腹痛。稼穡作甘。甘者己也。曲直作酸。酸者甲也。甲己化土。此仲景妙方也。

芍藥兩

甘草兩

右咬咀。每服五錢。水煎服。海藏云。白收而赤散也。酸以收之。甘以

緩之。

〔海〕肚腹痛者。芍藥甘草湯主之。

弦 傷氣 芍藥

洪 傷金 黃芩 加棗

脈緩 傷水 加桂枝 生薑

澁 傷血 當歸

鍾 傷火 乾薑

〔丹〕婦人痢後血少腹痛。

白芍藥二錢

歸身尾半錢

陳皮二錢

川芎五分

調服六一散

〔仲〕痛而秘者。厚朴三物湯主之。

厚朴兩一

大黃兩四

枳實兩五

右三味。以水一斗二升。先煮二味。取五升。內大黃。煮取二升。溫服一升。以利為度。

〔丹〕一男子年十八歲。自小面帶微黃。五月間腹大痛。醫者與小建中湯。加丁香兩帖不効。加嘔吐清汁。又與十八味丁沉香膈湯兩帖。食全不進。痛無休止。臥不能起。如此五六日。又與阿魏丸百餘粒。至夜發躁不得睡。口却不渴。予脈之。左三部沉弦而數。關部尤甚。右三部沉滑而數實。痛處不可按。遂與大柴胡湯四帖。加甘草下之。痛嘔雖減。食猶未進。遂與小柴胡湯去黃芩人參。加芍藥陳皮黃連生甘草二十帖而愈。白雲許先生始因飲食作痰成脾疼。後累因觸冒風雪。腿骨作疼。衆皆以脾疼骨疼為寒。雜進黃牙瀝丹等藥。雜治十餘年間。艾灸數萬計。或似有効。及至病再作。反覺加重。至五十一歲時。又冒雪乘船而病愈加。至坐則不能起。扶起亦不能行。兩胯骨不

能開合。若脾疼作時。則兩胯骨痛處似覺稍輕。若飲食甘美。脾疼不作。則胯骨重痛增。諸老袖手。計無所出。予謂此初因中脘有食積痰。雜以胃寒濕。抑遏經絡。血氣津液不行。痰飲注入骨節。往來如潮。其湧而上則爲脾疼。降而下則爲胯痛。非湧泄之法。不足以治之。時七月二十四日。遂以甘遂末一錢。入猪腰子內煨與食之。連瀉七行。至次日兩足便能行步。至八月初三日嘔吐大作。不能起牀。顆粒不食。但時煩躁。氣弱不能言語。諸老皆歸罪於七月之瀉。而又知累年熱補之悞。皆不敢用藥。予嘗記金匱云。病人無寒熱而短氣不足以息者。此實也。其病多年鬱結。一旦以刀圭之劑泄之。徒動猖狂之勢。他未有制禦之藥。所以如此。仍以吐劑達其上焦。以次第治及中下二焦。於初三日用瓜蒂吐不透。初六日用梔子又吐不透。初九日用附子尖三枚和漿水與之。始得大吐。其嘔噦終止。前後所吐共得膏痰沫液一大水桶。初十日遂以朴硝滑石黃芩石膏連翹等涼藥。咬咀一斤。蒸煎濃汁。放井水中極冷飲之。十一月十二日十三日十四日。每日食上件藥一斤。十五日腹微滿。大小便皆秘悶。予欲用大承氣下之。諸老皆以爲不可。十六日六脈皆歇。至。予診其脈。獨歇至卯酉二時。其餘時刻平勻如舊。予曰。卯酉爲手足陰陽之應。此大腸與胃有積滯不行所致。當速瀉之。爭論不已。至十八日遂作紫雪半斤。十

腹脹
短氣
收之
待血
散之

九日早紫雪成。每用一匙頭。以新汲井水化下。至二十日天未明。已服紫雪五兩。神思稍安。腹滿亦減。遂收起紫雪不與。二十一日大為小便閉作痛所苦。遂飲以蘿蔔子汁半茶鍾。隨手痛止。小便立通。廿二日小腹滿痛。不可捫摸。神思不佳。遂以大黃牽牛作丸。服至三百丸。至二十三日巳時。下大便併通如爛魚腸三碗許。臭惡可畏。是日神思稍安。診其脈不歇至矣。二十四日腹大絞痛。殆不能勝者約一時許。腰膝沉重且墜。兩時不出聲。不能言。瀉下穢物如柏油條者一尺餘。肚中如燒。片時方定。至廿五日神思漸安。夜間得睡。廿六日漸能出聲言語。自初二日至此。並顆粒不會入口。語言並不出聲。至廿七日方啜半盞稀粥者四次。似有生意。至次月初四日方平安。其脈自嘔吐至病安日。皆是平常弦大之脈。唯有中間數日歇至少異耳。至次年四月復行倒倉法。方步履如初。

腸瀉亦腹痛。但小便數似淋。脈滑數為異耳。治法見腸痛本門

〔肘〕治小腹俱脹痛。短氣欲死。或已絕。用烏梅二十七枚。水五升。煮一沸。內大錢二十七枚。煮取二升半。強人可頓服。瘦人可分之再服。

〔海〕當歸丸。治三陰受邪於心膈。少三腹疼痛氣風等症。

四物湯 各半兩

防風

獨活

全蠍 各五分

續斷 兩

苦棟

玄胡 各七錢

木香

丁香各二錢半

茴香一兩炒

右爲細末。酒糊丸。桐子大。空心溫酒下。三五十丸大効。

四物苦棟湯

四物湯四兩

玄胡索

苦棟各一兩

〔雲〕治腹中攪痛不可忍。

玄胡索

當歸

白芍

川芎

乾薑各等分

右爲末。每服三錢。溫酒調下。

又法。治證同前。

玄胡索

桂心各半兩

當歸一兩

右爲細末。熱酒調下。

失笑散。治心腹痛欲死。百藥不効。服此頓愈。方見心痛

〔經〕治脾寒氣發。歇痛不可忍者。茱萸一兩。桃仁一兩。和炒冷。茱萸焦黑後。去茱萸。取桃仁。去皮尖。研細。葱白三莖。煨熟。以酒浸。溫分三服。

腹痛。脈滑者。痰。脈弦者。食。

清痰。多作腹痛。

台芎

蒼朮

香附

白芷

右爲末。生薑自然汁調入熱湯服之。
溫中丸。治食積肚痛。

白朮

香附童便

針砂

各四兩醋
浸炒紅

山查肉

神麴各八兩

苦參一兩

川芎

半兩春
用夏去

吳茱萸

半兩湯浸冬
用春去之

蒼朮米泔浸一宿
二兩五錢

右爲末。醋調麵糊爲丸。如桐子大。一方。去山查神麴川芎。加半夏青皮黃連。

〔世〕蒼朮丸。治失饑傷飽。肚痛不食。

蒼朮炒

橘紅等分
爲末

右生薑汁打炒神麴糊丸。如桐子大。每七十丸。米飲下。

〔丹〕酒積腹疼痛。用三稜蓬莪朮香附官桂蒼朮厚朴陳皮甘草茯苓木香檳榔治之。

楊淳三哥年六十。食積痰作痛在心頭。或在腹脇。脈皆弦澹。食甚少。大便祕實。此濕積也。宜生血行氣進食磨積補虛。

白朮

炒麴

半夏各一錢半

郁李仁

歸身尾

芍藥

陳皮各五錢

山查五錢

川芎三錢

人參二錢

柴胡二錢

紅花五分

桃仁三個

氣

細末粥丸。一日三次。食前白湯下四五十九丸。

〔羅〕七氣湯。治虛冷上氣。及寒氣。怒氣。思氣。喜氣。憂氣。愁氣。內結積聚。堅牢如杯。心腹絞痛。不能飲食。時發時止。發即欲死。此藥主之。

半夏湯洗

人參去蘆

甘草炙

肉桂各一兩

右爲粗末。入半夏令勻。每服二錢。水一大盞。生薑三片。煎七分。去渣稍熱服。食前。

蟲
肝鬱

運氣

腹痛有作止者。有塊耕起往來者。吐清水者。皆是蟲痛。治法見心痛。并窵渠吳孺人年近四十。得腹隱痛。常以火燒磚瓦熨之。面與胃襟間惡火之熱氣。發時少煩。食亦減。大脈和。皆微弦。最苦夜間不得睡。但世上凶惡之事。并憂苦境像皆上念。時作惡泣。說離別。囑付後事。如此者一年。衆作心痛治之。自覺氣自下衝上。雖久病人却不瘦。予曰。此肝受病。遂與防風通聖散吐之。時尙春寒。於通聖中加桂入薑汁調之。日三四次。至初夏稍熱。與當歸龍膽丸。枳朮丸。一月而愈。運氣腹痛有二。

一曰土盛攻腎而痛。經云。歲土太過。雨濕流行。腎水受邪。民病腹痛。清厥意不樂是也。

二曰火鬱之發痛。經云。火鬱之發。民病腹中暴痛是也。
〔世〕鹽炒熱。用布裏熨痛處。神效。

雜方

〔丹〕攪腸沙。用台芎爲末。每一錢許。入生薑自然汁半盞。熱湯內調服。又方。樟木煎湯大吐之。或用白礬末一錢。清湯調服探吐之。或鹽湯探吐之亦可。

〔世〕治發沙。面青肚疼。昏倒不省人事。急以鼠屎一合。研爲細末。滾湯調令通口。澄清服之。一服而安。神效。宜預收下。

刺灸腹痛有四法。

其一取脾胃。經云。邪在脾胃。陽氣不足。陰氣有餘。則寒中腸鳴腹痛。皆調于三里。又云。足太陰之別。名曰公孫。去本節之後一寸。實則腹中切痛。取之所別也。又云。腹痛刺臍。左右動脈。已刺按之立已。不已刺氣衝。已刺按之立已。是也。

其二取大腸。經云。大腸病者。腸中切痛而鳴濯濯。感於寒即泄。當臍而痛。取巨虛上廉是也。

其三取督脈。經云。腎虛則胃中痛。大腹小腹痛。清厥。意不樂。取其經少陰太陽血者是也。

其四取任脈。經曰。任脈之別。名曰尾翳。下鳩尾。散于腹。實則腹皮痛。取之所別也。

〔世〕治絞腸沙症。手足厥冷。腹痛不可忍者。以手蘸溫水。於病者膝灣內拍打。有紫黑處。以針刺去惡血即愈。

〔玉〕腹痛。并治氣塊。內關 支溝 照海

〔撮〕氣痛。并治積痛。食不化。氣海 一寸半灸 中脘 二寸半灸 隱白 二分

瀉之灸七壯

〔桑〕又法。巨闕 足三間 怪穴腹痛腸鳴。氣衝 在氣海旁各一寸半針入二寸半灸

壯五十

〔世〕臍腹痛。陰陵泉 太衝 三里 支溝 不已取下穴 中脘 關元

天樞 繞臍痛。公孫 三陰交 陰谷

〔東〕胃脘暴痛。臍中堅痛。石門 商丘 陰谷 大腸俞 膈俞

〔甲〕腹中寒疼。外陵主之。大腸寒中。 千金作寒加 大便乾。腹中切痛者。盲

輸主之。繞臍痛。搶心。膝寒往利。腹結主之。

〔仲〕夫瘦人繞臍痛。必有風冷。穀氣不行而反下之。其氣必衝。不衝

者心下則痞也。

〔脈〕若腹痛脈反浮大而長者死。 蟲痛脈浮大無妨

心腹痛。痛不得息。脈細小遲者生。堅大疾者死。 有積脈堅大無妨

胎前腹痛

〔仲〕婦人懷胎。腹中諸疾痛。當歸芍藥散主之。

當歸 三兩 芍藥 一斤 茯苓 四兩 白朮 四兩

澤瀉 半斤 芎藭 半斤 一作三兩

右六味。杵為散。取方寸匕。酒和三日服。

〔潔〕地黃當歸湯。治婦人有孕胎痛。

當歸兩一

熟地兩二

右為末。作一服。水三升。煎至一升半。去渣頓服之。

〔仲〕婦人腹中痛。小建中湯主之。方見虛勞

〔雲〕芎歸湯。治妊娠先患冷氣。忽心腹痛如刀刺。

川芎

人參

茯苓

桔梗

吳茱萸

當歸各一兩

厚朴製

芍藥各二兩

右咬咀。以水九升。煎取三升。分三服。氣下即安。

〔丹〕孫院君因近喪冒惡氣傷胎。肚痛。手不可近。發熱。口中不思食。須安胎散滯氣。

青皮三錢

黃芩

芍藥各二錢

歸尾一錢

川芎一錢

木香五分

甘草少

分二帖。水三盞。先煎芎根二大片。至二盞。去芎根入前藥同煎至

一盞。熱服。

〔大〕治妊娠腹痛。用生地黃三斤。搗汁。酒一升。合煎。減半頓服。愈。

〔脈〕師曰。婦人有胎腹痛。其人不安。若胎病不動。欲知生死。令人摸之。如覆杯者。則男。如肘頸參差起者。女也。冷在何面。冷者為死。溫者

爲生。

產後腹痛

敗血
挾寒
挾熱

〔大〕黑神散。治產後惡露不盡。心胃痞滿。臍腹撮痛。汚血諸疾。方見婦人產後

〔丹〕產後三日。血塊痛。發熱。

五靈脂炒

牡丹皮

沒藥

滑石

右研細。分五帖。豆淋酒下之。食前。

馮宅產後發熱。腹中痛。有塊。自汗惡寒。會服黑神散。

白朮

芍藥三錢

滑石五錢

黃芩二錢半

牡丹皮二錢半

人參

川芎

歸尾

陳皮

荆芥各一錢

乾薑一錢

甘草些

汚血
膈之

〔雲〕捲荷散。治產後血上衝心。血刺血暈。腹痛惡露不快。

初出捲荷

紅花

當歸各二兩

蒲黃紙炒

牡丹皮各半兩

右爲細末。每服三錢。空心溫酒調下一碗。或用童便調下妙。

〔大〕治血痕痛無定處。

童便三升

生地汁

生藕汁各一升

生薑汁二升

右先煎三味。約三分。減二次。下薑汁。慢火煎如稀餳。每取一合。溫酒調下。

重劑

治兒枕痛。乃血痕也。用真蒲黃研細。調服二錢。如燥渴者。用新汲水調下。

〔丹〕治產後兒枕大痛。黑白散。

烏金石 醋煨七次另研

寒水石 煨存性為末

右各收之。服時各抄一錢半。米飲調下。痛止勿服。未止再服。

〔海〕四物加玄胡沒藥白芷湯。治產後敗血作痛。方見婦人門

四物苦棟湯 方見腹痛

一方。治臍下痛不可忍。四物湯加玄胡索二錢半服之。

服之。

〔大〕紫金丸。治產後臍下痛。即失笑散醋為丸是也。五靈脂蒲黃等分醋丸服

立効散。治產枕痛不可忍。用五靈脂慢火炒令乾。為末二錢。溫酒下。

瘥。產枕即血枕也

〔丹〕產後惡露未盡。小腹作痛。

五靈脂 香附末

右合和醋為丸。甚者入留尖桃仁。一方加蛤粉

〔大〕治產後血不盡。血痛悶方。取敗荷葉燒作灰。暖水和服。煮汁服亦良。又方。取亂髮如雞子大。灰汁洗淨。燒為末。酒調服二錢。治產後血痕腹痛。及喉痺。熱因寒用。鐵秤錘煨令通赤。焯酒中。候溫飲之。丹溪法用焯醋中使鼻聞其氣妙

之。丹溪法用焯醋中使鼻聞其氣妙

〔仲〕產婦脇痛。法當以枳實芍藥散。假令不愈者。此為腹中有乾血。着臍下。宜下瘀血湯主之。亦主經水不利。

大黃兩二

桃仁二十枚

蟅蟲二十個 炒去足

右三味為末。煉蜜和為四丸。以酒一升煎一丸。取八合。頓服之。新血下如豚肝。

〔雲〕又方。療產後血結下不盡。腹中絞痛不止。

大黃另煨

生地

當歸各二兩半

川芎

芍藥

桂心各一兩

甘草

黃芩各二兩

桃仁四十九個 製

右切細。以水七升。煮取二升半。大黃更煎一二沸。分三服。

桂心丸。治產後血氣不散。積聚成塊。上攻心腹。或成寒熱。四肢羸瘦。頭痛。

青皮

乾漆炒烟盡 各七錢

沒藥

檳榔

當歸

桂心

赤芍

牡丹皮各五錢

大黃

桃仁去皮 尖

鱉甲醋炙

厚朴製

三稜煨

玄胡索各一兩

右為細末。煉蜜丸。如桐子大。每服三四十九丸。溫酒下。

〔保〕治血暈血結。或聚於胃中。或偏於小腹。或連於脇肋。四物湯四

兩。倍當歸川芎。加鬼箭紅花玄胡各一兩。同為粗末。加四物煎。調沒藥散服之。

蝨蟲二錢去翅足炒

水蛭一錢炒

麝香少

沒藥

右為末。入前藥調服。血下痛止。只服一服。

〔仲〕產後腹中疼痛。當歸生薑羊肉湯主之。方見產後血弱

〔衍〕一婦人產當寒月。寒氣入產門。臍下脹滿。手不得犯。此寒疝也。

醫將治之。以抵當湯。謂其有瘀血也。予教之曰。非其治也。可服張仲

景羊肉湯。少減作二服。遂愈。

〔仲〕內補當歸建中湯。治婦人產後虛羸不足。腹中刺痛不止。吸吸

少氣。或苦少腹中急。痛引腰背。不能飲食。產後一月日得服四五劑

為善。令人強壯。

當歸四兩

桂枝三兩

芍藥六兩

生薑三兩

甘草二兩

大棗十二枚

右六味。以水一斗。煮取三升。分溫三服。一日令盡。若大虛加飴糖

六兩。湯成。內於火上。緩令飴消。若去血過多。崩傷內衄不止。加地

黃六兩。阿膠二兩。合入味。湯成。內阿膠服之。

〔雲〕產後六七日。忽然臍腹痛。皆因呼吸冷氣。乘虛入客於血分。宜

服當歸建中湯。方見上

〔大〕獨聖湯。治產後腹痛。當歸為末。每服二錢。水一盞。煎至七分。溫服。

〔雲〕治產後惡物不盡。腹內疼痛。產後常服此妙。

生地

當歸 並略炒 各一兩

生薑 五錢 細切 煎 瓦炒令焦黑

右為細末。薑酒調二錢服。

〔大〕治產後血塊痛。

熟地 斤一

陳生薑 斤半

右拌勻。同炒乾為末。每服一錢。酒調。產後以烏梅湯下之。

〔仲〕產後腹痛滿。不得便。以枳實芍藥散主之。

枳實 燒令黑 勿太過

芍藥 研末

右二味。杵為散。服方寸匕。日三服。并主癰膿。以麥粥下之。

產後腹痛。服枳實芍藥散不愈者。宜下瘀血湯主之。 方見敗血條

〔仲〕產後七八日。無太陽症。少腹堅痛。此惡露不盡。不大便。煩躁發熱。日晡時煩躁者。不食。食則讞語。至夜即愈。宜大承湯主之。熱在裏。

結在膀胱也。 大承氣湯 方見傷寒

〔山〕兒枕痛。用隔年蟹壳燒灰酒下。

〔丹〕局方五積散。治產後餘血作痛。以蒼朮為君。麻黃為臣。厚朴枳

實為使。雖有當歸芍藥之補血。僅及蒼朮三分之一。不思產後之婦。

藥忌 雜方

實

針灸

寒熱

虛實

有何寒邪。血氣未充。似難發汗。借曰藥性溫和。可以推陳致新。豈可用麻黃之悍。附以蒼朮枳朴之散乎。虛而又虛。禍不旋踵矣。產後血塊痛。三陰交氣海。宜灸之

腸鳴

〔垣〕如胃寒泄瀉。腸鳴。於升陽除濕湯加益智仁五分。半夏五分。生薑棗子和煎。升陽除濕湯方見注瀉

〔丹〕腹中水鳴。乃火擊動其水也。二陳湯加芩連梔子。腹中鳴者。病本於胃也。全文見水種 腸鳴多屬脾胃虛。一男子腸鳴食少。臍下有塊

耕動。若得下氣多乃已。已則復鳴。醫用疎氣藥與服。半年不效。予用參朮為君。甘草連參枳乾薑為臣。一帖腸鳴止。食進。又每服吞厚朴紅荳丸。其氣耕亦平。經云。脾胃虛則腸鳴腹滿。又云中氣不足。腸為之苦鳴。此之謂也。

肺移寒於腎為漏水。漏水者。按之腹不堅。水氣客於大腸。疾行則鳴。濯濯如囊裏水漿之聲也。全文見疹病傳變

〔河〕葶藶丸。治涌水疾行則腹鳴。如囊裏水漿之聲。

葶藶 隔紙

澤瀉

椒目

桑白皮

杏仁

猪苓 去黑皮

各五錢

右為末。煉蜜丸。桐子大。每二十九丸。葱白湯下。不拘時。以利為度。

運氣

運氣腸鳴有二。

一曰土發。經云。土鬱之發。腸鳴而爲數。後是也。

二曰熱勝。經云。少陰在泉。熱淫所勝。病腹中腸鳴。氣上衝胃。治以鹹寒是也。

針灸腸鳴有三法。

其一補脾。經云。脾虛則腹滿腸鳴。飡泄。食不化。取其經太陰陽明少陰血者是也。

其二補足太陽。經云。中氣不足。腸爲之苦鳴。補足外踝下留之五分申脈穴也。

其三取太陽。經云。腸中雷鳴。氣上衝胃。邪在大腸。刺盲之原。巨虛上廉三里是也。

〔甲〕腹中常鳴。時上衝心。灸臍下。腹中腸鳴。盈盈然。食不化。脇痛不得臥。煩熱泄糜。不嗜食。胃脇痞滿。喘息而衝。噯心痛。及傷飽。身黃。骨瘦羸。章門主之。腸鳴相逐。不可傾倒。承滿主之。腸鳴而痛。溫留主之。飲食不下。腹中雷鳴。大便不節。小便赤黃。陽綱主之。

嘔吐膈氣總論

〔潔〕論曰。吐有三。氣積寒也。皆從三焦論之。上焦在胃口。上通天氣。主內而不出。中焦在中脘。上通天氣。下通地氣。主腐熟水穀。下焦在

大法
吐分
三焦

臍下。下通地氣。主出而不納。是故上焦吐者。皆從於氣。氣者天之陽也。其脈浮而洪。其症食已暴吐。渴欲飲水。大便燥結。氣上衝胃而發痛。其治當降氣和中。上焦吐者。皆從於預有陰有陽。食與氣相假爲積而痛。其脈浮而弦。其症或先痛而後吐。或先吐而後痛。治法當以小毒藥去其積。檳榔木香和其氣。下焦吐者。皆從於寒地道也。其脈大而遲。其症朝食暮吐。暮食朝吐。小便清利。大便祕而不通。治法宜毒藥通其閉塞。溫其寒氣。大便漸通。復以中焦藥和之。不令大腑結閉而自安也。

右潔古論三焦吐。其說蓋本於黃帝所謂氣爲上膈。食飲入而還出爲下膈。食晬時乃反出之。其上焦食已暴吐者。今世謂之嘔吐也。中下二焦朝食暮吐。暮食朝吐者。今世謂之膈氣反胃也。分嘔吐膈氣爲二門。

嘔吐 乾嘔 惡心 嘔苦水 吐酸吞酸 嘔吐清
水 嘔沫 嘔膿 嘔吐蟲 吐利 關格

〔垣〕夫嘔吐噦者。俱屬於胃。胃者總司也。以其氣血多少爲異耳。且如嘔者。陽明也。陽明多血多氣。故有聲有物。氣血俱病也。仲景云。嘔多雖有陽明症。慎不可下。孫真人云。嘔家多服生薑。乃嘔吐之聖藥也。氣逆者必散之。故以生薑爲主。吐者太陽也。太陽多血少氣。故有

物無聲。乃血病也。有食入則吐。有食已則吐。以陳皮去白主之。噦者。少陽也。少陽多氣少血。故有聲無物。乃氣病也。以薑製半夏為主。故朱奉議治嘔吐噦。以生薑半夏陳皮之類是也。究其三者之源。皆因其脾虛弱。或因寒氣客胃。加之飲食所傷而致也。宜以丁香藿香半夏扶苓陳皮生薑之類主之。按噦內經實指呃逆今先賢誤釋為乾嘔者非也若但有內傷。而有此疾。宜察其虛實。使內消之。痰飲者必下之。當分其經。對證用藥。不可亂也。

嘔有物
嘔有聲

表實者辛

〔仲〕諸嘔吐。穀不得下者。小半夏湯主之。

嘔家本渴。渴者為欲解。今反不渴。心下有支飲故也。小半夏湯主之。用半夏一升。生薑半斤。以水七升。煮取一升半。分溫再服。卒嘔吐。心下痞。腸閉有水眩悸者。小半夏加茯苓湯主之。

半夏升一

生薑斤半

茯苓三兩一法四兩

右三味。以水七升。煮取一升半。分溫再服。

陳皮湯。治嘔吐。方見乾嘔

〔孫〕治嘔吐。以白檳榔一枚煨。陳皮十分炙。剉為末。水一盞。煎半盞服之。

右薑半橘。治嘔吐必用之聖藥。然東垣云。辛藥生薑之類治嘔吐。

胃虛者甘

大便不通者利之穀氣久虛和飲之

但治上焦氣壅表實之病。若胃虛穀氣不行。胃中閉塞而嘔者。惟宜益胃。推揚穀氣而已。勿作表實。用辛藥瀉之。

〔仲〕胃反嘔吐者。大半夏湯主之。服前小半夏湯諸傷不愈者服此立愈

半夏二升洗

人參三兩

白蜜升一

右三味。以水一斗三升。和蜜揚之二百四十遍。煮藥取三升。溫服

一升。餘分再服。

李絳療反胃嘔吐無常。粥飲入口即吐。困倦無力垂死者。以上黨人

參三大兩。劈破。水一大升。煮取四合。熱頓服。

〔丹〕久病嘔者。胃虛不納穀也。

生薑

人參

黃芪

白朮

香附

胃虛有寒嘔吐者。東垣丁香某黃湯。仲景理中湯。皆益胃推揚穀氣

之劑也。方見寒條

〔垣〕若陰虛邪氣逆上。窒塞嘔噦。不足之病。此地道不通也。正當用

生地黃當歸桃仁紅花之類。和血涼血潤血。兼用甘草以補其氣。微

加大黃芒硝以通其閉。大便利。邪氣去。則氣逆嘔噦自不見矣。復

有胃中虛熱。穀氣久虛。發而為嘔噦者。但得五穀之陰以和之。則嘔

噦自止。五穀皆屬陰。或食或飲。白屬或喜涼者。飲涼水皆能止嘔噦。不必用藥也。

痞者
治痞

〔仲〕嘔而腸鳴。心下痞者。半夏瀉心湯主之。方見傷寒

〔垣〕加減二陳湯。治痰飲為患。或嘔噦惡心。或頭眩心悸。或中脘不快。或發為寒熱。或因食生冷。脾胃不和。並宜治之。

丁香 兩一 半夏 五兩 陳皮 五兩 茯苓 二兩

甘草 兩一

右咬咀。每服四錢。水一盞半。生薑三片。烏梅一個。同煎至七分。去渣熱服。無時。或治痰痞。加草苴。麩。裹煨熟。一兩半。

藿香安胃散。治脾胃虛弱。不飲食。嘔吐不時。

藿香 半錢 丁香 二錢 人參 二錢 橘紅 五錢

右件四味為細末。每服二錢。水二盞。生薑三片。同煎至一盞。去渣服。食前。

〔垣〕丁香吳茱萸湯。治嘔吐噦胃寒所致。

丁香 五分 吳茱萸 草荳蔻 人參 各一錢

甘草 五分 黃芩 一錢 柴胡 五分 升麻 七分

茯苓 五分 當歸 半錢 蒼朮 一錢 半夏 五分

乾薑 五分

右為細末。每服半兩。水二盞。煎至一盞。去渣熱服。食前。忌冷物。

〔世〕藿香平胃散。治嘔吐不止。

藿香一兩

半夏二兩

陳皮去白二兩

厚朴一兩

蒼朮三兩 泔浸

甘草二兩 炙

右為粗末。每服五錢。水一盞半。生薑三片。棗三枚。同煎。去渣。溫服。

〔羅〕紅苳丸。諸藥不愈者神效。方見臨氣寒條

〔杜〕安業坊有閩氏家老婦人患嘔吐。請石秀才醫曰。胃冷而嘔。下

理中丸至百餘丸。其病不愈。石疑此患。召杜至曰。藥病正相投。何必

多疑。石曰。何故藥相投而病不愈。杜曰。寒氣甚。藥力未及。更進五十

丸必愈。如其言果愈。石於是師法於杜。

〔海〕理中湯加減例。理中湯方甘草人參白朮乾薑各等分

若為寒氣濕氣所中者。附子一兩。名附子理中湯。若霍亂吐瀉

者。加橘紅青橘皮各一兩。名治中湯。若乾霍亂。心腹作痛。先吃

鹽湯少許。頓服。嘔吐出令透。即進此藥。若嘔吐者。於治中湯內

加丁香半夏一兩。生薑十片。若泄瀉者。加橘紅茯苓各一兩。名

補中湯。若泄瀉不已者。於補中湯內加附子一兩。不喜飲食。水

穀不化者。再加炒砂仁一兩。共成八味。若霍亂吐下。心腹作痛。

手足逆冷。於本方中去白朮。加熟附。名四順湯。若傷寒結胃。先

以桔梗枳殼等分煎服。不愈者。及吐利後胸痞欲絕。心膈高起。急

痛手不可近者。加枳實茯苓各一兩。名枳實理中湯。若渴者。但

於枳實理中湯內加瓜蒌根一兩。若霍亂後轉筋者。理中湯內加石膏一兩。火煨若臍下築者。腎氣動也。去朮加官桂一兩。腎惡燥。故去朮。恐作奔豚。故加官桂。若悸多者。加茯苓一兩。若渴欲飲水者。加朮半兩。若苦寒者。加乾薑五錢。若腹滿者。去白朮。加附子一兩。若飲酒過多。及啖炙博熱食發爲鼻衄者。加川芎一兩。若傷胃吐血。以此藥能理中脘。分利陰陽。安定血脈。只用本方。若中附子毒者。亦用此方。或止用甘草生薑等分煎服。或以烏頭煎湯解之。

〔仲〕嘔而胃滿者。吳茱萸湯主之。方見傷寒吐嘔而脈弱。小便復利。身有

微熱。見厥逆者。四逆湯主之。方見傷寒下利

〔杜〕王曾侍郎病嘔。飲食皆不得進。召孫數日。亦不愈。後復召杜。杜曰。治嘔愈嘔。此胃風也。遂用川烏一兩。淨洗去皮臍。不去尖。以漿水一碗煮乾。每個作兩片。復用漿水一碗。煮盡。更作四片。每細嚼一片。以少盪水下。少頃。嘔遂止。痛既少息。杜遂問曰。尋常好吃何物。曰。好吃甘甜之物。杜曰。是甘甜乃膏粱之物。積久成熟。因而生風。非一朝一夕之故也。王服其說。

痛而嘔爲寒。經云。寒氣客於腸胃。厥逆上出。故痛而嘔者是也。〔丹〕嘔吐胃中有熱。膈上有痰。二陳湯加炒梔子黃連生薑主之。此

方累試效。

〔仲〕嘔而發熱者。小柴胡湯主之。方見往來寒熱

〔潔〕用小柴胡湯加青黛。以薑汁打糊爲丸。名青鎮丸。治嘔吐脈弦頭痛。蓋本諸此。

〔本〕治胃熱嘔。以竹茹湯。

乾葛三錢

甘草二錢

半夏三錢薑汁半盞漿水一升煮耗半

右末。每服五錢。水一盞。薑三片。竹茹一彈。大棗一枚。同煎。至一盞。去渣溫服。

有熱者。手足心熱。政和年有京人病傷寒。得汗身涼。數日忽嘔吐。藥與飲食俱不下。醫者皆進丁香藿香滑石等藥。下咽即吐。予曰。此正汗後餘熱留胃脘。孫兆竹茹湯。正相當爾。治藥與之。即時愈。良方中。槐花散亦相應。

定嘔吐利膈。枇杷散。

枇杷葉去毛味苦平下氣

人參各一錢

茯苓五錢

茅根二兩

半夏一錢

右細剉。每服四錢。水一盞半。生薑七片。慢火煎至七分。去渣。入檳榔末五分。和勻服之。

〔仲〕嘔吐而病在膈上。後思水解。急與之。思水者。猪苓散主之。

猪苓

茯苓

白朮各等分

右三味。杵為散。飲服方寸匕。日三服。

仲景云。嘔吐思水解者急與之。予長男每嘔水三二碗。諸藥不效。但吃井花水一口即住。用白朮茯苓湯服愈。信知先賢不誣也。

〔本〕治卒嘔吐不止。不欲食。煮枇杷葉汁飲之。止渴偏理嘔哕。
〔丹〕婦人月經時口渴。吃水多。心痞。善嘔。不食。

白朮錢二

陳皮錢二

山梔炒

木通

黃芩錢各一

炙甘草些

分二帖。水二盞。煎小盞。入薑汁熱飲之。

〔本〕治產後嘔不止者。香靈丸。

丁香

辰砂另研各六分

五靈脂錢一

右香脂先研末。後入砂再研勻。用狗膽或猪膽丸如雞頭大。每服

一丸。生薑陳皮湯磨下。

諸痿喘嘔。皆屬於上。全文見診

〔素〕太陰所謂食則嘔者。物盛滿而上溢。故嘔。脈解篇

辛散逆氣。諸方用薑半橘之類。並見上壅條

〔廣〕治嘔逆不能食。訶黎勒皮二兩。去核。搗為末。煉蜜和丸。槐子大。

空心服二十九丸。日二服。

苦泄 辛散 藏腑

存血

酸收

脚氣

運氣

〔食〕木瓜主嘔喘風氣。又吐而轉筋。煮木瓜汁飲之甚良。

〔世〕若病人直患嘔吐而復脚弱。或疼。乃是脚氣。當作脚氣治之。

運氣嘔吐有四。

一曰火熱。經云。少陰司天。熱氣下臨。嘔逆躁煩。又云。少陽所至。爲嘔痛。又云。少陽之復。嘔逆。又云。火鬱之發。嘔逆。治以鹹寒甘寒是也。

二曰風。經云。厥陰在泉。風淫所勝。病食則嘔。又云。厥陰司天。風淫所勝。食則嘔。又云。厥陰之勝。甚則嘔。又云。厥陰之復。嘔吐。飲食不入。入而復出。甚則入脾食溲而吐。治以辛涼甘清酸清是也。

三曰風火。經云。少陽司天之政。風熱參布。民病嘔吐。二之氣。病熱鬱於上。欬逆嘔吐。三之氣。民病嘔。又云。太陽司天之政。初之氣。病見熱。頭痛嘔吐。治以酸寒辛寒鹹寒是也。

四曰濕。經云。陽明司天之政。初之氣。其病嘔。又云。土鬱之發。甚則心痛脚腫嘔吐是也。

鍼灸嘔吐取法有二。

其一取脾。經云。脾足太陰之脈。是動則病。食則嘔。視盛虛熱寒。陷下取之也。

其二取肝。經云。肝足厥陰之脈。所生病者。胃滿嘔逆。視盛虛熱寒。陷下取之也。

針灸

〔潔〕嘔盛無度并乾嘔。太陵 間使

〔扁〕嘔逆。中脘 尺澤

〔摘〕胃中痰飲。霍亂驚悸。腹脹暴痛。恍惚吐逆不食。巨闕六分 三里

愈立

肝脈緩為善嘔。全文見診虛實法

〔垣〕孫真人言。生薑為嘔家聖藥。謂上焦氣壅表實之病而言。非以瀉氣而言之也。若脾胃虛弱。穀氣不行。榮衛下流。是中氣不利。清氣津液不上。胃中閉塞。氣道不開。亦令人嘔。惟宜益胃推揚穀氣而已。勿作外實。以辛藥生薑之類。瀉其壅滯。及妄以瀉氣瀉血藥下之。下之則轉增閉塞。凡痛或變作結胸。復下其膈。由此致危者多矣。蓋氣已虛而反瀉之。是重瀉其氣。必胸中如刀削之痛。與正結胃無異。可不慎哉。

〔丹〕嘔吐煎藥。忌瓜蒌杏仁桃仁蘿蔔子山梔。皆要作吐。丸藥中帶香藥行散不妨。注船大吐。渴飲水者。即死。童便最好。

吐有物無聲

〔潔〕治上焦氣熱上衝。食已暴吐。脈浮而洪。宜先降氣和中。桔梗湯。

桔梗半一兩

白朮半一兩

半夏二兩

陳皮去白

枳實炒

茯苓

厚朴各一兩

右粗末。每服一兩水一盞。煎至七分。取清溫調。木香散二錢。隔夜空腹服之。三服後氣漸下。吐漸去。然後去木香散。加芍藥二兩。黃芪一兩半。同煎服之。病愈則止。如大腑燥結。食不盡下。以大承氣湯去硝微下之。少利爲度。再服前藥補之。如大便復結。又依前微下之。

木香散 木香 檳榔分等

右爲細末。同前藥調下。

〔保〕治暴吐。上焦氣熱所衝也。經曰。諸嘔吐酸暴注下迫。皆屬於火。脈洪而浮者。荆黃湯主之。

荆芥兩一 人參錢五

甘草錢二

大黃錢二

右粗末作一服。水二盞。煎至一盞。去渣。調檳榔散二錢。空心服之。檳榔散

檳榔錢二 木香錢一

輕粉少許

右爲細末。同煎藥下。如丸。亦用水浸蒸餅爲丸。如小荳大。每服二十丸。食後服。

李絳獨參湯。治嘔吐胃弱欲死。方見嘔胃虛條

〔仲〕大黃甘草湯。治食已卽吐。又治吐水。

大黃兩四 甘草兩一

右二味以水三升煮取一升分溫再服。

〔潔〕金花丸。治吐食而脈弦者。由肝勝於脾而吐。乃由脾胃之虛。宜治風安胃。

半夏一兩 湯洗

檳榔二錢

雄黃錢半

右細末。薑汁浸。蒸餅爲丸。如桐子大。小兒另丸。薑湯下。從少至多。漸次服之。以吐止爲度。風痰羈絆於脾。故飲食不下。治吐。頭痛有汗。脈弦。青鎖丸主之。

柴胡兩一

黃芩七錢半

甘草

半夏三錢

青黛二錢半

人參五錢

右細末。薑汁浸。蒸餅丸。桐子大。每服五十九丸。薑湯食後下。〔仲〕胃反吐而渴欲飲水者。茯苓澤瀉湯主之。

茯苓斤半

澤瀉兩四

甘草兩二

桂枝兩二

白朮兩三

生薑兩四

右六味以水一斗。煮取三升。內澤瀉再煮。取二升半。溫服八合。日三服。

〔本〕食即吐。欲作反胃。白朮散。

澤瀉

白朮

茯苓各等分

右爲末。每服一錢。湯調溫服。

所血

雜方

運氣

診

厥者
辛數

〔經〕治丈夫婦人吐逆連日不止。粥食湯藥不能下者。可以五靈脂不夾土石揀精好者。不計多少。搗細末研。狗膽汁和為丸。如雞頭大。每服一丸。煎熱生薑酒磨細。更以少生薑酒化下。凡湯藥令極熱。須是先做下粥溫熱得所。左手與患人藥吃。不得漱口。右手急將粥與患人吃。不令太多。

碧霞丸。治吐逆立効。黃丹四兩。篩過。用好米醋半升。同藥入銚內煎乾。却用炭火三稱。就銚內煨透紅。冷取研細為末。用粟米飯丸。如桐子大。煎醇湯下七丸。不嚼。只一服。

運氣吐皆屬風水。經云。厥陰之復。甚則入脾。食痺而吐。又云。歲木太過。風氣流行。民病脇痛吐食。治以酸清之類是也。
灸刺見前灸刺嘔吐條。

〔脈〕陽緊陰數。其人食已即吐。陽浮而數亦為吐。寸緊尺瀼。其人胸滿。不能食而吐。寸口脈數。其人則吐。寸口脈細而數。數則為熱。細則為寒。數為嘔吐。

〔仲〕問曰。病人脈數。數為熱。當消穀引食而反吐者何也。師曰。以發其汗。令陽微。膈氣虛。脈乃數。數為客熱。不能消穀。胃中虛冷。故吐也。

乾嘔無物有聲

〔仲〕乾嘔噦。若手足厥者。陳皮湯主之。

熱者
甘緩

陳皮四兩

生薑半斤

右二味以水七升煮取三升溫服一升下咽即愈。

〔肘〕主卒乾嘔不息取甘蔗汁溫服半升日三又以生薑汁一升服並瘡。治卒乾嘔不息搗葛根絞取汁服一升瘡。本草云生葛根汁大寒

惡心欲吐不吐

〔丹〕惡心有熱有痰皆用生薑隨證用藥。

〔仲〕病人胸中似喘不喘似嘔不嘔似噦不噦徹心中憤憤然無奈者生薑半夏湯主之。

半夏半斤

生薑一斤

右二味以水三升煮半夏取二升內生薑汁煮取二升半少冷分四服日三夜一服止停後服。

〔垣〕茯苓半夏湯治胃氣虛弱身重有痰惡心欲吐是邪氣羈絆於脾胃之間當先實其脾胃。

炒麴三錢

大麥蘖半兩炒黃

陳皮

天麻各二錢

白朮

白茯苓

半夏各一兩

右為粗末每服五錢水二盞生薑五片煎至一盞去渣熱服。

柴胡半夏湯治舊有風症不敢見風眼眩眼黑胸中有痰惡心兀兀欲吐但遇風覺皮肉緊手足難舉動重如石若在暖室少出微汗其

濕痰

風痰

症隨減再遇風病復如是。

半夏二錢

炒麴一錢

生薑三片

柴胡

升麻各五分

蒼朮一錢

藁本五分

白茯苓七分

右為粗末。只作一服。水二盞。煎至五沸。去渣溫服。

張文仲治胃氣冷。吃食即欲得吐。以白芫薺仁三枚搗篩。更研細。好

酒一盞。微溫調之。併飲三兩盞佳。

〔仲〕病人欲吐者。不可下之。

〔雲〕蒲黃散。治產後三四日。惡露不下。嘔逆壯熱。

均藥二錢

知母二兩

生薑

當歸

蒲黃各二兩

紅花五錢

荷葉心中蒂一個

生地汁一盞

右以咀。水二升。煎至一升。去渣。下蒲黃煎數沸。空心分三服。

療產後嘔吐不止。

橘紅一兩

半夏錢

甘草各五分

藿香一兩

右為細末。每服三錢。薑三片。水煎。

〔大〕開胃散。治產後胃氣不和。嘔吐不止。全不納飲食。

訶子肉一兩

人參一兩

甘草半兩

右三味為細末。別以半夏半分。生薑一分。葱白二七莖。水一大盞。

煎至六分。去渣。分爲二服。

嘔苦水

〔丹〕鄭宅如夫人清早嘔苦水。脈瀋而微。起轉如常。此胃弱而上脘有濕也。

黃芩錢七

滑石半一兩

蒼朮一兩 炒

飛礬二兩

陳皮一兩

山查一兩

半夏一兩

桔梗五錢

炒芩錢五

薑水煎服。

針灸

刺灸嘔苦。獨取膽與胃。經云。善嘔。嘔有苦。長大息。邪在膽。逆在胃。膽液泄則口苦。胃氣逆則嘔苦。故曰嘔取膽三里以下。胃氣逆則刺少陽血絡。以開膽逆。卻調虛實。以去其邪。又云。口苦嘔宿汁。取陽陵泉是也。

運氣

運氣嘔苦皆屬燥。經云。陽明在泉。燥淫所勝。病善嘔。嘔有苦。又云。陽明之勝。嘔苦。治以苦溫辛溫是也。

吐酸吞酸

丹條
治木
之熱

〔丹〕或曰吞酸。素問明以爲熱。東垣又以爲寒。何也。予曰。吐酸與吞酸不同。吐酸是吐出酸水如醋。平時津液隨上升之氣鬱積而成積。成積既久。濕中生熱。故從木化。遂作酸味。非熱而何。其有鬱積之久。不能自漏而出。伏於肺胃之間。咯不得上。噯不得下。肌表得風寒則

內熱愈鬱。而酸味刺心。肌表溫暖。腠理開發。或得香熱湯丸。津液得行。亦可暫解。非寒而何。素問言熱者言其本也。東垣言寒者言其未也。但東垣不言外得風寒而作收氣。立說欲瀉肺金之實。又謂寒藥不可治酸。而用安胃湯。加減二陳湯。俱犯丁香。且無治熱濕鬱積之法。為未合經意。予嘗治吞酸。用黃連。茱萸。各製炒。隨時令送為佐使。蒼朮。茯苓。為輔。湯浸蒸餅。為小丸吞之。仍教以糲食。蔬果自養。則病易安。吞酸用吳茱萸。順其性而折之。此反佐之法也。必須以炒黃連為君。

咽醋丸

茱萸 去枝梗半兩 煮曬乾

陳皮 去白五錢

黃芩 炒五錢

蒼朮 七錢半

黃連 一兩 細切用陳壁泥同炒

右為細末。麩糊丸。桐子大。

參黃丸。可治吞酸。不可治自利。方見泄瀉

兵部手集治酸心。每醋氣上攻如酸醋。茱萸一合。水三盞。煎七分。頓服。縱濃亦強服。

〔梅〕治酸心。檳榔四兩。陳皮二兩。細搗為末。空心生蜜湯下方寸匕。〔丹〕丈夫因外感涼氣。與宿飲相搏。心下酸臧。嘔清水。後有紅。

青皮 三錢

黃芩 半錢

人參 二錢

紫蘇

木通

甘草

枳殼二錢

桔梗半錢

麻黃五分

東垣
治末
之寒

〔垣〕病機云。諸嘔吐酸。皆屬於熱。辨云。此上焦受外來客邪也。胃氣不受外邪。故嘔。傷寒論云。嘔家雖有陽明症。不可攻之。是未傳入裏。三陰不受邪也。亦可見此證在外也。仲景以生薑半夏治之。孫真人云。嘔家多用生薑。是嘔家聖藥。以雜病論之。嘔吐酸水者。甚則酸水浸其心。不任其苦。其次則吐出酸水。令上下牙酸。瀉不能相對。以大辛熱劑療之。必減吐酸。嘔出酸水也。酸味者。收氣也。西方肺金旺也。寒水乃金之子。子能令母實。故用大鹹熱之劑瀉其子。以辛熱為之佐。以瀉肺之實。以病機之法作熱攻之者。悞矣。蓋雜病醋心。濁氣不降。欲為中滿。寒藥豈能治之乎。

加減二陳湯

藿香安胃散

二方並見前嘔吐痰飲門

濕飲

〔本〕予平生有二疾。一則下血。二則膈中停飲。下血有時而止。停飲則無時。始因年少時夜坐為文。左向伏几案。是以飲食多墜。向左邊中夜以後稍困乏。必飲酒二三盞。既臥就枕。又向左邊側睡。氣壯盛時殊不覺。三五年後。覺酒止從左邊下。漉漉有聲。脇痛。飲食外減。十數日必嘔。數升酸水。暑月止是右邊身有汗。褰褰常潤。左邊病處絕燥。遍訪名醫及海上方服之。少有驗者。間或中病。止得月餘復作。其

補如天雄附子礬石。其利如牽牛。甘遂大戟。備嘗之矣。予後揣度之。已成癖囊。如潦水之有科。曰。不盈科不行。水必盈科而行也。清者可。濁者依前停蓄。蓋下無路以出之也。是以積之五七日必嘔而去。稍寬。數日復作。脾土惡濕。而水則流濕。莫若燥脾以勝濕。崇土以堆科。曰。則疾當去矣。於是悉屏諸藥。一味服蒼朮。三月而除。自此後一向數年。不吐不嘔。胃膈寬。飲啖如故。暑月汗周體而身涼。飲亦從中下。前此飲漬其肝。目亦多昏眩。其後燈下能書細字。皆蒼朮之力也。其法蒼朮一斤。去皮切末之。用白芝麻半兩。水二盞。研攪取汁。大棗十五枚。爛煮去皮核。研以麻汁勻。研成稀膏。搜和入白熟杵。丸如桐子大。乾之。每日空腹溫湯吞下五十丸。加至一百丸。二百丸。忌桃李雀鴿。初服時必膈微燥。且以茅朮製之。覺燥甚。再進山梔子散一服。久之不燥也。予服半年以後。止用燥烈味極辛者。削去皮。不浸。極有力。亦自然不燥。山梔散用山梔一味。乾之爲末。沸湯點服。故知久坐不可伏向一邊。時或運動。亦調息之法。

治酒癖停飲吐酸水。乾薑丸。聖惠方

乾薑

葛根

枳殼

橘紅

前胡各五錢

白朮

半夏各一兩

茱萸

甘草各一分

右細末。煉蜜丸。如桐子大。每服三十丸。用米飲服有效。
治中風痰涎飲眩暈。嘔吐酸水。頭痛惡心。

半夏二兩

南星

白附各一兩

右並生為末。滴水丸。如桐子大。以生麩裹衣。陰乾。每服十九至二十丸。生薑湯下。

〔子和〕棠溪張鳳村一田叟。姓楊。其病嘔酸水十餘年。本留飲。諸醫皆以燥劑治之。中脘臍臑。以火艾燔鍼刺之。瘡未嘗合。戴人以苦劑越之。其涎如膠。乃出二三升。談笑而愈。

運氣吐酸。皆屬於熱。經云。諸嘔吐酸。皆屬於熱。又云。少陽之勝。欲嘔嘔酸。治以辛寒是也。

〔東〕吐宿汁吞酸。章門 神元

嘔吐清水

〔本〕一味蒼朮丸。治嘔吐清水如神。方見吐酸濕條

〔仲〕茯苓飲。治心胃中有停痰宿水。自吐出水後。心胃間虛氣滿不能食。消痰氣。令能食。

茯苓

人參

白朮各三兩

枳實六兩

陳皮錢五

生薑四兩

右六味。水六升。煮取一升八合。分溫三服。如人行八九里進之。

濕飲

針灸

運氣

火毒

寒

運氣

寒

〔丹〕盛兄兩手麻眩。飲後嘔清水。

神麴

蒼朮

香附各五分

益元散兩

半夏七錢

右爲末。薑汁浸。蒸餅爲丸。

〔神〕渴欲飲水。水入則吐者。名曰水逆。五苓散主之。方見傷寒

〔丹〕施卜年四十。因灸艾火太多。病腸內下血糞。肚痛。今痛自止。善

嘔清水。食不下。宜清胃口之熱。

黃芩五分

陳皮

地黃各一分

白朮一分

連翹錢半

甘草

茯苓五分

生薑三片

〔干〕治痰飲水吐無時節者。其源因冷飲過度。遂令脾胃氣羸。不能消於飲食。飲食入胃。則皆變成冷水。反吐不停。皆赤石脂散主之。赤石脂一斤。搗篩服方寸匕。酒飲時稍加至三七服。盡一斤。終身不吐痰水。又不下痢。補五臟。令人肥健。有人痰飲。服藥不愈。用此方愈。運氣嘔吐清水有二。

一曰濕。經云。太陰之復。嘔而密默。唾吐清液。治以甘熱是也。

二曰寒。經云。諸病水液。澄澈清冷。皆屬於寒是也。

嘔沫

〔仲〕乾嘔吐逆吐涎沫。半夏乾薑散主之。

半夏

乾薑各等分

右二味。杵為散。取方寸匕。漿水一升半。煎取七合。頓服之。

乾嘔吐涎沫。頭痛者。吳茱萸湯主之。方見傷寒

婦人吐涎沫。醫反下之。心下即痞。當先治其吐涎沫。小青龍湯主之。

涎沫止。乃治痞。瀉心湯主之。

刺灸嘔沫。獨取手太陰。經云。手太陰厥逆。虛滿而欬。善嘔沫。治主病

者是也。

脾脈微急。為膈中食飲。入而還出。後沃沫。全文見虛實法經云急者多寒

嘔膿

〔仲〕嘔家有癰膿。不可治。嘔膿盡自愈。

嘔吐蟲

〔丹〕吐蟲黑錫炒成灰。檳榔末米飲調下。

〔仲〕蚘厥者當吐蚘。今病者靜而復時煩。此為臟寒。蚘上入膈故煩。

須臾復止。得食而嘔。又煩者。蚘聞食臭出。其人當自吐蚘。蚘厥者。

烏梅丸主之。又主痢。方見傷寒厥陰論

刺灸嘔蟲。獨取胃。經云。胃欬之狀。欬而嘔。嘔甚則長蟲出。取胃三里

是也。

〔脈〕關上脈微浮。積熱在胃中。嘔吐蚘蟲。心健忘。

針灸

診

雜方

針灸

診

〔仲〕病人有寒。復發汗。胃中冷。必吐衄。

吐利

成無已云。若止嘔吐而利。經云。謂之吐利是也。上吐下利。躁擾煩亂。乃謂之霍亂。其與但稱吐利者有異也。蓋暴於旦夕者為霍亂。可數日久之者為吐利。今以暴為霍亂者。寓於傷寒吐利門。徐而日久者入此門。

寒
〔海〕上吐下瀉不止當渴。而反不渴。脈微細而弱者。理中湯主之。見方

傷寒

〔丹〕泄瀉或嘔吐。六一散生薑汁湯調。

丈夫因辛苦發熱。腰脚痛。吐瀉交作。

白朮

滑石

陳皮各二錢

木通

柴胡錢半

人參錢一

甘草五分

〔脈〕心乘肝必吐利。

運氣吐利有二。

一曰風木。經云。厥陰所至。為嘔泄。又云。木太過曰發生。發生之紀。上

徵則氣逆。其病吐利是也。

二曰寒水。經云。水太過曰流衍。流衍之紀。其動漂泄沃涌是也。漂泄謂泄利沃

涌謂吐沫也

運氣

濕熱

欬嘔腹痛。且發泄。其脈絕。是逆也。全文見診生死

〔仲〕乾嘔而利者。黃芩加半夏生薑湯主之。

黃芩三兩

甘草炙二兩

芍藥二兩

半夏半斤

生薑四兩

大棗二十個

右六味。以水一斗。煮取三升。去滓。溫服一升。日再夜一服。黃芩湯。治乾嘔下利。

黃芩二兩

人參

乾薑各三兩

桂枝一兩

大棗十二個

半夏半兩

右六味。以水七升。煮取三升。溫分三服。

〔潔〕水煮金花丸。治有痰而泄痢不止。甚則嘔而欲吐。利下而不能食。由風痰羈絆脾胃之間。

半夏一兩
湯洗

天南星一兩
洗

天麻半兩

寒水石燒存性一兩

雄黃一錢
半

白麩四兩

右爲末。滴水爲丸。桐子大。每服百丸。先煎漿水沸。下藥煮令浮爲度。漉出生薑湯下。食前。

關格

關者不得小便。格者吐逆。上下俱病者也。

〔難〕邪在大腑。則陽脈不和。陽脈不和。則氣留之。氣留之則陽脈盛。

矣。邪在五臟。則陰脈不和。陰脈不和。則血留之。血留之。則陰脈盛矣。

陰氣太盛。則陽氣不得相營也。故曰隔。陰盛陽不得營故寸口大三四倍於人迎陽氣太盛。則

陰氣不得相營也。故曰關。陽盛陰不得營故人迎大三四倍於寸口陰陽俱盛。不得相營也。故

曰關格。關格者。不得盡其命而死矣。三十

〔潔〕關則不得小便。格則吐逆。關者甚熱之氣。格者甚寒之氣。是關

無出之由。故曰關也。格無入之理。故曰格也。寒在胃中。遏絕不入。

熱在下焦。填塞不使。

〔雲〕陰陽易位。病名關格。胃膈上陽氣常在。則熱爲主。病身半已下。

陰氣常在。則寒爲主。病寒反在胃中。舌上白胎。而水漿不下。故曰格。

格則吐逆。熱在丹田。小便不通。故曰關。關則不得小便。胃中有寒。以

熱藥治之。丹田有熱。以寒藥治之。若胃中寒熱兼有。以主客之法治

之。治主當緩。治客當急。尺寸反者死。陰陽交者死。關格者不得盡其

命而死矣。

〔丹〕必用吐提其氣之橫格。不必在出痰也。有痰以二陳湯吐之。

吐中便有降。有中虛氣不運者。補氣藥中升降之。

〔孫〕奉職趙令儀女。忽吐逆。大小便不通。煩亂。四肢漸冷。無脈。凡一

日半。與大承氣湯一劑。至夜半漸得大便通。脈漸和。翌日乃安。此關

格之病。極爲難治。垂死而活者。惟此一人耳。

診

辨惑

〔孫〕治大小便不通。關格不利。燒皂角細研粥飲下。三錢立通。
 〔外〕關格脹滿。大小便不通。獨頭蒜燒熱去皮。紙裹納下部。氣立通。
 〔仲〕寸口脈浮而大。浮為虛。大為實。在尺為關。在寸為格。關則不得
 小便。格則吐逆。

〔脈〕下微本大者。則為關格不通。不得尿。頭無汗者。可治。有汗者死。
成註云下微謂脈沉之而微也本大謂關後脈大也

膈氣 翻胃 噎 咽喉噎塞 口開目瞪 嘈雜

〔丹〕局方治氣一門。有曰治一切氣。冷氣滯氣逆氣上氣。用安息香丸。丁香丸。大沉香丸。蘇子丸。勻氣散。如神丸。集香丸。白沉香丸。煨薑丸。鹽煎散。七氣散。溫白丸。生薑湯。其治嘔吐膈噎也。用五膈丸。五膈寬中散。膈氣散。酒癥丸。草薺蔻丸。撞氣丸。人參丁香散。其治吞酸也。用了香煎丸。小理中丸。其治痰飲也。用倍朮丸。消飲丸。溫中化痰丸。五套丸。且於各方條下。或曰口苦失味。曰噫酸。曰舌澁。曰吐清水。曰痞滿。曰氣急。曰脇下急痛。曰五心中熱。口爛生瘡。皆是明言熱症。何為悉用熱藥。夫周旋於人之一身。以為主者氣也。陽往則陰來。陰往則陽來。一升一降。無有窮已。苟內不傷於七情。外不感於六淫。其為氣也。何病之有。今日冷氣滯氣逆氣上氣。皆是肺受火邪。氣得炎上之化。有升無降。薰蒸清道。甚而至於上焦不納。中焦不化。下焦不滲。

展轉變爲嘔。爲吐。爲膈。爲噎。爲痰。爲飲。爲反胃。爲吞酸。夫治寒以熱。治熱以寒。此正治之法也。治熱用熱。治寒用寒。此反佐之法也。詳味前方。既非正治。又非反佐。此愚之所以不能無疑也。謹按原病式曰。諸病嘔吐酸皆屬於熱。諸積飲痞滿中膈皆屬於濕。諸氣逆衝上嘔。涌溢食不下皆屬於火。諸堅痞腹滿急痛吐腥穢皆屬於寒。深契仲景之意。金匱要略曰。胃痺病。胃背痛。枳實薤白湯主之。胃痺心痛徹背。背痛徹心。瓜蒌薤白半夏湯主之。心下痞氣。氣結在胃。脇下上逆搶心者。枳實薤白枳實桂枝湯主之。嘔而心下痞者。半夏瀉心湯主之。乾嘔而利者。黃芩加半夏薑湯主之。諸嘔吐穀不得入者。小半夏湯主之。嘔吐病在膈上者。猪苓湯主之。胃反嘔吐者。半夏參蜜湯主之。食已卽吐者。大黃甘草湯主之。胃反吐而渴者。茯苓澤瀉湯主之。吐後欲飲者。文蛤湯主之。病似嘔不嘔。似噦不噦。心中無奈者。薑汁半夏湯主之。乾嘔手足冷者。陳皮湯主之。噦逆者。陳皮竹茹湯主之。乾嘔下痢者。黃芩湯主之。氣衝上者。皂莢丸主之。上氣脈浮者。厚朴麻黃湯主之。上氣脈沉者。澤瀉湯主之。火逆上氣者。麥門冬湯主之。心下有痰飲。胃脇支滿。目眩。茯苓桂朮湯主之。短氣有微飲。當從小便出之。宜茯苓桂朮甘草湯主之。腎氣丸亦主之。病者脈伏。其人欲自利。利者反快。雖利心下續堅滿者。此爲留飲欲去故也。甘遂半

夏湯主之。病懸飲者。十棗湯主之。病溢飲者。當發其汗。宜大青龍湯。又宜小青龍湯主之。心下有支飲。其人苦冒眩。澤瀉湯主之。支飲留滯者。厚朴大黃湯主之。支飲不得息。葶藶大棗瀉肺湯主之。嘔家本渴。今反不渴。心中有支飲故也。小半夏湯主之。卒嘔吐。心下痞。膈間有水眩悸者。小半夏加茯苓湯主之。假令瘦人膈下有悸者。吐涎沫而頭眩。此水也。五苓散主之。心胃有停痰宿水。自吐出水後。心胃間虛。氣滿不能食。消痰氣。令能食。茯苓飲主之。先渴後嘔。爲水停心下。此屬飲家。半夏湯加茯苓主之。觀其微意。可表者行之。可下者利之。滯者導之。鬱者揚之。熱者清之。寒者溫之。偏寒偏熱者。反佐而行之。挾濕者淡以滲之。挾虛者補而養之。何嘗例用辛香燥熱之劑。以火濟火。實實虛虛。谷將誰執。或曰脈訣謂熱則生風。冷生氣。寒主收引。今冷氣上衝矣。氣逆矣。氣滯矣。非冷而何。吾子引仲景之言而斥其非。然則諸氣諸飲諸嘔吐反胃吞酸等病。將無寒症耶。予曰。五臟各有火。五志激之。其火隨起。若諸寒爲病。必須身犯寒氣。口食寒物。乃爲病寒。非若諸火病自內作。所以氣之病寒者。十無一二。或曰其餘痰氣嘔吐吞酸噎膈反胃作熱作火。論治於理可通。若病人自言冷氣從下而上。非冷而何。予曰。上升之氣。自肝而出。中挾相火。自下而出。其熱爲甚。自覺其冷。非真冷也。火極似水。積熱之甚。陽亢陰微。故

見此症冷生氣者。出高陽生之謬言也。若病果因於寒。當以去寒之劑治之。何至例用辛香燥熱爲方。不知權變。寧不誤人。或曰氣上升者。皆用黑錫丹。養正丹。養氣丹等藥。以爲鎮墜。然服之者。隨手得效。吾子以爲熱甚之病。亦將有悞耶。予曰。相火之外。又有臟腑。厥陽之火。五志之動。各有火起。相火者。此經所謂一水不勝二火之火。斯火也。出於天造。厥陽者。此經所謂一水不勝五火之火。出於人欲。二者之火相扇而動。氣之升也。隨火炎上。升而不降。孰能禦之。今借丹劑之重墜而降之。氣鬱爲濕痰。丹性熱燥濕。痰被劫亦爲暫開。所以清快丹毒。積久偏助狂火。陰血愈耗。其升愈甚。俗人喜溫。迷而不悟。被此禍者。滔滔皆是。或曰丹藥之重。欲降而升。然如之何。則可。予曰。投以辛涼。行以辛溫。制伏肝邪。治以鹹寒。佐以甘溫。收以苦甘。和以甘淡。補養陰血。陽自相附。陰陽比和。何升之有。先哲治法。其則不遠。吾不贅及。或曰諸氣諸飲。與夫嘔吐吞酸膈噎反胃等症。局方未中肯綮。我知之矣。然則要略之方。果足用乎。抑猶有未發者乎。予曰。天地之氣化無窮。人身之病亦變化無窮。仲景之書。載道者也。醫之良者。引例推類。可謂無窮之用。借令略有加減。修合終難。踰越矩度。夫氣之初病也。其端甚微。或因此些小飲食不謹。或外冒風雨寒暑。或內感七情。或食味過厚。偏助陽氣。積成膈熱。或資稟素質。表密無汗。或性

急易怒。陰火炎上。以致津液不行。清濁相干。氣爲之病。或痞或痛。或
不思食。或噎噫腐氣。或吞酸。或嘈雜。或膨滿。不求本原。便認爲寒。遽
以辛香燥熱之劑投之。數帖暫得快。然以爲神方。仍前厚味不節。將
理不謹。舊疾被劫暫舒。濁液易於攢聚。或半月。或一月。前病復作。如
此延蔓。自氣成積。自積成痰。此爲痰爲飲爲吞酸之由也。良工未遇。
謬藥已行。痰挾汚血。遂成窠囊。於是爲痞。爲痛。爲嘔。爲噎膈。反胃之
次第諸症隆起。飲食湯液。泥滯不行。滲道塞澹。大便或秘或糖。下失
傳化。中焦愈停。醫者不察。猶執爲冷。翻思前藥。隨手得快。至此實主
皆恨。藥欠燥熱。願俟久服。脾可以溫。胃可以壯。以冀一旦豁然之效。
不思胃爲水穀之海。多血多氣。氣清和則能受。脾爲消化之官。氣清
和則能運。今得香熱之藥。偏助氣血沸騰。其始也胃液凝聚。無所容
受。其久也脾氣耗散。傳化漸遲。其有胃熱易飢。急於得食。脾傷不磨。
鬱積成痛。醫者猶曰虛而積寒。非尋常草木可療。妄以烏附助佐丹
劑。專意服餌。積而久也。血液俱耗。胃脘乾槁。其槁在上。近咽之下。水
飲可行。食物難入。間或可入。入亦不多。名之曰噎。其槁在下。與胃爲
近。食雖可入。難盡入胃。良久復出。名之曰膈。亦曰反胃。大便祕小。若
半屎然。名雖不同。病出一體。要略論飲有六。曰痰飲。懸飲。溢飲。支飲。
留飲。伏飲。分別五臟諸證。治法至矣盡矣。第恨醫者不善處治。病者

不守禁忌。遂使藥助病邪。展轉深痼。去生漸遠。深可哀憫。或曰。千金諸方。治膈噎反胃。未嘗廢薑桂等劑。何吾子之多言也。予曰。氣之鬱滯。久留清道。非借香熱不足。以行。然悉有大黃石膏竹茹芒硝澤瀉前胡朴硝茯苓黃芩蘆根瓜蒌等藥。爲之佐使。其始則同。其終則異。病邪易伏。故易於安。或曰。胃脘乾槁者。古方果可治乎。將他有要捷之法。或可補前人之未發者乎。予曰。古方用人參以補肺。御米以解毒。竹瀝以清痰。乾薑以養血。粟米以實胃。蜜水以潤燥。薑以去穢。正是此意。張雞峯亦曰。噎當是神思間病。惟內觀自養。可以治之。此言深中病情。治法亦爲近理。夫噎病主於血乾。夫血者陰氣也。陰主靜。內外兩靜。則臟腑之火不起。而金水二氣有養。陰血自生。腸胃津液。傳化合宜。何噎之有。

翻胃

〔丹〕翻胃卽膈噎。大約有四。血虛氣虛有熱有痰。治必用童便竹瀝韭汁牛乳薑汁。氣虛入四君子湯。血虛入四物湯。加童便。年少者。四物湯清胃脘血。血燥不潤。故便穢。年高者不治。治必用參朮輩。關防氣虛胃虛。一中年婦人患反胃。以四物湯加和白陳皮留尖桃仁生甘草酒紅花濃煎入驢尿。以防其或生蟲也。與數十帖而安。台州一木匠。年二十七。勤於工作。而性巧慧。有一艾妻。且喜酒。病反

胃者半載。其面白。其脈瀼而不勻。重取則大而弱。小便入九日方通一次。糞皆燥結如羊屎。甚羸乏無力。予謂精血耗竭也。先與甘蔗汁煎六君子湯加附子大黃與之。伺大便稍潤。令謝去工作。臥於牛家。取新溫牛乳細飲之。每頓盡一盃。一晝夜可五六次。以漸而至七八次。其餘菜果粥飯。皆不入口。半月而大便潤。月餘而安。然或口乾。蓋酒毒未解。間飲甘蔗汁少許。近兩月而安矣。六君子湯謂人參茯苓白朮枳殼陳皮半夏各等分薑棗煎也。翻胃用韭汁二盞。牛乳一盞。生薑汁半盞。和勻溫服。效。別有方見前。

〔梅〕主反胃朝食暮吐。旋旋吐者。以甘蔗汁七升。生薑汁一升。二味相和。分爲三服。

〔丹〕杭州一男子。四十餘歲。患反胃兩月矣。口乾而不喜飲食。有時不吐。或吐。則食物裹涎沫而出。吐後胸膈方快。其脈俱瀼。重則弦大。蓋其壯年多服金石房中之藥所致。時正秋初。尙熱。遂令其多作竹瀝煮粟米爲粥。代粥飯與之。每啜一二口而止。卻帶溫頻與之。自此不吐。至旬日稍涼。以流水作稀粥入少竹瀝與之。時間以四物湯加陳皮益其血。月餘而安。

〔食〕主脾胃氣弱。食不消化。嘔逆反胃。湯飲不下。粟米半升。研粉。水和丸。如桐子大。煮令熟。點少鹽。空心和汁吞下。

〔世〕治翻胃吞酸。錫糖查六兩。生薑四兩。研細和爲餅。晒乾。每用餅

十兩。入甘草一兩為末。湯調下。陳彥正服得效。

陽蓄積病苑而陽氣當隔。隔者當瀉。不亟正治。粗乃敗之。全文見陰陽
隔則閉絕。上下不通。則暴憂之病也。通評虛實論

〔潔〕治中焦吐食。由食積與寒氣相格。故吐而疼。宜服紫沉丸。

半夏 麩三錢

烏梅 去核二錢

沉香 一錢

杏仁 去皮尖一錢

砂仁 三錢

丁香 二錢

檳榔 二錢

木香 一錢

陳皮 五錢

白荳蔻 五分

白朮 一錢

巴荳霜 五分

右細末。入巴荳霜令勻。醋糊為丸。如黍米大。每服五十九丸。食後薑

湯下。愈則止。小兒另丸。一法反胃吐食。用橘皮一個。浸少時。去

白。裹生薑一塊。麩裹紙封。燒令熟。去外麩。煎湯下紫沉丸一百丸。

一日二服。後大便通。至不吐則止。此主寒積氣。病機有代諸石肉異無白朮

〔垣〕厚朴丸。主翻胃吐逆。飲食噎塞。氣上衝心。腹中諸疾。其藥味即

與萬病紫苑丸同。

厚朴

蜀椒 去目微炒

川烏頭 炮去皮各一兩半

紫苑 去上苗

吳茱萸 湯洗

菖蒲

柴胡 去苗

桔梗

茯苓

官桂

皂角 去皮放炙

乾薑 炮

人參 各二兩

黃連 二兩

巴荳霜 兩

右為細末。入巴荳霜勻。煉蜜為劑。旋旋丸。如桐子大。每服三丸。漸

次加至五七丸。以利為度。生薑湯下。食後而臥。此藥治效與局方
溫白丸同。及治處暑以後秋冬間下痢大效。春夏加黃連。兩二

秋冬再加厚朴。兩二

如治風於春秋。所加黃連厚朴外。更加菖蒲

茯苓各一兩半。

如治風痛不愈者。依春秋加藥外。更加入參菖

蒲茯苓各一兩半。

如心之積。加菖蒲白茯苓為輔。如肝之積。

加柴胡蜀椒為輔。

如肺之積。加黃連人參為輔。如脾之積。加

萊菔乾薑為輔。

秋冬久瀉不止。加黃連茯苓。

〔保〕反胃大便不通者。是腸勝胃也。服局方半硫丸三十丸。大府秘
用後藥。

附子錢五

巴荳

砒一豆許

右末極細。生薑糊丸。萊菔大。每服一丸。白湯下。

治下焦吐食。朝食暮吐。暮食朝吐。大便不通。宜附子丸。

附子炮五錢

砒研半錢

巴荳霜一錢

右同研極細。溶黃蠟為丸。如桐子大。每服一二丸。冷水送。下利為
度。利後更服紫苑丸。常服一丸。勿令再閉。

〔潔〕白朮木香散。治寒積氣嘔吐。腹中痛。是無積也。胃強而乾嘔。有
聲無物。脾強而吐。食持擊強。是以腹中痛。當以此藥和之。

木香錢一

白朮兩半

半夏錢一

檳榔錢二

扶苓五錢

甘草四錢

丁香一錢

右爲細末。每服一二錢。濃煎芍藥生薑湯調下。有積者。痛時手按之愈痛。無積者。按之不痛。

白朮散。治胃中虛損及痰而吐者。

半夏麩五分

白朮

木香

甘草各一兩

檳榔三錢半

扶苓

右爲細末。每服二錢。食前薑湯下。

〔羅〕十膈氣散。專治十般膈氣。冷膈風膈。氣膈伏膈。熱膈。悲膈。水膈。食膈。喜膈。皆病源也。並因憂驚冷熱不調。又乖將息。更於喜怒無時。貪嗜飲食。因而不化。積滯在膈上。腸鳴痰嗽。歲月漸深。心胃壅塞。漸至羸瘦。久若不除。必成惡候。

人參

白扶苓

官桂

枳殼

炙甘草

神麩炒

麥芽炒

廣茂炮

白朮

陳皮去白

乾薑炮

京三稜炮

訶黎勒煨去核 各一兩厚朴薑製

檳榔

木香已上各五錢

右爲極細末。每服一錢。鹽湯點服。如覺脾胃不和。腹脹心胃滿悶。用水一盞。生薑七片。棗二枚。鹽少許。同煎至八分。和渣熱服。空心

食前。

荳蔻散治五種隔氣。

肉荳蔻去皮 五個

木香

人參

厚朴製

赤茯苓

桂各半

甘草炙半

檳榔五錢

訶黎勒

青皮各半

陳皮去白

郁李仁

半夏湯洗了用生薑搗如泥堆新瓦上文武火焙黃五錢

右為極細末。每服二錢。入鹽少許。如茶點服。若入生薑棗同煎亦佳。不拘時候。能治氣補勞。通血脈。補脾胃。去痰實。

熱瘧

〔本〕鹽尿治反胃。外臺載昔幼年經患此疾。每食餅及羹粥等。須臾吐出。貞觀中許奉御兄弟及柴蔣等時稱名醫。奉勅令治。醫竭其術。竟不能療。漸至羸瘵。死在朝夕。忽有衛士云。服鹽小便極驗。日服二合。後食唯吐一半。晡時又服二合。人定時食粥。吐即便定。後奏知。大內中五六人患反胃。同服。一時俱瘥。此藥稍有毒。服時不可過多。盛取尿熱服二合。病深者日服之良驗。本草云鹽尿治癘瘵反胃又云鹽尿性冷味甘

〔世〕又方。鹽尿調平胃散。平胃散見滯瀉

新瓦散治反胃。用多年瓦一片。燒紅。入鹽尿內焯廿一次。研為末。倉米飯焦亦為末二分。飯末一分。瓦末蠟精和飯丸。以鹽尿和平胃散服之。吞下。

〔丹〕翻胃方

黃連

細切薑汁慢炒三錢

山查肉

一錢

保和末

六錢

右粥丸。桐子大。人參湯入竹瀝再煎沸。熱下六十丸。

〔羅〕人參利膈丸。治胃中不利。痰嗽喘滿。利脾胃壅滯便秘。推陳致新。治膈氣之聖藥也。

木香

檳榔

七錢

人參

當歸

藿香

甘草

枳實

大黃

煨酒

厚朴

薑製各一兩

右爲細末。滴水爲丸。桐子大。如難丸。少加宿蒸餅和丸。每服三五

十丸。食後諸飲下。

〔本〕大黃湯。治冷涎翻胃。其候欲發時。先流冷涎。次則吐食。此乃勞證。治不早。死在旦夕。用大黃一兩。生薑自然汁半茶盞。炙大黃令燥。又焯入薑汁中。如此焯汁盡。切焙爲末。每服二錢。陳米一撮。葱白二莖。水一大盞。煎至七分。先食葱白。次服其藥。不十日去根。

〔羅〕玄明粉朴硝不以多少。煎過澄濾五七遍。晚於星月露至明旦。自然結成青白硝。用一瓦罐按實炭火內煨。從慢至緊。自然成汁。煎至不響。再加頂火一煨。取出。於淨地上倒。合盆去火毒。至晚取出。爲細末。每一斤。入甘草末二兩。每用一錢二錢。桃花湯或葱白湯調下。治膈上氣壅滯。五臟秘塞邪熱。忌魚及藕。

〔丹〕翻胃積飲。通用益元散。生薑自然汁澄清白脚。丸小丸子時時服。益元散方見雜病 翻胃治用萊萸貝母瓜蒌牛膝草。
 〔本〕治積聚停飲。痰水生蟲。久則成反胃。及變為胃癰。其說在靈樞及巢氏病源。芫花丸。

芫花 醋炒碎

牛膝

狼牙根

桔梗 炒黃

藜蘆 炒

檳榔 各半兩

巴豆 十粒炒黑

右為細末。醋糊為丸。如赤豆大。每服二二三丸。加至五七丸。食前生薑湯下。此方常服化痰消堅殺蟲。予患飲癖三十年。暮年常多雜痰飲交潮。遲即吐。有時飲半杯酒即止。蓋合此症也。因讀巢氏病源論酒瘕云。飲酒多而食穀少。積久漸瘦。其病常欲思酒。不得酒則吐多睡。不復能食。是胃中有蟲使然。名為酒瘕。此藥治之。要之須禁酒。即易治。不禁無益也。

〔海〕有楊時者。因患風氣衝心。飲食吐逆。遍身枯瘦。日服萬病紫苑丸五丸。至二十日。瀉出肉塊。蝦蟆五六枚。白膿二升。愈。又趙侍郎先食後吐。目無所見。甘無所聞。服萬病紫苑丸五丸。至十日瀉出青蛇五七條。下惡膿三升。方愈。紫苑丸即前治反胃厚朴丸加羌活獨活防風是也乃磨積之劑

〔世〕治翻胃。用蛔蟲火煨為末。肉汁調下。諸逆衝上。皆屬於火。全文見診

〔世〕治翻胃。大田螺不拘多少。用新水養之。待吐出泥。澄去上清水。後用米篩張地上。却將皮紙鋪在灰上。傾此泥於紙上。候乾稠丸如桐子大。每服三十丸。藿香湯下立愈。仍將田螺放水中。如食之。其病不安。治反胃多年。壁土和香附子末。米飲湯頻頻服之。

白礬

兩一

黃丹

兩一

右為末。入瓦罐內煨令和。取出。以淨紙盛放地上。盆蓋一宿。再為末。蒸餅丸。如桐子。每服五丸至七丸。空心溫酒下。更量老少虛實與之。

〔羅〕紅荳丸。治諸嘔逆膈氣反胃。

丁香

胡椒

砂仁

紅荳 各二十一個

右為細末。薑汁糊為丸。如皂角子大。每服一丸。以大棗一枚。去核。填藥麵裏燒熟。去麵細嚼。白湯下。食前進三服。神效。

丁香附子散。治膈氣吐食。

丁香 半兩

檳榔 一大個

黑附 一個半兩重

炮去皮臍

硫黃 去石

胡椒 各二錢

右先將前四味為末。次入硫黃再研勻。每服二錢。用飛硫黃一個。去毛翅足腸肚。填藥在內。用濕紙五七重裹定。置慢火內燒熟。取

出嚼吃。後用溫酒送下。一日三服。不拘時候。如不吃葷。酒溫粟粥

飲調下。飛燕黃或云蠅
蝠本草無考

〔世〕六丁丸。治翻胃如神。卽香靈丸。方見
嘔吐

〔本〕附子散。治反胃。用附子一枚極大者。生於磚上四面着火。漸漸逼熟。焯入生薑自然汁中。再用火逼。再焯。約盡生薑汁半碗。焙乾。入丁香二錢。每服二錢。水一盞。粟米少許。同煎七分。不過三服。瘥。斗門方。用粟米飲調下一錢服之。又方。治男婦小兒唇青面黃。肚裏冷疼。引牽小腹。以至翻胃換食。嘔吐。口苦舌乾。少寤多寐。脚手牽掣。不拘年日遠近。一切脾冷病。悉能除愈。有一婦人年四十餘。久患翻胃。面目黃黑。歷三十餘年。醫不能效。脾臑諸穴燒灸交遍。其病愈甚。服此藥七日。頓然全愈。服至一月。遂去其根。自是服之。不三五服。些小脾疾。立便瘥平。保全胃氣。能生肌肉。進飲食。順榮衛。常服大有補益。累試累驗。幸毋忽焉。

人參兩一

茯苓白者
二兩

附子七錢已上重
者炮去皮臍

粉草兩一

黃芪鹽炙
一兩

右爲細末。再服三大錢。鹽湯煎服。忌生冷油麪粘膩等毒物。無不效者。甚妙。

〔羅〕桂香散。治膈氣反胃。諸藥難瘥。朝食暮吐。甚者食已輒出。其效

神速。

水銀

黑錫各三錢

硫黃五錢

右三味。銚內用柳木槌熬研。微火上細研為灰。取出後。用丁香末二錢。桂末二錢。生薑末三錢。都一處研。令勻。每服三錢。黃米粥飲調下一服效。甚者再服。

右丁香附子例治翻胃。灼見臟腑有寒者服之。丹溪云。治反胃忌甚燥之劑。犯之必死。設用必與潤血藥相兼服。又前瀉積條亦香燥劑。用者謹之。

勞血

臍臍

運氣
雜方

〔本〕治男婦小兒。遠年近日翻胃吐食。方用五靈脂一味。不拘多少為細末。用黃犬膽汁為丸。如龍眼大。每服一丸。好酒半盞溫服。不止再服。不過三服即效。衍義云五靈脂行經血有效本草云味甘溫療心腹冷氣通氣服女子月閉食不能下者。胃脘臍也。全文見水腫一陽發病。少氣。善欬善泄。其傳為臍。

全文見診病傳變○王註云三焦內結中熱故臍塞不便
〔素〕二陽結謂之臍。王註云小腸結則血脈燥勝臍熱則津液竭故臍塞不便

運氣。膈食皆屬濕。經云。太陰所至。為積飲痞臍是也。

〔世〕治翻胃痛而吐。諸氣不入者。黃牛鼻繩各姓者七個。長七寸。燒存性。為末。作三服。用好酒調下。飯湯調亦得。 鯽魚散。大鯽魚一個。去腸留膽。納綠礬末填滿。縫口。以炭火炙黃為末。每服一錢。陳米飲

調下。日三服。

針灸

〔山〕翻胃。細炒棠梨葉去刺為末酒下。又方。松木節為末酒下。

〔靈〕黃帝曰。氣為上膈者。食飲入而還出。余已知之矣。蟲為下膈。下

膈者。食晬時乃出。晬時通余未得其意。願卒聞之。岐伯曰。喜怒不適。食

飲不節。寒溫不時。則寒汁流於腸中。流於腸中則蟲寒。蟲寒則積聚。

守於下管。則腸胃充郭。衛氣不營。邪氣居之。腸胃充郭則衛氣不營。故邪氣得以居之也。入食則

蟲上食。蟲上食則下管虛。下管虛則邪氣勝之。積聚以留。邪氣原因衛虛

上而下管虛則邪氣乘虛勝之而積聚以留也。留則癰成。癰成則下管約。下管約故食入則痛。而居下脘今蟲

內者。即內而痛深。其癰在脘外者。則癰外而痛浮。癰上皮膚熱。黃帝曰。

刺之奈何。岐伯曰。微按其癰。觀氣所行。先淺刺其傍。稍內益深。還而

刺之。毋過三行。察其沉浮。以為深淺。已刺必熨。令熱入中。日使熱內。

邪氣益衰。詳此刺癰非所刺也。但刺後熨之使熱氣入于積所則邪免。去衛氣復盛也。大癰乃潰。伍以參禁。以除其內。

恬憺無為。乃能行氣。後以鹹苦化穀乃下矣。

灸刺膈食有四。

其一取胃。經云。蟲為下膈。按其癰刺之者。是其一法也。

其二取太陰。經云。太陰根于隱白。結于太倉。太陰為開。開折則倉廩

無所輸。膈洞。膈洞者。取之太陰。視有餘不足。故開折者氣不足而生

病者是也。蓋膈洞者。經謂之食不化下噎還出也。

其二取胃。經云。胃病若膈咽不通。飲食不下。取之三里是也。又云。飲食不下。膈塞不通。邪在胃脘。在上脘則刺抑而下之。在下脘則散而去之是也。

其四取手少陰。經云。手少陰之別。名曰通里。去腕一寸半。其病實則支膈。取之掌後一寸。別走太陽者是也。

〔撮〕翻胃。勞宮分一 中脘灸瀉 心脘一分沿皮向外

〔玉〕翻胃吐食。中魁中指第三節灸瀉之 中脘寸半 腕骨一分瀉

〔東〕吐食不化。上脘 中脘 下脘

〔甲〕食飲不化。入腹還出。下脘主之。又法。三里 陰陵泉不應取下穴

中脘 天樞 又法。中脘 脾脘 中魁 三里 又法。腋聚

毛下宛宛中五十壯 石關五十壯

〔東〕今日食。明日吐。心脘沿皮寸半 膈脘沿皮寸半 胃堂七壯即胃中 巨關 胃

脘寸半名灸五十壯 又翻胃。商丘 通谷 巨關 然谷 隱白 陽陵

泉 內庭 膈關

〔甲〕背痛惡寒。脊強。俯仰難。食不下。嘔吐多痰。膈關主之。

〔丹〕切不可用香燥之藥。服之必死。宜薄滋味。

〔脈〕寸口脈微而數。微則無氣。無氣則榮虛。榮虛則血不足。血不足

則胃中冷。跌陽脈浮而澀。浮則為虛。澀則傷脾。脾傷則不磨。朝食暮

吐暮食朝吐完穀不化名曰胃反脈緊而瀼其病難治脈弦者虛也胃氣無餘朝食暮吐變為胃反寒在於上醫反下之令脈反弦故名曰虛。

脾脈微急為膈中食飲入而還出涎沫。全文見虛實法

〔素〕胃脈與而散者當病食痺。脈要精微論○至真要論云食痺而吐

腎脈微緩為洞洞者食不化下噎噎還出。全文見治虛實法

噎

〔丹〕一男子年六十二歲平居不能頓食常喜頻食一日忽覺咽膈壅塞大便結糞如羊矢三四日一見走動倦乏與補氣藥則作痛醫見食少則與快腸胃消導之藥予脈之兩手俱見瀼脈似真臟喜其人形瘦而色紫黑病見乎冬却有生意遂於四物湯加白朮陳皮煎取濃湯研桃仁十二粒再煎沸飲之多食諸般血以助藥力三十帖而知至五十帖而大便潤七十帖而食進百帖而愈。

浦江男子年六十自來好色虛甚去秋患吐病或有作時或有止時腹結微渴。

地黃 錢一

川芎 分三

枳殼 分半

人參 錢半

芍藥 錢一

甘草 分二

白朮 錢一

當歸

木通 分三

黃芩 分三

陳皮 名五

積滯
汚血

楊淳三哥大便秘瀉。咽塞不通。人參散主之。方見大便秘門

〔潔〕厚朴丸。治飲食噎塞。方見翻胃

〔丹〕東陽王仲延咽膈間常覺有物悶悶。每食物必屈曲自膈而下。且梗膈作微痛。食亦減。他無所苦。予脈之。右甚瀼而關甚沉。左却和。予曰。汚血在胃脘之口。氣因而鬱為痰。此必食物所致。明以告我。彼不自覺。予又曰。汝去冬好食何物為多。曰我每日必單飲點烈酒三兩盃。逼寒氣。為製一方。用生薑汁半盞。令細呷之。每服半盞。一日三次。盡薑二斤而安。

滯氣

治膈噎。馬剝兒即王瓜。燒存性。每一錢。用棗肉平胃散二錢。溫酒調服。食即可下。然後隨病源調理。神效。棗肉平胃散方見局方

〔世〕治噎。雞穀袋不問多少。不可失包內物一粒。用泥固濟。火煨存性。用薑汁炒香附。每個入半兩。香附末神麩為丸。薑湯送下。

治氣噎不下飲食。

枇杷葉去毛 青皮去 陳皮去白

右等分為末。每服二錢。水一盞。生薑五片。同煎至六七分。溫服。不

計時候。

治膈氣噎不下飲食。用陳皮去白。不拘多少。用大蒜研細和丸。如菘荳大。每服二十九丸至三十九丸。溫米飲下。食後日三服。

熱帶

寒帶

〔金匱玉函〕五噎心膈氣滯煩悶吐逆不下食。蘆根五兩剉。水三大盞。煮一二盞。去渣溫服。

〔羅〕漢防己散。治五噎。

漢防己五錢

官桂一兩

細辛七錢

陳皮去白一兩

羚羊角末

紫蘇各七錢半

杏仁湯洗去皮尖一兩

右為細末。每服三錢。生薑三片。水煎日二。

〔本〕治五種積氣。及五噎胃膈不快。停痰宿飲。纏金丹。

丁香

木香

沉香

檳榔

官桂

胡椒

礶砂研

白丁香各一錢

白芷

飛礬各一錢研

馬兜鈴

南星

五靈脂

瓜蒌根

半夏各半兩

硃砂三錢留全為衣

右為細末。入二味研藥和勻。生薑汁煮糊丸。如桐子大。每服三丸。

生薑湯下。或乾嚼蘿蔔湯下。

治氣食憂勞思慮。五噎膈氣丸。

麥門冬

甘草各五錢

人參四錢

桂心

細辛

川椒

遠志去心炒各三錢

附子

乾薑各二錢

右為末。煉蜜丸。如雞豆大。綿裹二丸含化。食後日三夜三服。胸中

當熱七日愈。

治氣食憂勞思慮五噎膈氣丸。

半夏

桔梗各一兩

肉桂

枳殼各兩半

右細末。薑汁麪糊丸。如桐子大。薑湯下三十丸。食後臨臥服。

〔無擇〕廣五行記。永徽中有僧惟則。病噎不能食。謂諸弟子曰。吾死後便可開吾曾喉。視有何物。自經而卒。弟子果開視曾中得一物。形似魚而有兩頭。遍體皆肉鱗。弟子置碗中。跳躍不止。戲以諸味。皆隨化盡。時夏中盛藍作澱。適有一僧。以澱置器中。此蟲遂繞器中走。須臾化爲水。此乃蟲瘕。非五噎比。後人因以藍治噎悞矣。

〔子和〕沈丘王宰妻病曾膈不利。口流涎沫。自言咽下胃中常有雷聲。心間時作微痛。又復發昏。曾乳之間。灸癥如棊。化痰利膈等藥。服之三載。病亦依然。其家知戴人痰藥不損。來求之。一漏而出。雪白蟲一條。長五六寸。有口鼻牙齒。走於涎中。病者惡而斷之。中有白髮一莖。此正與徐文伯所吐宮人髮瘕一同。蟲出立安。

運氣噎皆屬燥。經云。陽明司天之政。民病咳噎塞。又云。陽明之勝。內餘噎塞。曾中不便。噎塞而效。又云。陽明司天清復。內餘噎塞者是也。右按運氣。皆以噎塞生於燥。噎塞者。噎病也。丹溪皆以噎病生於血槁。血槁則燥矣。得病情合經旨者。丹溪一人也。

〔禹錫〕頭垢治噎。酸漿水煎膏用之立愈。

〔聖〕治膈氣咽喉噎塞。飲食不下。用確背。上細糠蜜丸。如彈子大。不時含一丸。嚥津下。

〔孫〕治噎欲發時。啣鷓鴣鳥嘴塗下。外臺祕要同。

〔聖〕治噎病。用狼結喉骨曝乾。杵末。入半錢於飯飲內食之。妙。

〔摘〕五噎吞酸多唾。嘔吐不止。天突五分留三呼得氣即寫三吸。通關在中腕旁各五分針入八分左

然能進飲食右捻能和脾胃許氏云此穴一針四効凡下針後良久覺脾胃食覺針動為一効
次針破病根腹中作響為二効次覺流入膀胱為三効又次覺氣流行腰後骨空間為四効

〔撮〕治五噎。賈中。中魁中指大三節次灸之以口吹火滅

〔甄權〕噎塞膈氣。通谷。

〔明堂〕五噎分治。氣噎賈中。憂噎心膈灸。食噎乳根乳左下一寸八分灸

勞噎鬲膈灸。思噎天府灸

〔集〕五噎。勞宮。中魁。中腕。三里。太陰。支溝。上腕已不

再取後穴。賈中。太白。下腕。右關。脾膈。胃膈。

〔仲〕寸口脈浮大。醫反下之。此為大逆。浮即無血。大即為寒。寒氣相搏。即為腸鳴。醫不知而反與飲水。令汗大出。水得寒氣。冷必相搏。其人即噎。

〔脈〕寸口脈緊而扎。緊則為寒。扎則為虛。虛寒相搏。脈為陰結而遲。其人則噎。

辛甘
治本

冬加
辛熱
瀉標
夏加
苦寒
瀉標

胃病

咽喉噎塞口開目瞪

〔垣〕堵塞咽喉。陽氣不得出者曰塞。陰氣不得下降者曰噎。夫噎塞
迎逆於咽喉胃膈之間。令諸經不行。則口開目瞪。氣欲絕。當先用辛
甘氣味俱陽之藥。引胃氣以治其本。加堵塞之藥以瀉其標也。寒月
陰氣大助陰邪於外。於正藥內加吳茱萸大熱大辛苦之味以瀉陰
寒之氣。暑月陽盛。則於正藥中加青皮陳皮益智黃柏散寒氣。泄陰
火之上逆。或以消痞丸合滋腎丸。滋腎丸者。黃柏知母微加肉桂三
味是也。或更加黃連別作丸。二藥七八十九。空心約宿食消盡服之。
待少時。以美食壓之。不令胃中停留也。已上諸法皆於補
中益氣湯加減之

膈咽不通。奔四時換氣用藥法。黃帝針經曰。胃病者腹膜脹。胃脘
當心而痛。上支兩脇膈咽不通。飲食不下。取三里。夫咽者嚥物之門
戶也。鬲者上焦心肺之分野。不通者。升降之氣上不得下交通。又云。
清氣在下則生殮泄。殮泄者。謂泄黃如糜米穀不化者是也。濁氣在
上。則生臌脹。腹中脹滿。不得大便。或大便難。先結後糖皆是也。濁氣
在上。當降而不降者。乃腎肝吸入之陰氣不得入。故食不得下也。此
皆氣衝之火。逆胃之脈反上而作者也。清氣在下。則生殮泄者。胃氣
未病之日。當上行心肺而榮經也。因飲食失節。勞役形體。心火乘于
土位。胃氣弱而下陷入陰中。故米穀入而不得升。反降而為殮泄也。

咽膈之間。壅遏之甚。不得交通者。皆衝脈上行逆氣所作也。蓋胃病者。上衝兩脇。膈咽不通。飲食不下。取之三里者是也。針經云。清淫相干。亂於胃中。是為大惋。大惋者。惑也。氣不交通。最為急證。不急去之。諸變生矣。聖人治此。有要法。陽氣不足。陰氣有餘。先補其陽。後瀉其陰。是先令陽氣升發於陽分。而後瀉陰也。春夏之月。陽氣在經。當益其經脈。去其血絡。秋冬陽氣降伏。當先治其臟腑。若有噎有塞。塞者五臟之所主。陰也。血也。噎者六腑之所主。陽也。氣也。二者皆由陰中伏陽而作也。今立四時用藥法并治法于後。

冬月
治法

冬三月陰氣在外。陽氣在內。當外助陽氣。不得發汗。內消陰火。勿令泄瀉。此閉藏周密之大要也。盛冬乃水旺之時。水旺則金旺。子能令母實。肺者腎之母。皮毛之陽。元本虛弱。更以冬月助其令。故病者善嚏。鼻流清涕。寒甚則濁涕嚏不止。比常人尤大。惡風寒。小便數而欠。或上飲下便。色清而多。大便不調。常夜無寐。甚則為痰為嗽為嘔為噦為吐唾白沫。以至口開目瞪。氣不交通欲絕者。吳茱萸丸主之。

吳茱萸

草薳 各一錢二分

益智仁 八分

白殭蠶 四分

陳皮

人參

黃芪

升麻 各八分

麥芽 一錢半

甘草

歸身 各六分

半夏 一錢

夏月
治法

木香分二

青皮分二

澤瀉

薑黃

柴胡各四分

右爲末。湯浸蒸餅爲丸。如葦荳大。細嚼三十丸。白湯送下。不拘時候。勿多飲湯。恐速走下。則減藥力。

夏三月大暑。陽氣在外。陰氣在內。以此病值此時。是天助正氣。而劉其邪氣。不治而自愈矣。然亦有當愈不愈者。蓋陰氣極盛。正氣不能伸故耳。且如膈咽不通。咽中梗甚者。前證俱作。治法當從時用。利膈丸瀉肺火。以黃芪補中湯送下。如兩足痿厥。行步惟怯。欲側欲倒。臂臑如折。及作痛而無力。或氣短氣促而喘。或不足以息。以黃芪人參甘草白朮蒼朮澤瀉猪苓茯苓陳皮等作湯。送下滋腎丸五六十丸。六七月之間。濕熱之令大行。氣短不能言者。加五味子麥門冬。如心下痞悶。食不下。以上件白朮蒼朮等湯。送下消痞丸七十丸。更審而用之。

黃芪補中湯方見痞

利膈丸方見翻胃

滋腎丸方見淋

消痞丸方見痞

嘈雜

〔丹〕嘈雜只是疲困火而動。梔子薑炒黃連不可無。此食鬱有熱。山梔黃芩爲君。南星半夏陳皮爲佐。熱多加青黛。肥人嘈雜。二陳湯少加蕪芎蒼朮白朮炒梔子。心下嘈雜者。導引丸最妙。方見內傷飲食

噦 產後噦

噦者成無已許學士謂之呃逆是也。或曰成無已許學士固以噦爲呃逆。然東垣海藏又以噦爲乾嘔。陳無擇又以噦名欬逆。諸論不同。今予獨取成許二家之說何也。答曰噦義具在內經。諸家察之不詳。故論紛紛耳。謹按靈樞雜病篇云。噦以草刺鼻。嚏嚏而已。無息而疾迎引之。立已。大驚之。亦可已。詳此經文三法。正乃治呃逆之法。按呃逆用紙撚刺鼻便嚏。嚏則呃逆立止。或閉口鼻氣使之無息。亦立已。或作窵盜賊大驚駭之。亦已。此予所以取成許二家之論。噦爲呃逆。爲得經旨也。蓋噦呃之名雖二。而病則一。經名爲之噦者。噦卽呃聲之重也。俗名爲之呃者。呃卽噦聲之輕也。皆因病聲之輕重。得此二名。初非噦呃有二病。若以噦爲乾嘔。設使乾嘔之人。或使之嚏。或使之無息。或使之大驚。其乾嘔能立已乎。噦非乾嘔也明矣。若以噦名欬逆。夫噦者噦之病聲。其聲發會厭下。欬者欬之病聲。其聲發會厭上。故內經噦有噦之口問。欬有欬之篇論。病各不同。噦不可名欬逆也明矣。

〔丹〕呃逆論 呃病氣逆也。氣自臍下直衝上出於口而作聲之名也。書曰。火炎上。內經曰。諸逆衝上。皆屬於火。東垣謂火與元氣不兩立。又謂火元氣之賊也。古方悉以胃弱言之。而不及火。且以丁香柿

芾竹茹陳皮等劑治之。未審孰爲降火。孰爲補虛。人之陰氣依胃爲養。胃土傷損。則木氣侮之矣。此土敗木賊也。陰爲火所乘。不得內守。木挾相火乘之。故直衝清道而上。言胃弱者陰弱也。虛之甚也。病人見此。似爲危症。然有實者。不可不知。敢陳其說。趙立道年近五十。質弱而多怒。七月炎暑。大飢索飯。其家不能急具。因大怒。兩日後得滯下病。口渴。自以冷水調生蜜飲之。甚快。滯下亦漸緩。如此五七日。召予視。脈稍大不數。遂令止蜜水。渴時且令以人參白米煎湯調益元散與之。滯下亦漸收。七八日後覺倦甚。發呃。予知其因下久而陰虛也。令其守前藥。然滯下尙未止。又以煉蜜飲之。如此者三日。呃尤未止。衆皆尤藥之未當。將以薑附飲之。予曰。補藥無速效。附子非補陰者。服之必死。衆曰。冷水飲多。得無寒乎。予曰。炎暑如此。飲涼非寒。勿多疑。待以日數。藥力到。當自止。又四日而呃止。滯下亦安。陳擇仁年近七十。厚味之人也。有久嗽病而作止不常。新秋患滯下。食大減。至五七日後呃作。召予視之。脈皆大豁。衆以爲難。予曰。形瘦者尙可爲。以人參白朮湯下大補丸。以補血至七日而安。此二人虛之謂也。

又一女子年踰笄。性躁味厚。炎月因大怒而呃作。作則舉身跳動。脈不可診。神昏不知。人問之。乃知暴病。視其形氣俱實。遂以人參蘆一二兩煎湯飲一碗。大吐頑痰數碗。大汗昏睡一日而安。人參入手太

陰補陰中之陽者也。蘆則反是。大瀉太陰之陽。女子暴怒氣上。肝主怒。肺主氣。經曰。怒則氣逆。因怒逆肝木乘火侮肺。故呃大作而神昏。參蘆善吐。痰盡則氣降而火衰。金氣復位。胃氣得和而解。麻黃發汗。節能止汗。藪屬金。糠之性熱。麥屬陽。麩之性涼。先儒謂物物具太極學者不可不觸類而長引而伸之也。

〔無〕凡吐利後多作噦。此由胃中虛。膈上熱故噦。或至八九聲相連。於氣不回。至於驚人者。若傷寒久病。得此甚惡。內經所謂壞府者是也。

右吐利後噦。卽丹溪治趙立道與陳擇仁二人噦。皆於滯下得之之類。六脈大韜。用參朮而愈是也。予長兄九月得滯下。每夜五十餘行。嘔逆食不下。五六日後加呃逆。與丁香一粒噙之。立止。但少時又至。遂用黃連瀉心湯加竹茹飲之。呃雖少止。滯下未安。如此者十餘日。遂空心用御米殼些少澁其滑。日間用參朮陳皮之類補其虛。自服御米殼之後。呃聲漸輕。滯下亦收而安。

〔仲〕噦而腹滿。視其前後。知何部不利。利之卽愈。

小承氣湯。治大便不通。噦數譫語。

方見下利中

〔丹〕超越陳氏二十餘歲。因飽後奔走數里。遂患噦病。但食物則連噦百餘聲。半日不止。飲酒與湯則不作。至晚發熱。如此者二月。脈瀼

痰者吐之

掃氣

數以血入氣中治之。用桃仁承氣湯加紅花煎服。下汚血數次即減。再用木香和中丸加丁香服之。十日而愈。

〔無〕噦而心下堅痞眩悸者。以膈間有痰水所為。

〔丹〕洪孺人年廿六歲。夏月因事為長上所阻。怒氣折鬱不得舒。須臾就浴。湯熱不可近。怒氣復增。就悶絕昏倒。乃以衣遮掩就房。須臾欬逆大作。每一聲必渾身為跳躍。仍復昏悶。凡三五息一作。脈不可診。予曰。此膈上有痰逆。為怒氣所鬱。痰熱相搏。氣不得降而逆。非吐則不可。是時夜半。又事出倉卒。適有人參蘆二兩在彼。濃煎飲之。大吐稠痰二升許。通體得汗。因睡半夜而安。此即前晚逆論所言者。自此詳細故重出之。燥痰不出者。用蜜水吐之。

〔世〕噦聲頻密相連者為實。可治。若半時噦一聲者為虛。難治。多死在旦夕。

〔仲〕噦逆者。陳皮竹茹湯主之。

陳皮二升

竹茹二升

大棗三十枚

生薑半斤

甘草兩

人參兩

右六味。以水一斗。煮取三升。溫服一升。日五服。

乾嘔噦若手足厥者。陳皮湯主之。方見嘔吐門。

〔本〕又方。

枳殼錢五

木香一分

右細末。每服一錢。白湯調下。未可再與。

〔孫〕治諸呃噫。陳皮二兩。湯浸去穢。剉。以水一升。煎之五合。通口服。頃刻更加枳殼一兩。去穢炒。同煎之。

〔外〕治久患欬噫。連效一二十聲者。取生薑汁半合。蜜一匙。頭煎令熱溫服。如此三服。立效。

超越陳氏噦。用桃仁承氣湯下。汚血數升而愈。是汚血為噦也。

丹溪用益元散大補丸。治趙立道陳擇仁滯下而噦者。或用蜜水治噦者。是熱噦也。

〔潔〕柿錢散治呃逆。

柿錢

丁香

人參各等分

右為細末。水煎。食後服。

〔羅〕丁香柿蒂散。治諸種呃噫。嘔逆痰涎。

丁香

柿蒂

青皮

陳皮各一兩

右為粗末。每服三錢。水一盞半。煎七分。去渣溫服。不拘時候。

羌活附子湯

羌活

附子炮

木香

茴香各五錢炒

乾薑一兩

汚血 熱 寒

臟腑

運氣

針灸

診

雜方

右為細末每服二錢鹽一撮煎二十沸熱服一服止。

胃為噦全文見五臟虛實腹滿利而不噦者胃實也

運氣噦有三

一曰熱經云少陰之復噦噫治以苦寒是也。

二曰寒經云太陽之復嘔吐清水及為噦噫治以苦寒是也。

三曰燥經云陽明之復欬噦治以辛溫是也。靈以草刺鼻嚏治呃有病傷寒將愈忽患呃逆予與古人治呃逆之法故書之

藥殆遍皆不愈計出無藥遂用皂角末吹入鼻中得嚏而呃逆止少時又呃又與皂角末嚏而止者凡數百次其嚏時出痰涎漸多自是呃逆漸疎至三二日而止此是合經草刺鼻嚏之法故書之

黃帝曰人之噦者何氣使然岐伯曰穀入于胃胃氣上注于肺今有

故寒氣與新穀氣俱還入于胃新故相亂真邪相攻氣并相逆復出于胃故為噦補手太陰瀉足少陰口問篇

〔世〕治呃逆於臍下開元穴灸七壯立愈累驗。

〔羅〕又方男左女右乳下黑盡處一韭葉許灸二壯甚者二七壯。

〔集〕治氣逆發呃。實中 中脘先補後瀉不巳再取下穴 三里 肺俞 行間

心脈小甚為噦全文見治虛實法

產後噦

〔大〕產後欬逆三日不止欲死。

肉桂五錢 薑汁三合

右同煎服二合以火先炙手摩令背熱時時塗藥汁盡妙。

針灸

產後咳。逆乾柿一個切。碎以水一盞煎六分熱呷。

〔產寶〕治產後咳逆。經三五日不止。欲死。方煎壁鏡窠三五個呷。瘡

即蟪
子窩

〔大〕噫呃服藥無效。灸期門必愈。

醫學綱目卷之二十三 脾胃部

泄瀉滯下

滯下
屬熱

泄瀉
屬濕

久泄
屬風

暴泄

〔潔〕論曰。臟腑瀉利。其證亦多。大抵從風濕熱論之。是知寒少熱多。寒則不能久也。故曰暴泄非陰。久泄非陽。論曰。春宜緩形。形緩動則肝木乃榮。反靜密。則是行秋令。金能制木。風氣內藏。夏至則火盛而金去。獨火木旺而脾土損矣。輕則殭泄。身熱脈洪。穀不能化。重則下利。膿血稠粘。裏急後重。故曰諸泄稠粘。皆屬於火。經云。澹而便膿血。知氣行而血止也。宜大黃湯下之。是為重劑。黃芩芍藥湯。是為輕劑。是實則瀉其子。木能自虛。而脾土實矣。故經曰。春傷於風。夏為殭泄。此逆四時之氣。人所自為也。此一節熱泄所謂滯下也有自太陰經脾受濕而為水泄。虛滑微滿。身重不知穀味。假令春宜益黃散補之。夏宜泄之。法曰。宜補宜泄。宜和宜止。和則芍藥湯。止則訶子湯。久則防變為膿血。是脾經傳受於腎。謂之賊邪。故難愈也。若先利而後瀉。謂之微邪。故易安。此皆脾土受濕。天之所為也。雖聖智不能逃。口食味。鼻食氣。從鼻而入。留積於脾。而為水泄也。此一節濕泄所謂泄瀉也有厥陰經動。下痢不止。其脈沉而遲。手足厥逆。涕唾膿血。此症難治。宜麻黃湯。小續命湯汗之。法云。為有表邪縮於內。當散之而自愈。此一節風泄所謂久泄也有暴下無聲。身

醫案

隨症
施治

張實
下宜
下忌
眼細
宜溫
閉者
宜調

三部

冷自汗。小便清利。大便不禁。氣難布息。脈微嘔吐。急以重藥溫之。漿
水散是也。此一節寒濕所謂暴泄也 故法曰。後重者宜下。腹痛者宜和。身重者宜

除濕。脈弦者去風。膿血稠粘者以重藥竭之。身冷自汗者以毒藥溫
之。風邪內縮者宜汗之則愈。驚漉為痢。宜溫之而已。又曰。在表者發
之。在裏者下之。在上者湧之。在下者竭之。身表熱者內疎之。小便澁
者分利之。又曰。盛者和之。去者送之。過者止之。兵法曰。避其來銳。擊
其惰歸。此之謂也。 凡病泄而惡寒。太陰傳少陰。為土來剋水也。用
除濕白朮扶苓安脾。芍藥桂枝黃連破血。火邪不能勝水。太陰經不
能傳少陰而反助火邪。上乘肺經而痢必白膿也。加當歸芍藥之類
是已。 又裏急後重。脈大而洪實。為裏實症。而痛甚。是有物結墜也。
宜下之。若脈浮大甚。不可下。 雖裏急後重。脈沉細而弱者。謂寒邪
在內而氣散也。可溫養而自安。 裏急後重閉者。大腸氣不宜通也。
宜加檳榔木香。宣通其氣。若四肢慵倦。小便少。或不利。大便走。沉困。
飲食減少。宜調胃去濕。白朮芍藥扶苓三味水煎服。白朮除脾胃之
濕。芍藥除胃之濕熱。四肢困倦。扶苓能通水道走濕。 如發熱惡寒。
腹不痛。加黃芩為主。如未見膿而惡寒。乃太陰欲傳少陰也。加黃連
為主。桂枝佐之。如腹痛甚。加當歸倍芍藥。如見血加黃連為主。桂枝
當歸佐之。 如煩躁。或先便白膿後血。或發熱。或惡寒。非黃連不能

血症

寒熱

虛實

分六

久新

止上部血也。如惡寒脈沉。先血後便。非地榆不除下部血也。如惡寒脈沉。或腰痛。或臍下痛。非黃芩不除中部血也。如便膿血相雜。而脈浮大。慎勿以大黃下之。下之必死。謂氣下竭也。而陽無所收。凡陰陽不和。惟以分陰陽之法治之。又曰暴泄非陰。久泄非陽。有熱者脈疾。身動聲亮。暴注下迫。此陽也。寒者脈沉而細。身困。鼻息微者。薑附湯主之。身重不舉。亦附湯主之。渴引飲者。是熱在膈上。水多入則自胸膈入胃中。胃本無熱。因不勝受水。胃受水攻。故水穀一時下。此症當灸大椎三五壯立愈。乃督脈瀉也。如用藥使車前子雷丸白朮茯苓之類。五苓散亦可。又有寒泄者。大腹痛而泄。又有驚漉者。是寒泄也。驚者鴨也。大便如水。其中有少結糞者是也。如此者當用天麻附子乾姜之類。又法曰。泄有虛實寒熱。虛則無力。不及拈衣。未便已泄出。謂不能禁固也。實則數至圍而不便。俗云虛坐努責是也。裏急後重。皆依前法進退。大承氣湯主之。太陽病為挾熱痢。涼膈散主之。表症誤下因而下痢不止為挾熱利陽明為痼瘕進退。大承氣湯主之。太陰濕勝濡瀉。不可下而可溫。四逆湯主之。少陰蟄風不動。禁固可瀉。赤石脂丸乾姜湯主之。厥陰風泄以風治。宜小續命湯消風湯主之。少陽風氣自動。大柴胡湯主之。

〔保〕五泄傷寒。乃分三部。

初說暴 次說中 後說久泄

此說是難經五十七難。是三節內。該十五法。初治以暴藥。中以的對症藥。得中治也。未治久泄。仲景論厥陰經治法是也。

〔垣〕胃氣和平。飲食入胃。精氣則輸于脾。上歸于肺。行於百脈。而養榮衛也。若飲食一傷。起居不時。損其胃氣。則上升精華之氣。反下降。是爲殭泄。久則太陰傳少陰。而爲腸辟。假令傷寒冷飲食。腹滿而脹。傳爲殭泄者。宜溫熱之劑。以消導之。傷濕熱之物。而成膿血者。宜苦寒之劑。以內疎之。風邪下陷者。升舉之。濕氣內盛者。分利之。裏急者。下之。後重者。調之。腹痛者和之。洞泄腸鳴。無力不及拈衣。其脈細微而弱者。溫之收之。膿血稠粘。數至圍而不能便。其脈洪大。而有力者。下之。寒之。大抵治病。當求其所因。察何氣之勝。取相剋之藥。平之。隨其所利而利之。以平爲期。此治之大法也。論瀉痢久不止。或暴下者。皆太陰受病。不可離甘草芍藥。若不受濕。則不痢。故須用白朮。是以聖人立法。若四時下痢。於芍藥白朮內。春加防風。夏加黃芩。秋加厚朴。冬加桂附。然更詳外證寒熱處之。如裏急後重。須加大黃。如身困倦。須用白朮。若自汗逆冷。氣息微。加桂附以溫之。如或後重膿血稠粘。雖在盛冬。於溫藥內。亦加大黃。

五泄
〔難〕有胃泄。有脾泄。有大腸泄。有小腸泄。有大瘕泄。名曰後重。胃

泄者。飲食不化。色黃。發泄也。保命云承氣湯下之。又有脾泄者。腹脹滿泄注。食即嘔

吐逆。保命云建中理中湯主之。大腸泄者。食已窘迫。大便色白。腸鳴切痛。保命云藜蘆附子湯主之。

小腸泄者。溲而便膿血。少腹痛。保命云承氣湯下之。大瘕泄者。裏急後重。數

至圜而不能便。莖中痛。保命云胃小腸大腸三症皆清涼飲子主之。其泄自止。厥陰症莖中痛加甘草少陰症裏急後重大黃。

此治五泄之法也。

〔丹〕泄瀉之症。水穀或化或不化。並無努責。惟覺困倦。若滯下則不

然。或膿或血。或膿血相雜。或腸垢。或無糟粕。或糟粕相雜。雖有痛不

痛之異。然皆裏急後重。逼迫惱人。

〔仲〕大腸有寒者多驚漉。有熱者便腸垢。

〔靈〕腸中寒則腸鳴飢泄。腸中熱則出黃糜。師傳篇

〔仲〕下利脈微弱數者。為欲自止。雖發熱不死。下利有微熱而渴。

脈弱者亦自愈。下利脈數而渴者。今自愈。設不瘥。必清膿血。以有

熱故也。下利脈數。有微熱汗出。今自愈。設脈緊為未解。下利脈

反弦。發熱身汗者。自愈。下利脈沉而遲。其人面少赤。身有微熱。下

利清穀者。必鬱冒汗出而解。病人必微厥。所以然者。其面戴陽。下虛

故也。

〔素〕胃脈虛則泄。脈要精要論肺脈小甚為泄。全文見治虛實法經云小者氣血皆

虛 腎脈小甚為洞泄。小者血氣皆少腎主閉藏今血氣虛少無以閉藏故泄

〔素〕尺寒脈細謂之後泄。象論 平人氣尺膚寒其脈小者泄少氣。全文見評虛實論

〔仲〕下利脈沉弦者下重。下利寸口反浮數尺中自濇者必清膿。

澁病若腹大而泄者脈當細微而濇反緊大而滑者死。

〔脈〕泄注脈緩時小結者生浮大數者死。

〔素〕泄而脈大者難治。王機真 病泄脈洪大是逆也。全文見

〔仲〕下利脈大者為不止。下利日十餘行脈反實者死。診生死

〔靈〕大便秘結。腹泄脈小者手足寒難已。飧泄脈小手足溫泄易已。

論疾診尺篇腹鳴而瀉四肢清泄其脈大是逆也如是者不過十五日死

矣。全文見 診生死腹大脹四末清脫形泄甚是逆也如是者不及一時死

矣。

〔仲〕六府氣絕於外者手足寒上氣脚縮五臟氣絕於內者利不禁

下甚者手足不仁。下利手足厥冷無脈者灸之不溫若脈不還反

微喘者死少陰負跌陽者為順也。下利後脈絕手足厥冷時時脈

還手足溫者生脈不還者死。病者痿黃燥而不渴胸中塞而利不

止者死。假令下利寸口關上尺中悉不見脈然尺中時一小見脈

再舉頭者腎氣也若見損脈來為難治。

〔丹〕下痢如魚腦者半死半生。下痢如塵腐色者死。純血者死。

下如屋漏者死。下痢如竹筒注者不可治。五虛者不治。

五虛者。經云脈細皮寒。氣少泄痢。前後飲食不入。此謂五虛。五虛者死。其漿粥入胃。泄注止。則虛者活。予嘗治數人。在下則泄瀉不止。在上則吐痰不已者。皆死證。氣脫無所管攝故也。若用參朮膏救之早者。十活二三。

泄瀉 產後泄瀉

下痢。水穀不入。裏急後重。是泄瀉也。

〔世〕胃苓湯。一名對金飲子。治脾濕太過。泄瀉不止。

平胃散 五苓散各等分 右剉。水煎服極效。

〔羅〕內經曰。濕勝則濡泄。甲乙經云。寒氣客於下焦。傳為濡泄。夫脾者五臟之至陰。其性惡寒濕。今寒濕之氣。內客於脾。故不能裨助胃氣。腐熟水穀。致清濁不分。水入腸間。虛莫能制。故洞泄如水。隨氣而下。謂之濡泄。法當除濕利小便也。治之以對金飲子。

平胃散 五錢 五苓散 二錢 草薺 薺 麵裹煨 熟半兩

右相和作四服。水一盞半。生薑三片。棗二枚。煎至一盞。去渣。溫服。

食前。

〔垣〕加減平胃散。治脾胃不知。不思飲食。心腹脇肋脹滿刺痛。口苦無味。胸滿短氣。嘔噦惡心。噫氣吞酸。面色痿黃。肌體瘦弱。怠惰嗜臥。

體重節痛。常多自痢。或發霍亂及五噎八噎隔氣反胃等症。

厚朴

去皮姜製炒
三兩二錢

蒼朮

去粗皮米
泔浸五兩

陳皮

三兩
二錢

甘草

劉炒
二兩

右爲細末。每服二錢。水一盞。生姜三片。棗二枚。同煎至七分。去渣溫服。或去姜棗帶熱服。空心食前。入鹽一捻。沸湯點服亦得。常服調氣暖胃。化宿食。消痰飲。辟風寒。冷濕四時非常之氣。如小便赤澀。加白茯苓澤瀉。如米穀不化。飲食傷多。加枳實。如胃中

氣不快。心下痞氣。加枳殼木香。如脾胃困弱。不思飲食。加人參

黃芪。如心下痞悶腹脹者。加厚朴。甘草減半。如遇夏。加炒黃

芩。如遇雨水濕潤時。加茯苓澤瀉。如有痰涎。加半夏陳皮。

凡加時除蒼朮厚朴依例加之。如一服五錢。有痰用半夏一兩。

如嗽飲食減少。脈弦細。加歸身黃芪。如脈洪大緩。加黃芩黃連。

如大便秘。加大黃三錢。芒硝二錢。先嚼蘇炒桃仁爛。以藥送下。

〔海〕加減平胃散例。若泄瀉脾濕。加茯苓丁香白朮爲調胃散。一法

加藿香半夏。若加乾姜爲厚朴湯。若溫疫時氣。二毒傷寒頭

痛壯熱。加連鬚葱白五寸。豆豉三十粒。煎二三服。取微汗出愈。

若五勞七傷。脚手心熱。煩躁不安。百節痠疼。加柴胡。若痰嗽瘧

痢。加姜製半夏。若小腸氣痛。加茴香。若水氣腫滿。加桑白皮。

若婦人赤白帶下。加黃芪。若酒傷。加丁香。若飲冷傷。加高良姜。若滑脫泄瀉。加肉苳蔻。若風痰四肢沉困。加荆芥。若腿膝冷痛。加牛膝。若渾身虛腫拘急。加地骨皮。若腿膝濕痺。加兔絲子。若白痢。加吳茱萸。若赤痢。加黃連。若頭風。加藁本。若轉筋霍亂。加樟木皮。若七邪六極。耳鳴夢泄盜汗。四肢沉重。腿膝痿。婦人宮臟久冷。月事不調者。加桂枝。若胃寒嘔吐多。加生姜。一法加茯苓丁香各三兩。若氣不舒快。中脘痞塞。加砂仁香附三兩。生薑煎服。若與五苓散相半。爲對金欽子。若與六一散相合。爲黃白散。若與錢氏異功散相合。爲調胃散。若飲食進退。加神麩麥芽。冬月加吳茱萸川椒乾姜桂。爲吳茱萸湯。若加藁本桔梗爲和解散。治傷寒吐利。若加藿香半夏爲不換金正氣散。若瘧疾寒熱者。加柴胡。若小腸氣痛者。加苦楝茴香。

〔丹〕或曰。平胃散之溫和。可以補養胃氣。吾子以爲何如。予曰。蒼朮性燥氣烈。行濕解表。甚爲有功。厚朴性溫散氣。非脹滿實急者不用。承氣用之。可見矣。雖有陳皮甘草之甘緩甘辛。亦是決烈耗散之劑。實無補土之利。經謂土氣太過曰敦阜。亦能爲病。况胃爲水穀之海。多氣多血。故因其病也。用之以瀉有餘之氣。使之平耳。又須察其挾

寒氣得寒物者而後投之。胃氣和平。便須却藥。謂之和平者。初非補之之謂。豈可以為補劑而常用之乎。或曰。調胃承氣。亦治胃病。謂之調者。似與平胃之平意義相近。何用藥之相遠也。予曰。調胃承氣。治熱中下二焦藥也。經云。熱淫于內。治之鹹寒。佐以苦甘。功在乎導利而行之。以緩平胃散。止治濕。上焦藥也。經曰。濕上甚而熱。治以苦溫。佐以甘辛。以汗為故而止。或曰。治濕不利小便。非其治也。此非仲景法耶。何子言之悖也。予曰。淡滲治濕。因有濕在中下二焦。今濕在上。宜以微汗而解。不欲汗多。故不用麻黃葛根輩耳。五苓散治泄瀉水多者。方見傷寒

瀉濕四苓散加蒼朮白朮。甚者二朮必用炒。

白朮 三分加至兩半

澤瀉 一兩

茯苓

猪苓

蒼朮 各五錢

〔本〕治水瀉。用草烏半生半燒灰存性。為末醋丸。空心井花水下七丸。

〔河〕益元散。治身熱泄瀉。小便利。

滑石 六兩

甘草 炙一兩

右為末。每服三錢。蜜湯調下。日三服。如解寒發汗。煎葱白豆豉湯調下四錢。併三服。以效為度。

〔丹〕參黃丸。治濕熱滯氣者。濕熱甚者用為向導。上可治吞酸。下可治自利。

六一散 七兩即益元散 吳茱萸 二兩 一方去茱萸。加乾姜一兩。名溫六

〔本〕歐陽文忠公嘗得暴下。國醫不能愈。人云市人有此藥。三文一帖。甚效。夫人買進之。一服而愈。後召賣藥者問其方。但用車前子一味為末。米飲下二錢七。此藥利水道

〔丹〕黃芩木通入四芩散煎服。治火多泄瀉。水煎金花丸。治泄不止。乾嘔。方見乾嘔而利門

〔世〕木香和中丸。腹痛泄瀉。脈滑者。神效累驗。方見治虛實法

〔仲〕下利脈遲而滑者實也。利未欲止。急下之。宜大承氣湯。方見傷寒

下利脈反滑者。當有所去。下乃愈。宜大承氣湯。下利脈中堅者。當下之。下利後三部皆平。按之心下堅者。宜大承氣急下之。病者

脈伏。其人欲自利。利反快。雖利心下續堅滿。此為留飲欲去故也。甘遂半夏湯主之。

甘遂 大者三枚 半夏 十二枚以水一升

均藥 五枚

甘草 指大一枚炙

煮取半升去渣

右四味以水二升。煮取半升。去渣。以蜜半升和藥汁煎取八合。頓

風痰
實者
下之

飲者
逐之

服之

積者下之

氣利者
便小
和虛者
之

〔丹〕仁七姪之子。肚泄有積。與小胃丹二十粒。作二次吞之。

小胃丹方見內傷飲

食積熱作泄。亦宜下之。

〔保〕治寒積痢。男婦小兒各不同。或赤白。或清痢如水。不後重者寒也。經曰。澄澈清冷。皆屬於寒。此為虛寒。中有積也。宜附子巴苳輩下之。見利則愈。空心服。

〔仲〕下痢氣者。當利其小便。

〔潔〕治太陰脾經受濕。水瀉往下。體重微滿。困弱無力。不欲飲食。暴泄無數。水穀不化。先宜白朮芍藥湯。

白朮

芍藥各一兩

甘草五錢俱用炒黃效速

右細末。每一兩。水二盞。煎至盞半。溫服。如腹痛甚者。宜蒼朮芍藥湯主之。

蒼朮

芍藥各一兩

黃芩半兩

右剉。每一兩。入淡桂半錢。水盞半。煎至一盞。溫服。如脈弦頭痛者。宜蒼朮防風湯主之。

蒼朮

防風各二兩

右剉同前法煎服。

如下血。宜蒼

朮地榆湯主之。

方見滯下

已上症如心下痞。每服加枳實一錢。如小

便不利。每服加茯苓二錢。如腹痛漸已。泄下漸少。宜訶子散止之。

方見
後

〔丹〕氣虛泄瀉。人參白朮炒芍藥升麻主之。

〔垣〕異功散治脾胃虛冷。腸鳴腹痛。自利不思飲食。方見小兒吐瀉人參白朮茯苓甘草陳皮各等

錢姜棗煎服

〔丹〕女人肚泄。左手脈弱。此自來欠血。面帶黃多年。當作虛濕治之。

滑石六錢

白朮半兩

陳皮

當歸各三錢

厚朴

木通

芍藥各一錢

甘草各五分

分六帖。姜一片煎。

四入官惠泄。小便赤少。食少倦怠。脈弱。此受濕為病。當補脾涼肺。

白朮

滑石各一兩

黃芩

人參

芍藥各五錢

木通

陳皮各三錢

乾姜一錢

甘草各一錢

分八帖煎服。

五兒腹泄。此受寒涼為病。

白朮

蒼朮各二錢

乾姜

茯苓

厚朴各一錢

甘草各三錢

右為末。每服二錢。白湯調下。

一丈夫腹瀉。胸痞不渴。

半夏一錢

蒼朮

白朮

青皮各二錢

木通

紫蘇錢各一

良姜錢半

甘草錢少

分三帖。姜三片。水二盞。煎服。

輝五孺人瘰癧已好。止是食少乏力。肚泄自汗。

牡蠣錢半

白朮錢二

乾姜錢三

陳皮錢五

黃芪分二

當歸分一

白水煎服。

賈宅女人六十八歲。腹泄。面黃乏力。脈浮大而數。此有熱積。

滑石

白朮炒各一兩

茯苓

神麩炒

陳皮錢各五

黃連

黃芩

乾姜錢各一

右為末。粥為丸。山查湯食前下五十粒。

一丈夫病熱退未盡。食太早。口渴倦甚。腹泄。心煩。脚冷。

人參

滑石

柴胡

白朮

陳皮錢各一

木通錢半

甘草分五

分四帖。煎七分。下保和十五丸。

右九方。丹溪東垣治泄瀉之法。大率皆用白朮滑石補脾行濕。其

餘隨症加減。第一二方專治泄也。第三方治泄之挾熱也。第四五

大方治泄之挾寒也。第七八方治泄之挾飲食積也。

〔垣〕予病脾胃久衰。視聽半失。此陰盛乘陽。加之氣短。精神不足。此

由弦脈令虛多言之過也。皆陽氣衰弱。不得舒伸。伏匿於陰中耳。癸

服強
者升
陽除

卯歲六七月間。淫雨陰寒。踰月不止。致人多病泄痢。濕多成五泄故也。一日予體重。肢節痠疼。大便泄奔下者三。而小便閉塞。思其治法。按內經標本論。大小不利。無問標本。先利小便。又云在下者引而竭之。亦是先利小便也。又云諸泄利小便不利。先分別之。又云治濕不利小便。非其治也。皆言當利小便。必用淡味滲泄之劑以利之。是其法也。噫。聖人之法。雖布在方冊。其不盡者可以意求耳。今客邪寒濕之淫。從外而入裏。以暴加之。若從已上法度用淡滲之劑以除之。病雖即已。是降之又降。是復益其陰而重竭其陽。則陽氣愈削而精神愈短矣。是陰重強。陽重衰。反助其邪之謂也。故必用升陽風藥。即瘥以羌活獨活柴胡升麻各一錢。防風根半錢。炙甘草半錢。同咬咀。水二鍾。煎至一盞。去渣。稍熱服。大法云。濕寒之勝。助風以平之。又曰。下者舉之。得陽氣升騰而去矣。又法云。客者除之。是因曲而為之直也。夫聖人之法。可以類推。舉一而知百者也。若不達升降浮沉之理。而一概施治。其愈者幸也。

升陽除濕湯。治脾胃虛弱。不思飲食。洩瀉無度。小便黃。四肢困弱。自下而上引而去之。

升麻

柴胡

羌活

防風各半錢

蒼朮

甘草分三

神麴

澤瀉

猪苓

陳皮各五分

麥蘖三分

右咬咀。水二盞煎。去渣。空心服。如胃寒腸鳴。加益智半夏各五分。姜棗同煎。非腸鳴不用。

人參升胃湯。治一日大便三四次。澹而不多。有時泄瀉腹鳴。小便黃。

黃芪二錢

甘草一分

升麻六分

柴胡

陳皮

歸身

益智各二錢

紅花少許

人參六分

右剉作二服。水二盞煎至一盞。去渣稍熱。食前服。

〔丹〕止瀉姜麴丸

神麴六兩

茴香半兩

生姜二兩

右爲丸。每服五七十丸。

痰積泄瀉。

海石

青黛

黃芩

神麴

右爲丸。每服三五十九丸。病少者必用吐法吐之方愈。

右積滯洩瀉。腹必耕痛方泄者是也。或肚腹滿。按之堅者亦是也。

受病泄者。宜神麴之類消導之。病深而頑者。必用滯下門後重多。

熱條進退承氣之類下之方安。

〔丹〕固腸丸

樗皮四兩

滑石二兩

實積

痰積

虛滑

右為末。粥丸。丹溪云固腸丸性燥若
帶氣未盡者不可遽用

〔保〕訶子散。治洩久腹痛漸已。瀉下漸少。宜此藥止之。

訶子 一兩半
生半熟

木香 半兩

甘草 二錢

黃連 三錢

右為細末。每服二錢。以白朮芍藥湯調下。如止之不已。宜因其歸而送之。於訶子散內加厚朴一兩。竭其邪氣也。

虛滑久而不止者。多傳變為痢。太陰傳少陰。是為鬼邪。先以厚朴枳實湯防其傳變。

厚朴

枳實 各一兩

訶子 一兩半
生半熟

木香 半兩

黃連 二錢

甘草 二錢
炙

大黃 三錢

右為細末。每服三錢或五錢。水一盞半。煎至一盞。去渣溫服。已上皆治
熱滑瀉

〔丹〕補脾丸

白朮 半兩

白芍藥 二錢

右為細末。飯丸。冬月去芍藥。加肉苳蔻澤瀉服之。又不止者。於內加飛礬一錢半。

氣痢。訶黎勒散主之用。

訶黎勒 十枚
煨

右一味為散。粥飲和頓服。林億云疑非
仲景方也

〔垣〕扶脾丸。治脾胃虛寒。腹中痛。漉洩無度。飲食不化。

白朮 茯苓 甘草 訶子皮

烏梅肉各二錢 紅苳 乾姜 肉桂各半錢

麥蘖 神麴炒各四錢 陳皮一錢 半夏二錢

右為末。荷葉裹燒飯為丸。如桐子大。每服五十九。溫水食前下。

加藿香一錢 方一

治痢久臟腑虛滑。去積不已。用蒼朮湯下桃花丸。

蒼朮二兩 防風一兩

右劉水一碗。煎至一大盞。下桃花丸。或赤石脂丸。小便利則安。

丸即滯下門桃花湯為丸。赤石脂乾姜二味是也。

〔衍〕有一人病大腸寒清。小便精出。諸熱藥服及一斗二升未效。後

教服赤石脂乾姜各一兩。胡椒半錢。同為末醋糊為丸。如桐子大。空

心及食前米飲下五七十丸。終四劑遂愈。

〔本〕治脾胃不和。泄瀉不止。諸藥不效。訶子丸。

訶子皮 川姜 肉苳蔻 龍骨

木香 赤石脂 附子各等分

右細末糊丸。如桐子大。每服四十九。米飲下。

赤石脂禹餘糧湯方。治大腸泄瀉。

暴泄

赤石脂製

再餘糧各四錢製

右剉碎。每服五錢。水一盞半。煎至八分。去渣溫服。

〔孫〕治氣虛傷冷。暴作水瀉。日夜二三十行。腹痛不止。夏日路行備急朝真丹。用硫黃一兩半。研令極細。枯白礬五錢。同細研勻。水浸蒸餅。去水和丸。如桐子大。硃砂為衣。每服十五丸。溫米飲鹽湯下。已上止暴泄

內荳蔻

三箇用濕麴裹之置火內煨令麵焦去麴丹溪云肉荳蔻屬金屬土溫中補脾為有力日華子稱其下氣以脾胃得補而奮運化氣自下也非若香附陳皮之駛泄

右將肉荳蔻為細末。只作一服。陳米飲調。食前服之。神驗。

〔潔〕暴泄如水。周身汗出。一身盡冷。脈沉而弱。氣少而不能語。甚者加吐。此謂緊病。宜以漿水散治之。

半夏二兩

良姜二錢半

乾姜

肉桂

甘草

附子炮各五錢

右細末。每服三五錢。水二盞。煎至一盞熱服。甚者三四服。若太陽

經傷動傳太陰下痢為驚漉。大腸不能禁固。卒然而下。中有硬物。

欲起而又下。欲了而又不。小便多清。此寒也。宜溫之。春夏桂枝

湯。秋冬白朮湯。謙甫云。驚漉者大便如水。其中有少結糞是也。

桂枝湯

桂枝

芍藥

白朮各半兩

甘草炙二錢

右切。每服半兩。水一盞。煎至七分。去渣溫服。

白朮散 白朮 芍藥各三錢

乾姜兩

甘草灸二錢

右竈末如前服之。甚則除去乾姜。加附子三錢。謂辛能發散也。

〔羅〕麴朮丸。治時暑暴泄。壯脾胃。及治飲食所傷。胸膈痞悶。

神麴

蒼朮滑便一宿 各等分

右為細末。麵糊為丸。如桐子大。每服三十丸。溫米飲送下。

止洩丸

肉苳蔻五兩

滑石製

右為末。搗飯丸。惟滑石夏三兩半。

秋二兩。春冬一兩一錢半。

〔羅〕中寒治驗 參政商公。時年六旬有二。原有胃虛症。至元己巳

夏。上都住。時值六月。霖雨大作。連日不止。因公務勞役過度。飲食失

節。每日臍腹作痛。腸鳴自利。須去一二行少定。不喜飲食。懶於言語。

身體困倦。召予視之。予診其脈沉緩而弦。參政以年高氣弱。脾胃宿

有虛寒之症。加之霖雨及勞役。飲食失節。重虛中氣。難經云。飲食勞

倦則傷脾。不足而往。有餘隨之。歲火不及。寒乃大行。民病驚漉。今脾

胃正氣不足。腎水必挾木勢。反來侮土。乃薄所不勝。乘所勝也。此疾

非甘辛大熱之劑。則不能瀉水補土。雖夏暑之時。有用熱遠熱之戒。

又云有假者反之。是從權而治其急也。內經云。寒淫于內。治以辛熱。

乾姜附子。辛甘大熱。以瀉寒水以為君。脾不足者以甘補之。人參白

朮甘草陳皮苦甘溫以補脾土。胃寒則不欲食。以生薑草苳蔻辛溫

治客寒犯胃。厚朴辛溫厚腸胃。白茯苓甘草助姜附以導寒濕。芍藥酸微寒補金瀉木。以防熱傷肺氣爲佐。不數服即愈。
附子溫中湯。治中寒腹痛自利。米穀不化。脾胃虛弱。不喜飲食。懶言困倦嗜臥。

附子炮去皮膽

乾姜炮各七錢

人參

甘草炙

白芍藥

白茯苓去皮

白朮各五錢

厚朴蜜製

草荳蔻麩裏煨去皮

陳皮各三錢

右劉每服五錢或一兩。水二盞半。姜五片。煎一盞。食前溫服。

〔簡〕理中湯。治泄瀉。加橘紅茯苓各一兩。名補中湯。若漉泄不已者。於補中湯內加附子一兩。不喜飲食。水穀不化者。再加砂仁一兩。共成入味。理中湯方見傷寒

〔本〕治脾胃中風濕。臟腑泄滑。鞠藭丸。

芎藭

神麴

白朮

附子各等分炮

右爲細末。麩糊丸。如桐子大。每服三五十丸。米飲下。左氏述楚子圍蕭。蕭將潰。無社告申叔展曰。有麴乎。有山鞠藭乎。鞠藭芎藭也。意欲令逃水中以避禍。是知芎藭能除濕。當加朮附以制之。若脾濕而泄者。萬無不中。亦治殭泄。

〔無〕桂香丸。治臟腑虛爲風寒所搏。冷滑注下不禁。老人虛人危篤。

累效。

附子炮去皮臍

肉苳蔻炮

白茯苓各一兩 桂心

乾姜炮

木香炮各半兩

丁香一分

右爲末。糊丸。如桐子大。米湯下五十丸。空心服。

〔孫〕治水瀉無度。乾姜末粥飲調一錢服。立效。

濕熱條

泄而困倦不便者。及脈數者。虛熱者。宜參朮滑石苓通。方見補脾行濕條

泄而脈滑堅者實熱。宜大承氣湯。方見實條

〔丹〕玉龍丸。治一切伏暑泄瀉神效。方見傷寒部暑門

〔仲〕下痢不止。醫以理中與之。利益甚。理中者理中焦。此利在下焦。

赤石脂禹餘糧湯主之。復痢不止者。當利小便。下痢腹脹滿。身體

疼痛者。先溫其裏。乃攻其表。溫裏宜四逆湯。攻表宜桂枝湯。

大腸小腸爲泄。全文見診 一陽發病。少氣。善欬。善泄。全文見診 病傳變

運氣泄瀉

一曰土助脾濕盛而泄瀉。經云。歲土太過。雨濕流行。病澹泄。腸鳴。又

曰。歲水不及。濕乃下行。民病身重濡泄。又云。歲火不及。寒乃大行。土

復則病驚澹。腹痛腸鳴泄注。又云。土鬱之發。民病飲發注下。又云。濕

勝則濡瀉。治以苦溫是也。

熱

上下表裏

臟腑

運氣

二曰風木攻脾虛而泄瀉。經云。厥陰司天。風淫所勝。民病冷泄。澹泄。又云。春傷於風。邪氣留連。乃爲洞泄。治以辛涼是也。

三曰熱瀉。經云。少陽所主爲暴注。又云。少陰之勝。腹滿澹泄。又云。火鬱之發。民病注下。治以寒劑是也。

四曰寒泄。經云。歲水太過。寒氣流行。病腸鳴澹泄。又云。太陽所至。爲流泄禁止。又云。太陽之勝。寒入下焦。傳爲濡泄。治以熱劑是也。

五曰熱中寒中泄。經云。太陽司天之政。三之氣。寒氣行。民病寒反熱中注下者。是外寒內熱泄也。又云。長夏善病洞泄。寒中者是外熱內寒泄也。治以寒熱兼施是也。

六曰燥泄。經云。歲木不及。燥乃大行。民病腸鳴澹泄。又云。陽明司天。燥淫所勝。民病腹中鳴。注泄驚澹。又云。陽明之勝。清發於中。澹泄。又云。陽明之復。腹脹而泄。治以溫劑是也。

〔子和〕昔聞山東楊先生者。治府主洞泄不止。楊初未對病人與衆人談日月星辰纏度及風雷雲雨之變。自辰至未。而病者聽之忘其圍。楊嘗曰。治洞泄不已之人。先問其所愛之事。好棋者與之棋。好樂者與笙笛勿輒。

針灸泄瀉。獨取大腸一經。經云。大腸病者。腸中攻痛而鳴濯濯。冬日中于寒。卽泄。當臍而痛。取巨虛上廉。

〔羅〕治水漬入胃為溢飲滑泄。渴能飲水。水下復泄。泄而大渴。此無藥症。當灸大椎。

〔脈〕諸下痢皆可灸足大都五壯。商丘陰陵泉皆二壯。

〔甲〕糖泄不化食。寒熱不節。陰陵泉主之。

〔玉〕治久泄瀉。內天樞穴撮要摘英同 天樞 二寸半灸摘英五分留十呼灸百壯

〔集〕自痢不止。天極 中極

〔世〕又法。合谷 三里 陰陵泉 不應取 中脘 關元 天樞

神闕

〔東〕泄痢不禁。小腹絞痛。丹田 灸百壯三報之 泄痢不嗜食。長谷 五十壯三報之

在臍膈傍去五寸一名循元穴

宜忌

〔衍〕石硫黃今人用治下元虛冷。元氣將絕。久患寒泄。胃脾虛弱。垂命欲盡。服之無不效。中病當便已。不可盡劑。世人蓋知用而為福。不知用而為禍。此物損益兼行。若俱棄而不用。當倉卒之間。又可闕乎。

產後泄瀉

〔丹〕治產後泄瀉。惡露不行。此餘血滲入大腸為瀉。洞泄不禁。下青白黑色。用荆芥大者四五穗。於盞內燒灰。不得犯油火。入麝香研湯。三呷調下。此藥雖微。能治大病。方名酌奇散

產後泄方

脾氣
下陷

茯苓
乾姜
右水煎服之。

川芎
滑石

黃芩
陳皮

白朮
芍藥炒

殭泄

殭泄米穀不化而完出是也。

〔素〕清氣在下則生殭泄。

陰陽應象論○王註云熱氣在下則穀不化故殭泄東垣云清氣在下者乃人之脾胃氣衰不能升發陽氣故用升麻柴胡助

甘辛之味以引元氣之升不令下陷為殭泄也

〔羅〕內經曰清氣在下則生殭泄。又曰久風入胃中則為腸風殭泄。夫脾胃土也。氣冲和以化為事。今清氣下降而不升。則風邪久而干胃。是木賊土也。故冲和之氣不能化而令物完出。所以謂之殭泄。或飲食太過。腸胃所傷。亦致米穀不化。此俗呼水穀利也。法當下者舉之而消劑之也。以加減木香散主之。

木香

良姜

升麻

檳榔

人參各二錢半

肉苳蔻煨

吳茱萸炮

乾姜炮各五分

神麩炒二錢

陳皮五分

砂仁五分

右十一味為細末。每服四錢。水盞半。煎至一盞。去渣。食前溫服。宜加白朮。

〔河〕白朮湯。治殭泄風冷入中。泄利不止。脈虛而細。日夜數行。口乾

腹痛不已

厚朴製

艾葉牛錢炒熟

當歸去苗

龍骨各五錢

白朮一兩

治
宜
奪食

右爲末。每服三錢。水一盞。生姜三片。同煎至八分。去渣。空心溫服。
 「垣」凡泄則米穀不化。謂之殄泄。是清氣在下。乃胃氣不升。上古聖人。皆以升浮藥扶持胃氣。一服而愈。知病在中焦脾胃也。脈訣曰。濕多成五泄。濕者胃之別名也。病本在胃。真氣弱。真氣者穀氣也。不能剋化飲食。乃濕盛故也。以此論之。正以脾胃之弱故也。初病奪食。或絕不食。一二月使胃氣日勝。泄不作也。今已成大泄矣。經云。治濕不利小便。非其治也。又云。下焦如瀆。又云。在下者引而竭之。唯虛症不宜。此論其病得之於胃氣下流。清氣不升。陽道不行。宜升宜舉。不宜利小便。靈樞云。頭有疾取之足。謂陽病在陰也。足有疾取之上。謂陰病在陽也。經曰。陽病在陰。陰病在陽。此之謂也。中有疾。傍取之。謂陰少陽甲膽是也。中者脾胃也。脾胃有疾。取之足少陽。甲膽者。甲風是也。東方春也。胃中穀氣者。便是風化也。作一體而認。故曰胃中濕勝而成泄瀉。宜助甲膽風勝以克之。又是升陽助清氣上行之法也。又一說中焦元氣不足。瘦便爲之變。腸爲之苦鳴。亦緣胃氣不升。故令甲氣上行。又云。風勝濕也。大抵此症本胃氣弱不能化食。奪食則一

禁大劑

肌肉消者勿治

寒熱

日而可止。夫奪食之理。為胃弱不能剋化。食則為泄。如食不下。何以作泄。更當以藥滋養元氣。令候泄止。漸與食。胃勝則安矣。若食不化者。於升陽風藥內。加炒麩同煎。兼食入頓至心頭者。胃之上口也。必口沃沫。或食入反出。皆胃土停寒。其右手關脈中弦。按之洪緩。是風熱濕相合。穀氣不行。清氣不升。為弦脈之寒所隔。故不下也。麩之熱亦能去之。若翻胃者。更加半夏生姜入於風藥內同煎。奪食少食。欲使胃氣強盛也。若藥劑大則胃不勝藥。泄亦不止。當漸漸與之。今病既久。已至衰弱。當以常法治之。不可多服餌也。人之肉如地之土。豈可人而無肉。故肉消盡則死矣。消瘦人有必死者。入內經有七。外經有一。又病肌肉去盡勿治之。天命也。如肌肉不至瘦盡。當急療之。宜先奪食而益胃氣。便與升陽先助真氣。次用風藥勝濕。以助升騰之氣。病可已矣。餘皆勿論。此治之上法也。治用升陽除濕湯之類是也

〔羅〕加減木香散。方見正條

〔仲〕下利清穀。裏寒外熱。汗出而厥者。通脈四逆湯主之。方見傷寒

〔河〕白朮散。治飧泄。脈細。方見上條

〔垣〕治洩痢。飧泄。身熱脈弦。腹痛而渴。及頭痛微汗。宜防風芍藥湯。

防風

芍藥

黃芩各等分

右藥末。每服半兩。或一兩。水二盞。煎至一半。溫服。

病生於風

水自內出宜灸宜從風入表宜外入

〔梅〕治水穀痢久不瘥。厚朴三兩。黃連三兩。劉細水三升。煎取一升。空心服。

〔素〕春傷於風。夏生飧泄。生氣論 久風為飧泄。全文見 久風入中為腸風飧泄。天論 論

右久風入中為飧泄。經云虛邪之中人也。始於皮膚。留而不去。傳舍於絡脈。留而不去。傳舍於經。留而不去。傳舍於輸。留而不去。傳舍於伏衝之脈。留而不去。傳舍於腸胃。在腸胃之時。賁響腹脹。多寒則腸鳴飧泄。食不化。此久風入中為飧泄之義同也。

〔潔古〕云。大渴飲水。多因致水穀一時下者。宜灸大椎三五壯。或用車前子雷丸白朮茯苓及五苓散等藥滲之。詳見大法條。又如久風為飧泄者。則不飲水而穀完出。治法當以宣風散導之。後服蒼朮防風湯。

宣風散 方見小兒痘發熱條服之大便利服後藥

蒼朮防風湯

蒼朮 去皮四兩 麻黃 一兩 防風 五錢

右蘆朮每一兩。生薑七片。水一盞。煎至一半。去渣溫服。如止後服後藥。

補本丸

蒼朮

小椒去目妙
各一兩

右爲細末。醋糊丸。如桐子大。每服五十丸。食前溫水下。治寒泄痢久不效者彌佳。小兒丸如米大。

〔子和〕趙明之米穀不消。腹作雷鳴。自五月六月不愈。諸醫以爲胃受大寒。故併與聖散子荳蔻丸。雖止一二日。藥力盡而復作。諸醫不知藥之非。反責明之不忘口。戴人至而咲曰。春傷於風。夏必殮泄。殮泄者水穀不化而直過下出。又曰。米穀不化。熱氣在下。久風入中。中者脾胃也。風屬甲乙。脾胃屬戊己。甲乙能剋戊己。腸中有風故鳴。經曰。歲木太過。風氣流行。脾土受邪。民病殮泄。診其兩手。脈皆浮數。爲病在表也。可汗之。直斷曰。風隨汗出。以火二盆。暗置牀下。不令病人見火。恐憎其熱。詒之入室。更服漏劑。以麻黃投之。乃閉其戶。從外鎖之。汗出如洗。待一時許。開戶。滅火一半。須臾汗止。泄亦止。內經曰。春傷於風。夏生殮瀉。此以風爲根。風非汗不出者。有病此者腹中雷鳴。泄往米穀。不分小便滯。皆以脾胃虛寒故耳。服荳蔻烏梅粟殼乾姜附子會無一效。中脘臍下灸已數千。燥熱轉甚。津液涸竭。瘦削無力。飲食減少。命予視之。余以應象論曰。熱氣在下。水穀不分。化生殮泄。寒氣在上。則生腹脹而氣不散。何也。陰靜而陽動故也。診其脈兩手皆浮大而長。身表微熱。用桂枝麻黃湯。以姜棗煎。大劑連進三

腸瘕

服汗出終日。至旦而愈。次以胃風湯和其臟腑。調養陰陽。食進而愈。
〔河〕木香丸。治腸痺多飲不泄。上氣喘爭。時發殮泄腹痛。

木香

白朮

官桂

蕪荑

訶子皮

良姜

附子炮去皮

厚朴製

肉苳蔻各一兩

乾姜六錢

甘草五錢

右爲末。麪糊丸。如桐子大。每服二十九丸。姜湯空心下。

運氣

運氣殮泄。皆屬風木攻脾。經云。歲木太過。風氣流行。脾土受邪。民病殮泄食減。又云。歲土不及。風乃大行。民病殮泄。體重腹痛。又云。土不及曰卑監。卑監之紀。上角與正角同。其病殮泄。治以涼劑是也。

針灸

刺灸殮泄有三法。

其一取脾。經云。脾虛則腹滿腸鳴。泄食不化。取其經足太陰陽明。又云。殮泄取三陰之上。補陰陵泉。皆久留之。熱行乃止。又云。殮泄取三陰者是也。三陰者太陰也。

其二取腎。經云。腎藏志。志有餘。腹脹殮泄瀉。然筋血者是也。然筋謂然骨。視血絡盛則泄之。

其三取肝。經云。肝足厥陰之脈。所生病者。胸滿嘔逆殮泄是也。視盛虛寒熱。陷下施法也。

渴飲水多。水穀一時下者。灸大椎三五壯立已。詳見大法條

雜方

〔甲〕殮泄大腸痛。巨虛上廉主之。又大衝主之。

遺尿

〔大〕治產後遺尿。取故燕巢中草燒灰研細。酒調服五分。男子亦治。

又方。

白礬枯

牡蠣煨

右等分爲末。酒服方寸匕。日三。男女同治。

診

〔華〕病人臥遺尿不覺者死。

滯下

久泄久痢

胎前痢

產後痢

俗謂之痢疾是也

大法

〔丹〕痢初得時。一二日間。以利爲法。有熱先退熱。後重者當利氣。木香檳榔。腹痛用溫散藥。姜桂之屬。下血當涼血和血。當歸桃仁

之屬。下痛發熱惡寒。身首俱痛。此爲表證。宜微汗和解。用蒼朮川

芎陳皮芍藥甘草。生姜三片煎。下痢身發熱者。有外感。用小柴胡

去參。下痢發熱。久不止者。屬陰虛。用寒涼藥。必兼升散藥。并熱藥

用。下痢初發熱。必用大承氣。下後看症用藥。發熱不惡寒。脈洪

者。宜大承氣。若惡寒者。忌下。下痢腹痛後重。小水短下積。此爲裏

症。宜和中疎氣。用陳皮芍藥滑石枳殼厚朴之類。

〔潔〕芍藥湯。治下血調氣。經曰。澁而便膿血。知氣行而血止也。行血

則便自安。調氣則後重自除。

芍藥一

當歸

黃連各半

檳榔

木香 各二錢

甘草 炙一錢

大黃 三錢

黃芩 五錢

桂 半二錢

右龕末。每服半兩。水二盞。煎至一盞。食後溫服。如血前則漸加大黃。如清後臟毒。加黃栢半兩。同煎服。

便利小

〔丹〕一老人年七十。面白。脈弦數。獨胃脈沉滑。因飲白酒作痢。下血淡水臃。腹痛。小便利。裏急後重。以參朮為君。甘草滑石檳榔木香蒼朮為佐。下保和丸二十五丸。第二日前症俱減。獨小便利。以益元散服之安。

虛實

〔河〕益元散治身發熱。下痢赤白。小便利。盪胃中積聚。方見泄瀉

〔丹〕痢初得之。必用調胃承氣。及大小承氣。實者用此下之。下婁男子五十餘。下痢。晝有積淡紅色。夜無積。食自進。先喫小胃丹兩服。再與四十九丸。次六十九丸。去積。却與斷下。

〔羅〕玄青丸。治下痢勢惡。頻併窘痛。或久不愈。諸藥不能止。須吐下之。以開除瀉熱。痞悶積滯。而使氣液宣行者。宜此逐之。兼宣利積熱。酒食積。黃瘦中滿。水氣腫。腹脹。兼療小兒驚疳積熱。乳癖諸症。

黃連

黃栢

大黃

甘遂

芫花 醋拌炒

大戟 各五錢

輕粉 二錢

青黛 一兩

牽牛 四兩取頭末二兩

右爲末研勻。水丸。小荳大。初服十丸。每服加十丸。空心日午臨臥三服。以快利爲度。後常服十五丸。數日後。得食力。如利尙未痊。再加取利。利後却常服。以意消息。病去爲度。後隨症止之。小兒丸如黍米大。退驚疳積熱。不須下者。常服十丸。

〔玄〕利積丸

黃連四兩

天水末八兩

當歸二兩

乳香一兩

蘿蔔子炒四兩

巴荳一兩去油
黃連一處炒

右爲末。醋糊丸。如桐子大。弱者十五丸。實者二十五丸。治下痢赤白。腹滿脹痛裏急。上渴引飲。小水赤澀。此積滯也。宜泄其熱。中用清腸丸。導氣丸。推其積滯。而痢自無矣。凡治積聚之症。輕則溫而利之。清腸丸是也。重者天真散。舟車丸下之。下後切勿便補之。其或力倦。自覺氣少惡食。此爲挾虛症。宜加白朮當歸身尾。甚者加人參。若又十分重者。止用此藥。加陳皮補之。虛回而痢自止矣。予族叔年近六十。夏間患滯下病。腹微痛。所下褐色。後重頻併。飲食大減。時有微熱。察其脈皆弦而澀。似數稍長。却喜不甚浮大。兩手相等。視其神氣大減。予曰。此非滯下。乃憂慮所致。心血虧。脾氣弱也。與參朮爲君。歸身陳皮爲臣。川芎炒白芍扶苓爲佐使。如熱加黃連爲使。與兩月而安。

金氏婦年近四十。秋初尚熱。患滯下。腹但隱痛。夜重於晝。全不得睡。食亦稍減。口乾不飲。已服治痢靈砂兩帖矣。予視之。兩手脈等澹且不勻。神思倦甚。飲食全減。因與四物湯。倍加白朮。以陳皮佐之。數帖而安。

義一姪患瘧。間日作。兼痢。脈虛甚。身痛。宜活血補胃。待虛稍回。却又推積。

人參分五

白朮半一錢

蒼朮

陳皮各一錢

白芍藥炒五分

川芎分五

滑石炒一錢

甘草炙少許

桃仁研七分

藥後病退。惟脈少。弦身倦。用此方調補。

人參分九

蒼朮錢三

半夏分九

川芎錢一

陳皮錢一

木通半二錢

甘草少

煎取三之一。飲之。可淡粥。少少塞飢。又靜坐養之。

葉先生患滯下。後甚逼迫。正合承氣症。但氣口虛。形雖實。而面黃積白。此必平昔食過飽。而胃受傷。寧忍二三日辛苦。遂與參朮陳皮芍藥等補藥十餘帖。至三日後。胃氣稍完。與承氣二帖而安。苟不先補完胃氣之傷。而遽行承氣。恐病安之後。寧免瘦癯乎。

〔世〕治痢。煙蠟丸。黃蠟不拘多少。用銀篋挑於真香油燈上燒薰。落

雜方

下水碗內。凡如此者七次。為丸如蘿蔔子大。每二十九丸。白痢甘草湯下。赤痢烏梅湯下。本草云蜜蠟主下利膿血瘧中又云白蠟主後重白膿

〔葛〕治重下。此即赤白痢。火熬鼓令少焦。杵服一合。日三效無比。又熬鼓令焦。水一升。淋取汁。冷服治淋。日三服有效。

〔食〕治脾胃氣虛。下痢久不已。腸滑不進食。用野雉一隻。如食法。細斫。着陳皮葱椒。調和鹽醬。作餛飩熟煮。空心食之。

〔丹〕噤口痢。胃中熱甚。大虛大熱故也。用人參二錢黃連一錢濃煎汁。終日細細呷之。如吐再喫。但一呷下咽。便開。又宜封臍引熱下行。用田螺肉搗碎。罨臍中。入麝香少許。

〔世〕痢疾不納飲食者。俗謂之噤口痢。以脈症辨之。如脾胃不弱。問而知其頭疼心煩。手足溫熱。未嘗多服涼藥者。此乃毒氣上衝心肺。所以嘔而不食。宜用敗毒散。每服四錢。陳倉米一百粒。姜三片。棗一枚。水一盞半。煎八分溫服。若其脈微弱。或心腹膨脹。手足厥冷。初病則不嘔。因服罌粟殼烏梅苦澁涼藥太過。以致聞食先嘔者。此乃脾胃虛弱。用山藥一味。剉如小荳大。一半入銀瓦銚內炒熟。一半生用。同為末。飯飲調下。又方。用石蓮樵去殼。留心并肉碾為末。每服二錢。陳米飲調下。此疾蓋是毒氣上衝心肺。借此以通心氣。便覺思食效。

暴注下迫皆屬於熱全文見診

〔局〕香連丸。治下痢赤白。裏急後重。

黃連

去蘆二十兩用吳茱萸十兩同炒令赤去茱萸不用

木香四兩八錢不見火

右爲細末。醋糊丸。如桐子大。每服三十九丸。空心飯飲下。

〔錢〕荳蔻香連丸。治泄瀉。不問寒熱赤白。陰陽不調。腹脹攻痛。可用如神。

黃連三錢炒

肉荳蔻

木香各一錢

右爲細末。粟米飯丸。米粒大。每服米飲下十九丸。至三十九丸。日夜各四五服。食前。

〔杜〕治氣痢瀉。裏急後重。神妙方。宣連二兩。乾姜半兩。各爲末。每用連二錢。姜半錢。和勻。空心溫酒下。

〔羅〕黃連阿膠丸。治脾胃氣。冷熱不調。下痢赤白。狀如魚腦。裏急後重。臍腹疼痛。口燥煩渴。小便不利。

黃連三兩去

茯苓二兩去皮

阿膠

右各爲末。水調阿膠。和藥。衆手丸。如桐子大。每服二十九丸。溫米飲湯下。

〔仲〕熱利下重者。白頭翁湯主之。方見傷寒

〔仲〕下痢膿血。裏急後重。日夜無度。宜導氣湯。

進退
承氣
法

芍藥二錢

當歸五錢

大黃

黃芩各二錢半

黃連

木香

檳榔各一錢

右爲細末。每服三錢。水一盞。煎至七分。去渣溫服。如未止再服。下後重則止。

〔潔〕大瘦泄者。裏急後重。數至圜而不能便。莖中痛。用清涼飲子主之。其泄自止。莖中痛者。屬厥陰。加甘草。裏急後重多者。屬少陰。加大黃。令急推去舊物。則輕矣。內經曰。因其重而減之。又云。在下者引而竭之。清涼飲子方見治發熱

裏急後重。數至圜而不得便。皆宜進退大承氣湯主之。

進承氣法。治太陰症不能食是也。當先補而後瀉。乃進藥法也。先剉厚朴半兩。姜製。水一盞。煎至半盞服。若二三服未已。胃有宿食不消。加枳實二錢。同煎服。二三服。泄又未已。如不加食。尙有熱毒。又加大黃三錢。推過。泄未止者。爲腸胃久有塵垢滑粘。加芒硝半合。垢去盡。則安矣。後重兼無虛症者宜之。若力倦氣少。脈虛不能食者。不宜此法。蓋厚朴枳實大瀉元氣故也。

退承氣法。治陽明症能食是也。當先瀉而後補。乃退藥法也。先用大承氣五錢。水一盞。依前法煎至七分。稍熱服。如瀉未止。去芒硝。減大黃一半。煎二服。如熱氣雖已。其人心腹滿。又減去大黃。但與枳實厚朴湯。又煎二三服。如腹脹滿退。泄亦自安。後服厚朴湯數服則已。

後重
有邪

有虛
滑
有汚
血

〔垣〕感應丸治下痢赤白後重遲瀉。方見內傷飲食門

〔丹〕或曰治後重疎通之劑。羅謙甫水煮木香膏。東垣白朮安胃散等方。已盡矣。又有用御米殼等固澁之劑亦可愈。何也。曰。後重本因邪壓大腸墜下。故大腸不能升上而重。是以用大黃檳榔輩。瀉其所壓之邪。今邪已瀉。其重仍在者。知大腸虛滑。不能自收而重。是以用御米殼等澇劑。固其滑。收其氣。用亦愈也。然大腸為邪墜下之重。其重至圍後不減。大腸虛滑不收之重。其重至圍後隨減。以此辨之。百發百中也。其或下墜異常。積中有紫黑血。而又痛甚。此為死血症。法當用搗細桃仁滑石行之。或口渴及大便秘口燥辣。是名挾熱。即加黃芩。或口不渴。身不熱。喜熱手熨盪。是名挾寒。即加乾姜。入瘡將產。患痢。脈細弦而稍數。後重裏急。

滑石三錢

芍藥二錢

枳殼炒錢

木通二錢

甘草五分

白朮二錢

茯苓一錢

桃仁每帖九枚。研同前。

青田入肚痢紅紫血下墜逼迫。不渴不熱。

白朮

芍藥各一兩

陳皮

枳殼炒

歸身

滑石各半兩

甘草二錢

桃仁三十粒

分八帖。下實腸丸三十粒。

一丈夫因酒多下血，肚疼後重成痢。

滑石半兩

連翹

黃芩

木通

芍藥

枳殼

白朮各二錢

甘草五分

桃仁廿一枚

分四帖服。

後重積與氣墜下。服升消藥不愈者。用秦芫皂角子煨大黃當歸桃仁枳殼黃連等劑。若大腸風盛。可作丸服。

自古治裏急後重。但用檳榔木香調氣。及大黃下積。至丹溪始用桃仁滑石。活死血。如鼓應桴。實發前人之所未發也。

其或下墜在血活之後。此為氣滯症。宜前藥加檳榔一枚。後重當

和氣積與氣墜下者。當兼升兼消。升謂升麻之類。消謂木香檳榔之類。

〔仲〕泄痢下重者。以水五升。煮薤白二升。至二升。去渣。以四逆散方

寸七內湯中。煮取一升半。分溫再服。東垣云薤白泄滯氣。

〔食〕主赤白痢下。薤白一握。切煮作粥食。

〔丹〕其或氣行血和積少。但虛坐努責。此為下血症。倍用當歸身尾

却以生地黃生芍藥生桃仁佐之。復以陳皮和之。血生自安。

〔垣〕虛坐而不得大便。皆因血虛也。血虛則裏急。加當歸身。凡後

重逼迫而得大便者。為有物而然。今虛坐努責而不得大便。知其血

虛也。故用當歸為君。生血藥佐之。

調氣

補血

升陽

凡諸用承氣等藥挨積之後。仍後重者。乃陽不升也。藥中當加升麻。升其陽其重自去也。

〔垣〕升陽除濕防風湯。治裏急後重。數至圜而不能便。或少有白膿。或少血者。慎勿利之。升陽除濕防風湯方見下血

毒積

〔丹〕其或在下則纏滯。在上則嘔食。此為毒積未化。胃氣未平。症當認其寒則溫之。熱則清之。虛則用參朮補之。毒解積下。食自進矣。治痢方

蒼朮

白朮

茯苓

當歸

白芍藥

青皮

生地

黃連

滑石

甘草

作一服。水煎。裏急後重。加黃連滑石桃仁檳榔。甚者大黃。嘔者加半夏姜汁。

寒

〔世〕仲景建中湯。治痢不分赤白久新。但腹中大痛者神效。其脈弦急。或濇浮大。按之空虛。或舉按皆無力者亦效。方見傷寒

〔丹〕婁長官年三十餘。奉養厚。夏秋間患滯下。腹大痛。有人教服單

煮乾姜與一帖。痛定。少頃痛作。又與。又定。由是服乾姜三斤。八日後。

召予視之。左脈弦大似數。右脈弦而大稍減。亦似數。重取之似緊。予

曰。此必醉飽後吃寒涼太過。當作虛寒治之。因其多服乾姜。遂教與

四物湯去地黃加人參白朮陳皮酒紅花茯苓桃仁煎生薑汁飲之。

一月而安。丹溪云下痢膿瘡服姜桂溫散之法乃乾姜并建中湯加桂是也。

〔聖〕治冷痢腹中不能食肉豈薏一兩。去皮。以醋麩裹煨熱搗。非時粥飲下二錢七。

右下痢腹痛。必溫散而愈者。蓋本於內經所謂寒氣客於小腸。小腸不得成聚。故腹痛後泄。及所謂太陽病冬日感寒即泄。當臍而痛之病也。

〔垣〕芍藥黃芩湯。治泄痢腹痛。或後重身熱。久不愈。脈洪疾者。及下痢膿血稠粘。

黃芩 芍藥各一兩 甘草五錢

右咬咀。每服一兩。水一盞半。煎至一盞。溫服無時。如痛加桂少許。

當歸導氣湯。治膿血痢無度。小便不通。腹中痛。

當歸一錢 甘草半錢 芍藥一錢 青皮

槐花炒各七分 木香 檳榔各三錢 澤瀉五分

生地黃 錢半或二錢 酒浸陰乾

右爲末。水煎。食前溫服。如小便利。去澤瀉。

〔仲〕下痢腹痛。紫參湯主之。

紫參半斤 甘草三兩

右二味。以水五升。先煮紫參取三升。內甘草煮取一升半。分三次

久積
積

溫服。

〔潔〕厚朴丸治處暑秋冬間腹痛下痢大效。方見反胃

〔世〕治痢疾定痛黑子丸。

黃蠟五錢

杏仁

江子

砂仁各廿一枚

右三件香油燈上燒存性。鎔蠟和勻。加乳香些少。丸如米大。每服十餘粒。

〔本〕治積痢定痛靈砂丹

礶砂

硃砂各等分研極細

右用黃蠟五錢。巴苳三七粒。去殼皮膜。同於銀石器內重湯煮一伏時。候巴苳紫黑為度。去二十粒。止用一七粒。與前藥二味同研極勻。再鎔蠟和藥。旋丸菴苳大。每服二丸至五丸。水瀉生姜湯下。白痢艾湯。赤痢烏梅湯下。服時須極空心。服畢一時不可吃食。臨臥尤佳。次食淡粥一日。瘧疾乳香湯。面東不發日晚間服。此藥不動氣。服之瀉者止。痢者斷。疼者愈。有積者內化。亦不動臟腑。大凡痢有沉積者。不先去其積。雖暫安後必為害。常記陳侍郎經中庚戌秋過儀真求診。初不覺有疾。及診視肝脈沉弦。附骨取則牢。予曰。病在左脇有血積。必發痛。陳曰。誠如是。前某守九江。被召冒暑涉長江。暨抵行朝血痢已數日矣。急欲登對。醫者以剛劑燥之。雖

初病
宜下

氣鬱
發之

食多
作痰
滅之

得止數日臍下一塊大如盃。旬日如碗大痛。發則不可忍。故急請公祠以歸耳。柰何。予曰。積痢不可強止。故積血結於臍脇下。非抵當丸不可。渠疑而不肯服。次年竟以此終。

〔羅〕陳麩丸。治腹中冷痛。磨積止痢。

陳麩一兩
半炒

乾姜炮

官桂

白朮

當歸

厚朴

人參

甘草炙各
半兩

右爲細末。煉蜜丸。如桐子大。每服三五十丸。酒送下。或淡醋湯亦得。食前一日三服。發時不拘增數。右久病漸挨其積方。

〔脈〕下痢而腹滿爲實。當下之。

〔丹〕初下痢腹痛。不可用參朮。然氣虛胃虛者可用。初得之亦可用。大承氣調胃承氣下之。看其氣病血病。然後加減用藥。氣用參朮。血用四物。因積作後重者。保和丸主之。五日後不可下。脾胃虛故也。

腹痛者。肺經之氣。鬱在大腸之間者。以苦梗發之。然後用治痢藥。氣用氣藥。血用血藥。其或痢後糟粕未實。或食粥稍多。或飢甚方食。肚中作疼。切不可驚恐。當以白朮陳皮各半煎湯和之。自安。粥多及食肉作痛者。宜奪食。奪食者。減其粥食。絕其肉味也。

水宜
分消

醫學綱目

四四

〔垣〕扶苓湯。治因傷冷水瀉。變作赤白痢。腹痛減食。熱燥。四肢困倦無力。

扶苓 分六

澤瀉

歸身 各四分

芍藥 一錢

蒼朮 分二

生薑 錢二

肉桂 分五

黃芩 三分

猪苓 分六

甘草 錢五分

升麻

柴胡 錢各一

一本無升麻柴胡。

右咬咀。作二服。水煎稍熱。食前服。

〔羅〕神效越桃散。治下痢之後。小便利。而腹中滿痛不可忍。此名陰陽反錯。不和之甚也。

大梔子

良姜 各三錢

右爲末。米飲或酒調下三錢。

內經膿血稠粘。皆屬相火。夫太陰主瀉。少陰主痢。是先洩亡津液而火就燥。腎惡燥。居下焦血分。其受邪者故便膿血。然赤黃爲熱。青白爲寒。治須兩審。治熱以堅中丸。荳蔻丸。香連丸。治寒白膠香散。或多熱少寒。水煮木香膏。虛滑頻數。宜止宜瀉。宜養臟湯。木香養臟湯並見虛滑條白膠香散未考堅中丸。治脾胃受濕。滑泄注下。

黃連

黃栢

赤扶苓

澤瀉

白朮 各一兩

陳皮

肉荳蔻

白芍藥

赤黃
爲熱
青白
爲寒

陰陽
反錯

人參

官桂

半夏錢各五

右為末。湯浸蒸餅為丸。桐子大。每服五七十丸。溫米飲送下。食前。
〔丹〕下血用四物為主。當涼血和血。當歸、桃仁之屬。

〔潔〕瘦而便膿血者。小腸泄也。脈得五至已上。洪大者。宜七宣丸。脈
平和者。立秋至春分宜香連丸。春分至立秋宜芍藥栢皮丸。四時皆
宜加減平胃散。如有七宣丸症者。亦宜服此藥。去其餘邪。兼平胃氣。
芍藥栢皮丸方

芍藥

黃栢各等分

右為細末。醋糊丸。如桐子大。每服五十九丸。食前溫湯下。

加減平胃散。經云。四時皆以胃氣為本。久下血則脾胃虛損。血水流
於四肢。却入於胃而為血痢。宜服此滋養脾胃。

白朮

厚朴

陳皮各一兩

檳榔三錢

甘草七錢

木香三錢

桃仁

人參

黃連

阿膠

茯苓各五錢

右咬咀。每服五錢。姜三片。棗一枚。水煎溫服。無時。血多加桃仁。

熱泄加黃連。小便澀加茯苓澤瀉。氣不下後重加檳榔木

香。腹痛加官桂芍藥甘草。膿多加阿膠。濕多加白朮。脈

洪大加大黃。

〔丹〕下血多主食積與熱。或有用朴硝者。

蒼朮

白朮

黃芩

芍藥

滑石

茯苓

甘草

陳皮

神麩炒

煎下保和丸

〔世〕治痢食積。

附米

神麩

川芎

梔子

滑石

山查

紅麩

青黛

桃仁

爲末丸服。

〔丹〕青六丸。去三焦濕熱。治泄瀉多與清化丸同服。並不單服。兼治產後腹痛或自利者。能補脾補血。亦治血痢效。

六一散三兩節 益元散 紅麩 炒 半兩 活血

右飯爲丸。一方酒糊丸。

二十九官肚痢食少。下墜赤積。身熱。

木通半錢

芍藥炒

陳皮

白朮

滑石各五分

甘草五分

分四帖。煎下保和丸與點丸各十丸。

〔潔〕蒼朮地榆湯。治脾經受濕。下血痢。

蒼朮三兩

地榆一兩

內寒

白屬氣

勞熱

飲積

右劉每一兩。水二盞煎一盞溫服。

槐花丸。治血痢久不止。腹中不痛。不裏急後重。

青皮

槐花

荆芥穗各等分

右爲末。水煎空心溫服。

〔仲〕小腸有寒者。其人下重便血。

〔集〕治血痢神效。乾姜於火上燒黑。不令成灰。磁碗合放冷爲末。每服一錢。米飲調下。

〔垣〕大便後有白膿。或只便白膿。因勞役氣虛傷大腸。此以黃芪人參補之。如裏急。頗見污衣者。血虛也。更加當歸。如便白膿少而滑。頗見污衣者。氣脫加附子皮。甚則加御米殼。如氣瀉者。只以甘藥補氣。當安臥不言以養其氣。氣痛忌御米殼但服甘藥安臥不言

〔丹〕丈夫辛苦勞役。肚痢白瀉。

滑石兩一

陳皮

白朮六錢

芍藥五錢

黃芩三錢

甘草五分

桃仁三十箇

分六帖。水二盞半。煎取一盞。食前服。

孫郎中因飲水過多。腹脹瀉痢帶白。

蒼朮

厚朴

白朮

茯苓

滑石

下保和丸。又云加炒麴甘草。

身熱
脈洪
爲熱

腹寒
脈細
爲寒

治痢熱多者。

大黃

黃連

黃栢

黃芩

枳殼

白芍藥

當歸

滑石

甘草

桃仁

白朮

右等分爲末。麪糊丸。

〔世〕不問赤白痢。用苦蕒根。不拘生乾。搗取汁。生薑蜜水調服。未效。再進半碗許。立愈。

〔集〕患赤白痢。山荳根搗末蜜丸。空心煎水下二十九丸。三服止。

〔千〕治下痢冷熱。諸治不瘥方。

烏頭

黃連各一升

右二味爲末。蜜和丸。如桐子大。下二十九丸。日三夜二神妙。

〔世〕治似痢非痢。挾熱者。用苦楝根皮。去粗皮晒乾

右爲末。粳米飲爲丸。米飲下。

〔羅〕至元乙亥。廉臺王千戶領兵鎮漣水。此地卑濕。因勞役過度。飲食失節。至秋深瘧痢併作。月餘不愈。飲食全減。形容羸瘦。時已仲冬。求治於予。具陳其由。診得脈弦細而微如蛛絲。身體沉重。手足寒逆。時復麻痺。皮膚痲疥如癘風之狀。無力以動。心腹痞悶。嘔逆不止。皆寒濕爲病。久淹真氣衰弱。形氣不足。病氣亦不足。陰陽皆不足也。針

經云。陰陽皆虛。針所不爲。灸之所宜。內經云。損者益之。勞者溫之。十劑云。補可去弱。先以理中湯加附子溫養脾胃。散寒濕。澹可去脫。養藏湯加附子固腸胃。止泄痢。仍灸諸穴以併除之。經曰。府會太倉。卽中脘也。先灸五七壯。以溫養脾胃之氣。進美飲食。次灸氣海百壯。生發元氣。滋榮百脈。充實肌肉。復灸足三里。胃之合也。三七壯。引陽氣下交陰分。亦助胃氣。後又灸陽輔二七壯。接續陽氣。令足脛溫暖。除清濕之邪。迨月餘病退平復。

理中湯方見傷寒部加附子名附子理中湯

〔海〕六脈沉緊。按之不鼓。膀胱勝小腸也。或瀉痢不止而腹脹。或純便赤血。或雜以血膿。小便不多而不渴。精神短少。或面白色脫。此失血之故也。或面黃氣短。此本氣損少之故也。小腸者。手太陽丙火也。膀胱者。足太陽壬水也。是壬水乘兩小腸之位。小腸被壬所剋而外走也。諸手經短而足經長。兼五行相剋論之。又足經來剋手經。此火投於水。大寒水之症宜溫之可安。其與難經一症。寒熱相反。亦名曰小腸瀉。此病火投于水。變爲寒症。又外傷足太陽膀胱經。左脈俱浮。表陽之候也。忽變爲內寒。亦旺火投盛水而屈。丙就壬化。脈反不浮而微沉。此內病與外病俱有。此火投水例。非精於脈診者。孰能辨之。

石脂神砂丹

生附子

乾姜各五錢

赤石脂兩半水飛

珠砂一兩細研

右細末。酒糊丸。黑豈大。每服十五丸。米白湯下。

太平廣記貞觀中。太宗苦於氣痢。衆醫不效。詔問羣臣中有能治者。當重賞之。有術士進以乳汁煎葶撥服之。立瘥。

〔世〕治水泄併赤白痢。用草烏大者一兩半。將一半燒灰。一半生用。爲細末。醋糊丸。如葶荳大。每服七丸。赤痢甘草湯下。白痢乾姜湯下。水瀉井花水下。並空心服。忌腥臊熱毒諸冷物。

〔世〕俗治夏中暑痢疾。用黃連香薷飲。加甘草芍藥生姜神效者。蓋夏月之痢多屬於暑。潔古治處暑後秋冬間下痢。用厚朴丸大效者。蓋秋冬之痢多屬於寒。經所謂必先歲氣。毋伐天和者是也。厚朴丸方見腸氣反胃

初病大腸閉塞。裏急後重。治法並見前。後重多熱條

〔丹〕其或纏滯退減十之七八。穢積未盡。糟粕未實。當以炒芍藥炒白朮炙甘草陳皮茯苓煎湯。下固腸丸三十粒。然固腸丸性燥。恐尙有滯氣未盡行者。但當單飲此湯。固腸丸未宜遽用。蓋固腸丸者。雖有去濕實腸之功。其或久痢。體虛氣弱。滑泄不止。又當以訶子肉荳蔻白礬半夏等藥瀉之。甚者添牡蠣。可擇用之。然須以陳皮爲佐。恐太瀉亦能作疼。又甚者灸天樞氣海。此穴大能止泄

〔仲〕下痢便膿血者。桃花湯止之。方見傷寒若一服愈勿再服丹溪云桃花湯主病屬下焦血虛且寒非乾姜之溫石脂之澀且重不能止血用糲米之甘以引入腸胃

夏秋治法

初病宜宜通宜固實陽固

寒解

〔羅〕水煮木香膏。治脾胃受濕。臟腑滑泄。腹中疼痛。日夜無度。腸鳴水聲。不思飲食。每欲痢時。裏急後重。或下赤黃。或便膿血。並宜服之。

木香

丁香各一兩

枳實五錢 煨炒

當歸

乳香

訶子皮各一兩

肉苳蔻

砂仁各一兩半

藿香

黃連炒

白芍藥

青皮

陳皮去白

厚朴製

甘草炙各一兩

乾姜炮五錢

御米殼蜜水炒六兩

右為細末。煉蜜丸。彈子大。每服一丸。水一大盞。劈破煎至六七分。和渣稍熱。食前服。

〔海〕易簡斷下湯。治下痢赤白。無問新久長幼。

白朮

茯苓各一錢

甘草五分

草蓂連皮一箇

右咬咀。用罌粟殼十四枚。去筋膜并萼蒂。剪碎。用醋淹為齏末。用作一服。水一大碗。姜七片。棗子烏梅各七箇。煎至一大盞。分二服。服之。赤痢者加烏荳二粒。白痢者加乾姜五錢。罌粟殼治痢。服之如神。但性緊瀉。多令人嘔逆。既以醋製。加以烏梅。不致為害。然嘔吐人則不可服。大率痢疾古方謂之滯下。多因腸胃素有積滯而成。此疾始得之時不可遽止。先以巴荳感應丸十餘粒。白梅湯下。令大便微利。仍以前藥服之。無不應手作效。若脾胃素弱。用荳蔻

橘紅罌粟殼各等分爲末。醋煮麪糊爲丸。桐子大。每服五十丸。烏梅湯下。兼治泄瀉暴下不止。一服即愈。更令藥力相倍爲佳。如覺惡心。却以理中湯四物湯加荳蔻木香輩調其胃氣。仍以二陳湯養木香丸定其嘔逆。大凡痢疾乃腹心之患。尊年人尤非所宜。若果首尾用平和之劑。決難作效。必致危篤。雖欲服此。則已晚矣。其秦朮地榆黃蘗木通之類。其性苦寒。却難輕服。血痢當服胃風湯并膠艾湯之類。白者宜服附子理中湯震靈丹之屬。更宜審而用之。若五色雜下。泄瀉無時。當用熟烏頭一兩。厚朴乾姜甘草各一分。生姜煎服。今之治痢多用駐車丸。黃連阿膠丸之類。其中止有黃連肥腸。其性本冷。若所感積輕。及餘病休息不已。則服之取效。若病稍重。則非此可療。

〔世〕治痢。

側柏葉一錢

甘草三錢

御米殼去頂釀湯洗三次晒乾蜜拌炒黃一錢久者倍之

右咬咀。水煎熟。澄清。入蜜呷服之。先服木香檳榔丸。後服此妙。

〔本〕又方

黑荳五十粒

陳皮半兩

罌粟殼十四箇

甘草

右四味。半生半炒。水煎空心服。盡此一劑。無不效者。

〔垣〕白朮安胃散。治一切瀉痢。無問膿血相雜。裏急窘痛。日夜無度。

又治男子小腸氣痛。及婦人臍下虛冷。并產後兒枕痛。虛弱寒熱不止者。

御米殼 三兩去頂穢 帶醋煮一宿

茯苓

白朮 各一兩

烏梅 取肉一錢炒

車前子 兩

五味子 兩

右為末。每服五錢。水煎溫服。

〔經〕治腸滑久痢神妙。以石榴一箇。劈破。炭火簇燒令烟盡。急取出。不令作白灰。用碗蓋一宿。出火毒。為末。用酸石榴一箇。煎湯調二錢。

〔聖〕治痢久不止。腸垢已出。以烏梅二箇。水一盞。煎取六分。去渣。食前分為二服。

〔山〕治痢用五倍子為丸。赤痢甘草湯下。白痢乾姜湯下。各十九。

〔垣〕訶子皮散。癸卯歲。冬十月小雪。天冷應時。樞密院白家一老僕。面塵脫色。神氣特衰。長跪於前曰。病脫肛日久。服藥未驗。近日復下赤白膿痢。作裏急後重。白多赤少。不勝其苦。求予治療。予曰。此非肉食膏粱者也。必多蔬食。或飲食不節。天氣已寒。衣蓋又薄。寒侵形體不禁。而腸頭脫下者。寒也。滑也。真氣不禁。形質不收。乃血脫也。此乃寒滑氣泄不固。故形質不脫也。當以澁去其脫。而除其滑。以大熱之劑除寒補陽。以補氣之藥升陽益氣。以微酸之味固氣上收。名之曰訶子皮散。

御米殼 五分去花 萆蜜炒

乾姜 六分 炮

陳皮 五分

訶子皮 七分煨 去核

右咬咀。水煎服。或為白湯調服亦可。若空心一服。減半再服。全愈。

〔羅〕養臟湯。治大人小兒腸胃虛弱。冷熱不調。臟腑受寒。下痢去白。或便膿血。有如魚腦。裏急後重。臍腹疼痛。日夜無度。胸膈痞悶。脇肋脹滿。全不思食。及脫肛墜下。酒毒濕毒便血。諸藥不效者。並宜服之。

人參

當歸 各六錢

木香 一兩 四錢

肉桂 八錢

肉苁蓉 麴裏煨 半兩

白芍藥 二兩

甘草 炙六錢

白朮 六錢

御米殼 蜜炙 三兩

訶子皮 去核 一兩 二錢

右咬咀。每服二大錢。水煎去渣。食前溫服。老人孕婦小兒暴瀉。急宜服之。立愈。忌酒麪生冷魚腥油膩物。臟腑滑泄。夜起久不瘥者。可加附子四片。煎服此藥。神效不可具述。

〔保〕治泄痢膿血。乃至脫肛者。宜地榆芍藥湯。

蒼朮 八兩

地榆

卷柏

芍藥 各三兩

右咬咀。每服二兩。水煎溫服。病退勿服。

〔世〕治痢大便不禁。其大孔開如空洞不閉者。用葱和花椒末搗爛塞穀道中。併服酸澁固腸之劑收之。如御米殼訶子皮之類是也。神效。

大孔開

〔丹〕陳伯夫年二十歲。性急好酒色。奉養厚。適有事多憂恐。患久瘧。寒熱無時。忽一日大發熱。大便所下皆是積滯。極臭。大孔極痛。呻吟不絕。其孔陷下。囑付後事。予曰。此大虛也。脈皆弦大而浮。遂以瓦片令敲圓如銅錢狀。燒紅投童子小便中。急取起令乾。以紙裹安痛處。其時寒。恐外寒乘虛而入也。以人參當歸陳皮作濃湯飲之。食淡味。至半月而安。

久下赤白。大孔痛不可忍。炒鹽熨之。又炙枳實熨之。附後

痢久大孔急痛。亦有寒熱者。熟艾黃蠟。訶子燒薰之妙。日華子

下痢大孔痛。因熱流于下。檳榔木香黃連黃芩加乾姜。

運氣下血有二。

其一熱助心血盛而血下。經云。少陰司天。熱淫所勝。民病血泄。溺色變。又云。少陽在泉。火淫所勝。民病溺赤。甚則便血。又云。歲金不及。炎火乃行。民病血便注下。又云。厥陰司天。風氣下臨。火縱其暴。赤沃下注。治以鹹寒是也。

其二寒攻心血虛而下。經云。太陰司天。寒淫所勝。血變于中。民病血泄。又云。太陽之勝。血脈凝泣。或為血泄。又云。陽明司天之政。四之氣。民病血便。治以諸熱是也。

運氣下白皆屬火。經云。少陽司天客勝。甚則下白溺血是也。

運氣下赤白有三。

其一屬火。經云。少陽司天。火淫所勝。民病泄注赤白。又云。少陽在泉。火淫所勝。民病泄注赤白。少腹痛注下赤白。治以甘清是也。

其二屬風。經云。厥陰之勝。腸鳴飧泄。少腹注下赤白。治以酸澀是也。其三屬風濕。經云。太陽司天之政。四之氣。風濕交爭。民病注下赤白是也。

運氣裏急後重有二。

其一濕助脾盛而重。經云。太陰之勝。少腹痛。腰膝重。強內不便。善注泄是也。

其二風攻脾虛而重。經云。厥陰司天。風淫所勝。民病澹泄。水閉是也。瘕謂後重也。

〔本〕救命延年丸。治丈夫女人一切重痢。

黃連

乾姜

當歸

阿膠

右三件。為末。用米醋煮阿膠令消盡。不可剩。却將藥搜醋丸。如桐子大。每服二十九。飯飲吞下。甚妙。

又方。茱萸

黃連

阿膠

白朮等分同炒黃

右為細末。麩糊為丸。如桐子大。每服二十九。陳米飲送下。小兒十

丸。陳無擇無阿膠名戊己丸

〔羅〕阿膠梅連丸。治下痢。無問新久赤白青黑疼痛諸症。

阿膠炒研極細

烏梅肉炒

黃柏炒

黃連

當歸

赤芍藥

乾姜炮

赤茯苓各等分

右爲末。入阿膠末研勻。水丸。桐子大。米飲下。

黃連丸。治赤白痢。

吳茱萸

黃連

右用好酒同浸三日。各自爲末。各自丸。白痢茱萸丸。赤痢黃連丸。

甘草湯下。赤白痢二丸相和服。

右四方寒熱兼施。收散兼用之劑。寒熱滑滯。雜合爲痢者宜之。

〔崔〕治痢方。以生姜切如麻粒大。和好茶一二碗。任意呷之愈。若熱

痢則留姜皮。冷則去皮炒。又方。用陳皮艾葉濃煎湯服。

滯下獨取足太陰一經。經云。脾足太陰之脈。所生病者。澹瘕泄水。視

盛虛熱寒。陷下取之也。

〔東〕泄痢不禁。小腹痛。後重。便膿血。丹田一寸復溜。小腸俞

灸七壯

天樞

腹哀胃下一寸五分

冷痢腹痛。泄注赤白。

關元

窮

谷各灸五

泄痢及下失氣膿血。

下腰

五十壯穴在八魁正中央脊骨上灸名三宗骨三鞭之便

膿血。久痢下重。小腸俞灸

〔世〕裏急後重。合谷 外關

〔甲〕便膿血。寒中食不化。腹中痛。腹哀主之。 瘧瘕腹中痛。臟痺。地機主之。

官忌

〔丹〕予族叔形色俱實。法瘧。又患痢。自恃強健能食。絕無忌憚。一日召予曰。却健而能食。但苦汗出耳。汝能止此汗否。予曰。法瘧非汗不能愈。可慮者止健與能食耳。此非痢也。胃熱善消。脾病不化。食與積勢已甚矣。此時宜節擇飲食以養胃氣。省出入以避風寒。候汗透而安。叔曰。世俗謂無飽死痢疾。我今能食。何謂可慮。予曰。痢而能食者。知胃氣未病也。故言不死。非謂恣食不擇節者。不從所言。恣口大嚼過多。又啖水菓。如此者月餘。後強求治。不可着手矣。淹淹又月而死。內經以驕恣不論於理爲不治之病。信哉。

又周其姓者。形色俱實。患痢善食而易飢。大嚼不擇者五月矣。予責之曰。病中當調補自養。豈可恣味戕賊。遂教其只用熟蘿蔔吃粥。且少與調治。半月而安。

〔羅〕如瀉痢止。脾胃虛。難任飲食者。不可一槩用剋伐之劑。宜補養充足。自然能飲食也。宜錢氏方中異功散。設或因嗜飲食太過。有傷脾胃。而心腹痞滿。惡心嘔逆。不拘此例。當權用橘皮枳朮丸一服。得快勿再服。若飲食調節。不致有傷。則胃氣自和平矣。

〔丹〕下痢久甚者。寒涼藥中必兼升散。并熱劑。初小痢不可用參朮。

臟腑
有積
宜在上
吐

唯氣虛者用之。

〔衍〕有一男子。暑月患血痢。醫妄用寒藥逆制。專用木香黃連阿膠治之。此藥始感便用。則可。倘病久腸虛者不宜服。切宜戒之。地榆性沉寒苦。惟下焦熱血痢則可用。若虛寒人及水瀉白痢。未可輕使。〔丹〕古方用厚朴專爲瀉積滯之氣。然厚朴性大溫而散氣。久服大能虛入。滯氣稍行即去之。餘滯未盡。宜炒枳殼陳皮。然枳殼亦能耗氣。比厚朴雖少緩。比陳皮亦爲重。若滯氣退一半。亦當去之。只用陳皮以和衆藥。然陳皮去白用。有補瀉之兼能。若爲參朮之佐。亦純作補藥用。

久泄久痢

〔丹〕予族叔年七十。稟壯形瘦。夏末患泄痢。至秋百方不應。予視之。病雖久而神不瘁。小便澹少而不赤。兩手脈俱澁而頗弦。自言胸微悶。食亦減。因悟曰。此必多年沉積。癖在腸胃。詢其平生喜食何物。曰我甚喜食鯉魚。三年無日不用。予曰。積痰在肺。肺爲大腸之臟。宜大腸之不固也。當與澄其源而流自清。以某黃陳皮青葱蘆苜根生姜煎濃湯。和以砂糖。飲一碗許。自以指探喉中。至半時吐痰半升如膠。其夜減半。次早又服。又吐半升而痢止。又與平胃散加白朮黃連。旬日而安。朱仲符年近七十。右手風攣多年。七月患泄瀉。百藥不愈。

宜在下

診其脈右手浮滑而洪數。予曰：此必太陰分有積痰。肺氣壅鬱，不能下降。大腸虛而作泄。當治上焦。遂用蘿蔔子加漿水蜜探之而吐。得痰一塊。大如椀。色如琥珀。稠粘如膠。痢遂止。不服他藥。鹿目無考

鹿目無考

〔子和〕東門一男子。病泄痢不止。腹鳴如雷。不敢冷坐。坐則下注如傾。諸醫例斷爲寒症。官桂乾姜丁香荳蔻枯礬龍骨之屬。皆服之矣。針灸無效。遷延已二十載矣。一日問于戴人。戴人曰：兩手寸脈皆滑。予不以爲寒。然其所以寒者水也。以茶調散湧寒水五七升。又以無憂散泄積水數十行。乃通。因通用之法也。次以五苓散淡劑滲泄利水道。又以甘露散止渴。不數日而冷食寒飲皆如故。此法王啓玄言之矣。奈無人用之何哉。太康劉倉使大便少而頻。日七八十次。常於兩股間懸半枚瓠蘆。戴人見而笑之曰：便既頻而少。欲通而不得通也。何不天下之。此通因通用也。止宜一服藥之力。乃與藥天下二十餘行頓止。

〔潔〕治泄痢久不安。膿血稠粘。裏急後重。日夜無度。宜大黃湯。用大黃一兩剉。用好酒兩大盞。浸半日。同煮至一盞半。去渣。分爲二次頓服之。痢止停服。未止再服。以利爲度。又服芍藥湯以和之。所以徹其毒也。芍藥湯方見婦下和裏條

〔保〕白朮黃芩湯。服前藥痢已除。宜以此和之。

白朮兩一

黃芩錢七

甘草錢三

右咬咀水煎去渣溫服。

〔丹〕有人每早須大瀉一行。或腹痛。或不腹痛。空心服熱藥亦無效。有人教以夜食前又進熱藥一服。遂安。後如此常服愈。蓋暖藥雖平且服之。至夜力已盡。無以敵一夜陰氣之故也。

〔本〕治腎泄。五味子散。

五味子兩二

吳茱萸兩半

右二味炒香熟研為細末。每服二錢。陳米飲下。有一人每五更將天明時必塘痢一次。如是數月。有人云。此名腎泄。腎感陰氣而然。服此頓愈。

每日早起瀉一二行。俗謂之受肚瀉是也。其症有二。一屬寒積在內。即前二條之症是也。一屬食積在脾。嘗治翁仲政久泄。早必泄一二行。泄後便輕快。脈滑而少弱。先與厚朴和中丸五十九。大下之。後以白朮為君。枳殼茯苓半夏為臣。厚朴炙甘芩連川芎滑石為佐。吳茱萸十餘粒為使。生姜煎服。十餘帖而愈。

〔仲〕下痢已瘥。至其年月日時復發者。以病不盡故也。當下之。宜大承氣湯。

〔本〕治痼冷在腸胃間。頻年腹痛泄瀉。休作無時。服諸熱藥不效。宜

寒積
熱積
寒下

先取去。然後調治。不可畏藥以養病也。

厚朴

乾姜

甘草

桂心

附子

生各二錢

大黃

生細切水一盞浸半日煎汁用之

右咬咀。水二升半。煎入合。後下大黃汁。再煎六合。去渣。分三溫服。服自夜至曉令盡。否則更以乾姜丸佐之。

乾姜丸

乾姜

巴苳去心研炒黃

大黃

人參各一兩

右除巴苳餘為末同研。煉蜜丸如桐子大。食前用湯吞下一丸。陳米飲亦得。

有人因憂愁中傷食。結積在腸胃。欲發吐利。自冬後至暑月。積傷發暴下。數日不已。玉函云。下痢至隔年月日應期而發者。此為有積。宜下之。止用溫脾湯尤佳。如難下。可佐以乾姜丸。後服白朮散。

白朮

木香

附子

人參各等分

右細末。每服二錢。水一盞。生姜三片。棗子一箇。煎六分溫服。

〔丹〕東陽胡兄年四十歲。患痢百餘日。百法治不效。時正九月初旬。予診其六脈促急沉弦細弱。左手為甚。晝夜十行。視之穢物甚少。雖下清涕。中有紫黑血絲。食全不進。予曰。此非痢也。當作瘀血治之。其兄問瘀血何事而致。予曰。飽食急走。極力叫罵。毆打顛撲。多受寒

痛盛怒不泄。補寒太過。大酒大肉。皆能致之。彼云去歲枉受責杖。經涉兩年。恐非此等瘀血。予曰。服吾藥得瘀血下。則生矣。以桃仁乳香沒藥滑石。佐以檳榔木香。用神麵糊爲丸。以米飲下五粒。至夜半又不動。又依前法下二百粒。至天明下穢如爛魚腸者二升半。因頓終日。漸與粥食而安。

久泄是風邪內縮。先煎小續命湯以發其汗。使邪氣不能侵於外。然後治其痢。秋冬間下痢併治。翻胃。加減厚朴丸大妙。

此症係風邪縮於內。其症下痢不止。寸脈沉而遲。手足厥逆。下部脈不至。咽喉不利。或噎吐膿血爲難治。宜麻黃升麻湯。或小續命湯以發之。法曰。表邪縮于內。當散邪於四肢。布於絡脈。外無其邪。臟腑安矣。有食積者。加枳實五錢。如酒入而泄瀉。此熱也。加黃芩五錢。麻黃升麻湯見傷寒小續命湯見中風

〔子和〕李德卿妻因產後病泄一年餘。四肢瘦乏。諸醫皆斷爲死症。求治戴人。戴人曰。兩手脈皆微小。乃痢病之生脈。况洞泄屬肝經。肝木克土而成此疾。亦是腸癖。癖者腸中有積水也。先以舟車丸四五十粒。又以無憂散三四錢。下四五行。人皆駭之。病羸如此。尙可通耶。衆人雖疑。然未敢諫。且更看之。復以導飲丸又通之。渴則調飲五苓散。向晚使人伺之。已起而緝麻。前後約三四十行。以胃氣湯調之。半

酒積

月而能行。一月而安健。劉德源病洞泄逾年。食不進。肌瘦力乏。行步欹傾。面色黧黑。舉世治痢之藥。皆用之無效。戴人先以舟車丸。無憂散下十餘行。殊不困已。頗喜食。後以檳榔丸磨化其滯。待數日病已大減。戴人以爲去之未盡。當再服前藥。德源亦欣然請下之。又下五行。次後數日。更以苦劑越之。往問其家。彼云已下村中收索去也。〔丹〕一丈夫酒多病泄。久不愈。又自進附椒等。食不進。泄愈多。

滑石

黃芩半兩

乾姜

黃連

樗皮

粥爲丸。每服一百丸。

虛寒

予治方憲可二三年久泄下積。但食肉則甚。脈右關滑。左沉細。先以厚朴丸三四十粒下之。次奪其食。用補劑加二陳及朴連查榔等消導藥煎湯。下厚朴丸五粒。阿魏丸二十五丸。服之五六日。漸得下氣多而泄不止。遂間服固腸丸。泄漸止即安。是知固腸丸之苦寒。治酒肉積之要藥也。厚朴丸方見經胃

黃丹

蜜陀僧各二錢

輕粉少許

定粉

硫黃各三錢

右爲細末。入白麪四錢。和水丸。如桐子大。捻作餅子。陰乾。食前溫漿水磨服。以大便黑色爲效。衍義云黃丹治久積

〔丹〕脾泄當大補脾氣而健運之。

〔潔〕肉蔻丸。治腎久泄不愈。脈沉細無力者效。

破故紙

肉苳蔻 麵裹腰
各等分

右爲末。棗肉丸。如桐子大。米飲空心下。

〔世〕固中丸。治脾久泄。去後與氣不快者。

蒼朮

肉苳蔻 煨各
一兩

右藥丸。桐子大。每服五十九丸。於固中丸內加破故紙一兩。各固下

丸。治腎久泄。

〔丹〕泄瀉丸。治久病。大腸氣泄。

熟地 錢五

芍藥 炒

知母 各三
錢

升麻

乾姜 各二
錢

生甘草 一
錢

右爲末。白湯調服。再灸百會三五壯。

又方 白朮 神麴 芍藥 俱
炒 或散或丸子服愈。

〔垣〕治老人奉養太過。飲食傷脾。常時脾泄。

白朮 炒二
兩

白芍藥 酒炒
一兩

神麴 炒一
兩半

山查 二
兩

半夏 製一
兩

黃芩 炒半
兩

右爲末。青荷葉燒飯丸。

〔本〕治腎泄。宜五味子散。 方見早
瀉條

虛積

虛瀉

訶黎勒丸。治休息痢。晝夜無度。臍腹撮痛。諸藥不效。

椿根白皮二兩

訶子半兩 去枝

母丁香三十粒

右為細末。醋糊丸。如桐子大。每服五十丸。陳米飲湯入醋少許。一

日三服。效。椿根乃樽根谷所 謂虎眼樹是也

〔本〕木香散。治隔年痢不止。并治血痢尤捷。

木香梔子黃連 半兩同炒

罌粟殼剉用生薑 半兩同炒

甘草炙一兩

右為細末。入麝香少許。每服一錢。陳米飲下。

〔世〕治久瀉不止。用百草霜研細。以粥糊為丸。白湯下。

張文仲治痢久下。經時不愈者。此名休息痢。取大蟲骨多焦。搗末。調服日三匕。效。

〔子〕治赤白痢。積年不瘥。飲湯調雲母末方寸匕。兩服效。

又治血痢。用十年石灰五升。熬黃。以水一斗。攪令澄清。一服日三升。

胎前下痢

〔本〕治婦人胎前產後赤白痢。

生薑年少者百錢老者一 百錢重取自然汁

鴨子一箇打碎入 姜汁內攪勻

右二味。煎至八分。入蒲黃三錢。煎五七沸。空心溫服。立效。

〔無〕妊娠下痢赤白。絞刺疼痛。

鷄子一枚為雞者佳 傾出清製黃用

黃丹一錢入雞子殼內打令勻以厚紙糊 牢鹽泥固膈火上煨焙乾研為細末

右每服二錢米飲調下。一服愈者是男。二服愈者是女。

〔大〕治妊娠素弱。頻併下痢。腹痛羸瘦。面色痿黃。不進飲食。

厚朴半兩

白朮

川芎

白芍藥

熟地

當歸

乾姜

人參各一兩

訶子三錢

甘草一錢

右咬咀。每服四錢。姜三片。同煎。

又方。治妊娠下痢。腹痛。小便澀。

當歸

黃芪各一兩

糯米一合

右細切。和勻水煎。分四服。

〔羅〕大寧散。治妊娠下痢。赤白灰色。泄瀉疼痛垂死者。

黑豆三十粒

粟殼二兩半

甘草二兩半

右為粗末。都作一服。生姜三片。同煎。食前服。神效。

〔大〕治妊娠挾熱下痢。亦治男子常痢。

黃連

黃柏各一升

山梔仁二十枚

右咬咀。每服五錢。水二盞。浸二時久。煮十沸。頓服。若嘔加陳皮一

兩半。姜三兩。

黃連湯。治妊娠下痢。赤白膿血不止。

黃連八分

厚朴製

阿膠炙

當歸

薄氣

乾姜各六分

艾葉

黃柏各四分

右為細末。空心米飲調下方寸七。日三服。

厚朴散。治妊娠下痢。黃水不絕。

厚朴姜炙三兩

黃連三兩

肉苳蔻一枚連皮用

右為籠末。水煮頓服。

草菓飲。治妊娠臟氣本虛。脾胃少弱。臟腑虛滑。腹臍疼痛。日夜無度。

厚朴姜製二兩

肉苳蔻一箇麩裹煨

右咬咀。每服三錢。姜三片。同煎。

產後痢

〔雲〕救急散。治產後赤白痢。腹中絞痛。

芍藥

阿膠

艾葉

熟地各一兩

甘草

當歸各三兩

右咬咀。水煎。分二服。空心飲。

〔大〕當歸芍藥散。治妊娠腹中絞痛。心下急痛。及療產後血暈。崩中久痢。方見婦人血崩門

〔楊〕療妊娠血痢。用阿膠二兩。以酒一升半。煮取一升。頓服。

〔大〕產後諸痢。煮薤白食之。又方。羊腎脂炒薤白。空心食之。甚佳。

〔經〕治產後胎前痢疾。敗龜甲一枚。米醋炙研為末。醋湯調下。

丹溪云龜甲大

後重者散之

虛

虛滑者補之

補陰治勞倦

〔丹〕婦人患墮胎後。膈滿食少。痢不止。脈虛。左手尤甚。

滑石

白芍藥炒

蒼朮各五錢

白朮二錢五分

乾姜四錢

茯苓一錢

訶子二錢煨

右爲細末。調下保和丸四五十粒。

〔雲〕產後血痢。臍腹疼痛。四物湯加槐花黃連御米殼等藥。黃連丸。治產後赤白痢。腹中攪痛不忍。

黃連四兩

阿膠

蒲黃

梔子仁各一兩

當歸二兩半

黃芩

黃柏各二兩

右爲末。煉蜜丸。如桐子大。每服六七十九丸。米飲調下。日三夜一。

〔仲〕產後下痢虛極。白頭翁加甘草阿膠湯主之。脈經作熱痢重下新產虛極者

白頭翁

阿膠各二兩

黃連

黃柏

秦皮各三兩

甘草二兩

右以水七升。煮取二升半。納膠令消盡。分三服。溫服。

婦人臨產痢疾。山梔不拘多少。燒灰爲細末。空心熟水調下一錢。甚者不過五服。

產後血痢。小使不通。臍腹疼痛。用生馬齒莧搗汁二大合。煎一沸。下蜜一合。調頓服。

寒滑

雜方

虛實

氣血
風燥
之皆潤

〔梅〕治產後血泄不禁。餘血作痛兼塊。桂心乾姜等分爲末。空心酒調服方寸匕。

〔大〕療產後痢日五十行者。取木裏蠹蟲糞炒黃。急以水沃之令稀稠得所。服之卽瘥。

〔聖〕產後諸痢方。取蒼耳葉搗汁半盞。日三四溫服。

大便不通 產後大便閉 大小便不通 產後大小便不通

〔垣〕津液耗而燥者。以辛潤之。腎主五液。津液盛則大便如常。若飢飽勞役。損傷胃氣。及食辛熱厚味之物而助火。邪伏於血中。耗散眞陰。津液虧少。故大便結燥。又有年老氣虛。津液不足而結者。腎惡燥。急食辛以潤之是也。

潤腸丸 并加減法 治胃中伏火。大便閉澀。或乾燥不通。全不思食。乃風結血祕。皆令閉塞。須潤燥和血疎風。則自然通矣。

羌活

歸梢

大黃 煨各半兩

麻仁

桃仁 泡去皮尖各一兩

右爲末。除麻仁桃仁另研如泥外。爲細末。煉蜜爲丸。如桐子大。每服三五十九丸。空心白湯下。如病人不小便。因大便不通而澀。其邪盛者。急加酒洗大黃以利之。如血燥者。加桃仁酒洗大黃。

如風結燥者。加麻仁大黃。如風澁者。加煨皂角仁大黃秦朮以利之。如脈瀋覺身痒氣瀋者。加郁李仁大黃以除氣躁。如寒陰之病。為寒結閉者。以局方中半疏丸。或加煎附子生姜湯冰冷與之。其病雖陰寒之症。當服陽藥補之。若大便恆不甚通者。亦當十服中與一服利藥。微通其大便。不令閉結。乃治之大法也。若病人雖是陰症。或是陰寒之症。其病顯躁脈堅實。亦宜陽藥中少加苦寒之劑。以去熱躁。躁止勿加。如陰躁欲坐井中者。其二腎脈按之必虛。或沉細而遲。此為易辨。如有客邪之病。亦從權加藥以去之。

右一方加減法。隨寒熱虛實。及血祕氣祕風祕。用藥至為詳盡。餘方皆不出此也。

〔垣〕活血潤腸丸。治大便秘血祕。時常結燥。

當歸梢一錢

防風梢二錢

羌活一兩

大黃煨一兩

麻子仁二兩半

桃仁二兩研如泥

皂角仁

炮存性去皮秤二兩其性得濕則滑滑則燥結自除

右除麻仁桃仁另研如泥外。為極細末。煉蜜為丸。桐子大。每服五十丸。白湯下三二服。後須以蘇子麻子粥。每日早晚食之。大便日久再不結燥。以磁器盛之。紙封勿令見風。

當歸潤腸湯

升麻錢二

當歸錢一

熟地錢一

生地錢二

紅花分五

大黃粳

甘草梢生

桃仁

麻仁各一錢
研如泥

右劉如麻豆大。作一服。水三盞。入桃麻仁煎一盞。空心稍熱服。導滯通幽腸。治大便難。幽門不通。上衝吸門不開。噎塞不便。燥閉氣不得下。治在幽門。以辛潤之。

當歸身

升麻梢

桃仁泥

甘草炙各一錢

紅花少許

熟地

生地各五分

右咬咀作一服。水二大盞。煎至一盞。調檳榔細末五分。稍熱服之。〔海〕許學士治年老虛秘。麻仁蘇子各半合。研取汁。分二服。煮粥服之。不藥而愈。

〔羅〕潤腸橘杏丸。降氣潤腸。服之大腸自無瀉滯。

橘皮

杏仁去皮尖并雙仁者。麴炒黃各等分。本草云杏仁能潤氣燥。

右等分爲末。煉蜜丸。如桐子大。每服五十丸。空心溫水下。亦不損胃氣。

右乃潤燥法。蓋桃仁麻仁治血燥。杏仁郁李仁治氣燥。早角仁治風燥也。

〔丹〕楊淳三哥大便秘瀉。小便如常。咽塞不通。食下便有痰出。脈瀉。

左右手同。此血虛腸燥為脾約。病甚者人參散主之。

人參 錢各一 黃芪 錢各一 厚朴 八分 地黃 七分

桃仁 枳殼 炒各一錢 甘草 少許

煎入竹瀝姜汁飲之。又與鎖陽菴蓉二錢。桃仁一錢。煮粥入竹瀝名潤腸散。

婦人腸秘。補血和氣以通之。

肉菴蓉 一兩 麻仁 白芍藥 陳皮

當歸身 各一兩

右為末。晒乾。炒神麩糊為丸。如桐子大。食前白湯下五十九丸。二次服。

〔世〕菴蓉潤腸丸。治發汗過多。耗散津液。大腑秘結。

菴蓉 酒浸焙二兩 沉香 另研一兩

右為末。用麻仁汁打糊丸。如桐子大。每服七十九丸。米飲下。

〔海〕益血丹。治大便秘。久虛亡血。

當歸 酒浸焙 熟地 各等分

右為末。煉蜜丸。如彈子大。細嚼酒下。

〔丹〕大腸虛秘而熱者。

白芍藥 一兩 陳皮 生地 當歸身 各一兩

條芩 甘草

右粥為丸白湯下。

右茯苓當歸地黃潤燥法。蓋積血枯竭而虛甚者宜之。

有積宜泄

〔垣〕有物有積而結者當下之。仲景麻仁湯方七宣丸皆以大黃為君之類是也。食傷太陰。腸滿食不化。腹響響然不能大便秘者。以苦泄之。

風宜散

〔垣〕治注夏。大便瀉滯者血少。血中伏火也。黃芪人參湯加生地黃當歸身桃仁泥麻仁泥潤之。黃芪人參湯方見注夏。如潤之大便久不快利者。

少加煨大黃微利之。如加大黃久不快利者。非血結血祕。是熱則生風。病必濕風症。止當服黃芪人參湯。只用羌活半兩。防風半兩。水

四盞煎至一盞。去渣。空心服之。其大便必大走也。

〔丹〕脾約丸論。成無己曰。約者結約之約。又束約之約。胃強脾弱。

約束津液不得四布。但輸膀胱。故小便數而大便硬。故曰脾約。與此

丸以下脾之結燥。潤腸結。化津液。入胃則大便利。小便少而愈矣。愚

竊有疑者。既曰脾約。脾弱不能運也。脾弱則土虧矣。必脾氣之散。脾

血之耗。原其所由。久病大下大汗之後。陰血枯槁。內火燔灼。熱傷元

氣。又傷於脾而成此症。傷元氣者。肺金受火克。氣無所攝。傷脾者。肺

為脾之子。肺耗則津竭。必竊母氣以自救。金耗則木寡于畏土。欲不

傷不可得也。脾失轉輸之令。肺失傳送之官。宜大便秘而難下。小便

西北方人結宜開
東南方人燥宜潤

能食
便赤
秘為物

不能

數而無藏畜也。理宜滋養陰血。使孤陽之火不熾。而金行清化。木邪有制。脾土清健。而運行津液。津液入胃。則腸潤而通矣。今以大黃為君。枳實厚朴為臣。雖有芍藥之養血。麻仁杏仁之溫潤。為之佐使。用之熱甚。而氣實者。無有不安。愚恐西北二方。地氣高厚。人稟壯實者。可用。若用之東南之人。內熱自甚。而血氣不實者。雖得暫通。將見脾愈弱而燥矣。後之用此方者。須知在西北以開結為主。在東南以潤燥為主。慎勿膠柱而鼓瑟可也。

〔潔〕臟腑之秘。不可一槩治療。有虛秘。有實秘。胃實而秘者。能飲食。小便赤。當以麻仁丸七宣丸之類主之。仲景麻仁丸方見傷寒陽明病每服二十丸。未知加至五十丸。日三服。以利為度。

〔局〕七宣丸

柴胡五兩

桃仁去皮尖
炒六兩

枳實棘妙
五兩

甘草炙四兩

訶子皮

木香各五兩

大黃麩裏煨
十五兩

右為細末。煉蜜丸。如桐子大。每服二十九丸。米飲送下。漸加四五十丸。以利為度。

〔斗〕洽大便不通。用烏柏木皮方一寸。劈破。以水煎取小半盞服之。立通。不用多服。其功神聖。兼能取水。或以此湯調下五苓散二錢。空心更妙。

〔潔〕胃虛而秘者。不能飲食。小便清利。厚朴湯主之。

食便
清為
氣秘

陳皮兩

甘草炙二兩

厚朴製二兩

白朮三兩

半夏麩一兩

枳實炒一兩

右藥末。每用三五錢。水盞半。姜三片。棗一枚。煎至一盞去渣。空心溫服。實秘者物也。虛秘者氣也。

〔世〕檳榔散。治腸胃受濕。大便秘澀。用檳榔不拘多少為末。每服二錢。蜜湯點服。不拘時。

〔海〕槐杏仁俱治大便秘。當以血氣分之。年老虛人。大便秘者。脈浮在氣。杏仁陳皮主之。脈沉在血。桃仁陳皮主之。所以俱用陳皮者。以其于陽明病。與手太陰為表裏也。又云。盛則難便。行陽氣也。敗則便難。行陰血也。

〔仲〕問曰。脈有陽結陰結者。何以別之。曰。其脈浮而數。能食。不大便者。此為實。名曰陽結也。期十七日當劇。其脈沉而遲。不能食。身體重。大便反硬。名曰陰結也。期十四日當劇。

〔垣〕有陽結。有陰結。陽結者散之。陰結者熱之。熱氣留於小腸。腸中痛。臍熱焦渴。則堅乾不得出。故痛而閉不通矣。

全文見
諸痛下

膀胱移熱於小腸。膈腸不便。全文見診病傳變

〔保〕大黃牽牛散。治相火之氣。遊走臟腑。大便秘結。

診氣

診陰
陽寒
熱

陽結

大黃兩一

牽牛頭末
半兩

右爲細末。每服三錢。有厥冷合用酒調。無厥冷而手足煩熱者。蜜湯調下。食後以微利爲度。此謂不時而熱者濕熱也。凡用大黃半兩至一兩而大便不調。利者加鱗少許調于藥中。則大便必大走也。

右熱秘皆陽結之屬。仲景大小承氣及麻仁丸之類是也。方見傷寒陽明病

〔世〕治後分閉塞。用萱草根一捻。同生姜搗碎。取自然汁服之立愈。
〔局〕半硫丸。治年高冷秘虛秘。

硫黃研細
生用 半夏爲末

右等分。和勻。生薑自然汁打麪糊爲丸。桐子大。每服五十九丸。空心溫酒姜湯任下。

〔垣〕麻黃白朮湯。治大便不通。五日一遍。小便黃赤。渾身腫。面上及腹尤甚。色黃麻木。身重如山。沉困無力。四肢痿軟。不能舉動。喘促唾清水。吐穢痰白沫如膠。時躁熱發欲去衣。須臾而過。振寒頂額有時如冰。額寒尤甚。頭旋眼黑。目中溜火。冷淚。鼻不聞香臭。小腹急痛。當臍有動氣。按之堅硬而痛。

麻黃不去根
節五分 桂枝三分 杏仁四分 吳茱萸四分

白芷五分 厚朴三分 炒麴五分 升麻二分

柴胡 白朮 蒼朮各三分 甘草生一分

澤瀉

白茯苓各四分

橘紅二分

青皮去穢

黃連酒浸

黃柏酒浸

黃芪

人參

猪苓各三分

熟甘草一分

右咬咀分作二服。每服水二大盞半。先煎麻黃沸去沫。再入諸藥同煎。至一盞去渣。稍熱食遠服。此症宿有風濕。熱伏於榮血之中。其水火乘於陽道而上盛。元氣短少。上喘為陰火傷其氣。四肢痿在腎水之間。乃所勝之病。今正遇冬寒。得時乘其肝木。又實其母。肺金克木。凌火。是大勝必有大復。其症善怒。欠多嚏。鼻中如有物。不聞香臭。目視眈眈。多悲健忘。少腹急痛。遍身黃。腹大脹。面目腫尤甚。食不下。痰唾涕有血。目皆瘍。大便不通。只二服皆愈。

運氣

運氣大便閉有三。

一曰熱。經云。熱至則淋閉。又云。少陰之復。膈腸不便是也。

二曰寒。經云。太陽所至。為禁止是也。

三曰濕。經云。太陰司天。濕淫所勝。病大便難是也。

〔仲〕蜜煎導法。方見傷寒胃實丹溪云。鄧公夏中病泄。有人與石脂龍骨乾姜等藥。病雖止而勢甚。苦公又不樂。大黃藥遂一夕。用蜜煎三下。結葉五。枚。遂安。若虛人秘者。難下藥宜用此法。

難下藥宜用此法

〔海〕霹靂煎。用鹽與蜜乘熱捻。如蜜煎法。上頭銳。用十許納穀道中。少許化開即通。一法用蜜煎不通者。純用鹽吹入穀道中亦妙。

外取法

〔海〕蜜煎與鹽相合。如用草烏頭末相合亦可。蓋鹽能軟堅潤燥。草烏能化寒消結。可隨症陰陽所宜用之。

急提盆散。治雜病非陰候者。用草烏頭不拘多少。爲極細末。每用葱一枝。肥者削去鬚。圓頭上有汁。濕蘸之。納穀道中。

〔仲〕猪膽汁方。方見傷寒胃實

〔孟〕大便秘不通。氣奔欲死者。以烏梅十箇置湯中。須臾揆去核。杵爲丸。如棗大。納下部。少時卽通。

又方。治大小便秘不通。

江子肉 杏仁 皂角

右爲末。作餅置臍上。灸灸自通。

〔世〕通關散。治卒閉不通。用鹽入臍中灸卽通。去之。

〔本〕宣積丸。手心握藥便通。

巴豆 乾姜 萆子 良姜

硫黃 甘遂 白欖榔各等分

右爲細末。研飯爲丸。如龍眼大。早朝先用椒湯洗手。麻油塗手掌口。握藥一粒。移時便瀉。欲止以冷水洗手。

針灸大便閉有二法。

其一取胃經云。腸中不便。取三里。盛瀉之。虛補之是也。

其二取腎經云邪在腎病大便秘難取之湧泉崑崙視有血者盡之

〔玉〕大便秘塞。照海五分補二呼瀉六吸立通支溝半寸瀉三吸

〔撮〕又法。照海瀉之立通太白瀉之灸亦可

〔集〕又法。照海半寸灸二壯瀉之章門灸二壯太白半寸灸五壯已上諸穴看虛實補瀉之處結補則通熱結瀉則

通寒結先瀉後補熱結先補後瀉之

〔摘〕又法。氣海八分令病人覺便三五次為度出針時記令人揀臍揉之却刺三里三里五分覺腹中鳴三五次即痿

〔世〕又法。合谷 〔東〕大便秘閉背七椎兩傍相去各一寸灸三壯承筋灸三壯陽蹻挾玉

泉相去二寸隨年壯針灸書無此穴或云非正穴也

又法。石門寸半大都五分

〔摘〕治大便不通并傷寒水結。三間沿皮下向至合谷穴三補三瀉候腹中通出針承山七分瀉之

〔甲〕大便秘中渚及太白主之。又大鍾主之。

〔丹〕予觀古方通大便皆用降氣品劑蓋肺氣不降則大便秘傳送

用杏仁枳殼沉香訶子等是也。又老人虛人風人津液少而秘者宜

以藥而滑之用胡麻麻仁阿膠等是也。如妄以峻利藥逐之則津液

走氣血耗雖暫通而即秘矣。必更生他病。昔王少府患此疾有人以

歇藥利之者累矣。後為肺痿咯膿血卒至不通而死。

產後大便秘

〔本〕婦人產後有三種疾。鬱冒則多汗。汗多則大便秘。故難於用藥。惟麻子蘇子粥最為穩當。一用紫蘇子大麻子二味各半合洗淨。研極細。用水再研。取汁一盞。分二次。煮粥噉下。此粥不唯產後可服。大抵老人諸虛風秘。皆宜服之。嘗有一人母年八十四。忽爾腹痛頭疼。惡心不食。召醫數十。議皆用補脾進食。治風清利頭目等藥。數日雖愈。全不入食。其家憂惶。予辨說前藥皆誤矣。此症正是老人風秘。臟腑壅滯聚於胸中。則腹脹惡心。不思飲食。又上至於顛。則頭痛神不清也。若臟腑流暢。諸疾悉去矣。予令作此粥兩噉而氣泄。先下結糞如胡椒者十餘枚。後漸得通利。不用藥而自愈矣。

〔丹〕產後秘結不通。膨滿者。氣急難坐臥。用麥蘖末酒下一合神效。
出兵部
手集

大小便不通

〔丹〕一婦人脾疼。後患大小便不通。此是痰隔中焦。氣聚上焦。二陳加木通。初服後吐。渣再服。

〔山〕大小便不通。燒皂角灰為末。粥清調下。

〔本〕車狗散。治大小便經久不通欲死者。

用推車客七個。土狗七個。在土名土狗
在水名水狗二物新瓦上焙乾為末。以虎

目樹皮向東南者濃煎湯服之。經驗如神。虎目即虎杖。其性大能

利小便。又解暑毒。

一說男子病推車客用頭土狗用身。女人病土狗用頭推車客用身效。

〔海〕廻生神膏。治陰症大小便不通。及諸雜病。陰候大小便不通者。宜用此治法。數日不通危急者用之。非急不用。

牡蠣

陳粉

乾姜 炮各一兩

右爲細末。男病用女人唾調。手內擦熱。緊掩二卵上。得汗出愈。蓋卵與乳。乃男病用男子唾調。手內擦熱。緊掩二乳上。得汗出愈。蓋卵與乳。乃男女之根蒂。坎離之分屬也。

脈盛。皮熱。肚脹。前後不通。齋悶。此謂五實。全文見治虛實法

〔丹〕掩臍法。治大小便不通。用連根葱一二莖。帶土生姜一塊。淡豆

豉二十一粒。鹽二匙。同研爛作餅。烘熱掩臍中。以帛紮定。良久氣透自通。不通再換一餅。

〔桑〕大小便不通。大都七分

〔東〕大小便難。環岡在小腸俞下二寸橫紋間灸取之

寸揆脊相去四寸兩邊各四穴灸十壯至百壯或云此穴未詳

〔甲〕三焦約大小便不通。水道主之。

產後大小便不通

〔雲〕療產大小便不利。下血。

車前子

黃芩

蒲黃

牡蠣

水道二十壯

榮衛在背脊四面各一寸八分臍眼下三

生地

芍藥 各一兩
五錢

右爲細末。空心米飲服方寸匕。忌麪蒜。

〔心〕治婦人產後忽小腹脹如蠱。大小便不通。氣海二里關元三陰
交陰谷主之。



醫學綱目卷之二十四 脾胃部

水脹通論

水脹
皆本
於房
勞傷
度

診法

〔靈〕黃帝問曰。水穀入于口。輸于腸胃。其液別為五。天寒衣薄。則為滯。與氣。天熱衣厚。則為汗。悲哀氣并。則為泣。中熱胃緩。則為唾。邪氣內逆。則氣為之閉塞。而不行。不行則為水脹。余知其然也。不知其何由生。願聞其道。岐伯曰。五穀之津液。和合而為膏者。內滲入于骨空。補益腦髓。而下流于陰股。陰陽不和。則使液溢而下流于陰。髓液皆減而下。下過度則虛。虛故腰背痛。而脛痠。陰陽氣道不通。四海塞閉。三焦不瀉。津液不化。水穀并行腸胃之中。別于迴腸。留于下焦。不得滲膀胱。則下焦脹。水溢則為水脹。五癰津液篇○下通
度謂房勞過度也

〔本〕臍腹四肢悉腫者為水。但腹脹四肢不甚腫為蠱。蠱即脹也

〔靈〕黃帝問于岐伯曰。水與膚脹。鼓脹。腸覃。石瘕。石水。何以別之。岐伯答曰。水始起也。目窠上微腫。如新臥起之狀。其頸脈動時欬。陰股間寒。足頸腫。腹乃大。其水已成矣。以手按其腹。隨手而起。如裹水之狀。此其候也。黃帝曰。膚脹何以候之。岐伯曰。膚脹者。寒氣客于皮膚之間。皜皜然不堅。腹大。身盡腫。皮厚。按其腹。窅而不起。腹色不變。此其候也。鼓脹何如。岐伯曰。腹脹身皆大。大與腹脹等也。色蒼黃。腹筋

起此其候也。腸覃何如。岐伯曰。寒氣客于腸外。與衛氣相搏。氣不得榮。因有所繫。癖而內著。惡氣乃起。瘰肉乃生。其始生也。大如鷄卵。稍以益大。至其成如懷子之狀。久者離歲。按之則堅。推之則移。月事以時下。此其候也。石瘕何如。岐伯曰。石瘕生于胞中。寒氣客于子門。子門閉塞。氣不得通。惡血當瀉不瀉。衄以留止。日以益大。狀如懷子。月事不以時下。皆生于女子。可導而下。黃帝曰。膚脹鼓脹可刺邪。岐伯曰。先瀉其脹之血絡。後調其經。刺去其血絡也。水脹論○石水瘕已下腫其脹沉

水腫 先自足腫後腹大為水

胎前水 產後水

治法

仲景法

〔素〕帝曰。其有不從毫毛而生。五臟陽以竭也。津液充郭。王註云不從毫毛也。津液者水也。充滿也。郭皮也。蓋陽竭於外。津液得以充滿於郭而浮腫也。其魄獨居。孤精於內。氣耗于外。形不可與衣相保。此四極急而動中。是氣拒于內。而形施于外。治之奈何。岐伯曰。平治於權衡。去宛陳莖。微動四極。溫衣。繆刺其處。以復其形。開鬼門。潔淨府。精以時服。五陽已布。疏滌五臟。故精自生。形自盛。骨肉相保。巨氣乃平。湯液醪醴論○開鬼門發汗也。潔淨府利小便也。○王註云平治權衡。謂察其臟腑也。去宛陳莖。謂去積久之水物。猶如草莖之不可久留於身中也。微動四極。謂微動四肢。令陽氣漸以宣行。故曰溫衣也。

〔仲〕諸有水者。腰已下腫。當利小便。腰已上腫。當發汗。乃愈。風水脈浮身重。汗出惡風者。防己黃芪湯主之。

防己一兩

黃芪一分

白朮三分

甘草炙半兩

右剉。每服五錢。生薑四片。棗一枚。水盞半。煎取八分。去渣溫服。良
久再服。腹痛加芍藥。一法潔古用此湯。調五苓散。治因濕爲腫者。
又方防己湯治風濕脈浮。爲在表其人或頭汗出無表症病者。但下重從腰已上爲和腰已下常腫及身重難以屈伸。

皮水爲病。四肢腫。水氣在皮膚中。四肢聶聶動者。防己茯苓湯主之。

防己

黃芪

桂枝各三兩

茯苓六兩

甘草二兩

右五味以水六升。煮取二升。分溫三服。

厥而皮水者。蒲灰散主之。方見淋O已。上利小便法。

風水急風。一身悉瘡。脈浮不渴。續自汗出。無大熱。越婢湯主之。

麻黃六兩

石膏半兩

生薑三兩

大棗十五枚

甘草二兩

右五味以水六升。先煮麻黃去上沫。內諸藥煮取三升。分溫三服。

惡風者加附子一枚。炮。風水加朮四兩。

裏水者。一身面目黃腫。其脈沉。小便不利。故令病水。假如小便自利。

此亡津液。故令渴也。越婢加朮湯主之。于前越婢湯。加白朮四兩。甘

草麻黃湯亦主之。

甘草二兩

麻黃四兩

右二味以水五升。先煮麻黃去上沫。內甘草煮取三升。溫服一升。

重覆汗出。不汗再服。慎風寒。

水之爲病。其脈沉小屬少陰。浮者爲風無水。虛脹者爲氣水。其汗卽已。脈沉者。宜麻黃附子湯。浮者宜杏子湯。

麻黃三兩

甘草二兩

附子一箇炮

右三味。以水七升。先煮麻黃去上沫。內藥煮取二升半。溫服八合。

日三服。已上發汗出愈

丹後法

〔丹〕水腫因脾虛不能制水。水積妄行。當以參朮補脾。使脾氣得實。則能健運。自然升降。運動其樞機。則水自行。非若五苓之行水也。宜補中行濕利小便。切不可下。當用二陳湯。加白朮。人參蒼朮爲主。佐以黃芩麥門冬制肝木。若腹脹。少佐厚朴。氣不運。加木香木通。氣若陷下。升麻柴胡提之。隨症加減。必須補中。用大劑白朮補脾。如壅滿用半夏陳皮香附監之。有熱者當清肺金。門冬黃芩之屬。赤岸馮令人官。素飲食不知飽。但食肉必泄。忽遍身發腫。頭面加多。致目亦不可開。膈間滿如築。兩足麻至膝而止。渾身不可見風。陰器挺長。其脈左沉而重取不應。右三部雖短小。却有和滑氣象。遂令單煮白朮湯飲。早晨空心探而去之。食後白朮二錢。麻黃五分。川芎半錢。防風三分。作湯下保和丸五十九丸。如此者二日。因吐中得汗。通體上截爲多。遂得腫寬而眼開。氣順而食進。却于前方中麻黃防風加白朮三

錢。木通通草各半錢。下保和丸五十九丸。如此者五日而安。此即開鬼門之法也。盧節婦年二十餘。半月之前。夜間發熱。面先腫。次及身足腫。肚亦腫。口渴思冷水。食略減。

大腹皮半錢

白朮半錢

蒼朮半錢

梔子四枚

川芎一錢

麻黃六分

木通一錢

乾葛二錢

甘草稍些

朱秀才因久坐受濕。能飲酒。下血。以苦瀉藥兜之。遂成腫疾。而肚足皆腫。口渴中滿。無力少汗。脈濇而短。乃血為濕氣所傷。法當行濕順氣。清熱進食化積。

滑石六錢

白朮二錢

木通三錢

厚朴

乾葛各二錢

蒼朮一錢

分四帖。加蘇葉七片。每一帖煎至三之一。熱下保和丸與點丸溫中丸各五十九丸。

王三九孺人浮腫膈滿。腹滑泄。口苦而渴。小便赤少。脈虛而豁大稍遲。此有汚積病。為人性急。

滑石一兩

陳皮四錢

蘇梗

白朮

川芎

木通

厚朴各二錢

茯苓皮半錢

甘草稍些

分六帖。用順流水煎下保和丸廿五丸。抑青丸十九。

吳孺人胃中有積。發為腫。成瘡疥。身倦食少。惡寒發熱。脈虛而沉。

白朮 一兩
六錢

滑石 二兩

生地

木通

川芎 各半
兩

黃芩

茯苓皮

連翹 各四
錢

紫蘇 三錢

甘草 炙二
錢半

下保和丸三十九。

一女子年三十餘歲。腫病有熱。服藥得安。但兩足下節不退。肚內自覺尙有熱。脈却平矣。飲食如昨。

白朮 一錢

郁李仁 一兩
半

蘇梗

木通

條芩

檳榔

枳實 炒半
兩

青皮 一兩

甘草梢 一錢

分十帖。細研郁李仁。以順流水三盞盪起煎一盞。食前熱服。

張郎廿歲。秋得腫疾。午前上甚。午後下甚。口渴乏力。脈瀼弱。食亦少。稟氣素快。汗不能自出。鬱而為水。與炙三里。肺俞。大椎。合谷。分水。又與此方。

白朮 一錢
半

陳皮 五分

黃芩

紫蘇

海金沙

木通

大腹皮

茯苓皮

乾葛 炒

厚朴

甘草 各二
錢

作一帖。水煎服。

光明人脚腫。肚略急。身微熱。脈略數。口乾。

白朮錢一

茯苓分五

乾葛炒五分

蘇梗錢五

大腹皮錢三

甘草炙一分

川芎錢二

陳皮錢五

許宅婦人二十已上。脚踝腫。近日有瘡毒。

白朮錢七

蒼朮

陳皮

犀角末

川芎錢各五

連翹

木通

蘇葉各三分

甘草錢一

分七帖煎。後入薑汁令辣熱。食前服。

馮官人。因內有濕積。兼時令濕熱。右腿少陽分發爛瘡。如掌大。痒甚。

兩手脈洪緩略數。兩目手足俱虛腫。膈中午前痞悶。午後腫到兩足。

則膈寬。

犀角生五分

枳殼炒五分

陳皮

連翹

白朮各一錢

木通分五

蒼朮分五

甘草一分

茯苓分五

加薑汁煎服。

馮客瘡而發腫。微渴。脈左手虛。右手大。食少。

白朮半一錢

陳皮錢一

木通

厚朴炒

大腹皮各五分

甘草炙二分

牛膝分五

蘇梗分三

薑片三

馮孺人瘧而浮腫大便自利。

人參

半夏

陳皮各一錢

川芎

蒼朮炒

白芷各五分

木通二錢

白朮一錢半炒

甘草各三分

王官人年四十瘧兩日一發始善啖至春作腫大小便秘食少面浮腫口渴。

厚朴一錢

白朮半錢

木通七分半

陳皮一錢

川芎

大腹皮各五分

牛膝

滑石各一錢炒

甘草各三分

右丹溪治水腫之法十五條其法大率皆以甘草佐白朮參陳等劑補中氣為君木通滑石郁李仁海金沙行水為臣厚朴大腹皮蘇梗通滯氣為佐使如氣不昇浮惡寒脈沉者探吐以提之頭面先腫加麻黃微汗之挾積氣者佐以保和溫中抑青等丸磨之挾熱者佐以黃芩之類清之挾滄癰者佐以連翹犀角散之而隨症加減也。

〔羅〕治腫以胃氣為本至元戊寅五月間積雨淋淫魯齋許仲平先生時年五十有八面目肢體浮腫大便澹多腹脹腸鳴時痛飲食減

少命予治之。脈得弦細而緩。魯齋曰。年壯時。多服牽牛大黃藥。面目四肢時有浮腫。今因陰雨。故大發。予曰。營運之氣。出自中焦者。胃也。胃氣弱。不能布散水穀之氣。營養臟腑經絡皮毛。故氣行而滯。爲浮腫。大便澹多而腹脹腸鳴。皆濕氣勝也。四時五臟皆以胃氣爲本。五臟有胃氣。則和平而身安。若胃氣虛弱。不能運動滋養五臟。則五臟脈不和平。本臟之氣盛者。其脈獨見。輕則病過。甚則必死。故經曰。真臟之脈弦。無胃氣則死。先生之疾。幸而未至于甚。尚可調補。人知服牽牛大黃。爲一時之快。不知其爲終身之害也。遂以平胃散加白朮扶苓草荳蔻仁。數服而腹脹澹泄。腸鳴時痛皆愈。飲食進。止有四肢浮腫。以導滯通經湯主之。良愈。

導滯通經湯。治痺濕有餘。及氣不宣通。面目手足浮腫。

陳皮

桑白皮

白朮

木香各五錢

扶苓一兩 去皮

霖雨時加澤瀉一兩。

右咬咀。每服五錢。水二盞。煎至一盞。食前溫服。

白扶苓湯能變水。

白扶苓

澤瀉各二兩

郁李仁五錢

右咬咀。作一服。水一碗。煎至一半。生薑自然汁入藥常服。無時從

先攻
後補

少至多服五七日後覺腹下再腫治以白朮散。

白朮

澤瀉各半兩

右爲末煎服三錢。或丸亦可。煎茯苓湯下二十九丸。以黃芪芍藥建中湯之類調養之。平復後忌房室猪魚鹽麪等物。

〔本〕大棗湯治四肢腫滿。用白朮三兩。咬咀。每服半兩。水一盞半。大棗三枚。拍破同煎。至九分。去渣溫服。日三四服。不拘時候。

〔梅〕治水腫不能服藥。商陸一升。羊肉六兩。以水一斗。煮取六升。去渣。和肉葱豉作臠。如常法食之。商陸白者好。

〔食〕醫治十種水氣。痛不瘥欲死者。鯉魚一頭。重一斤已上者。煮熟取汁。和冬瓜葱白作羹食之。治十種水氣病。不瘥垂死者。青頭鴨一隻。治如食法。細切。和米并五味煮令熟。作粥。空腹食之。

〔梅〕治水氣脹滿。小便澹。白鴨一隻。去毛腸。洗淨。饋飯半升。與椒薑同糶鴨腹中縫定。如法蒸熟食之。

〔子和〕鄧之營兵狄家小兒病風水。諸醫用銀粉粉霜之藥。小便反澹。飲食不進。頭腫肚脹。四肢皆滿。狀若水晶。求治戴人。戴人曰。此證不與壯年同。壯年病水者。或因留飲及房室。此小兒纔七歲。乃風水證也。宜出汗。乃置煖室。以屏帳遍遮之。不令見火。若內火見外火。必昏曠也。使大服胃風湯而浴之。浴訖以布單重覆之。凡三五重。其汗

如水腫乃減五分。隔一二日。又依前法治之。汗出腫減七分。又三汗而全減。尙未能食。以檳榔丸調之。兒已嬉笑如常日矣。
〔本〕治水氣。羌活散。

羌活

蘿蔔子各等分

右同炒香熟。去蘿蔔子不用。末之。溫酒調下二錢。一日一服。二日二服。三日三服。取效。

〔羅〕五皮散。治他病愈後。或瘧痢後。身體面目四肢浮腫。小便不利。脈虛而大。此由脾肺虛弱。不能運行諸氣。氣虛不理。散漫於皮膚肌腠之間。故令腫滿也。此藥並宜服之。

大腹皮

赤茯苓皮

生薑皮

陳皮

桑白皮炒各等分

右件爲粗末。每服五錢。水一大盞。同煎至八分。去渣溫服。不拘時候。日進三服。

香蘇散。治水氣虛腫。小便赤澀。

陳皮一兩去白

防己

木通

紫蘇葉各半兩

右爲末。每服二錢。水二盞。生薑三片同煎。

〔外〕治水病洪腫。氣脹不消食。用香薷五十斤。細剉納釜中。水浸上數寸。煮使氣盡。去渣澄清。熬稠丸。如桐子大。日二服。每服五丸。稍加

之。以小便利為度。

〔梅〕治水腫作坐臥不得。頭面身體悉腫。取東引花桑枝燒灰淋汁。煮赤小豈空心食令飽。飢即食盡。不得吃飯。

〔兵〕治水病初得危急。冬瓜不限多少任吃。神效無比。丹溪云冬瓜性者忌之。急久病與陽虛。

〔丹〕十種水氣。冬瓜去穰。納赤豈在內。蒸熟為丸服。治痢日久。津液枯。四肢腫。口乾。用冬瓜黃土厚包五寸。煨熟。去土取汁飲之。錄
〔羅〕白丸子。治遍身腫及單腹脹滿。喘悶不快。小便赤澀。神效。驗

輕粉五分

粉霜炒四錢

礪砂研炒三錢

滑石研炒四錢

寒水石火燒研炒三錢

白丁香研羅末炒三錢

右件藥將輕粉滑石二味。一處研勻。用薄紙裹了。却更和白麪作餅。再裹前藥。又用桑柴火燒。以熟為度。取出與前四味一處和勻。水浸蒸餅搗乾為丸。如菉豆大。每日薑湯下三服。食前下。第一日每服二丸。第二日每服三丸。第三日每服四丸。第四日每服五丸。如覺小便多。腫漸減。便勿服。如小便不多。更服一日二日。加作六丸做一服。一日亦三服。腫消為効。如服藥至第三日。覺牙縫內痒痛。口氣出時。便用漱口藥。用貫衆黃連各半兩為散。每服一錢。水一盞。煎至七分。入龍腦少許攪勻溫服之。每一日煎一錢。漱口。如

腫消。忌鹽魚肉冷硬果食。只服粥百日永痊。如臟腑祕瀉。氣實。先服治腫海藻散。此藥親用救人甚多。神效。

海藻散。方見本門 積氣條

〔仲〕牡蠣澤瀉散。治腰以下腫。方見 傷寒

〔河〕葶藶丸。治一切水濕氣。通身腫不可當者。

人參一兩

苦葶藶四兩于鍋內紙上炒黃色為度

右二味。同為細末。用棗肉和丸。桐子大。每服十五丸。煎桑白皮湯下。日進三服。空心食前驗。

〔羅〕聖靈丹。治脾肺有濕。喘腫盛。小便赤澀。

苦葶藶四兩 妙

木香

檳榔

茯苓麴裹

防風

木通

人參已上各二錢半 恐是二兩半

右為末。用棗肉為丸。如桐子大。煎桑白皮湯下。

〔垣〕赤茯苓丸。治脾濕太過。四肢腫滿。腹脹喘逆。氣不宣通。小便赤澀。

葶藶四兩

防己二兩

赤茯苓一兩

木香五錢

右為細末。棗肉丸。如桐子大。每服三十丸。煎桑白皮湯下。食前服。

續隨子丸。治遍身虛腫。喘悶不快。

人參

漢防己

赤茯苓

木香

檳榔 各五錢

苦葶藶 四兩

續隨子 兩

海金沙 五錢

右為細末。棗肉丸。如桐子大。每服二三十九丸。煎桑白皮湯食前下。

〔海〕潔古方。治水腫。用蠮螋去頭尾。與葡萄心同搗。露七日。曝乾為末。淡酒調下。暑月濕用尤佳。

聖惠方治水腫喘促不得臥蠮螋五枚為末食前傷調半錢至一錢小便通效

〔仲〕夫水病人目下有臥蠶。或面目鮮澤。脈伏。其人消渴病水。腹大。

小便不利。其脈沉細者。有水可下之。

〔世〕治水腫。

薏苡仁根 君 木香

檳榔

黑牽牛

右為末。酒調服妙。

〔外〕療水病腫。用鯉魚一頭極大者。去頭尾及骨。唯取肉。以水二升。

赤小荳一大升。和魚肉煮取二升。已上生布絞取汁。去渣。頓服盡。如

不盡。分為三服。當下利。利盡即瘥。

〔本〕治身體腫滿。水氣急。臥不得。郁李仁一大合。搗為末。合和麩搜

作餅子與吃。入口即大便利氣便瘥。

〔丹〕有人患脚肢腫。漸上膝。足不可踐地。大水頭。面遍身腫脹滿。用

苦瓠瓢實捻如荳大。以麩裹煮一沸。空心服七枚。至午當出水一斗。

三日水自出。不止。大瘦乃瘥。三年內須慎口味。一方治腫。取苦瓠

殼。以鹽搽殼上。燒存性為末。煎童便一盞。調服瘥。苦瓠須擇無醫驗細理潔淨者不爾有毒

有積者宜下

輕劑

〔世〕三種散。治浮腫。用陳蘿蔔種去瓢。陳蒲葍去瓢。烏荳一合同煎服。卽時退。

〔羅〕無礙丸。治脾濕積流。四肢腫滿。

大腹皮雨二 木香雨半 蓬朮 京三稜

檳榔 郁李仁雨各一

右爲細末。炒麥蘖麩糊爲丸。如桐子大。生薑湯下。

〔本〕治腫滿。小便不利。扶苓散。

郁李仁錢四 檳榔錢二 赤扶苓 白朮

甘遂切片炒各一錢 陳皮半錢

右細末。每服一錢。薑棗湯調下。

治十種水病并根源證狀方法。

一青。水先從左右肋腫起。根在肝。

二赤。水先從舌根起。根在心。

三黃。水從腰腹起。根在脾。

四白。水從脚腫起。根在肺。

五黑。水從外腎腫起。根在腎。

六玄。水從面腫起。根在外腎。

七風。水從四肢腫起。根在骨。

大戟

葶藶子

甘遂微炒

桑白皮

連翹

芫花醋炒

澤瀉

入石。水從腎腫起。根在膀胱。

藁本

九高。水從小腹腫起。根在小腸。

巴荳去皮油

十氣。水或盛或衰。根在腹。

赤小荳

右十般腫病各有根源。種種不同。看十種病根。除一味倍多。餘九味等分。逐味依法修治。焙為細末。煉蜜丸。如桐子大。用赤茯苓湯吞下三丸。不拘時候。每日三服。忌鹽一百二十日。緣鹽能化水也。又忌魚蝦麪食。一切毒物。及生冷房室甚效。用此方獲瘡後。更用後來補藥。

補藥方

肉桂去粗皮

赤茯苓去皮

乾薑

菝葜醋

川芎

肉荳蔻

桔梗

各等分依法製服一方無赤茯苓菝葜亦有青皮白朮

檳榔

右等分為末。每服三錢。百沸湯點服。空心食前服。日夜各一服。前項二方。治水腫病甚效。予試用之。百發百中。獲濟者無數。世間所有水病方藥。無出此三方之右者。幸勿忽。
〔河〕三花神祐丸。治中滿腹脹。一切水濕腫滿。

甘遂

大戟

芫花

醋淬濕炒各五錢

大黃兩一

輕粉錢一

牽牛兩二

右爲末。滴水丸。如小荳大。初服五丸。每服加五丸。溫水下。每日三服。以快利爲度。得利。止後服。神效。

〔垣〕海金沙散。治脾濕太過。通身腫滿。喘不得臥。及腹脹如鼓。

牽牛 一兩半 一牛
炒 一半生

甘遂 五錢

白朮 一兩

海金沙 三錢

右爲細末。每服二錢。煎倒流水一盞。食前調下。得宣利。止後服。

〔羅〕海藻散。治男子婦人通身虛腫。喘滿不快。

海藻

大戟

大黃

續隨子

去壳各一兩 右四味用
好酒浸一宿 取出晒乾

用滑石 半兩

白牽牛 頭末生

甘遂 一兩

白荳蔻 一個

青皮 去白

陳皮 去白各半兩

右前藥都一處。杵爲細末。大人每服二錢。如氣實者三錢。平明冷茶清調下。至夜時取下水三二行。腫減七分。隔二三日。平明又一服。腫消。忌魚肉百餘日。小兒腫服一錢。五歲以下者半錢。女人有胎者不可服。

〔保〕錢氏論虛實腹脹。實則不因吐瀉久病之後。亦不因下利得之。脹而喘急悶亂。更有痰有熱。及有宿食不化者。宜大黃丸。白餅子。紫霜丸下之。更詳別。大小便如俱不通。先利小便。後利大便。虛則久病吐瀉後。其脈微細。主目胞腮虛腫。手足冷。宜先與塌氣丸。後與異攻

寒熱

散及和中丸。益黃散和其氣。因氣而腫者。煎陳皮湯。因濕而腫者。煎防己黃芪湯。調五苓散。因熱而腫者。入正散。又一法。燥熱于肺為腫者。乃絕水之源。當清肺除燥。水自生矣。于梔子豉湯中加黃芪。如熱在下焦。陰消使氣不得化者。宜益陰則陽氣自化。加黃連黃栢是也。
〔垣〕中滿分消丸。方見張明

〔丹〕熱水腫。梔子錢五 木香錢一 白朮二錢半 急流煎服。又

方。山梔子去皮取仁。炒椎碎。米飲湯送下。如胃脘熱病在上者。帶皮用。

〔本〕治遊風攻頭面。或四肢作腫塊。知母湯。

知母 麻黃 黃芪 甘草

羌活 白朮 枳殼各一兩

右粗末。每服四錢。水一盞半。牛蒡子百粒。研碎。煎至七分溫。日三四服。覺冷不用牛蒡子。有一達官母年七十。中風。手拘攣。平日止是附子之類扶養。一日面浮腫。手背亦腫。尋常有一國醫供藥。診之是水病。欲下大戟牽牛以導之。其家大驚憂。急召予議之。予曰。素問稱面腫曰風。足脛腫曰水。此服附子太過。正虛風生熱之證。咽必噎塞。膈中不利。誠如予言。用升麻牛蒡玄參湯。繼以知母湯。三日便愈。

〔無〕復元丹。治三焦不瀉。氣脈塞閉。樞機不通。喘息奔急。水氣盈溢。滲透經絡。皮膚溢滿。足脛尤甚。兩目下腫。腿腹間冷。口苦。心腹堅脹。不得正偃。偃則咳嗽。小便不通。夢中虛驚。不能安臥。

獨活 過二兩

木香 炒

川椒 炒出

羌活

厚朴 去皮薑製

陳皮

吳茱萸 炒

桂心 各一兩

澤瀉 半兩

肉桂 煨

檳榔 各半兩

右為末。糊丸。如桐子大。每服五十九丸。煎紫蘇湯送下。不拘時。此藥世傳屢驗。服者宜先屏去諸藥。一日三服。先服旋利如傾。次即腫消喘止。宜絕慾屏鹽半年。乃不再作。

〔本〕治脾虛浮腫。實脾散。

大附子 一枚

草菓 二兩

甘草 一兩

乾薑 二兩

大腹皮 去皮六兩

木瓜 一個去穢切片

右用水于沙器內煮乾一半。壁開看乾薑不白心為度。亦不得令水乾至焦。取出焙乾為末。每日午時空心沸湯點服。

〔素〕三陰結謂之水。陰陽別論○王註云謂脾肺之脈俱寒結也

下焦溢為水。全文見診○王註云下焦為分注之所氣壅不瀉則

為溢水

陽明所謂上喘為水者。陰氣下而復上。上則邪客于臟腑間。故為水也。

運氣

運氣水腫有四。

一曰濕。經云太陰所至爲附腫。又云濕勝則濡泄。甚則水閉附腫。又云太陰之勝。足脛附腫。欽發于中。附腫于上。又云太陰司天。客勝則首面附腫。呼吸氣喘。治以諸熱是也。

二曰火熱。經云諸病附腫。皆屬于火。又云少陽司天。火氣下臨。肺氣上從。寒熱附腫。又云少陽司天。火淫所勝。民病皮膚痛。色變黃赤。傳而爲水。身面附腫。腹滿仰息。又云少陽之復。渴引水漿。化而爲水。傳爲附腫。又云少陽司天。客勝。甚則附腫。治以諸寒是也。

三曰寒。經云寒勝則浮是也。

四曰燥。經云陽明所至。爲浮虛是也。

針灸

〔素〕黃帝問曰。少陰何以主腎。腎何以主水。岐伯對曰。腎者。至陰也。至陰者。盛水也。肺者。太陰也。少陰者。冬脈也。故其本在腎。其末在肺。皆積水也。帝曰。腎何以能聚水而生病。岐伯曰。腎者胃之關也。關門不利。時聚水而從其類也。上下溢于皮膚。故爲附腫。附腫者。聚水而生病也。帝曰。諸水皆生于腎乎。岐伯曰。腎者。牝臟也。地氣上者。屬于腎而生水液也。故曰至陰。勇而勞甚。則腎汗出。腎汗出。逢于風。內不得入于臟腑。外不得越于皮膚。客于玄府。行于皮裏。傳爲附腫。本之于腎。名曰風水。所謂玄府者。汗空也。帝曰。水俞五十七處者。是何主

也。岐伯曰。腎俞五十七穴。積陰之所聚也。水所從出入也。尻上五行行五者。此腎俞。故水病。下為附腫大腹。上為喘呼。不得臥者。標本俱病。故肺為喘呼。腎為水腫。肺為逆。不得臥。分為相輸俱受者。水氣之所留也。肺腎之標本其上下分為相輸應之病而俱受者緣此二臟乃水氣之所留故也 伏菟上各二行行五者。此腎之街也。三陰之所交結於脚也。踝上各一行行六者。此腎脈之下行也。名曰太衝。凡五十七穴者。皆臟之陰絡。水之所客也。水熱穴論 尻上五行行五

脊中一

懸樞一

命門一

腰俞一

長強一

大腸俞二

小腸俞二

膀胱俞二

中胎內俞二

白環俞二

胃倉二

盲門二

志室二

胞肓二

秩邊二

伏菟上各二行行五

中柱二

四滿二

氣穴二

大赫二

橫骨二

外陵二

大巨二

水道二

歸來二

氣街二

踝上各一行行六

太衝二

復溜二

陰谷二

照海二

交信二

築賓二

〔靈〕風痰膚脹為五十七疔。取皮膚之血者盡取之。四時氣篇
刺灸水腫有五法。

其一取腎膀胱。經前篇云。五十七穴者。是取其二經之穴也。又經云。腎病者腹大脛腫。取其經少陰太陽血者。是取其二經之血也。

其二取血絡。經前云。取皮膚之血者。盡取之是也。

其三取胃。經云。胃足陽明之脈。所生病者。大腹水腫。視盛虛熱寒。陷下取之是也。

其四取委陽。經云。三焦病者。不得小便。盜則水。取委陽是也。

其五筋針取水。先以鈹針針之。已刺而筋之。引針而納之。入而復之。以盡其沫。必堅來。來緩則煩悅。來急則安靜。間日一刺之。沫盡乃止。

筋針針中有空竅如筋出水也

〔撮〕浮腫。分水。中脘。各灸

內庭。行間。臨泣各瀉立安

〔東〕水氣。皮膚不可近衣。小腹敦敦然。小便黃。身潤。章門。屋翳。

灸 陰交。章門。刺之

〔華〕外腰水腫。先從腰腫起。肝募。水分。

內中水腫。面痿黃。胃脘。通谷。氣海。水分。

胞中水腫。根在心。水赤。心俞。巨關。氣海。

腹中水腫。從脾起。水黃。脾俞。胃脘。水分。

肺喘水腫從胸起水白 肺俞 肝募

足心水腫從足起 白環俞 水分 臍中

四肢水腫變身浮 膽募

兩脇水腫四肢枯瘦從脇腫起 章門 期門

小腸水腫從臍腫起 氣海

〔保〕五脈論五水灸法。

青水灸肝井服 赤水灸心榮服 黃水灸脾俞服 白水灸肺經

盛 黑水灸腎合服

〔甲〕身腫關門主之 水腫脹皮腫三里主之 風水膝腫巨虛上

廉主之 風水面附腫顏黑解谿主之 風水面附腫衝陽主之

水中留飲胸脇支滿刺陷谷出血立已 面附腫上星主之先取譙

譙後取天牖風池 水腫人中盡滿唇反者死水溝主之 水腫大

臍平灸臍中無理不治。

〔素〕目窠微腫如臥蠶之狀曰水平人氣象論 足脛腫曰水

〔仲〕病下利後渴飲水小便不利腹滿因腫者何也答曰此法當病

水若小便自利及汗出者自當愈 跌陽脈當伏今反數本自有熱

消穀小便數今反不利此欲作水 寸口脈浮而遲浮脈則熱遲脈

則潛熱潛相搏名曰沉跌陽脈浮而數浮脈則熱數脈則止熱止相

搏。名曰伏。沉伏相搏。名曰水。沉則絡脈虛。伏則小便難。虛難相搏。水走皮膚。則為水矣。

〔素〕頸脈動喘疾。效曰水。平人氣象論

〔仲〕風水其脈自浮。外證骨節疼痛。惡風。針經論法診尺篇云。視人之目窠上微足上胛而不起者。風水膚脹也。又仲景云。太陽脈浮而緊。法當骨節疼痛。而不疼。身體反重而酸。其人不得汗出。即愈。為風水。治法見前陽虛條。

皮水其脈亦浮。外證附腫。按之沒指。不惡風。其腹如鼓。不渴。當發其汗。又云。渴而不惡寒者。此是皮水。蓋法當風水惡寒不渴。皮水不惡寒而渴。假令皮水不渴。亦當發汗也。治法見陽虛條。 正水其脈沉遲。外證自喘。

石水其脈自沉。外證腹滿不喘。大奇論篇。腎肝分沉。為石水。分浮為風水。

黃汗其脈沉遲。身發熱。胸滿。四肢頭面腫。久不愈。必致癰膿。又云。身腫周痺。胸中室不能食。反聚痛。晷晷不得眠。此為黃汗。治法見黃疸條。 而冷狀如

〔仲〕心水者。其身重而少氣。不得臥。煩而躁。其陰大腫。肝水者。其

腹大。不能自轉側。脇下腹中痛。時時津液微生。小便續通。肺水者。其

身腫。小便難。時時鴨澹。脾水者。其腹大。四肢苦重。津液不生。但苦

少氣。小便難。腎水者。其腹大。臍腫腰痛。不得溺。陰下濕如牛鼻上

汗。其足逆冷。面黃瘦。一云大便反堅

〔無〕大抵浮腫帶數。即是虛寒。潛止于其間。久必沉伏。沉伏則陽虛陰實。為水必矣。面龐然浮腫疼痛。其色焮黑。多汗惡風者。屬腎風。

治見諸
風註

諸唇黑則傷肝。缺盆平則傷心。臍出則傷脾。足心平則傷腎。背平則傷肺。凡此五傷。必不可治也。

〔仲〕脈得諸沉。當責有水。身體腫重。水病脈出者死。無擇云大抵浮脈帶微久必沉伏沉伏則陽虛陰實爲水必矣 卽是虛寒瀉止于其間

〔脈〕水病脈洪大者可治。微細者不可治。水病腹大如鼓。脈實者生。虛者死。水病夜半死。全文見診生死 水病腹大如鼓。脈實者

〔仲〕諸病水者。渴而不利。小便數者。皆不可發汗。

〔素〕帝曰。有病腎風者。面附龐然。壅害于言。可刺否。岐伯曰。虛不當刺。不當刺而刺。後五日其氣必至。帝曰。其至何如。岐伯曰。至必少氣時熱。時熱從胸背上至頭。汗出手熱。口乾苦渴。小便黃。目下腫。腹中鳴。身重。難以行。月事不下。煩而不能食。不能正偃。正偃則咳。病名曰風水。論在刺法中。帝曰。願聞其說。岐伯曰。邪之所湊。其氣必虛。陰虛者。陽必湊之。故水氣時熱而汗出也。小便黃者。少腹中有熱也。不能正偃者。胃中不和也。正偃則咳甚。上迫肺也。諸有水氣者。微腫先見于目下也。帝曰。何以言之。岐伯曰。水者。陰也。目者。亦陰也。腹者。至陰之所居。故水在腹者。必使目下腫也。真氣上逆。故口苦舌乾。臥不得正偃。正偃則咳出清水也。諸水病者。故不得臥。臥則驚。驚則效甚也。腹中鳴者。病本於胃也。薄脾則煩。不能食。食不下者。胃脘隔也。身重

蔡忌

難以行者。胃脈在足也。月事不來者。胞脈閉也。胞脈者。屬心而絡于胞中。今氣上迫肺。心氣不得下通。故月事不來也。評熱病論
〔仲〕問曰。病者若水面目身體四肢皆腫。小便不利。脈之不言水。反言胸中痛。氣上衝咽。狀如炙肉。當微咳喘。審如師言。其脈何類。師曰。寸口脈沉而緊。沉爲水。緊爲寒。沉緊相搏。結在鬪元。始時當微。年盛不覺。陽衰之後。榮衛相干。陽損陰盛。結寒微動。緊氣上衝。喉咽塞噎。脇下急痛。醫以爲留飲而大下之。氣擊不去。其病不除。後重吐之。胃家虛煩。咽燥欲飲水。小便不利。水穀不化。面目手足浮腫。又與葶藶丸下水。當時如小瘥。食飲過度。腫復如前。胸脇苦痛。象若奔豚。其水揚溢。則浮咳喘逆。當先攻擊衝氣令止。乃治咳。咳止其喘自瘥。先治新病。病當在後。

〔丹〕盧氏醫鏡水脹辨 內經曰。諸氣憤鬱。皆屬於肺。諸濕腫滿。皆屬於脾。諸腹脹大。皆屬於熱。蓋濕者土之氣。土者火之子。故濕每生于熱。熱氣亦能自濕者。子氣感母濕之變也。凡病腫皆宜以治濕爲主。所挾不同。故治法亦異。類例治腫以治水立說。而欲導腎以決去之。豈理也哉。脾土衰弱。內因七情。外傷六氣。失運化之職。清濁混淆。鬱而爲水。類例以爲本末皆隸于肺腎胃三者。而不及脾。下文繼以肺金盛而生水。水液妄行。氣息閉。樞機壅而爲腫。夫脾土受病。肺爲

考證

之子。焉有自盛而生水者哉。若謂腫之水果生于肺金之清氣。則滋長腎陰。奉行降令。爲化生之源。何病腫之有。今滲透經絡。注流溪谷。皆濁腐之氣。窒礙津液。久久灌入隧道。血亦化水。而欲藉脾土以制之。導腎氣以利之。不思脾病則肝木來侮。子氣亦衰。木寡于畏。脾欲不病。不可得矣。治法宜清心經之火。補養脾土。全運化之職。肺氣下降。滲道開通。使敗濁之氣。其稍清者。復回而爲氣。爲血。爲津液。其甚者。在上爲汗。在下爲溺。以漸而分消矣。今不明言。而曰制水燥水。得非白圭以隣國爲壑乎。經言腫病因津液充郭而致。不生于肺金之盛也明矣。又言氣拒于內。氣耗于外。責其不能滲運敗濁耳。又云。開鬼門。潔淨府。鬼門。膚腠也。屬肺。淨府。膀胱也。屬腎之府。未聞有導腎氣之說。註文明言陰精耗損。腎氣果可導乎。仲景謂治濕利小便。卽經中潔淨府之意。苟以清淨爲腎而導之。果於經意有合乎。錢仲陽謂腎無瀉法。其可輕易導之乎。或曰。經言疏滌五臟。非導腎歟。予曰。此承上文五陽已布而言。若鬼門開矣。淨府潔矣。五宮之陽氣條布。彼敗濁之氣。自然疏導滌除。于腎氣何與焉。

胎前水腫

〔雲〕防己湯。治妊娠脾虛。遍身浮腫。心腹脹滿喘促。小便利。

防己七錢

桑白皮

赤茯苓

紫蘇莖葉各一兩

木香二錢半

右爲粗末。每服四錢。薑四片。水同煎。食前服。

葶藶散。治妊娠遍身洪腫。

葶藶子兩一 白朮五兩 茯苓 桑白皮

郁李仁各二兩

右爲粗末。水六升。煎取二升。分三服。小便利卽瘥。

又方。

澤瀉 葶藶各二兩 茯苓 枳殼 白朮各六兩

右細切。以水六升。煮取二升半。分溫二服。

〔子和〕治妊娠從脚上至腹腫。小便不利。微渴。猪苓五兩。末。以熟水服方寸匕。日三服。

〔丹〕子腫多濕。用山梔一撮。米飲吞下。

產後水腫

〔丹〕產後腫必用大補氣血爲主。少佐以蒼朮茯苓。使水自利。

〔大〕大調經散。治產後腫滿。喘急煩渴。小便不利。

大芫一兩半 炒去皮 茯苓一兩 眞琥珀一錢

右爲細末。濃煎。烏荳紫蘇湯調下。

產後四肢浮腫者。敗血循經。流入四肢。淫留日深。腐爛如水。故令四

大法 芫血

肢腫面黃。宜服小調經散。血行腫消則愈。

沒藥

琥珀

桂心

芍藥

當歸各一錢

細辛

麝香各五分

右為細末。每服半錢。薑汁酒各少許。調停服。

〔丹〕婦人產後浮腫。小便少。口渴。惡寒無力。脈皆沉。此體虛而有濕熱之積。必上焦滿悶。宜補中導水行氣可也。

白朮二兩

陳皮一兩

川芎半兩

木通六錢

茯苓三錢

下與點丸廿五丸。

〔大〕奪魂散。治產後虛腫喘促。利小便則愈。

生薑三兩

取汁

白麵三兩

半夏七個

右以生薑汁搜麵。裹半夏為七餅子。煨焦熟為末。水調一盞。小便利為効。

〔潔〕如產後風寒在表。面目四肢浮腫。宜局方中七聖丸。白湯下。日加。以利為度。七聖丸方見特如浮腫至膝。喘嗽。加木香檳榔倍之。謂氣多也。

如浮腫又頭痛昏冒。加羌活川芎。謂風多也。如只浮腫。止七聖丸本方服之。

〔垣〕中滿分消丸。方見賬門熱條用四物湯吞之

〔杜〕張宣徽侍寵。產後半月。忽患浮腫。急召產科醫治。經半月不瘥。病勢轉劇。召杜治之。杜至曰。諸醫作何病。張曰。皆云水氣浮腫。杜曰。非也。且水氣發咳嗽。小便澀是也。今愛寵小便不澀。不作咳嗽。惟手足寒。乃血藏虛。氣塞不通流。面生浮腫。遂用益血和氣藥治之。旬日病去七八。經半月全愈。所用之藥。乃靈苑方牡丹散也。其方云。血藏風虛冷。今產科家多用此藥。治產後諸病如神。更名曰損金湯者是也。 牡丹散 方見產後血暈門

〔大〕加減吳茱萸湯。治婦人血藏虛。宿挾風冷。身面虛浮等疾。

吳茱萸 一兩半

桔梗

乾薑

甘草

麥冬 門

防風

半夏

細辛

當歸

赤茯苓

牡丹皮

桂心 各半兩

右為粗末。每服四錢。水一盞半。煎至七分。去渣。食前熱服。

〔丹〕產後風腫水腫。澤蘭防己等分。溫酒調下二錢。如不能飲者。醋調下亦可。 成氏方

調下亦可。 成氏方

小腹脹 胎前脹 產後脹

先腹大後四肢腫為脹。或獨腹大四肢不腫者。治法同。

〔無〕附子葶苈湯。治寒客皮膚。鼓鼓然而堅。腹大身腫。按之陷而不起。色不變。病名膚脹。一劑未知。再作。

大法

雜方

虛實
寒熱

補虛
行濕

大附子

一個重七錢者
生去皮臍半破

菘苳二兩

右以生薑二兩切。水二碗煎至一碗。去渣。分三服。空腹溫服。次日將前附子破作四片。再用菘苳二兩。姜一兩。如前煎服。停三日。復將附子作八片。如前煎服。

治鼓脹法。並見後行濕寒熱氣血諸條。皆其法也。

〔仲〕脹滿按之不痛為虛。痛者為實。可下之。腹脹時減復如故。此為寒。當與溫藥。腹滿不減。減不足言。須當下之。宜大承氣湯。

〔海〕脾虛滿者。黃芪湯。芍藥停濕脾實滿不運。平胃散。蒼朮泄濕

東垣云。腹脹滿氣不轉者。加厚朴以破滯氣。腹中旁悶。此非腹脹滿。乃散而不收。可加芍藥收之。是知氣結而脹。宜厚朴散之。散而脹。宜芍藥收之。

〔丹〕鼓脹大補中氣行濕。此乃脾虛之甚。必須遠音樂。斷厚味。朝寬暮急。血虛。暮寬朝急。氣虛。終日急。氣血皆虛。用大劑人參白朮。佐以陳皮蒼朮扶苓之類。有血虛者。四物行血。隨證加減。凡補氣必帶厚朴寬滿。腹脹必少佐厚朴者。蓋厚朴味辛。以氣聚于上。焦故也。氣不運。加木香。氣若陷下。用升麻柴胡以提其氣。水腫當補脾為主。白朮扶苓陳皮佐之。

鼓脹論 心肺陽也。居上。腎肝陰也。居下。脾居中亦陰也。屬土。經曰。

飲食入胃。遊溢精氣。上輸于脾。脾氣散精。上歸于肺。通調水道。下輸膀胱。水精四布。五經並行。是脾具坤靜之德。而有乾健之運。故能致心肺之陽。降腎肝之陰。升而成天地交之泰。是爲無病之人。今也七情內傷。六淫外侵。飲食失節。房勞致虛。脾土之陰受傷。轉輸之官失職。胃雖受穀。不能運化。故陽自升。陰自降。而成天地不交之否。于斯時也。清濁相混。隧道壅塞。氣化濁。血瘀鬱而爲熱。熱留而久。氣化成濕。濕熱相生。遂成脹滿。經曰鼓脹是也。以其外雖堅滿。中空無物。有似于鼓。其病膠固。難以治療。故又名曰蠱。若蟲侵蝕。有蠱之義。驗之治法。理宜補脾。又須養肺金以制木。使脾無賊邪之慮。滋腎水以制火。使肺得清化之令。却鹽味以防助邪。斷妄想。遠音樂。以保母氣。無有不安。醫者不察。病起于虛。急於取效。銜能希賞。病者苦於脹急。喜行利藥。以求一時之快。不知寬得一日半日。其腫愈甚。病邪甚矣。真氣傷矣。去死不遠。古方性禹餘糧丸。又名石中黃丸。又名紫金丸。制肝補脾。殊爲切當。亦須隨證。又須順時加減用之爲妙。予友俞仁叔儒而醫。連得家難。年近五十。得此疾。自製禹餘糧丸服之。予診其脈。弦濇而數。曰此丸新製。煅煉之火邪尙存。溫熱之藥太多。宜自加減。不可執方。俞咲曰。今人不及古人。此方不可加減。服之一月。口鼻出血。色黑骨立而死。楊元年五十。性嗜酒。病瘧半年。患脹病。自察必

禁利藥

補氣
血爲主

死來求治。診其脈弦而澹。重則大瘧未愈。手足瘦而腹狀如蜘蛛。遂教以參朮爲君。當歸川芎芍藥爲臣。陳皮黃連厚朴茯苓爲佐。生甘草些少。作濃湯飲之。一日定三帖。彼亦嚴守戒忌。一月後瘧得漸而愈。又半月。小便長而脹愈。中間雖少有加減。大意只是利氣行濕。又陳氏年四十餘。性嗜酒。大便時見血。于春間患脹。色黑而腹大。其形如鬼。診其脈數而澹。重似弱。予以四物加黃連黃芩木通白朮陳皮厚朴生甘草作湯與之。近一年而安。一補氣。一補血。餘藥大率相出入。皆獲安。以保天壽。或曰。氣無補法。子何補氣而獲安。果有說以通之乎。予曰。氣無補法。乃世俗之言也。蓋氣之爲病。痞悶壅塞。似難於補。恐增病勢。不思正氣虛者。不能運行。邪滯所着而不去。所以爲病。經曰。壯者氣行則愈。怯者著而成病。苟或氣怯。不用補法。氣何由行。或曰。子之藥審則審矣。何効之遲也。病者久在牀枕。將必厭子之迂。而求速効者矣。予曰。此病之起。或三五年。或十餘年。根深勢篤。欲求速効。自求禍耳。知王道者。能治此病也。或曰。脹病將終。不可與利藥乎。予曰。灼知其不因于虛。受病亦淺。脾胃尙壯。積滯不固。而又有可下之證。亦宜略與疏導。若援張子和濬川散禹功丸爲例。行迅攻之策。實所不敢。潘可達女年十九歲。稟受頗厚。患胸腹脹滿。自用下藥。利十數行。時脹無增減。來求治。診其脈皆大。略按卽散而無力。

全無數意。予曰。此有表證。反攻裏。當死。賴稟受好。時又在室。尚可挽。回壽損矣。急與四物湯。加人參。白朮。帶白陳皮。炙甘草。煎服。至半月後。病不退。又自用蘿蔔根。種煎湯。澡浴兩度。時腫稍增。予曰。表病攻裏。已自難救。今又虛其表。事急矣。于前藥去地黃。芍藥。加黃芪。倍白朮。大劑濃煎湯飲。又吞人參。白朮丸。十日後。如初病時。又因吃難化物。自利。以參朮為君。少加陳皮為佐。又與肉苳。薏苡。訶子為君。山查子為使。粥和作丸吞之。至四五十帖而安。一男子年四十餘。患瘧久而腹脹。脈不數而微弦。重取則來不滑利。輕重又皆無力。遂與索氏三和湯。三倍加白朮。入薑汁服之。數服而瘧愈。小便利。二三行。脹稍減。遂又小便短少。予作氣血兩虛。于前藥內入人參。牛膝。當歸。身尾作大劑料。百服而愈。

索氏三和湯三倍加白朮方

白朮

厚朴

陳皮各三兩

木通各二兩

檳榔

紫蘇各二兩

甘草

海金沙

大腹皮

白茯苓

枳殼各一兩

水煎服

〔海〕調胃白朮澤瀉散。治痰病化為水氣傳變。水穀不能食。

白朮半斤

澤瀉

芍藥

陳皮

茯苓

生薑

木香

檳榔各一兩

因積
成脹
者補
虛消

右爲末治腹腫如神。若心下痞加枳實。若心下盛加牽牛。
〔仲〕心下堅大如盤邊如旋杯。水飲所作。枳朮湯主之。

枳實十個

白朮二兩

右二味以水五升。煮取三升。分溫三服。腹中軟。卽當散也。

〔羅〕眞定王君用年一十九歲。病積。臍左連脇如覆杯。腹脹如鼓。多青絡脈。喘不得臥。時值暑雨。加之自利完穀。日晡潮熱。夜有盜汗。求予往治之。脈得浮數。按之有力。謂病家曰。凡治積非有毒之劑攻之。則不可。今脈虛弱如此。豈敢以常法治之。遂投分滲益胃之劑。數服而便清自調。雜以升降陰陽。進食和氣。而腹大減。胃氣稍平。間以消積之劑。不月餘。良愈。先師嘗曰。潔古老人有云。養正積自除。譬如滿座君子。縱有一小人。自無容地。今令眞氣實。胃氣強。積自消矣。

〔丹〕一婦人年三十六歲。家貧多勞。性偏急。自七月斷經後。八月小腹下有一塊。偏左如拳。有時塊起卽痛作。伏則勢減。至半月後。腹漸腫脹。食減。平時三分之二。無力。遇夜發熱。天明卽稍退。其脈得虛微短弱瀼。左尤甚。初與白朮一斤。帶白陳皮一斤。作二十帖。服以三聖膏貼塊上。經宿則塊軟。再宿則塊小。旬日後食稍進。熱減半。脈稍有力。又與白朮一斤。帶白陳皮半斤。酒當歸身半斤。木通三兩。每帖研桃仁九粒。盡此劑。病悉除。一婦人年五十餘歲。素好怒。因食燒豬

肉。次早面脹。絕不思食。倦怠。六脈沉瀼。獨左豁大。余作體虛有痰。氣爲疲所隔。不得降。當以補虛利痰爲主。每早以二陳湯加參朮大劑與一帖。服後探令吐出藥。辰巳時復與索氏三和湯一倍加白朮二帖。至睡後以神佑七丸。以撓其痰。去牽牛。如此服至一月而安矣。

金壽一安人。年七十一歲。好濕麵。得帶下病。亦惡寒淋瀝。醫與荷花鬚柴胡等藥。發熱。所下愈多。醫與縮砂豆蔻藥。以其食少也。腹滿脹氣喘。又與葶藶散。不應。又與再餘糧丸。病愈甚。醫又與崇土散。亦不應。予脈之。兩手洪瀼。輕則弦長而滑實。至是喘甚不得臥。此不是濕而釀成濕。在足太陰陽明二經。水穀之氣。爲濕所抑。不得上升。遂成帶下。理用升舉之劑。以補氣和血次之。而醫反與瀉燥。宜其展轉身病。遂與人參生肺之陰。以拒火毒。白朮以補胃氣。除濕熱。行水道。桃仁去汚生新。郁李仁行積水。以通草佐之。犀角屑解毒。消腫悶。檳榔治最高之氣。作濃湯吞下。保和丸藥。又疑素厚養。有肉積。加阿魏小丸同嚥之。四五日後。積氣漸消。腫漸下。又加補腎丸。以生腎水之真陰。又兩三日後。漸安而得睡。食有味矣。又兩日後。加與點丸。以驅逐肺家之積熱而愈。

一丈夫脾有熱。腎有虛。胃有積。得腫疾。或進或退。口乾或氣喘。醫逾月不退。脈軟而細。以其形肥。不以爲忌用。

白朮 錢四

芍藥

地黃 錢三

連翹

當歸 錢二

青皮 錢二

人參

木通

羌活

黃芩 錢各一

甘草

紅花 些

右分五帖。煎下保和丸。

楊生年三十。因瘧初安。淡食。豈腐齋飯成脹。在膈上。小便赤少。不思食。口渴。脈弦而澀。此胃中有瘀血用。

蘇梗 分三

木通 錢半

白朮 錢一

川芎

枳實

白芍 錢各五

甘草 錢二分

陳皮 分五

厚朴 分三

右研。益元散下保和丸五十粒。

一丈夫氣上肚或膨脹。此下虛所致。

陳皮 錢五

人參

歸鬚

白朮

連翹 錢各三

地黃

芍藥 錢各二

木通 錢半

甘草 分五

右分五帖。煎下保和丸。

木香化滯湯

白荳蔻 仁

陳皮

大腹子

白茯苓

砂仁

人參 錢各一

青皮

檳榔

木香

薑黃各二錢

白朮一錢

甘草炙四分

白檀二分

藿香葉二分

桔梗五分

右為細末。水一大盞二分。煎至一盞。稍熱服。食前沸湯點服亦得。

右方治因積滯成脹。皆以參朮朴通等煎湯補虛行濕。下神佐阿

魏等丸消積。所謂攻補兼施者也。

小溫中丸治脹。是脾虛不能運化。不可下之。

陳皮

半夏湯泡去皮臍

神麴炒

茯苓各一兩

白朮二兩

香附子不要烘晒

針砂各一兩半醋炒紅

苦參炒

黃連炒各半兩

甘草三錢

右為末。醋水各一盞。打糊為丸。如桐子大。每服七八十九丸。白朮六

錢。陳皮一錢。生薑一片。煎湯吞下。虛甚加人參一錢。各用本方去

黃連加厚朴半兩。忌口。病輕者服此丸六七兩。小便長。病甚者服

一斤。小便始長。

〔無〕禹餘糧丸。治十種水氣。脚膝腫。上氣喘滿。小便不利。但是水氣。

悉皆主之。許學士及丹溪皆云。此方治膨脹之要藥。

蛇含石

大者三兩以新鉄銚盛入炭火中燒蛇黃與銚子一般紅用鉄取蛇黃傾入醋中候冷取出研極細

禹餘糧三兩

眞針砂

五兩先以水淘淨炒乾入禹餘糧一處用米醋二升就銚內煮醋乾為度後用鉄并藥入炭中燒紅銚出傾藥淨磚

地上候冷研細

以三物爲主。其次量人虛實入下項。治水多是取轉惟此方三物既非大戟甘遂芫花之比又有下項藥扶持故虛人老人亦可服

羌活

牛膝酒浸

蓬朮炮

京三稜炮

木香

桂心

附子炮

白茯苓

茯苓

白芷炮

乾薑炮

當歸酒浸一宿各半兩

川芎

大茴香炒

青皮

右爲末。拌勻。以湯浸蒸餅搥去水。和藥再搗極勻。丸如桐子大。食前溫酒白湯送下。三十九丸至五十九丸。最忌鹽。一毫不可入口。否則發疾愈甚。但試服藥。卽於小便內旋去。不動臟腑。病去日日三服。兼以溫和調補氣血藥助之。眞神方也。

〔丹〕脈堅實。人壯盛者。或可用攻藥。便收拾白朮爲主。

〔垣〕中滿治法。開鬼門。潔淨府。開鬼門者發汗也。潔淨府利小便也。又中滿者瀉之於內。謂脾胃有病。當令上下分消其氣。下焦如瀆。氣血自然分化。不待洩滓穢。如或大實大滿。大小便不利。從權以寒熱藥下之。或傷酒濕麵。及味厚之物。膏粱之人。又或食已便臥。使濕熱之氣不得施化。致令腹脹滿。此亦是熱脹也。治熱脹分消丸主之。
〔仲〕氣分心下堅大如盤。邊如旋杯。水飲所作。桂枝去芍加麻辛附子湯主之。

桂枝

生薑三兩

甘草一兩

大棗十二個

麻黃

細辛各二兩

附子一個

右七味。以水七升。煮麻黃去上沫。內諸藥。煮取二升。分溫三服。當汗出。如蟲行皮中。即愈。

〔聖〕牛黃琥珀丸。治水腫腹大。氣息不通。危急者。神效。

牛黃

琥珀

椒目沉水者

葶藶炒紫色各三分

昆布洗炙

海藻洗炙各一兩一錢

牽牛炒

桂各一兩

右七味為末。另研葶藶如泥。一處拌勻。煉蜜丸如桐子大。每服十五丸。米飲下。以小便利為度。日再服。河間方有麝香龍膽。無琥珀。易名苦葶藶膏。治法與此方同。

〔仲〕腹滿口舌乾燥。此腸胃間有水氣。防己椒蘆丸主之。

防己

椒目

葶藶炙

大黃各一兩

右四味末之。蜜為丸。如桐子大。先食飲服十丸。日三服。稍增。口中自有津液。渴者加芒硝五錢。

〔無〕葶藶丸。治腫滿腹大。四肢枯瘦。小便澀濁。

甜葶藶隔紙炒

薺菜根等分

右為末。蜜丸如彈子大。每服一丸。陳皮湯嚼下。只三丸。小便清。數丸當依舊。已上葶藶椒目行濕

氣壯
因積
成脹
者但
始積

〔羅〕白丸子治單腹脹神效。方見水脹門

〔潔〕治水氣蠱脹。潔淨府。楮實子丸。

楮實子 一斗水二斗熬成膏子

白丁香 一兩 茯苓 三兩

右二味爲末。用楮實膏爲丸。如桐子大。不計丸數。從少至多。服至小便清利及腹脹減爲度。次服中治丸。未治藥調養疎啓其中。忌甘苦峻補其下。宜五補七宣丸。白丁香爲行編之劑中治丸即白朮散用白朮薄湯等分以爲末。茯苓煎湯調下。未治即黃芪建中之類方並見水腫門

之類方並見水腫門

〔世〕治蠱用蝦蟆一枚。去內腸。入螻蛄七個。新瓦上焙乾爲末。丸酒服。如無螻蛄。用縮砂七粒。本草云。蝦蟆味辛寒。有毒。主邪氣。破癥瘕。

〔素〕黃帝問曰。有病心腹滿。且食則不能暮食。此爲何病。岐伯對曰。名爲鼓脹。帝曰。治之奈何。岐伯曰。治之以雞矢醴。一劑知。二劑已。帝曰。其時有復發者何也。岐伯曰。此飲食不節。故時有病也。雖然。其病且已時。故當病氣聚于腹也。腹中論王註。雞矢大利小便微寒。用雞矢服之。潔古云。以酒調服。

〔無〕五積久必心腹脹滿。肝爲肥氣。心爲伏梁。肺爲息奔。脾爲痞氣。腎氣奔豚。如斯之類。從五積法治之可也。

〔丹〕朱恕入哥肚腫。因濕氣起。自五月。能飲酒。左脇有塊。兩足時有腫。

白朮

三稜 醋炒

木通

陳皮

卷二十四 脾胃部

四一

大腹皮

赤茯苓

海金沙各五分

甘草二分

炒朴五分

肉桂三分

煎湯下保和丸三十。溫中丸三十。抑青丸十九。

〔垣〕廣茂瀆堅丸。治中滿腹脹。內有積堅硬如石。形如盤。令人坐臥不寧。大小便澹滯為喘。氣促。面色痿黃。

厚朴五分

黃芩五分

黃連六分

草薺五分

益智五分

半夏七分

蓬朮二分

甘草生

紅花錢一

柴胡

升麻

吳茱萸

澤瀉各二分

神麩三分

歸梢五分

青皮二分

陳皮一分

葛根四分治虛渴

右剉。如麻荳大。水二盞。煎至一盞。去渣。稍熱服。忌酒麪。二服之後。中滿減半。止有積不消。再立方。名曰半夏厚朴湯。

厚朴八分

半夏錢一

吳茱萸

肉桂

紅花

黃連各一分

桃仁七分

蘇木五分

京三稜

蒼朮

白朮

柴胡

葛根不用

甘草生各三分

歸梢

豬苓

乾薑

升麻各四分

草薺錢二

澤瀉六分

木香

青皮

陳皮

黃芩生各二分

昆布少 神麩

右劉如麻苳大。作一服。依前煎服之。禁忌如前。服此藥一二服後。前證又減一半。却於前藥中加減之。

厚朴五分 黃芩二分 甘草炙五分 吳茱萸一分

益智二分 砂仁一分 荳蔻三分 半夏四分

黃芪四分 紅花少 歸梢錢一 黃連一分

右劉如麻苳大。作一服。水二大盞。煎至一盞。去渣。稍熱服。食前。忌苦寒藥。泄大便。又忌魚兔肉。并鹽物房事等項。

〔丹〕心腹膨脹。內多食積所致。

南星牛一兩 半夏 瓜蒌仁研末爛 香附童便

黃連薑炒各二兩 礞石煨 蘿蔔子錢五 麝香少

連翹錢五 右用麪糊爲丸。

腹腫不寬滿。食肉多。

黃連一兩 阿魏牛兩醋浸搗細

作糊丸。同溫中丸。白朮湯送下。

食肉多。腹脹。用三補丸料內加香附半夏麩蒸餅丸服。三補方見治寒熱

〔世〕四炒枳殼丸。治氣血凝滯。腹內蠱脹。

枳殼四兩去穢切作指面大塊分四處一兩用蒼朮一兩同炒黃去蒼朮一兩用蘿蔔子一兩同炒黃去蘿蔔子一兩用乾漆一兩同炒黃去乾漆一兩用茴香一兩同炒黃去茴香

香止用枳
壳為細末

右用原炒蒼朮蘿蔔子乾漆茴香四味。同水二碗。煎至一碗。去渣。煮麪糊為丸。如桐子大。每服五十九丸。食後米飲下。

〔孫〕殿中丞某郎中妹十歲。腹痛色不變。按之而大陷。心腹痞膈。病已月餘。按甲乙經云。三焦脹者。氣滿于皮膚中。殼然石堅。遂與仲景方。厚朴生薑二兩。半夏七錢。甘草半兩。人參一錢。每用藥一兩五錢。水煎分三服。一日服之。至二十日愈。

〔潔〕棗二斗。置鍋內。入水約四指。用大戟并根苗蓋遍。盆合之煮熟。為度。去大戟不用。旋旋吃棗。無時。棗盡。決効如神。

〔丹〕大戟為丸。棗肉丸。每七丸泄利小水。却快實者。
〔垣〕沉香交泰丸。治脹大便秘結。脈沉之洪。緩浮之弦者。

沉香

白朮各三錢

枳實炒一錢

厚朴姜製五錢

萊菔湯泡

白茯苓

澤瀉

陳皮

當歸各二錢

大黃酒浸一兩

青皮

木香各二錢

右為細末。湯浸蒸餅為丸。桐子大。每服五十九丸。加至七八十九丸。溫湯下。食後微利止。

沉香海金沙丸。治一切積聚。脾濕腫脹。肚大青筋。羸瘦惡證。

海金沙五錢

沉香二錢

輕粉一錢

牽牛末一兩

右為末。研獨科蒜如泥為丸。如桐子大。每服三十丸。加至五十丸。煎百沸燈心通草湯空腹送下。更量虛實加減丸數。取利為度。
〔潔〕治腫木香散。治水腫脹大如鼓。或遍身皆腫。

木香

大戟

白牽牛各等分

右細末。用猪腰子一雙。批片摻末在內。煨熟。空心服之。如食左腰子則搗左臂。如食右腰子搗右臂。如腫不能全去。于肚上撓臍滿腹。塗甘遂細末。却飲甘草水少許。其腫便去也。

〔竹〕香棗丸。治蠱氣病有十種。苦丁香為細末。用熟棗為丸。如桐子大。每服三十丸。煎棗湯送下。空心服之。立效。三服大愈。

〔仲〕病腹滿發熱十日。脈浮而數。飲食如故。厚朴七物湯主之。

厚朴半斤

甘草

大黃各三兩

大棗十枚

枳實五兩

桂枝三兩

生薑五兩

右七味。以水一斗。煮取四升。溫服八合。一日三服。嘔者加半夏五合。下利去大黃。寒多者加生薑至半斤。右下脹諸方。蓋本于經。所謂泄之則脹已之旨也。

〔丹〕治脹專主濕熱。治法見前補虛行濕條。

〔垣〕諸腹脹大。皆屬于熱論。此乃入益之邪。有餘之證。自天外而入。感風寒之邪。自表傳裏。寒變為熱。作胃實腹病。日晡潮熱。大渴引

飲。讖語。足太陽陽明併大實大滿者。大承氣湯下之。少陽陽明微滿實者。小承氣湯下之。內經曰。泄之則脹已。此之謂也。又熱論云。傷寒變爲熱。故下之不脹者。以明寒因寒用。故曰下之脹已。非陰盛生內寒。胃寒脹滿之病。假令痰瘧爲脹滿。亦有寒脹熱脹。是天之邪氣傷暑而得之。不卽時發。至秋發者何也。暑天當時助正氣。故邪不能發。至秋暮暑氣衰絕。而瘧病作矣。知其寒也。局方用交解飲子者是也。此天之邪氣。雖有餘病。痰瘧猶以爲寒。况不足病爲脹滿者乎。是知腹脹多爲寒病也。何以言之。脈經云。胃中寒則脹滿。靈樞經云。夫飲食不節。起居不時。未傳寒中。又云。腹脹滿。胃脘當心而痛。上支兩脇。膈咽不通。飲食不下。取胃之三里。又云。濁氣在上。則生臌脹。靈樞經云。脹取三陽。三陽者。足太陽膀胱寒水爲脹。與內經通評虛實論說腹暴滿按之不下。取足太陽經絡者。胃之募也。正同。又云。腹滿臌脹。支膈祛脇。下厥上冒。過在太陰陽明。此乃胃中寒熱鬱遏也。又云。太陰之厥。則腹滿臌脹。後不利。不欲食。食則嘔不得臥。按內經所說寒脹多如此。老夫但略舉其端。其病者不悟寒脹之多。一切脹滿病作熱治之。多用三花神佑丸。大黃牽牛之類下之。或藥病不相應。立致夭折。由是論之。當從靈樞素問乎。當從俗醫胸臆之論乎。今立治中滿臌脹。寒脹一方。熱脹一方。評而用之。使上下分消其氣可也。

中滿分消湯治

寒脹分消丸治熱
脹二方並見後條

〔靈〕胃中寒。則腹脹。胃中寒。腸中熱。則脹而且泄。師傳 適寒涼者

脹。下之則脹已。五常政論○東垣沉香
海金沙丸方見脈實篇 陰并于下則足寒。足寒則脹也。厥論

〔垣〕濁氣在上。則生腹脹。陰陽應象論云。清氣在下。則生殄泄。濁

氣在上。則生腹脹。此陰陽反作病之逆從也。夫腹脹者。以寒熱溫涼

論之。此何脹也。曰此飲食失節。而脾胃受病之始也。濕熱亦能為脹。

右關脈洪緩而沉弦。脈浮于上。是風濕熱三脈相合而為病也。是脾

胃之令不行。陰火亢甚。乘于脾胃。盛則左遷而陽道不行。是六腑之

氣已絕于外。火盛能令母實。風氣外絕。風氣外絕者。是穀氣入胃。清

氣營氣不行。便是風氣也。異呼同類。即胃氣者是也。經云。虛則兼其

所勝。土不勝者。肝之邪也。是脾胃之土不足。木火大勝者也。經云。濁

陰出下竅。濁陰走五臟。濁陰歸六腑。濁陰歸地。此平康不病之常道。

反此則為脹也。陰陽論云。飲食不節。起居不時者。陰受之。陰受之則

入五臟。入五臟則膜脹閉塞。調經篇云。下脘不通。則胃氣熱。熱氣薰

胸中。故內熱。下脘者。幽門也。人身之中。上下有七衝門。皆下衝上也。

幽門上衝吸門。吸門者。會厭也。衝其吸入之氣。不得下歸于腎。肝為

陰火動相拒。故咽膈不通。致濁陰之氣不得下降。而大便乾燥不行。

胃之濕與客陰之火俱在其中。則腹脹作矣。治在幽門。使幽門通利。

大熱消散中寒為臣。以厚朴木香蒼朮青皮之辛苦大溫。通順滯氣。以陳皮當歸人參辛甘溫。調和榮衛。滋養中氣。濁氣不降。宜以苦洩之。吳茱萸之苦熱洩之者也。氣之薄者。為陽中之陰。茯苓甘平。澤瀉酸平。氣薄引濁陰之氣自上而下。故以為佐。氣味相合。散之洩之。上之。下之。使清濁之氣各安其位也。

右治脈弦細脇痛而脹。

中滿分消湯。治中滿寒脹寒疝。大小便不通。陰燥足不收。四肢厥逆。食入反出。下虛中滿。腹中寒。心下痞。下焦燥。寒沉厥。奔豚不收。二服愈。

黃芪五分

益智

半夏各三分

川烏一分

吳茱萸

草薺各五分

人參

木香

青皮

當歸

黃連各二分

厚朴五分

茯苓

澤瀉

生薑

麻黃各二分
不去節

升麻三分

柴胡梢

乾薑

萆澄茄各二分

黃柏五分

右剉。如麻豈大。作一服。水二盞。煎至一盞。去渣稍熱服。食前。大忌房勞酒麪生冷硬物油膩。

〔丹〕治大人小兒。因食果子多而腹脹氣急者。肉桂細米飯丸。葶藶大。每服十丸。小兒五粒。熱水下。經論方

〔垣〕靈樞經云。腹滿大便不利。上走胃臆。喘息喝喝然。取足少陰。取者瀉也。宜以辛熱散之。

良薑

肉桂

益智

草薺薏仁

厚朴

升麻

甘草

獨活使

黃柏少許引用

又方桂枝

桔梗

人參

青皮少許

陳皮

良薑

白朮

澤瀉

吳茱萸

四肢濕腫。宜繆刺先瀉其血結。後調其真經。謂刺去其血結是也

〔千〕治心腹脹滿短氣。以草薺薏一兩。去皮為細末。生薑湯調下五分。

〔垣〕太陰所至為畜滿。辨云。脾為陰中之太陰。又云。脾為陰中之

至陰。乃為坤元。亘古不遷之土。天為陽火也。地為陰水也。在人則為

脾。同陰水之化。脾有餘則腹脹滿。食不化。故無陽則不能化五穀。脾

盛乃大寒為脹滿。故脈經云。胃中寒則脹滿。大抵此病皆水氣寒濕

為之也。治宜大辛熱之劑必愈。然亦有輕重。

口渴
腫脹
熱

木香塌氣丸治中滿腹脹。下焦虛損者。

蘿蔔子炒

陳皮去白各五錢

胡椒二錢

草苴蕪面裹煨

木香

青皮各一錢

蠟槍去毒二錢半

右為細末。水調為丸。如桐子大。每服三十丸。溫米飲下。忌油膩。服白粥百日。重者一年。小兒丸如麻子大。桑白皮湯下十九丸。日三服。大人陰囊洪腫冰冷。須用青鹽乾薑白麩各二錢。水和膏攤紙上塗貼。

諸脹腹大皆為熱。全文 諸病有聲。鼓之如鼓。皆屬于熱。

〔垣〕中滿分消丸。治中滿熱脹鼓脹氣脹水氣脹大熱脹。有寒者不洽。

黃芩炒

黃連各五錢炒

薑黃

白朮

人參去蘆

甘草炙

猪苓去皮各一錢

白茯苓去皮

砂仁各二錢

枳實炒

半夏湯泡各五錢

乾薑二錢

厚朴去皮炒一兩

知母炒四錢

澤瀉二錢

陳皮三錢

右共為細末。水浸蒸餅為丸。如桐子大。每服一百丸。焙乾。白湯下。食後。寒因熱用。故焙服。

〔丹〕有第二小娘食積挾濕。手足生瘡。腹滿面浮。口渴食少。膈滿。小便少。大便實。

大腹皮

乾葛各二錢

黃芩錢五

陳皮錢五

厚朴三錢

川芎三錢

炙甘草錢一

白朮兩一錢

木通兩半

薑三片煎服

南二孺人面浮肚脹

蒼朮錢五

黃柏三錢

白朮兩半

陳皮錢一

木通錢二

川芎分五

滑石半炒錢

甘草二錢

厚朴分五

裴孺人年五十二歲。氣上膈滿。食少。此積熱生濕。診得左三部瀯小。右三部微數。重取稍大。喜得無弦脈。為可治之病。

白朮兩一

青皮三錢

陳皮

厚朴各五錢

大腹皮二錢

片苓炒

木通錢五

蘇梗

川芎各三錢

桂枝三錢

甘梢半錢

分十帖。薑二片。煮飲之。煎渣之湯下保和三十丸。

〔經〕患腹脹滿。奔悶。掘山梔根少許。煎水調一盞服。女人血氣腹腫。以山梔根末三錢。熱酒空心服之。

〔仲〕寸口脈遲而瀯。遲則為寒。瀯則為血不足。跌陽脈微而遲。微則為氣。遲則為寒。寒氣不足。則手足逆冷。手足逆冷則榮衛不利。榮衛

不利則腹滿腸鳴。相逐氣轉。膀胱榮衛俱勞。陽氣不通。即身冷。陰氣

不通即骨寒。陽前通則惡寒。陰前通則痺不仁。陰陽相得。其氣乃行。大氣一轉。其氣乃散。實則失氣。虛則遺尿。名曰氣分。

氣分謂氣不通利而脹。血分謂血不通利而脹。非脹病之外。又別有氣分血分之病也。蓋氣血不通利。則水亦不通利而尿少。尿少則腹中水漸積而為脹。但氣分心下堅大。而病發于上。血分血結胞門而病發于下。氣分先病水脹後經斷。血分先經斷後病水脹也。血分治法見水腹脹門

腹滿臃脹。支滿注溢。下厥上冒。過在足太陰陽明。全文見治虛實條

〔素〕太陰所謂病脹者。太陰子也。十一月萬物氣皆藏于中。故曰病

脹。脈解篇

右脾胃脹。治法見前補虛行濕條諸方是也。

腎氣實則脹。全文見治虛實條 一一陰一陽發病善脹。心滿善氣。全文見診病傳變

運氣脹有七。

一曰濕助脾盛而脹。經云。諸濕腫滿。皆屬脾土。又云。歲土太過。甚則飲食中滿。又云。歲土不反。濕乃大行。民病腫滿。又云。土鬱之發。民病心腹脹滿。腸鳴。又云。太陽司天。寒氣下臨。濕氣變物。水飲內畜。中滿不發。甚則附腫。治以諸熱是也。

二曰風攻脾虛而脹。經云。厥陰在泉。風淫所勝。病腹脹。治者辛涼是

也。

三曰寒脹。經云。水太過曰流衍。流衍之紀。其病脹。又云。歲水太過。寒氣流行。甚則腹大脛腫。又云。水鬱之發。民病痞堅腹滿。又云。太陽之勝。皮膚痞腫腹滿。又云。太陰司天之政。民病寒濕腹滿。身臃附腫。三之氣。感于寒濕。民病附腫胸腹滿。治以諸熱是也。

四曰燥脹。經云。陽明之復。腹脹而洩。治以溫劑是也。

五曰寒鬱熱于中而脹。經云。陽明司天之政。初之氣。寒雨化。其病中熱脹。又云。太陽司天之政。二之氣。大涼反至。火氣遂抑。民病氣鬱中滿是也。

六曰寒熱相薄而脹。經云。少陰司天之政。水火寒熱。接于氣交。民病腹脹大。又云。太陰司天之政。四之氣。寒風曉暮。蒸熱相搏。民病心腹滿。熱臃脹。甚則附腫是也。

七曰火鬱之發脹。經云。火鬱之發。民病脇腹胸背面首四肢臃憤臃脹是也。

〔梅〕治腹滿不能服藥導引方。取獨蒜煨熟。去皮。納下部。冷卽易。

〔靈〕黃帝曰。脈之應于寸口。如何而脹。岐伯曰。其脈大堅以濇者。脹也。黃帝曰。何以知臟腑之脹也。岐伯曰。陰爲臟。陽爲腑。黃帝曰。夫氣之令人脹也。在于血脈之中邪。臟腑之內乎。岐伯曰。二者皆存焉。然

非脹之舍也。黃帝曰：願聞脹之舍。岐伯曰：夫脹者，皆在于臟腑之外，排臟腑而郭胸脇，脹皮膚，故命曰脹。黃帝曰：臟腑之在胸脇腹裏之內也，若匣匱之藏禁器也，各有次舍，異名而同處，一域之中，其氣各異，願聞其故。岐伯曰：夫胸腹臟腑之郭也，膈中者，心主之宮城也，胃者，太倉也，咽喉小腸者，傳送也，胃之五竅者，閭里門戶也。廉泉玉英者，津液之道也，故五臟六腑者，各有畔界，其病各有形狀。黃帝曰：願聞脹形。岐伯曰：夫心脹者，煩心短氣，臥不安。甲乙經云：心缺主之，亦取列缺。肺脹者，虛滿而喘欬。甲乙經云：肺輪主之，亦取太淵。肝脹者，脇下滿而痛引小腹。甲乙云：肝俞主之，亦取太衝。脾脹者，善噦，四肢煩惋，體重不能勝衣，臥不安。甲乙云：脾俞主之，亦取太白。腎脹者，腹滿引背，央央然腰脾痛。甲乙云：腎俞主之，亦取太谿。胃脹者，腹滿，胃皖痛，鼻聞焦臭，妨于食，大便難。甲乙云：中皖主之，亦取章門。大腸脹者，腸鳴而痛濯濯，冬日重感于寒，則飧洩不化。甲乙云：天樞主之，亦取章門。小腸脹者，少腹脹，引腰而痛。甲乙云：中樞主之，亦取天樞。膀胱脹者，少腹滿而氣癢。甲乙云：曲骨主之，亦取中樞。三焦脹者，氣滿于皮膚中，輕輕然而不堅。甲乙云：石門主之，亦取中樞。膽脹者，脇下痛脹，口中苦，善太息。甲乙云：膽主之，亦取中樞。凡此諸脹者，其道在一，明知逆順，針數不失，瀉虛補實，神去其室，致邪失正，真不可定，粗之所敗，謂之天命。補虛瀉實，神歸其室，久塞其空，謂之良工。黃帝曰：脹者焉生，何因而有。岐伯曰：衛氣之在身也，常然並脈循分肉，行有逆順，陰陽相隨，乃得天和，五臟更始，四時循序，五穀

乃化。然後厥氣在下，榮衛留止，寒氣逆上，真邪相攻，兩氣相搏，乃合為脹也。榮氣循脈，衛氣逆為脈脹。衛氣並脈，循分為膚脹。三里而瀉。

近者一下，遠者三下，無問虛實。工在疾瀉。榮衛循脈至此三十九字原誤在病

里而瀉之上當有脫簡甲乙云凡五瀉六各有形之下黃帝曰願聞之上有三

腑之脈皆取三里三里者脹之要穴也黃帝曰：善。何以解惑？岐伯曰：合之于真。

三合而得。帝曰：善。黃帝曰：脹論言無問虛實，工在疾瀉。近者一下，遠

者三下。今有其三而不下者，其過焉在？岐伯曰：此言陷于肉，而中

氣穴者也。不中氣穴，則氣內閉，針不陷，則氣不行。上越中肉，則衛

氣相亂，陰陽相逐。其于脹也，當瀉不瀉，氣故不下。三而不下，必更其

道。氣下乃止，不下復始。可以萬全。烏有殆者乎？其于脹也，必審其膠。

當瀉則瀉，當補則補。如鼓應桴，惡有不下者乎？張論

刺灸脹有七法

其一取血絡。經云：膚脹先取脹之血絡是也。

其二取胃。經前篇脹論所謂三里而瀉。近者一下，遠者三下，無問虛

實。工在疾瀉。是其一法也。又云：胃者水穀之海，其輸上在氣街，下至

三里。水穀之海有餘則腹滿，審守其輸，調其虛實。又云：胃病者，腹脹

脹，取之三里也。又云：胃足陽明之脈，是動則病，賁響腹脹，胃中寒則

脹滿，視盛虛熱寒，陷下取之，是脹病大法。皆瀉胃穴三里也。

其三取脾。經云：腹滿食不化，腹響響不能大便，取足太陰。又云：脾足

其

太陰之脈。是動病腹脹噎噫。視盛虛熱寒。陷下取之。又云。脾虛則腹滿。腸鳴飧洩。取其經太陰陽明少陰血者。又云。足太陰之別。名曰公孫。去本節之後一寸。別走陽明。其別者入絡。腸胃虛則鼓脹。取之所別也。是脹之虛者。多補足太陰脾穴也。

其四取腎膀胱。經云。腎病者。腹大脛腫。取其經少陰太陽血者。又云。腎藏志。志有餘則腹脹飧洩。瀉然筋血者。又云。邪在腎。則病腹脹腰痛。大便難。取之湧泉崑崙。是有血者盡取之。又云。腹滿大便不利。腹大亦上走胸噎喘息喝喝然。取足少陰。又云。男子如蠱。女子如阻。身體腰脊如解。不欲飲食。先取湧泉見血。是跗上盛者盡見血也。又云。脹取三陽。是脹病多瀉腎經諸穴也。

其五取三焦委陽穴。經云。三焦病者。腹氣滿。小腹尤堅。不得小便。窘急。溢則水留。卽爲脹。取委陽是也。蓋不得小便。則水無所泄。其水溢出。皮膚腫者爲水。其水留于腹中。獨腹脹者爲脹也。

其六取肺。經云。振寒洒洒鼓頷不汗出。腹脹煩悵。取手太陰是也。其七取厥病成脹。經云。陽明之厥。腹滿不得臥。太陰之厥。腹滿腹脹。少陰之厥。腹滿心痛。厥陰之厥。少腹腫痛。腹脹。盛則瀉之。虛則補之。不盛不虛。以經取之是也。

〔秘〕鼓脹之狀。腹身皆大。

臍上下左右。

各刺二寸二分

中腕

通關三里

手 膚脹之狀。空而不堅。腹身盡腫。按之陷而不起。 太白 公孫

復溜 絕骨 三里 分水

〔玉〕腹脹。 分水半二寸 氣海 三里 三陰交 人中 腹脹并

兩足有水。 內庭五分瀉灸 臨泣三分瀉用香油抹穴可出一身之水

〔摘〕腹暴脹。按之不下。 中脘 氣海 三里

〔世〕單蠱脹。氣喘。 水分在分水旁各一寸半針入二寸半灸五十壯

又法。 分水 三里 行間 內庭 右關 氣海各灸二十七壯

〔東〕腹脹臍突。缺盆中滿。尻腰腫。 大敦 天牖 崑崙

〔甲〕寒氣腹滿。癢淫澀。身熱。腹中積聚。疼痛。衝門主之。 腹滿響響

然不便。心下有寒痛。商丘主之。 腹脹善滿。積氣。關門主之。 腹中

氣盛。腹脹逆不得臥。陰陵泉主之。 腹脹腸鳴。氣上衝胃。不能久立。

腹中痛。濯濯。冬日重感于寒。則洩。當臍而痛。腸胃間遊氣。切痛。食不

化。不嗜食。身腫。俠臍急。天樞主之。 腹中有大熱不安。腹有大氣相

和。挾暴腹脹。滿癢淫澀。氣衝主之。 腹滿痛不得息。正臥屈一膝。伸

一股。並氣衝針入三寸。氣至瀉之。 腸中寒。脹滿。善噫。聞食臭。胃氣

不足。腸鳴。脹滿。腹痛洩。食不化。心下脹。三里主之。 大腸有熱。腸鳴

腹滿。俠臍痛。食不化。喘不能久立。巨虛上廉主之。 腹滿不嗜食。衝

陽主之。 寒腹滿脹。厲兌主之。 男子如蠱。女子如阻。寒熱少腹偏

腫陰谷主之。胃中寒脹。食多身體羸瘦。腹中滿而鳴。腹臘風厥。胸脇痞滿。嘔吐。脊急痛。筋攣。食不下。胃輸主之。頭痛。食不下。腸鳴。臘脹欲吐。時泄注。三焦俞主之。腹滿臘脹。大便泄。意舍主之。臘脹水腫。飲食不下。多寒。胃倉主之。腹滿不能食。刺脊中。寒中傷飽。食飲不下。五臟臘滿脹。心腹胸脇痞滿。脈虛則生百病。上脘主之。腹脹不通。寒中傷飽。食飲不化。中脘主之。水腫水氣行皮中。陰交主之。水腫腹大。水脹水氣行皮中。石門主之。腹滿胃中有熱。不嗜食。懸鍾主之。

〔素〕脈盛而緊曰脹。

平人氣象論○脹論
脈大堅以滿為脹

唇偏舉者脾偏傾。脾偏傾則善滿善脹。

全文見診生死下同○脹或兼身
見診

腹脹身熱脈大是逆也。如是者。不過十五日死矣。

清脫形洩甚。是逆也。如是者。不及一時死矣。

熱或兼如瘧狀皆不可治累驗

腹脹便血。其脈大。時絕。是逆也。嘔咳腹脹。且殞泄。其脈絕。是逆也。少陰終者。面黑齒長而垢。腹脹閉。上下不通而終矣。太陰終者。腹脹閉。不得息。善噫。善嘔。嘔則逆。逆則面赤。不逆則上下不通。不通則面黑皮毛焦而終矣。

少腹脹滿

少腹脹滿

臍下脹滿是也。若先臍下滿。漸延及臍上滿者。亦用此法。

石水

〔無〕澤漆湯治石水。四肢瘦。腹腫不喘。其脈沉。

澤漆洗去腥

桑白皮

射干洗

黃芩

茯苓

白朮各四兩

澤瀉

防己各二兩

右咬咀。每服五錢。水三盞。烏荳一合。煎二盞。入藥同煎七分。去渣。空腹溫服。日三。

〔聖〕治腹堅脹滿。號石水。方用白石英十兩。搥大豆大。以甕瓶盛。用好酒三斗。浸以泥。重封瓶口。用馬糞及糠火燒之。長令酒小沸。從卯至午。即住火候。次日煖一中盞飲。日可三度。如吃酒少。隨性飲之。其白石英可更一度燒之。

〔素〕陰陽結邪。多陰少陽。曰石水。少腹脹。腎肝并沉為石水。大奇論

腎脈微大為石水。起臍已下至小腹。腫腫然上至胃脘。死不治。

〔靈〕腸覃寒氣客于腸外。與衛氣相搏。氣不得榮。因有所繫。癖而內着。惡氣乃起。瘕肉乃生。其始生也。大如鷄卵。稍以益大。至其成如懷子之狀。久者離歲。按之則堅。推之則移。月事以時下。此其候也。

〔羅〕晞露丸。治寒傷于內。氣凝不流。結于腸外。久為癥瘕。時作疼痛。腰不得伸。

京三稜

廣茂各一兩

乾漆五錢洗去腥

茴香三錢鹽炒

礪砂四錢另研

輕粉一錢另研

川烏半兩炮去皮臍

青皮三錢去白

石瘕

雄黃另研三錢 川山甲炮二錢 麝香五分另研 巴荳三十粒去皮同廣藜三錢炒令深黃色去巴豆不用

右除另研四味外餘為細末和勻生薑汁糊為丸桐子大每服一二十丸溫生薑湯送下溫酒亦得食前。

〔無〕烏喙丸治腸覃亦治乳餘。

烏喙炮去支尖一錢

半夏湯洗四錢

石膏煨

藜蘆炒

牡蒙

茯苓酒煨

桂心

乾薑炮各一錢

巴荳七個研膏

右末蜜丸如棗荳大每服三五丸食後酒飲任下亦治男子疝病經云石瘕生於胞中寒氣客于子門子門閉氣不得通惡血當瀉不瀉以留止日以益大狀如懷子月事不以時下皆生于女子可導而下之。

〔聖〕見曉丹治寒客于下焦血氣閉塞而成瘕空大必不消者。

附子四錢炮去皮臍

鬼箭羽三錢

澤瀉

肉桂

玄胡索

木香各一錢

紫石英一錢

檳榔二錢半

血竭錢半另研

水蛭炒一錢半烟盡

桃仁湯浸去皮炒黃三十個

京三稜剉五錢

大黃剉碎一錢同京三稜酒浸一宿焙乾

右除血竭桃仁外同為細末和勻用原浸酒打糊為丸桐子大每服十丸溫醋湯送下溫酒亦得食前。

〔無〕石莢散。治婦人血結胞門。或為瘕。瘕在腹脇間。心腹脹滿腫急。如石水狀。俗謂之血蠱。

紫石英兩一

歸尾

馬鞭草各五錢

紅花炒半兩

烏梅肉五錢

蓬朮炮

三稜炮

蘇木節

治藥

琥珀研各一錢

甘草一錢

右為末。濃煎。蘇木酒調下二錢。不飲酒。薑湯調服。

〔脈〕問曰。病有血分水分。何謂也。師曰。經水前斷後病水。名曰血分。此病為難治。先病水後經水斷。名曰水分。此病易治。何以故。去水其經自當下。水分即氣分也

〔仲〕寸口脈沉而遲。沉則為水。遲則為寒。寒水相搏。跌陽脈伏。水穀不化。脾氣衰則驚漉。胃氣衰則身體腫。少陽脈卑。少陰細。男子則小便不利。婦人則經水不通。經為血。血不利則為水。名曰血分是也。師曰。寸口脈沉而數。數則為出。沉則為入。出則為陽實。入則為陰結。跌陽脈微而弦。微則無胃氣。弦則不得息。少陰脈沉而滑。沉則為在裏。滑則為實。沉滑相搏。血結胞門。其瘕不瀉。經絡不通。名曰血分。〔仲〕大黃甘遂湯。治女人小腹滿如敦敦狀。小便微難而不渴。為水與血并結在血室也。

大黃四兩

甘遂炮

阿膠炒各二兩

右劉散。每服三錢。水一盞。煎至七分。去渣溫服。其血當下。

〔無〕萬病丸。治室女月經不通。臍下堅結。大如杯升。發熱往來。下痢羸瘦。此為血瘕。若生肉瘕。不可為也。

乾漆 碎炒令出烟一時久

牛膝 酒浸一宿一兩六錢 生地黃 四兩八錢取汁

右以地黃汁入下二味為末。慢火熬候可丸。即丸。如梧子大。空心米飲或溫酒下一丸。日再。勿妄加。病去止藥。女人氣血虛經不行者。不可服之。

針灸

〔靈〕小腹滿大。上走胃至心。浙浙身時寒熱。小便不利。取足厥陰。病雜篇

〔甲〕石水痛引脇下脹。頭眩痛。身盡熱。關元主之。振寒大腹石水。

四滿主之。石水刺氣衝。石水。章門及然谷主之。又天泉主之。

〔世〕腸覃之狀。內着惡氣。乃起癭肉。大如鷄卵。日以益大。其成也如

孕。推之則移。中極 氣衝 天樞 五福

石瘕之狀。生于胞中。惡血不通。日以益大如孕。陰陵泉 去胞中惡血 復

溜 順骨刺下待腹溫方可去

胎前腹脹

〔太〕紫蘇飲。治妊娠心腹脹滿而脇妨悶。方見婦人胎逼上心門

〔潔〕枳殼湯。治婦人妊胎腹脹。

帶氣 寒熱

枳殼兩三

黃芩兩一

右為粗末。每服五錢。水盞半煎。溫服。

治胎前腹滿。身體沉重。枳殼湯中加白朮一兩。

〔仲〕婦人懷妊六七月。脈弦發熱。其胎愈脹。腹痛惡寒者。小腹如扇。所以然者。子藏寒故也。當以附子湯溫其藏。附子湯方見傷寒

婦人傷胎懷身。腹滿不得小便。從腰已上重。如有水氣狀。懷身七月。太陰當養不養。此心氣實。刺瀉勞宮及關元。小便微利則愈。

治產後血與惡露不下。因而血脹。用杜牛膝杵碎。用水熬成膏。去渣。每服一碗。未知再服。神效。子母產後穢污不盡。腹滿。用麻子三兩。酒五升。煮取一升。分溫二服。當下惡物。

〔干〕治產後穢污下不盡。腹滿。生薑二斤。以水煮取汁服即出。

〔日華〕治產後血脹。苗葉同功。乃益母草子也。

〔保〕紫金丹。治產後腫。胸中有物狀。是噎氣不降。

代赭石 硃礬石 各等分按本草並無硃礬石止有礬石一名礬石即其能破宿血下石解除癰結伏鬼物惡氣疑即是此

右為細末。醋糊丸。桐子大。每服三十五丸。酒下。胸中痛加川歸湯下。久服治血癖。

〔大〕抵聖湯。治產後腹脹滿悶。嘔吐不定。不可用尋常治脹止吐藥。

赤芍藥

半夏

澤蘭葉

人參

陳皮各一分 甘草錢一

右咬咀。用水一碗。生薑焙乾五錢。煎至半碗。去渣。分熱三服。

〔丹〕陽禮五孺人瘧。產後腹滿。略渴不飲。脈却虛。

白朮錢六 陳皮錢五 白芍錢六 厚朴

川芎錢二 每服加海金沙一錢。

分四帖。煎下保和丸廿五粒。

〔大〕枳朮湯。治虛後心腹大如盤。方見張門補虛條

〔保〕又方。代赭石兩一 桃仁三十去 大黃兩半

右細末。薄荷水調丸三五十九。溫水下無時。

治產後腹大堅滿不能臥。白聖散。

樟柳根三寸 大戟兩半 甘遂兩半

右細末。每服二錢。熱湯下。取大府利為度。此主水氣之妙藥也。

〔甲〕婦人產後餘疾。飲食不下。胸脇支滿。目眩足寒。心切痛。善噫。聞

酸臭。脹痺腹滿。小腹尤大。期門主之。



醫學綱目卷之二十五 脾胃部

積塊癥瘕 婦人血積 胎前產後積 息積

〔丹〕氣不能作塊成聚。塊乃有形之物。痰與食積死血成聚。宜醋煮海石醋三稜莪朮桃仁紅花五靈脂附子之類。石碱白朮湯下之。瓦龍子能消血塊。又能消痰。治塊當降火消食積。食積即痰也行死血血塊去後。須大補之。

石碱痰積有塊可用。洗滌垢膩。又能消食積。塊在皮裏膜外。須用補氣香藥開之。兼二陳湯加補氣藥。先須斷厚味。凡積病不可用下藥。徒損真氣。病亦不退。當用消積藥。融化開則自消。

〔垣〕治積要法 許學士云。大抵治積。或以所惡者攻之。所喜者誘之。則易愈。如礪砂水銀治肉積。神麩麥蘖治酒積。水蛭虫蟲治血積。木香檳榔治氣積。牽牛甘遂治水積。雄黃膩粉治痰積。礞石巴豆治食積。各從其類也。若用羣隊之藥分其勢。則難取效。須要認得分明。是何積聚。兼見何證。然後增加佐使之藥。不爾。反有所損。要在臨時通變也。治積當察其所痛。以知其病。有餘不足。可補可瀉。無逆天時。詐臟腑之高下。如寒者熱之。結者散之。客者除之。留者行之。堅者削之。強者奪之。鹹以溷之。苦以瀉之。全真氣藥補之。隨其所積而行之。

節飲食。慎起居。和其中外。可使必已。不然。遽以大毒之劑攻之。積不能除。反傷正氣。終難復也。醫者可不慎歟。

諸積皆本陰虛

諸積皆本於喜怒傷臟而陰虛。陰既虛矣。則風雨襲陰之虛。病起於上而生積。清濕襲陰之虛。病起於下而成積。詳見針灸條

傷古之法補虛為主

〔潔〕壯人無積。虛人則有之。皆由脾胃怯弱。氣血兩衰。四時有感。皆能成積。若遽以磨堅破結之藥治之。疾似去而氣已衰矣。乾漆礪砂。三稜牽牛大黃之類。得藥則暫快。藥過則依然。氣愈消。疾愈大。竟何益哉。故善治者。當先補虛。使血氣壯。積自消。如滿座皆君子。則小人自無容地也。不問何臟。先調其中。使能飲食。是其本也。

因鬱成積丹溪之法補中帶磨積為主

〔丹〕有婦人三十歲。因哭子。至今年後。胸痞有塊如杯。飲食大減。面淡黃慘黑。若不勝衣。六脈弦細虛澁。至日晡後。則發寒熱。予察其事勢已急。補瀉兼用。以補中益氣湯。隨天氣寒暄加減法。與東垣痞氣丸相間服。方見五積門。食前用湯。食後用丸。常令湯多於丸些少。如此近一月。寒熱皆退。食亦稍進。又以丸用湯相等服之。至第二月以後。忽一夜大發寒熱。至天明熱退。胸中之塊如失。至晚手足下半節皆腫。遂停藥三五日後。忽一夜手足之腫如失。至天明胸中之塊復有。比如前覺小一暈。遂以二陳湯加桔梗白朮枳實。調理半月而安。次年復生一男。一婦人四十餘。面白形瘦性急。因大不如意。三月

後乳房下貼肋骨作一塊。漸漸長大。掩心微痛。膈悶。飲食減四之三。每早覺口苦。兩手脈微而短。予知其月經不來矣。爲之甚懼。辭勿與治。思至夜半。其婦尙能出外見醫。梳粧言語如舊。料其尙有胃氣。遂以參朮歸芎。佐以氣藥作大服。一晝夜與四次。外以大琥珀膏貼塊上。防其長。經一月餘。服補藥百餘帖。食及平時之半。仍用前藥。又過一月。脈氣漸充。又與前藥吞潤下丸百餘帖。月經不及兩月而至。瀉脈減五分之四。時天氣熱。意其經行時。必帶紫色。仍與前補藥加醋炒三稜。吞潤下丸。以抑青丸十五粒佐之。又經一月。忽報塊已消及大半。月經及期尙欠平時半日。飲食甘美如常。但食肉則覺不快。予令止藥。且待來春木旺時。又與區處。至次年六月。忽報一夜塊大比舊反加大半指。脈略弦。左略怯於右。至數日平和。自言食飽後。則塊微悶。食行。却自平。予意有動心事。激之。問之果然。仍與前補藥。加黃芩炒黃連。以少木通生薑佐之。去三稜煎湯吞潤下丸。外以琥珀膏貼之半月。值經行而塊散。此是肺金爲內火所爍。木邪勝土。土不能運。清濁相干。舊塊輪廓尙在者。因氣血之未盡復也。濁氣稍留。舊塊復起。補其血氣。使肺不受邪。木氣平而土氣正。濁氣行而塊散矣。方提領年五十六。丁丑年冬。因飲酒後受怒氣。於左脇下與臍平作痛。自此以後。漸漸成小塊。或起或不起。起則痛。痛止則伏。面黃口

乾。無力食少。吃此物便暖。此味轉惡風寒。脈之左大於右。弦濇而長。大率左甚。重取則全弦。此得熱散太多。以致胃氣大傷。陰血下衰。且與和胃湯。以補胃氣。滋養陰血。并下保和丸。助其化粕。伺胃實陰血稍充。卻用消塊和胃湯方。

人參

白朮

陳皮

芍藥

歸身

乾葛

紅花

甘草

作一帖。下保和丸廿五。龍薈丸十五。

右三法。補氣血藥為主。磨積出入佐之。皆補多於磨。乃氣血虛甚。而有積塊之法也。

敢村婦人腹下有塊。白朮湯下保和丸三十五粒。王郎心痛膈有塊。與

白朮

青皮

芍藥

木通

川芎

蒼朮

甘草

作一帖。煎下保和丸三十粒。

馮氏女年三十歲。形瘦色嫩。滋味素厚。幼年曾踏雪。嘗以火烘鞋履。以致濕熱上襲。至廿五歲時。口嘗吐清水。吞酸。醫用丁香等熱藥。時止時作。作時仍服前藥。至當年心痛胸痞有塊。吃飯即吐。常出三之一。遂與佐金丸廿四粒。以薑湯下之。與三十餘次。全不進食。予曰。

飲食積成

結已開矣。且令止藥。或口乾思飲。止與半盞熟水。間以青大丸與之。雖困臥着牀。尤以絕藥爲善。如此近四十日。診其脈。前後些微弦重。取似瀼。輕取稍和。至此弦脈漸添。遂令與人參酒芍藥湯。引金蔞木。漸漸思食。而苦於大便秘。病家必欲行大黃。予止之。遂以生芍藥陳皮桃仁人參爲丸與之。用蜜煎導。大便秘行而食進。調理半月而安。

參黃丸。即佐金丸。加入人參一錢是也。

盧子裕左脇下因瘧後食肉與酒而成塊。
白朮一錢 柴胡醋炒一錢 茯苓二錢 枳殼炒五分

人參五分

作湯下阿魏五。保和廿。抑青十。與點十。攻塊五。

長垣朱郎因酒多年濕病。脇上有塊。腹滑泄。小便黃。

滑石兩一 白朮 三稜各六錢 陳皮五錢

黃連 猪苓各三錢 黃芩 木通各二錢

防風半錢 乾薑一錢 甘草五分

分七帖。煎下保和丸二十。

一丈夫肚左邊帶脇上有塊。先吃匾食牛乳者成氣痛。又因酒肉塊大如桃。食減三分之一。

滑石兩半 白朮四錢 陳皮 三稜各三錢

蘿蔔子

連翹

黃連各一錢

乾葛二錢

六

桃仁壯

黃芩一錢

甘草錢半

右分四帖。水煎服。

婦人脇下有塊。大如掌。脈澹。時有熱。此虛中有氣積。先與補虛。次與磨積藥。

白芍

歸鬚四錢

陳皮

白朮三錢

青皮

川芎

木通各一錢

甘草半錢

白水煎。熱服。

磨積藥

三稜醋煮一錢

枳實

青皮

桃仁各五錢

大黃五錢

桂枝半錢

海藻醋煮三錢

細末。神麩糊丸。如桐子大。每服四十九丸。

〔世〕一孺人左脇下舊有塊。漸長大。脈弦而大。稍數。詢之。近亦發熱。食亦減。倦怠。先與補之。次攻此塊。

陳皮五錢

白朮兩半

柴胡

歸頭

青皮各五錢

甘草一錢

木通三錢半

右作八帖服。

次與攻塊

青皮醋一兩半

桃仁五錢

三稜醋一兩半

體虛
有熱
成積

按之痛者消之

桂枝半三錢

海藻醋洗三錢

劉末神麩糊為丸。

一丈夫脇下有積塊。內有痰熱。汗不得滿。兩脈大而散。以此體有虛。

三稜錢五

白朮

黃連各三錢

人參半二錢

甘草五分

連翹

木通各三錢

川芎

桂一錢

水煎下保白丸。

富小婦瘧後左脇有塊小便少。

厚朴

柴胡各二錢

三稜一錢

甘草半錢

木通錢五

白朮六錢

青皮五分

生薑

右食前熱服。

下邳錢舉正月發沙。因此臍邊有塊二枚。發起則痛。伏則不痛。有時又隱痛。自灸臍中。脈甚弦。右手伏重取則略數。此蘊熱因春欲汗解。而氣弱不能自發為汗。復鬱。又因食不節。邪挾宿食。所以成塊。宜以保和二十。溫中二十。抑青十。用白朮木通三稜湯下。

右十一法。皆補藥與磨積相半兼服之。前七法治飲食酒肉成積。後三法治體虛有熱成積也。

〔丹〕陳里長男廿七歲。舊因飽食牛肉豆腐。患嘔吐。又不節飲食。右脇下生一塊。漸長。今大如掌。痛發則見。痛止則伏。其脈弦而數。知此

人必性急。塊上不可按。按則愈痛。痛則必吐黃酸苦水。詢之果然。或作腎氣治。予曰非也。此足太陰有食積與濕痰。

荔枝核燒二

山梔炒五箇

枳實炒十

山查九

茱萸炒九

一方有人參。

右細研。急流水一盞。蕩起煎沸。入生薑汁令辣。食前熱服。與六帖。

吐二帖。服四帖。與此藥且止其痛。卻與消塊藥。

半夏末

六錢皂角六箇水煮取汁拌半夏末晒乾

黃連炒五

石礮二錢

已上三件。同為細末。以糖棗膏為丸。如胡椒大。

〔丹〕一婢色紫稍肥。性沉多憂。年近四十。經不行三月矣。小腹中有一氣塊。初起如粟。漸如炊餅。予脈之。兩手皆瀉。重取卻稍和。試令按塊痛甚。捫之高寸半。遂與千金消石丸。至四五次後。忽自言乳頭黑且。有汁。恐是孕。予曰非也。膻脈無孕之理。又與三五帖。脈之稍覺虛豁。予悟曰。經阻久矣。令止前藥。與四物湯倍白朮。佐以陳皮炙甘草。至三十帖。候脈完。再與消石丸數次。忽自言塊消一暈。便令莫服。又半月。經行痛甚。下黑血半升。內有如椒核者數十粒。而塊消一半。又來索藥。以消餘塊。予曉之曰。勿性急。似開矣。不可又攻。若次月經行。當消盡矣。次月經行。下少黑血塊。又消一暈。又來問藥。予曰。且守禁忌。至次月又消盡。已而果然。大凡攻擊之藥。有病則病受之。病邪輕

瘧藥
成塊
者滑
去之

隨氣
上塞
咽中
之者吐

氣結

而藥力重。則胃氣受傷。夫胃氣者。清純冲和之氣也。惟與穀肉菜菓相宜。蓋藥石皆偏勝之氣。雖參芪輩。為性亦偏。况攻擊之藥乎。此婦胃氣弱。血亦少。若待塊盡而去藥。胃氣之存者幾希矣。

一婦人年五十五歲。形氣俱實。富而神勞。味厚性急。常經水過多。醫每用瀉藥止。後病氣痛。胸腹共有積塊大小十三枚。遇夜痛甚。着牀累月。飲食雖減。應接家事如故。其脈兩手皆瀉而弱。此因屢用瀉藥致敗血積聚不行。故爾時三月間用蜀葵根煎湯。再煎人參白朮陳皮青皮甘草梢牛膝成湯。入玄明粉少許。研桃仁調熱飲之。服至二帖。腹痛下塊一枚。再并渣煎服。又下一枚。時以病久血耗。不敢再取塊。告技窮而歸。後想此症患病雖重。其形質尚可受藥。但當去葵根玄明粉。其後塊漸消而病安。

一女子年廿一歲。累因食傷胃脘。有塊隨氣上塞咽中。問之。又因食煨鹽配粥。與

白朮半錢

陳皮

半夏各一錢

桔梗

青皮

木通各五錢

竹草各一錢

生薑片二錢

煎服一二次。病遂平復。再與前藥。半月後加桔梗煎一服。令其吐。吐出痰積遂愈。

〔子和〕息城司侯聞父死于賊。乃大悲哭罷。便覺心痛。日增不已。月

者散

餘成塊狀若覆杯。大痛不堪。藥皆無功。議用燔針炷艾。病人惡之。乃求治于戴人。戴人至。適巫者在其傍。乃學巫者雜以狂言。以譏病者。至是大笑。不忍回面。向壁一二日。心中結硬皆散。戴人曰。內經言憂則氣結。喜則百脈舒和。又云喜勝悲。內經自有此法。

〔丹〕呂宗信年六十。素好酒。八月間因暑熱中得疾。兩足冷過膝。上院有塊如掌。牽引脇痛。不可眠臥。飲食減半。卻不渴。已自服生料五積散三帖。予脈之。六脈俱沉澹而小。按之不爲弱。皆數。而右爲甚。大便如常。小便赤色。遂用大承氣湯減大黃之半而熟炒。加黃連芍藥川芎乾葛甘草作湯。下瓜蒌仁半夏黃連貝母丸。至十二帖。足冷退。至脛塊減半。遂止藥。至半月。飲食復舊。諸症悉除。

〔唐〕柳宗元纂救死方。元和十二年二月。得腳氣。夜半痞絕。脇有塊大如石。且死。因大寒不知人三日。家人號哭。榮陽鄭詢美傳杉木湯服半食頃。大下三次。氣通塊散。其方用杉木節一大升。橘葉一大升。無葉以皮代之。大腹檳榔七箇。合搗碎之。童便三大升。共煮取一升半。分二服。若一服得快利。停後服。

〔肘〕治卒暴癢。腹中有如石刺痛。牛膝一大把。并葉。酒煮飲之。

〔外〕治卒暴癢。腹中有物。堅如石。痛欲死。取蒴藿根一小束。洗。漚去水。細擘。以酒二升。漬三宿。煖溫服五合至一升。日三。若欲速得服。於

暴積
之急去

氣積
緩除
之

熱灰中溫令藥味出服之。此方無毒神效。

右暴積急去條四方。如塊除後。必用補劑。以救其受攻之傷也。

〔海〕萬病紫苑丸。療臍腹久患疝癖如椀大。及諸黃病。每值氣起時。上氣衝心。繞臍絞痛。一切蟲咬。十種水病。十種蟲病。及反胃吐食。嘔逆惡心。飲食不消。天行時病。女人多年月露不通。或腹如懷孕。多血天陰即發。又治十二種風頑痺。不知年歲。晝夜不安。夢與鬼交。頭多白屑。或哭或笑。如鬼魅所着。腹中生瘡。腹痛。服之皆效。

紫苑去苗
土

吳茱萸湯洗七
次焙乾 菖蒲

柴胡去
鬚

厚朴薑製各
一兩

桔梗去
蘆

茯苓去
皮

皂莢去
子炙

桂枝

乾薑炮

黃連去
鬚

蜀椒去目及閉口
微炒出汗

巴苳去皮膜
內油炒

人參去蘆各
五錢

川烏炮去皮
臍三錢

加羌活

獨活

防風各一
兩

右為細末。入巴豆研勻。煉蜜丸。如桐子大。每服三丸。漸加至五丸。七丸。生薑湯送下。食後臨臥服。有孕者不宜服。具引于後。

痔漏腸風。酒下。赤白痢。訶子湯下。膿血痢。米飲湯下。墮傷

血悶。四肢不收。酒下。蛔蟲咬心。檳榔湯下。氣噎憂噎。荷葉湯

下。打撲傷損。酒下。中毒。掃帚灰甘草湯下。一切風。升麻湯

下。寸白蟲。檳榔湯下。霍亂。乾薑湯下。咳嗽。杏仁湯下。腰

腎痛。豆淋酒下。陰毒傷寒。溫酒下。吐逆。生薑湯下。飲食氣塊。麵湯下。時氣。井花水下。脾風。陳皮湯下。頭痛。水下。心痛。溫酒下。大小便不通。燈草湯下。因物所傷。以本物湯下。吐水。藜湯下。氣病。乾薑湯下。小兒天弔風。搐。防風湯下。小兒疳痢。葱白湯下。小兒乳食傷。白湯下。月信不通。紅花酒下。婦人腹痛。川芎酒下。懷孕半年後胎漏。艾湯下。有子氣衝心。酒下。產暈痛。溫酒下。血氣痛。當歸酒下。產後心痛。腹脹滿。豆淋湯下。難產。益智湯下。產後血痢。當歸湯下。赤白帶下。酒煎艾湯下。解內外傷寒。粥飲下。室女血氣。木通酒下。子死腹中。菜子湯下。又治小兒驚癇。大小顛狂。一切風。及無孕婦人。身上頑麻。狀如蟲行。四肢俱腫。呻吟等疾。楊駙馬患風氣衝心。飲食吐逆。遍身枯瘦。日服五丸。至二十日。瀉出肉塊如蝦蟆五六枚。白膿二升。愈。趙侍郎先食後吐。目無所見。耳無所聞。服五十日。瀉出青蛇五七條。四寸許。惡膿三升。愈。王氏患大風病。眉髮墮落。掌內生瘡。服之半月。瀉出癩蟲二升。如馬尾。長寸許。後愈。李靈患肥氣病。日服五丸。經一年。瀉出肉鱉二枚。愈。黃門卒中風。病發時服藥。泄出惡膿四升。赤黃水一升。一肉蟲如亂髮。愈。李知府妻梅氏。帶下病七年。血崩不止。骨痿着牀。日服五丸。

至十九十五丸。取下膿血五升。黃水一升。肉塊如雞子狀。治愈一切。萬病如神。惟有孕者不宜服。

〔局〕溫白丸。治心腹癰塊。久癥積聚。大如杯碗。黃疸宿食。朝起嘔吐。支滿上氣。時時腹脹。心下堅結。上來搶心。傍攻兩脇。十種水氣。八種痞塞。翻胃吐逆。飲食噎塞。五種淋疾。九種心痛。積年食不消化。或連年瘡疾不瘥。及療一切諸風。身體頑麻。不知痛痒。或半身不遂。或眉髮墮落。及療七十二種風。三十六種瘧尸。注忤及顛癩。及婦人諸疾。斷續不生。帶下淋瀝。五邪失心。憂愁思慮。飲食減少。月水不調。及腹中一切諸疾。連年羸瘦困斃。或歌或笑。如鬼所使。但服此藥。無不除愈。即前萬病紫苑方減完活獨活防風。

萬病丸。療八種痞病。五種癰病。十種注忤。七種飛尸。十二種蠱毒。五種黃病。十二種瘧疾。十種水病。八種大風。十二種痺。奔風入頭眼。翳膜漠漠。及上氣咳嗽。喉中如水雞聲不得臥。飲食不作。肌膚五臟滯氣。積聚不消。壅閉不通。心腹脹滿。及胸背膨脹。氣結四肢。流入胸腹。又治心膈氣滿。時定時發。十年二十年不瘥。五種下痢。疳蟲疣蟲。寸白諸蟲。上下冷熱。久積痰飲。令人多眠睡。消瘦無力。陰入骨髓。便成漏疾。身體氣腫。飲食嘔逆。腰腿酸疼。四肢沉重。不能久行。久立。婦人因產冷入子臟。臟中不淨。或閉塞不通。胞中瘀血冷滯。出流不盡。時

時疼痛為惡。或因此斷產。并小兒赤白下痢。及狐臭。耳聾。鼻塞等病。服此藥以三丸為一劑。不過三劑。其病悉除。說無窮盡。故稱萬病丸。

牛黃研細

黃芩去蘆

芫花醋炒赤

禹餘糧醋洗研飛

雄黃飛研

芎藭

人參去蘆

紫苑去蘆頭醋炒

蒲黃微炒

麝香研

當歸去蘆

桔梗去蘆

大戟剉炒

乾薑炮

防風去蘆

黃連去蘆

硃砂飛研

犀角鎔

前胡去蘆

巴豆去皮炒

細辛去苗

葶藶炒

肉桂去粗皮

茯苓去皮

桑白皮炒

芍藥

川椒去目及閉口者微炒出汗

甘遂各一兩

蜈蚣一十二節去頭足炙

芫青二十八枚入大瓮同炒黃色去頭足

石蜥蜴去頭尾足後四寸

右為細末。入研藥勻。煉蜜為丸。如葶大。若一歲已下小兒有疾者。令乳母服兩小葶大。亦以吐利為度。近病及卒病多服。積病久疾。即少服常服。微瘡利為度。卒病欲死。服三丸。取吐利即瘡。卒中惡口噤。服二丸。漿水下利即瘡。五疰鬼刺客忤。服二丸。男女邪病歌哭。腹大姪娠者。服二丸。日三夜一。間食服之。蠱毒。□腹如刺。服二丸。不瘡更服。瘡病未發前服一丸。未瘡更服。諸有痰飲者。服三丸。冷癖日三服。每服三丸。皆間食。常令微。

糖利。宿食不消。服二丸取利。癥瘕積聚。服二丸。日三服。拘
急心腹脹滿心痛。服三丸。上氣嘔逆。胸膈滿不得臥。服二丸。不
瘥更服。大痢。服二丸。日二服。疳蠱。服二丸。或一丸。如杏仁大。
和醋二合。灌下部中。水病。服三丸。日再服。間食服之。瘥止。人
弱。卽隔日服。頭痛惡寒。服二丸。覆取汗。傷寒天行。服二丸。日
三服。間食服之。小便不通。服一丸。不瘥。明日更服。大便不通。
服三丸。又內一丸下部中。卽通。耳聾停急。以綿裹如棗核塞之。
鼻衄。服一丸。癰腫疔腫破腫。內一丸如麻子大。日一傳之。赤
根自出。犯疔腫血出。以豬脂和塗。有孔則內孔中瘥。癩瘡以
醋泔洗訖。取藥和豬脂傳之。漏瘡有孔。以一丸內孔中。和豬脂
傅上。痔瘡塗綿筋上。內孔中卽瘥。癩癰以醋和塗上瘥。癩
瘡以布揩令汗出。以醋和塗上。日一易瘥。胸背腰脇腫。以醋和
傅腫上。日一易。又服二丸。諸冷瘡積年不瘥者。以醋和塗之。
惡刺。以一丸內瘡孔中卽瘥。蝮蛇螫。以少許內螫處。若毒入腹。
心煩欲絕者。服三丸。蜂螫。以少許傅之瘥。婦人諸疾。胞衣不
下。服二丸。小兒驚癇。服一丸如米許以塗乳。令小兒嚼之。看小
兒大小加減。兒客忤。服一丸如米大。和乳塗乳頭。令嚼之。以意
量之。蝎螫。以少許傅之瘥。小兒乳不消。心腹脹滿。服一丸如

米許塗乳頭。令朔之即瘡。

〔羅〕乾柿丸。取虛實積下膈甚妙。

硃砂 研為衣

沒藥 研

猪牙皂角 去皮弦子為細末

乾薑 炮為末

乾漆 炒爛盡為末

京三稜 炮為末

輕粉 一錢

青礬石 煨為末

水銀 錢結炒乾

巴豆 三十粒去皮腹醋煮十沸

右件各研勻。軟飯和為丸。如菘荳大。煎柿蒂湯冷下三五丸。加減用。婦人有胎不可服。

小腸移熱於大腸。為久癖為沉。全文見診病傳變

〔千〕消石丸。治癥瘕。

硝石 六錢

大黃 八錢

人參

甘草 各三錢

右各為末。先將硝黃末以三年苦酒先煎。候將乾。却用參甘二末和勻為丸。每三十九丸。米湯下。四日一服。候下如雞肝。或如米泔赤黑色等效。下後忌風冷。

〔羅〕醋煮三稜丸。治一切積聚。不拘遠年近日。治之神效。

京三稜 四兩醋煮透竹筴切曬乾

川芎 二兩醋煮

大黃 半兩醋煮爛紙裏煨過

右三味。同為末。醋糊為丸。如桐子大。每三十九丸。溫水下。不拘時。病甚者一月效。小者半月效。

〔羅〕神功助化散。專治男子婦人腹中痞塊。不拘氣血食積所成。此

熱積
寒滯
之

方之妙。不可盡述。

地扁蓄五錢

沉香半錢

瞿麥穗五分

大麥蘖五分

神麩二錢

甘草五分

大黃兩

右為細末。淨。依分兩和勻。男以甘草淡竹葉二味等分煎湯。及無灰酒同調服。酒多於湯。婦人用紅花燈心當歸等分煎湯。及無灰酒同調服。酒多於湯。忌油膩動氣之物。及房事一月。藥須用黃昏服。大小便見惡物為度。神妙非常。誓不輕傳匪人。聖散子。治遠年積塊。及婦人乾血氣。

綱砂六兩

大黃八兩

麥蘖六兩

乾漆燒過

篇蓄

茴香炒

檳榔各一兩

如婦人乾血氣加川山

甲二兩

右為細末。每服三錢。溫酒調下。仰臥。此藥只在心頭。至天明。大便如魚腸。小便赤為驗。取出。並無毒。有神效。小兒用一錢。十五已上五錢。空心服之。更效。

寒氣客於小腸膜原之間。絡血之中。血泣不得注於大經。血氣稽留不得行。故宿昔而成積矣。全文見諸痛

〔海〕紅丸子。治大人脾積氣滯。胸膈滿悶。面黃。腹滿脹。四肢無力。酒積不食。乾嘔不止。脾連心胸及兩乳痛。婦人脾血積氣。諸般血癥氣。

寒積之熱消

塊及小兒食積。骨瘦面黃。肚脹氣急。不嗜飲食。漸成脾虛。不拘老少。並宜服之。

京三稜 五斤水浸軟分切作小片子

蓬朮 五斤

陳皮 五斤揀淨

青皮 五斤

胡椒 三斤

乾薑 二斤炮

右研六味。同為細末。醋糊為丸。桐子大。礬紅為衣。每三十九丸。食後薑湯吞下。

〔羅〕雞爪三稜丸。治五臟法癖氣塊。

雞爪三稜

石三稜

京三稜

木香

青皮 去白

陳皮 去白各半兩

礬砂 三錢

檳榔

肉苳寇 各一兩

右為細末。生薑汁麵糊為丸。桐子大。生薑湯送下。

礬砂煎丸。消積磨塊。一切凝滯。

黑附子 二枚各重五錢已上者炮裂去皮臍剉作瓮子

木香 三錢

葶撥 一兩

礬砂 三錢用水一盞續化開納在瓮火上熬乾

破故紙 一兩隔紙微炒

右將飛過礬砂末。封在附子瓮內。却用剉出附子末蓋口。用和成。白麵裹。約半指厚。慢火灰內燒勻黃色。去麵。用木香等為細末。却用元裏附子熟黃麵為末。醋調煮糊為丸。如桐子大。每服十五丸。至三十九丸。生薑湯送。此藥累有奇功。

〔本〕治癰丸。治丈夫女人小兒年深日近。沉積癰塊。面色青黃。時上搶心。吐水吞酸。舌生白沫。婦人積年月經不調。漸成血氣。或血蠱塊。中焦之間。覆如杯椀。連年累月。漸成瘦瘠。寒熱往來。一切脾胃受寒。久不痊愈之疾。並皆治之。

巴豆

五兩去佳膜

蓬朮

三兩醋炙透

京三稜

三兩醋煮透

丁香皮

二兩

木香

半兩

丁香

半兩

厚朴

三兩製

石菖蒲

二兩

良薑

半兩

蜜蟲

半兩炒

川牛膝

一兩

香附子

四兩炒

石蓮子

肉二兩

薏苡仁

一兩

史君子

三兩去壳

右爲細末。稀麵糊爲丸。如菘苳大。積年癰瘕成塊者。第一服用熟水下二十九丸。自後每日三九五丸。更量虛實加減與之。五日去盡積塊。若近脾胃有積者。每服五丸。米飲吞下。一服取效。婦人血氣成塊及血瘕。每服二十九丸。用蘇木酒童子小便各一半。煎五七沸令溫。空心吞下。自後每日用溫酒下三丸。其血塊逐旋消。從大小便去盡自知。小兒蚘蟲腹痛不能忍。日夜叫喚。百藥不效者。陳皮湯下七丸立效。諸蟲皆宜下。常服。或白湯或薑湯下三五丸。中酒及酒積。大便鮮臭者。白湯與酒各半吞十九丸。立效如神。一切咽塞。心下硬痛。皆用棗湯下五丸。不拘時候。

〔羅〕玄胡索丸。治吐利腹脹。心腹痛。癰瘕氣結。蟲煩不安。順三焦和

脾胃。

玄胡索

當歸

青皮去白

雄黃飛

廣茂炮

木香

檳榔

京三稜炮各四兩

右為細末。入雄黃末水糊為丸。桐子大。生薑湯下。

荆蓬煎丸。破痰癖。消癥塊。冷熱積聚。胸膈注悶。通利三焦。升降陰陽。

順氣消食。

京三稜二兩酒浸冬三日夏一日

枳殼炒一兩

廣茂二兩醋浸冬三日夏一日已上二味同以去皮巴菴

二十箇鐵器內炒令黃色不用巴菴 木香去根

青皮去白

茴香微炒

檳榔各一兩

右為細末。水糊為丸。豌豆大。每服三十九。生薑湯下。

〔丹〕潤下丸。治積塊。方見咳嗽

〔世〕二賢散。消積塊。進食。

橘紅一斤淨

甘草四兩

鹽半兩

右用水二四碗。從早煮至夜。以爛為度。水乾則添水。晒乾為末。淡

薑湯調下。有塊者。加薑黃半兩。同前藥煮。氣滯。加香附二兩。同

前藥煮。氣虛者。加沉香半兩另入。噤口痢。加蓮肉二兩去心另

入。

右自久積緩除條至此一十六方。皆純是磨積之劑。必用補氣血。

驚積

茶積

酒積

蟲積

兩脇

藥相兼服之。純用之致死。乃醫殺之也。謹之。

驚風成塊者。妙應丸加川山甲炒鱉甲燒各三錢。玄胡索蓬朮各四錢。每五十九丸加至七十九丸。以利爲度。妙應丸即控涎丹方見痰門

〔丹〕茶癖。喜吃茶及吃乾茶者。

石膏

黃芩

升麻

爲末。沙糖調服。

〔世〕酒積方。累效。

烏梅兩一

半夏錢七

青木香錢四

枳實兩半

砂仁兩半

杏仁錢三

巴霜錢一

黃連酒浸一宿一兩

右爲末。蒸餅丸。菘荳大。每八丸。白湯送下。

褚澄傳云。澄善醫。爲吳郡太守。百姓李道念以公事到郡。澄見謂曰。汝有重病。答曰。舊有冷病。至今年久。衆醫不瘥。澄爲診曰。汝病非冷非熱。當是食白淪雞子過多所致。令取蒜一升煮食。吐一物如升。涎裹之。開看是雞雛。羽翅爪距具足。能行走。澄曰。此未盡。更服餘藥。又吐得如向者有十三頭。而病都瘥。

〔衍〕有人病心腹懣煩。彌二歲。診曰。腹有蠱。誤食髮而然。令餌雄黃一劑。少選吐一蛇如拇指。無目。燒之有髮氣。乃愈。此殺毒蟲之驗也。右二方。吐蟲積之法也。

〔丹〕治食積死血。痰積成塊。在兩脇動作。腹鳴嘈雜。眩運身熱。時作

下積

時止。

黃連一兩半用茶黃益智
仁同炒上用黃連

山梔半兩
炒

川芎

神麴

桃仁二去
皮

三稜

蓬朮各半兩
並醋煮

香附重便

山查各一
兩

蘿蔔子炒一
兩半

右麴糊丸。又方有青皮半兩。白芥子一兩半炒。

治脇痛有塊。龍薈丸二錢半起料
方見治寒熱加薑黃桃仁各半兩。

右蜜丸服。

〔世〕小阿魏丸治脇下積塊。

三稜醋炙
一兩

蓬朮醋製
一兩

青皮醋製
二兩

胡椒三
錢

木香一兩

麝香分

阿魏二錢
半

右為末。醋煮陳倉米粉為丸。桐子大。

〔子和〕菓園劉子平妻。腹中有塊如瓢。十八年矣。經水斷絕。諸法無措。戴人令一月之內。漏四次。下六次。取去痰約一二桶。其中不化之物。有如葵葉煮爛魚腸之狀。漏時以木如意攪之。覺病積如括。漸漸而平。及積既盡。塊痕反窪如臼。略無少損。至是而面有童色。經水復行。若當年少。可以有子。

〔丹〕治塊在何部分。在中為痰飲。在右為食積。在左為血積。

潤下丸治痰積。方見
咳

此下法

塊部分
痰食

阿魏丸去諸積

山查

南星 皂角水浸

神麴

黃連 各一兩

瓜蒌

貝母 各半兩

胡黃連

白芥子 各二錢半

右為丸。薑汁浸。炊餅丸。一方加香附蛤粉治噉。

〔羅〕破積導飲丸。治內有積塊堅硬。飲食不消。心下痞悶。

木香

檳榔

陳皮 去白

青皮 去白

枳殼 炒

枳實 炒

廣茂 炮

京三稜 炮

半夏 湯洗七次

神麴 炒

麥蘖 炒

茯苓

乾薑

澤瀉

甘草 炙各五錢

牽牛頭末 六錢

巴苳 三十枚去皮心膜

右為細末。入巴苳霜令勻。生薑汁打麴糊為丸。如桐子大。每服三

十九丸。溫薑湯送下。食前。

〔無〕小二稜煎。治食癥酒痞。血癥氣塊。時發刺痛。全不思食。積滯不

消。心腹堅脹。痰逆嘔噦。噫酢吞酸。

京三稜

蓬朮 各四兩

芫花 一兩去梗葉

右同入甕器中。用米醋五升浸滿。封器口。以炭火煨令乾。取出稜

丸。將芫花以餘醋炒令微焦。焙乾為末。醋糊丸。如葶苈大。每十五丸。生薑湯下。

〔羅〕神效五食湯丸。取虛實積氣食。蠱脹。積塊。水氣。年深痞痕。並皆治之。

大戟括去皮

甘遂生各半兩

猪牙皂角生去皮子

胡椒生

芫花醋浸一宿取出炒各二兩

巴苳去皮膜心醋煮二十沸研半兩

右件除巴苳杵羅為末。入巴苳再研勻。水煮麵糊為丸。如葶苈大。每服五七丸。氣實者十九。夜臥水一盞。入白米白麵黑苳生菜猪肉各少許。煎至半盞。去渣。候湯溫下。藥取下病。忌油膩粘滑物。婦人有胎者不可服。

〔必效〕療癰。取車下李仁微湯退。去皮及並仁者。與乾麵相拌搗為餅。如麵乾。和淡水。如常澆麵法作餅。大小一如病人掌。為二餅。微炙黃。至熟。空腹食一枚。當大利。如不利。更食一枚。或飲熱粥汁。以利為度。若至午後利不止。即以醋飲止之。利後當虛。病未盡者。量力一二日更進一服。以病盡為限。小兒亦以意量之。不得食酪及牛馬肉等。無不效。

〔丹〕保和丸。治食積酒積。方見傷食

阿魏丸。治肉積及飽食停滯。胃壯者宜此。脾虛者勿服。

山查

蘿蔔子

神麴

麥芽

陳皮

青皮

香附各二兩

阿魏一兩醋煮
軟另研

右炊餅丸。

又方。龍薈丸加白鴿糞。大能消食積。或入保和丸。

〔羅〕梳氣丸。治五積六聚。癥瘕癖塊。留飲。

木香

川茴香炒

青皮

廣茂炮

陳皮去白

蘿蔔子炒

補骨脂炒

萆澄茄

砂仁

神麴炒

麥蘖炒

枳殼一兩
殊炒各

牽牛一兩
半

檳榔一兩

右爲細末。麵糊爲丸。如桐子大。食後每服三十九丸。細嚼白苳寇仁

一枚。白湯送下。

〔丹〕治血塊丸。

海粉醋
煮

三稜醋
煮

蓬朮

桃仁

紅花

五靈脂

香附

石礮

右爲丸。白朮湯吞下。

〔本〕主癥積滿腹。諸藥不瘥者。取白馬尿服之愈。

〔世〕治腹中有塊。豬腰子一雙。切薄片。木鱉子肉一兩。與豬腰片相間縛定。外用濕紙包。火內煨熟。取出去紙。搗盆內搗如泥。入黃連末

積有
常處
屬無
聚無
常處
屬府

肝積
面青
脈弦
長定
在左
脇下

心積

和為丸。每服廿丸。烏梅甘草湯吞下。第二服廿五丸。三服三十九丸。漸加至以痛為度。大便利。其塊自消。有神效。

〔難〕病有積有聚。何以別之。然積者陰氣也。聚者陽氣也。故陰沉而伏。陽浮而動。氣之所積名曰積。氣之所聚名曰聚。故積者五臟所生。聚者六腑所成也。積者陰氣也。其始發有常處。其痛不離其部。上下有所終始。左右有所窮處。聚者陽氣也。其始發無根本。上下無所留止。其痛無常處。故謂之聚。故以是別知積聚也。五十五難○治聚法見末條
〔仲〕病有積有聚有聚氣。何謂也。師曰。積者臟病也。終不移。聚者腑也。發作有時。展轉痛移為可治。聚氣者。脇下痛。按之則愈。復發為聚氣。

〔素〕青脈之至也。長而左右彈。有積氣在心下支胠。名曰肝痺。得之寒濕。與疝同法。腰痛足清頭痛是也。五藏生成篇

〔難〕肝之積名曰肥氣。在左脇下如覆杯。有頭足。久不愈。令人發欬逆。潛瘧。連歲不已。以季夏戊己日得之。何以言之。肺病傳肝。肝當傳脾。脾季夏適王。王者不受邪。肝復欲還肺。肺不肯受。故留結為積。故知肥氣。以季夏戊己日得之。五十六難

肝脈微急。為肥氣。在脇下若覆杯。全文見治虛實法

〔素〕赤脈之至也。喘而堅。診曰。有積氣在中。時害於食。名曰心痺。得

而數
脈實
下在
心定

腹積
面黃
脈大
而虛
中腕
腕在

五藏生
成篇

帝曰。病有少腹盛。上下左右

之外。疾思慮而心虛。故邪從之。
皆有根。此為何病。可治否。岐伯曰。病名曰伏梁。帝曰。伏梁何因而得

之。岐伯曰。裹大膿血。居腸胃之外。不可治。治之每切按之致死。帝曰。

然。何以故。岐伯曰。此下則因陰。必下膿血。上則迫胃脘。生膈俠胃脘

內癰。此久病也。難治。居臍上為逆。臍下為從。勿動亟奪。

帝曰。人有身體髀骨股胫皆腫。環臍而痛。是為何病。岐伯

曰。病名伏梁。此風根也。其氣溢於大腸。而着於肓。肓之原在臍下。故

環臍而痛也。不可動之。動之為水瀦瀦之病。同上

〔難〕心之積名曰伏梁。起臍上。大如臂。上至心下。久不愈。令人病煩

心。以秋庚辛日得之。何以言之。腎病傳心。心當傳肺。肺秋適王。王者

不受邪。心復欲還腎。腎不肯受。故留結為積。故知伏梁以秋庚辛日

得之。五十六

心脈微緩為伏梁。在心下。上下行時唾血。全文見治
虛實法

〔素〕黃脈之至也。大而虛。有積氣在腹中。有厥氣。名曰厥疝。女子同

法。得之疾使四肢汗出。當風是也。五藏生成篇
疝當作痞字

〔難〕脾之積名曰痞氣。在胃脘覆大如盤。久不愈。令人四肢不收。發

黃疸。飲食不為肌膚。以冬壬癸日得之。何以言之。肝病傳脾。脾當傳

腎。腎以冬適王。王者不受邪。脾腹欲還肝。肝不肯受。故留結為積。故

知痞氣以冬壬癸日得之。四十

六難

脾脈微大為痞氣。腹裏大膿血。在腸胃之外。全文見治虛實法

〔素〕白脈之至也。喘而浮。上虛下實。驚。有積氣在胸中。喘而虛。名曰

肺痺寒熱。得之醉而使內也。五藏生成篇。〇喘謂脈躁數也。

〔難〕肺之積名曰息賁。在右脇下。覆大如杯。久不已。令人洒淅寒熱。

喘咳發肺壅。以春甲乙日得之。何以言之。心病傳肺。肺當傳肝。肝以

春適王。王者不受邪。肺復欲還心。心不肯受。故留結為積。故知息賁

以春甲乙日得之。五十一

六難

肺脈滑甚為息賁。主氣。全文見虛實法

〔素〕黑脈之至也。上堅而大。有積氣在小腹與陰。名曰腎痺。得之沐

浴清水而臥是也。

〔難〕腎之積名曰贲豚。發於少腹。上至心下。若豚狀。或下或上無時。

久不已。令人喘逆骨痿少氣。以夏丙丁日得之。何以言之。脾病傳腎。

腎當傳心。心以夏適王。王者不受邪。腎復欲還脾。脾不肯受。故留結

為積。故知贲豚以夏丙丁日得之。五十二

腎脈微急為沉厥奔豚。足不收。不得前後。全文見治虛實法

〔垣〕肝之積肥氣丸。治積在左脇下如覆杯。有頭足。久不愈。令人咳

逆。潛瘧連年不已。

肺積白
面浮數
右脇在

腎積黑
脈寸大
口大定
腹在少

治法五

厚朴兩半

黃連七錢

柴胡兩

椒去汗目閉不用四錢

巴苳霜五分

川烏炮去皮臍一錢二分

乾薑五分

皂角去皮弦子煨一錢半

白茯苓一錢半

廣茂炮

昆布

人參各二錢半

甘草三錢

右除茯苓皂角巴苳外。為極細末。再另研巴苳霜。旋旋入和勻。煉蜜丸。如桐子大。初服二丸。一日加一丸。二日加二丸。漸加至大便微澹。再從兩丸加服。周而復始。積減大半。勿服。
右後積藥。依此法服之。春夏秋冬。另有加減法。在各條下。秋冬加厚朴一半。通前重一兩。減黃連一錢半。若治風癩。於一料中加入參茯苓菖蒲各三錢。黃連只依春用七錢。雖秋冬不減。淡醋湯送下。空心服。

加減肥氣丸 仲夏合此治同前。

柴胡

厚朴各半兩

黃連一兩

川椒

甘草各五分

巴霜三錢

乾薑兩半

肉桂二錢

人參半兩

川烏三錢

右除巴苳末外。同為細末。旋入巴霜研勻。煉蜜丸。如桐子大。初服二丸。一日加一丸。二日加二丸。漸加至大便微澹。再從二丸加服。淡醋湯下。空心服。利大便秘。秋冬去生薑半錢。加厚朴一倍。減黃

連一半。

心之積伏梁丸。治起臍上大如臂。上至心下。久不愈。令人心煩。

黃連半一兩

人參兩

厚朴去皮薑製半兩

黃芩去皮三錢

肉桂錢一

乾薑

巴苳霜

川烏焙去皮臍各五分

紅苳

扶神去皮各錢一

丹參炮一錢

菖蒲五分

右除巴苳霜外為末。另研苳霜。旋入和勻。煉蜜為丸。如桐子大。初服二丸。一日加一丸。二日加二丸。漸加至大便微澹。再從二丸加服。淡黃連湯下。食遠。周而復始。即減半勿服。秋冬加厚朴半兩。通前共一兩。減黃連半兩。只用一兩。黃芩不用。

脾之積痞氣丸。氣在胃脘。腹大如盤。久不愈。令人四肢不收。發黃疸。飲食不為肌膚。

厚朴製半兩

黃連去鬚八錢

吳茱萸洗二錢

黃芩二錢

白茯苓另為末

澤瀉各一錢

巴苳霜另研四分

乾薑炮一錢五分

白朮二錢

川烏炮去皮臍五分

人參一錢

茵陳半錢

縮砂半錢

桂四分

川椒炒五分

右除巴苳霜茯苓另研為末旋入外。餘藥同為細末。煉蜜為丸。如桐子大。初服二丸。一日加一丸。二日加二丸。漸加至大便微澹。再從二丸加服。淡甘草湯下。食遠。周而復始。積減大半。勿服。

加減痞氣丸。孟秋合此。

黃芩酒製三分

益智三分

歸尾三分

廣茂

人參二分

葛根各二分

厚朴一錢

吳茱萸三分

澤瀉五分

昆布各二分

附子三分

黃連酒製

紅花五分

茯苓

橘皮去白

甘草炙

半夏各五分

青皮二分

神麴

熟地二分

巴苳霜

右爲末。蒸餅爲丸。桐子大。初服二丸。一日加一丸。二日加二丸。漸加至大便微溏。再從二丸加服。淡甘草湯送下。肺之積息奔丸。治左右脇下。覆大如杯。久不已。令人洒淅。寒熱喘咳。嗽發肺癰。

厚朴薑製八錢

巴苳霜四分

人參二錢

陳皮

黃連炒一兩

白茯苓一錢

桔梗一錢

京三稜炮

乾薑炮一錢

川烏臍去皮

紫苑去苗一錢

天門冬

桂枝去皮一錢

川椒去汗

青皮五分

白苳薹各一錢

右除茯苓巴苳霜旋入外。餘藥爲末。煉蜜丸。如桐子大。每服二丸。一日加一丸。二日加二丸。加至大便微溏。再從二丸加服。煎淡生薑湯送下。食遠。周而復始。積減大半。勿服。秋冬加厚朴五錢。通前

一兩三錢黃連減七錢用六錢

加減息奔丸 仲夏合此其積為病寒熱喘咳氣上奔脈瀦失精亡血氣滯則短氣血凝泣則寒熱相參氣分寒血分熱治法宜益元氣洩陰火破氣削其堅也

川烏 錢一

乾薑 錢一

人參 二錢

陳皮 八錢

黃連 三兩

紫苑 半錢

桂枝 二錢

巴苳霜 四分

厚朴 半錢

青皮 七分

川椒 炒去汗 錢半

紅花 少許

茯苓 半錢

桔梗 一錢

白豆蔻 一錢

京三稜 半錢

天門冬 去心 一錢半

右件為末湯泡蒸餅為丸如桐子大初服二丸一日加一丸二日加二丸加至大便微澹為度再從二丸加服煎生薑湯送下食前忌酒濕麵辛辣生冷之物

腎之積奔豚丸發於小腹上至心下若豚狀或上下無時久不已令人喘逆骨痠少氣及治男子內結七疝女子瘕聚帶下

苦棟 酒煮 三錢

黃連 炒 五錢

白茯苓 二錢

澤瀉 一錢

川烏 炮 五分

菖蒲 二錢

玄胡索 一錢

全蠍 一錢

附子 錢一

巴苳霜 四分

厚朴 薑製 七錢

獨活 一錢

丁香 五分

肉桂 三分

右除巴苳霜茯苓另爲末旋入外。餘藥爲細末。煉蜜丸。如梧子大。初服二丸。一日加一丸。二日加二丸。漸加至大便微澹。再從二丸。加服。淡鹽湯送下。食遠。周而復始。病減大半勿服。秋冬加厚朴半兩。通前用一兩二錢。如積勢堅大。先服前藥不減。於一料中加存性牡蠣三錢。疝帶勿加。如大積大聚。消其大半乃止。藥過劑則死。如積滿腹或半腹。先治其所起是何積。當先服本藏積藥。諸疾自愈。是治其本也。餘積皆然。如服藥不覺熱。加黃連。如服藥人氣短。加厚朴。如服藥人悶亂。減桂。

〔潔〕肝之積伏梁。溫白丸加柴胡川芎治之。心之積肥氣。溫白丸加菖蒲黃連桃仁治之。脾之積痞氣。溫白丸加吳茱萸乾薑治之。肺之積息奔。溫白丸加人參紫菀治之。腎之積奔豚。溫白丸加丁香茯苓遠志治之。溫白丸方見前

〔丹〕賈福六鼻子十餘歲。左脇有塊。能飲食。

青皮細切 醋炒 三稜 柴胡三分 桂枝

川芎 防風各二錢 白朮二錢 半 木通一錢 半

海藻一錢 甘草半錢

右分七帖。煎取半盞。下保和丸十五粒。忌一切。

〔無〕肥氣丸。治肝之積氣在脇下。如覆杯。其脈弦而細。

青皮炒

當歸

蒼朮各一兩半

蛇含石煨醋威三分

蓬朮

三稜

鐵孕粉各二兩與三稜蓬朮同入醋煮一伏時

右爲末。醋煮米糊丸。菴荳大。每服四十九丸。當歸酒下。

〔海〕治伏梁在皮下。結聚不散。用桃奴三兩爲末。空心溫酒調下。桃奴是桃實着樹不落者。正月採樹上乾桃子是也。出聖惠方

五靈脂一兩半

木香半兩

馬兜鈴去壳炒一兩 葶藶

右爲細末。棗肉爲丸。如桐子大。每服二十九丸。生薑湯下。日三。肺之積名曰息奔。在右脇下。大如杯。令人洒淅寒熱。喘嗽發肺癰。棗膏丸。

葶藶

陳皮

桔梗各等分

右下二味爲末。入葶藶研勻。煮肥棗肉和丸。如桐子大。每服五七丸。飲下。予嘗患停飲。久漬肺經。食已必嘔喘。覺肺系大急。服此良驗。

定喘急肺積葶藶丸。

苦葶藶一兩一分

當歸

肉桂

白茯苓

鱉甲

川烏頭

乾薑

吳茱萸

大杏仁

茯苓

人參各五錢

檳榔一兩

右爲細末。煮棗肉和杵丸。如桐子大。每服二三十丸。薑棗湯下。日四服。不拘時候。

師曰。奔豚病從小腹起。上衝咽喉。發作欲死。復還止。皆從驚恐得之。故越人曰。驚者神上越也。仲景謂奔豚從驚恐得之。蓋奔豚病上衝咽喉者。隨神上越也。奔豚氣上衝。胸腹痛。往來寒熱。奔豚湯主之。

甘草

芎藭

當歸各二兩

半夏四兩

黃芩二兩

生薑三兩

芍藥二兩

乾葛一兩二錢

甘李根白皮一升焙乾

右九味。以水二斗。煮取五升。溫服一升。日三夜一服。

茯苓桂枝甘草大棗湯。治臍下悸。欲作奔豚。桂枝加桂湯。治奔豚

氣從小腹上至心。已上二方並見傷寒

無散聚湯。治有塊痛無常處。展轉動移。

半夏

檳榔

當歸各一兩

陳皮

杏仁去皮尖

桂心各二兩

茯苓

甘草炙

附子炮去皮臍

川芎

枳殼炒

吳茱萸湯洗

厚朴薑製各一兩

右剉散。每四錢。水一盞半。煎七分。去渣。食前服。

運氣積塊皆從濕土經云。土太過曰敦阜。敦阜之化。其動濡積并積

雜方

是也。

〔丹〕琥珀膏貼塊。方見難 又貼塊三聖膏。用石灰十兩。細篩過。炒紅。急用好醋熬成膏。入大黃末一兩。官桂末半兩。攪勻。以瓦器封貯。紙攤貼患處。火烘熱貼。大黃須錦紋者。

〔世〕又貼塊。

白鴿糞兩

白芷三兩

硫黃

白蘇

木鱉子肉各一兩

右爲末。用麵水調和。傅患處。

〔丹〕貼積聚塊。

大黃

朴硝各一兩

各爲末。大蒜搗膏和勻貼之。

〔外〕集驗熨癥。吳茱萸三升碎之。以酒和煮。熱布裹熨癥上。冷更炒。更番用之。癥移走。逐熨之。候得乃止。

〔靈〕黃帝曰。人之善病腸中積聚者。何以候之。少俞答曰。皮膚薄而不澤。肉不堅而淖澤。如此。腸胃惡。惡則邪氣留止。積聚乃傷。脾胃之間。寒溫不次。邪氣稍至。積積留止。大聚乃起。五變篇

〔脈〕胃中有癖食冷物者。痛不能食。食熱則能推而外之。內者不外。心成積也。全文見諸脈診病雜文

〔難〕治邊有沉滯，久積聚，可切脈而知之耶。然診病在右脇有積氣，得肺脈結，脈結甚則積甚。結微則氣微。診不得肺脈而右脇有積氣者何也。然肺脈雖不見，右手脈當沉伏，則令痼疾同法耶。將異也。然結者脈來去時一止無常數，名曰結也。伏者脈行筋下者，浮也。脈在肉上行也。左右表裏法皆如此。假令脈結伏者，內無積聚，脈浮結者，外無痼疾。有積聚脈不結伏，有痼疾脈不浮結，為脈不應病，病不應脈，是為死病也。十八難

〔仲〕諸積大法，脈來細而附骨者，乃積也。寸口積在胸中，微出寸口，積在喉中，關下積在臍傍上，關上積在心下微下，關積在少腹，尺中積在氣衝，脈出在左，積在左，脈出在右，積在右，脈兩出，積在中央，各以其部處之。

〔素〕太陰瀯則病積，心腹時滿，厥陰瀯則病少腹積氣，少陰瀯則病積澀血，陽明瀯則病積，時善驚，太陽瀯則病積，時善巔疾，少陽瀯則病積，時筋急目痛。四時刺逆從論 寸口脈沉而橫，曰脇下有積，腹中有橫積痛。平人氣象論 ○即動脈之狀，厥厥如豆，不升降也。

〔脈〕左手脈橫瀯在左，右手脈橫瀯在右，脈頭大者在上，頭小者在下，脈遲而滑，中寒有瀯結，偏得洪實而滑為積，弦緊亦為積，為寒痺，為疝痛，內有積不見脈難治，見一脈相應為易治，諸不相應為不

治。脈弦。腹中急痛。腰背痛相引。腹中有寒疝瘕。脈弦緊而微細者。癥也。夫寒痺癥瘕積聚之脈皆弦緊。若在心下。即寸弦緊。在胃脘。即關弦緊。在臍下。即尺弦緊。脈弦小者寒痺。

心肺有積痺。其脈皆喘數。經云。赤脈之至也。喘而堅。診曰。有積氣在中。名曰心痺。白脈之至也。喘而浮。上虛下實。有積氣在胸中。喘而虛。名曰肺痺是也。

肝有積。其脈弦長面青。經云。青脈之至也。長而左右彈。有積氣在心下支肱。名曰肝痺是也。

脾腎有積痺。其脈皆大。經云。黃脈之至也。大而虛。有積氣在腹中。黑脈之至也。上堅而大。有積氣在小腹與陰。名曰腎痺。王註云。上謂寸口是也。全文見上 藏府條

〔脈〕診人心腹積聚。其脈堅強急者生。虛弱者死。脈弦而伏者。腹中有癥。不可轉也。必死不治。

〔靈〕黃帝問曰。夫百病之始生也。皆生於風雨寒暑。清濕喜怒。喜怒不節則傷臟。風雨則傷上。清濕則傷下。三部之氣。所傷異類。願聞其會。岐伯曰。三部之氣各不同。或起於陰。或起於陽。請言其方。喜怒不節則傷臟。臟傷則病起於陰也。清濕襲虛。則病起於下。風雨襲虛。則病起於上。是謂三部。至於其淫泆。不可勝數。百病始生 篇下同是故虛邪之

三部之積皆由虛生

中人也。始於皮膚。皮膚緩則腠理開。開則邪從毛髮入。入則抵深。深則毛髮立。毛髮立則澌然。故皮膚痛。留而不去。則傳舍於絡脈。在絡之時。痛於肌肉。其痛之時息。大經乃代。留而不去。傳舍於經。在經之時。洒淅善驚。留而不去。傳舍於輸。在輸之時。六經不通四肢。則肢節痛。腰脊乃強。留而不去。傳舍於伏衝之脈。在伏衝之時。體重身痛。留而不去。傳舍於腸胃。在腸胃之時。賁響腹脹。多寒則腸鳴飧泄。食不化。多熱則漉出糜。留而不去。傳舍於腸胃之外。募原之間。

已上數端。皆邪氣襲虛留而不解去。以次相傳。未會留者。無有定所。若留者而有定所。則不能傳矣。所謂留者者。當如下文法云。

留着於脈。稽留而不去。息而成積。或着孫脈。或着絡脈。或着經脈。或着輸脈。或着於伏衝之脈。或着於膻筋。或着於腸胃之募原。上連於緩筋。邪氣淫泆。不可勝論。其着孫絡之脈而成積者。其積往來上下。臂手孫絡之居也。浮而緩不能拘積而止之。故往來移行腸胃之間。水淩滲注灌。濯濯有音。有寒則膈膜滿雷引。故時切痛。其着於陽明之經。則挾臍而居。飽食則益大。餘則益小。其着於緩筋也。似陽明之積。飽食則痛。飢則安。其着於腸胃之募原也。痛而外連於緩筋。飽食則安。飢則痛。其着於伏衝之脈者。揣之應手而動。發手則熱氣下於兩股。如湯沃之狀。其着於膻筋。在腸後者。飢則積見。

清濕
襲虛
之積

忿怒
傷藏
之積

針灸

飽則積不見。按之不得。其着於輸之脈者。閉塞不通。津液不下。孔竅乾壅。此邪氣之在外入內。從上下也。此謂風雨襲陰之虛。病起於上而積生也。

黃帝曰。積之始生。至其已成。奈何。岐伯曰。積之始生。得寒乃生。厥乃

成積也。黃帝曰。其成積奈何。岐伯曰。厥氣生足惋。足惋生脛寒。脛寒

則血脈凝滯。血脈凝滯則寒氣上入於腸胃。入於腸胃則膜脹。膜脹

則腸外之汁沫迫聚不得散。日以成積。卒然多食飲則腸滿。起居不

節。用力過度。則絡脈傷。陽絡傷則血外溢。血外溢則衄血。陰絡傷則

血內溢。血內溢則後血。腸胃之絡傷則血溢於腸外。腸外有寒汁沫。

與血相搏。則并合凝聚不得散。而積成矣。卒然外中於寒。若內傷於

憂怒。則氣上逆。氣上逆則六輸不通。溫氣不行。凝血蘊裹而不散。津

液瀋滲。着而不去。而積皆成矣。此謂清濕襲陰之虛。病起於下而成積也。

黃帝曰。其生於陰者奈何。岐伯曰。憂思傷心。重寒傷肺。忿怒傷肝。醉

以入房。汗出當風。傷脾。用力過度。若入房汗之浴。則傷腎。此謂喜怒傷藏。病起於陰也。風

雨襲陰之虛。則病起於上而生積。清濕襲陰之虛。則病起於下而成積。此內外三部皆受病。其積方成矣。帝曰。善治之奈何。岐伯對曰。察其所痛。以知其應。有餘不足。當補則

補。當瀉則瀉。毋逆天時。是謂至治。

手少陰筋病。內急。心承伏梁。下為肘網。治在燔針劫刺。以知為數。以

痛為輸。其成伏梁。唾血膿者。死不治。

手太陰筋病。甚成息奔。脇急吐血。手心主筋病。胸痛息奔。皆治在燔針。切刺。以知爲數。以痛爲輸。經文並見經筋

〔桑〕癥瘕積塊。先於塊上針之。甚者又於塊首一針。塊尾一針。立應。針訖灸之。又三里灸之。

〔玉〕氣塊。照海。內關。通谷。又積塊。章門。中脘。灸皆三報之

氣海。天樞。上脘。通谷。選用〔甲〕傷憂煩思氣積。中脘主之。腹中積上下行。懸樞主之。大腸

轉氣。按之如覆杯。熱引胃痛。脾氣寒。四肢煩。不嗜食。脾俞主之。腹中積聚。時切痛。商一作盲曲主之。胸中有大疝瘕積。與陰陽相引而痛。苦涌泄上下出。補尺澤太谿。手陽明寸口皆補之。

〔摘〕伏梁氣狀如覆杯。上脘。三里。〔甲〕息奔時唾血。巨缺主之。息奔脇下。氣上衝。胸中有熱。期門主之。

〔撮〕奔豚氣。水道。二寸灸五寸壯瀉之

〔桑〕奔豚搶心不得息并疝。玉泉。三寸即中極穴章門。五十壯

又法。奔豚氣攻心脇痛滿。淹淹欲絕。急先用湯洗手足。數數易之。却取下穴。氣海。期門。關元。各五七壯關門。在玉莖旁二寸針入二寸半灸二十七壯

〔甲〕賁豚腹腫。章門主之。奔豚上下。期門主之。少腹積聚。勞宮主之。奔豚卵上入。痛引莖。歸來主之。賁豚上腹臙堅。痛引陰中。不得小便。兩丸騫。陰交主之。賁豚氣腹臙痛。舌強不能言。莖臙先引腰。後引小腹。腰臙少腹堅痛。下引陰中。不得小便。兩丸騫。石門主之。賁豚寒氣入小腹。時欲嘔傷中。瀉血。小便數。背臙痛引陰。腹中窘急欲俵。後泄不止。關元主之。賁豚上搶心。甚則不得息。忽忽少氣。口厥心煩痛。飢不能食。善寒中腹脹。引臙而痛。小腹與脊相控。暴痛時窘之後。中極主之。

婦人血積

〔丹〕婦人有塊。多是血塊。

當歸丸。治婦人月經不調。血積證。

當歸

赤芍

川芎

熟地

廣茂

京三稜 各半錢

神麩

百草霜 各二錢半

右為細末。酒糊為丸。桐子大。溫水下。

〔本〕牛膝根淨洗切。焙乾搗。下酒煎溫服。治婦人血塊立效。

右輕劑

〔杜〕尚書媳婦馬氏年三十二。腹中血塊作疼。經五六年。形已骨立。衆皆曰不可為。奈其未死何。家甚貧。而大小慰之。一日召杜至。告杜

曰。但以濟物為懷則可。業已請召明公。非所言也。遂以少物帛贈杜。杜不受。曰。但服某藥必獲安。無以是為疑。遂示方。用沒藥牛膝乾漆當歸各半兩。礪砂木香水蛭炒紅娘子炒紅花牡丹皮珠砂各一分。海馬一箇。斑蝥去翅足炒。十四箇為末。酒醋各半升。熬為膏。每日天明。用一皂子大。酒醋化下。一月病退。六十日漸安。果如其言。

右重劑

〔垣〕加減四物湯。治婦人血積。

當歸

川芎

芍藥

熟地

廣茂

桂去皮

京三稜

乾漆炒烟盡各等分

右為粗末。每服二錢。水二盞。煎法如常。食前。

〔大〕黑神丸。

神麩

茴香各四兩

木香

川椒炒香出汗

丁香各半兩

檳榔四箇

乾漆六兩半生半熟用薑湯麥半日令香

右除椒漆外。五物皆半生半炒。為細末。用前生熟漆和丸。如彈子大。又用茴香十二兩。鋪陰地陰乾。候外乾。并茴香收器中。至乾。去茴香。用治腎氣膀胱疝瘕。及疝墜五隔血崩。產後諸血。漏下赤白。並一丸分四服。死胎一丸。皆綿灰酒下。若難產。炒葵子四十九粒。杵碎。酒煎下。諸疾不過三服。法氣十服。膈氣癥癖五服。血瘕

三九。一婦有塊如杯。每發痛不可忍。諸藥莫愈。投此丸盡三服。杯氣盡消。終身不復作矣。

〔雲〕沒藥散。治一切血氣。臍腹撮痛。及產後惡露不行。兒枕痛。

血竭

沒藥並細研

桂心

當歸

蒲黃

紅花

木香

玄胡索

乾漆炒

赤芍各等分

右為極細末。每服二錢。熱酒調下。食前。若血塊衝心痛甚。危者以大順散三錢。酒調服。立止。

牡丹散。治婦人久虛羸瘦。血塊走注。心腹疼痛。

牡丹皮

桂心

當歸

玄胡索各一兩

莪朮

牛膝

赤芍各三分

京三稜各一兩

右為粗末。每服三錢。水酒各半盞。

〔羅〕木香瀾砂丸。治婦人法癖積聚。血塊刺痛。脾胃虛寒。宿食不消。久不瘥者。

丁香

瀾砂研

木香

官桂

附子炮

乾漆炒烟盡

細墨

大黃剉炒

乳香

廣茂

青皮

京三稜

巴豆霜減半

沒藥研

猪牙皂角

乾薑炮各等分

右除礪砂乳香沒藥外。同為細末。以好醋一升。化開礪砂。去渣脚。入銀器中。慢火熬。次下巴芫霜。大黃末。熬成膏。將前藥末與膏為丸。如麻子大。每服三五十九。食後溫水送下。加至大便利為度。治血積挾熱之證。於產後血塊求之。

〔大〕桃仁煎。治婦人血痕血積。經候不通。出千金方

桃仁去皮尖炒黃

大黃

蠱蟲

朴硝

右四味末之。以醇醋二升半。銀石器中。慢火煎取一升五合。下桃仁大黃蠱蟲等。不住手攪千下。次下朴硝。更不住手攪良久出之。丸如桐子大。前一日不用吃晚飯。五更初。用溫酒吞下五丸。日午取下如□□汁雞肝蝦蟆衣。未下再作。見鮮血即止。即以調氣血藥補之。

腸覃生於腸外。月事時下。石瘕生於胞中。月事不以時下。二病皆似

蠱脹。並見脈門

〔脈〕診婦人疝癖積聚。脈弦急者生。虛弱小者死。

〔甲〕婦人子藏中有惡血。內逆滿痛。石關主之。

胎前產後積

〔素〕黃帝問曰。婦人重身毒之何如。岐伯曰。有故無殞。亦無殞也。帝曰。願聞其故。何謂也。岐伯曰。大積大聚。其可犯也。衰其大半而止。過

者死。至真要大論

〔丹〕血塊如盤。有孕難服峻劑。此方主之。

香附醋煮 四兩

桃仁去皮尖 一兩

海粉醋煮 二兩

白朮一兩

麵糊丸服。

南山婦人年三十八。於九月廿三日月經行。比前過後十日。得草藥以敗血海為下胎之謀。有數滴血下。因此腹痛。在小腹下。有塊如碗大。不可按。湯熨則痛稍定。大小便抽痛。小便澁。大便略下。少赤。積垢。食不進。口略渴。發熱。此胃氣為草藥所敗。加以受傷之血。妄行而不得洩。所以為病。

砂仁三分

甘草炙 三分

滑石半錢

川芎

黃芩各三分

牛膝錢二

桃仁七箇

水酒煎服。

〔保〕芍藥湯。治產後諸積不可攻。宜養陰去熱。其病自安。

芍藥斤一

黃芩

茯苓各六兩

右散。每半兩。水煎。日三服。溫。

〔丹〕產後消血塊。

滑石錢三

沒藥錢二

血竭錢二

右為細末。醋糊丸。如惡露不下。以五靈脂為細末。麵糊丸。白朮湯。陳皮湯送下。

瘡疔
血方

又消血塊

香附童便

桃仁去皮

為末醋糊丸

息積

〔素〕帝曰病脇下滿氣逆二三歲不已是為何病岐伯曰病名曰息積此不妨於食不可灸刺積為導引服藥藥不能獨治也奇病論〇王註云氣逆息難故

〔無〕磨積丸

胡椒一百五

木香二錢

全蠍十枚

右為末粟米丸葶苈大每十五丸陳皮湯下

化氣湯治息積

砂仁

桂心

木香各二錢

甘草炙

茴香炒

丁香皮

青皮炒

陳皮

乾薑

蓬朮炮各半兩

胡椒

沉香各一錢

右為末每服二錢薑蘇鹽湯調下婦人醋湯服

陳無擇云導引法隨意行之皆可愚謂或按摩滿處或手足相屈伸或入段錦或大字氣之類以氣通為效

面 面腫頰腮痛 面熱面寒 面青 面塵 面赤

黃 面白 面黑 頰車病

面候

〔靈〕黃帝曰。首面與身形也。屬骨連筋。同血合於氣耳。天寒則裂地
 凌冰。其卒寒。或手足懈惰。然而其面不裂何也。岐伯答曰。十二經脈。
 三百六十五絡。其血氣皆上於面而走空竅。其精陽氣上走於目而
 為睛。其別氣走於耳而為聽。其宗氣上出於鼻而為臭。其濁氣出於
 胃。走唇舌而為味。其氣之津液。皆上薰於面。而皮又厚。其肉堅。故天
 熱甚寒。不能勝之也。邪氣臟腑
 病形篇

面腫頰腮痛

〔丹〕朱奶兩腮熱腫。膈壅之病也。

乾葛

桔梗半一錢

升麻一錢

蘇葉半一錢

甘草

炙七分

薄荷一錢

薑片一錢

水煎服。

〔垣〕咽痛頰腫。脈洪大。面赤者。羌活勝濕湯加黃芩桔梗甘草各半
 錢治之。如耳鳴目黃。頰頰腫。頸肩膈肘臂外後廉痛。面赤。脈洪大者。
 以羌活防風甘草藁本通其經血。加黃連黃芩消其腫。以人參黃芪
 益其元氣而瀉其火邪。

〔丹〕兩腮腫。細辛草烏等分為末。入蚌粉。以猪脂調傅腫處。口含白
 梅置腮邊。良久腫退出。涎患消矣。消時腫必先向下。

〔世〕治炸腮。

竹葉

車前草

柏子仁

杵碎。熱傳患處。

腮腫。用赤小荳末傳之。立效。

〔山〕炸腮。雞子清調赤小荳末。及喉下諸般腫痛。用蝸牛飛麵研勻。貼腫處。

〔素〕面腫曰風。平人氣象論

〔子〕主卒中風。頭面腫。杵杏仁如膏傳之。

針灸面頰腫痛有三法。

其一取手陽明。經云。顛痛刺足陽明。曲周動脈見血立已。不已按人迎于經立已。又云。厥胸滿面腫。骨潔潔然。暴言難。甚則不能言。取足陽明。又云。厥頭痛。面若腫起而煩心。取之足陽明。太陰為煩心也。又云。顛痛刺手陽明與顛之盛脈出血是也。

其二取手太陽。經云。手太陽之脈是動。則頰腫。不可以顧。所生病者目黃。頰痛。視盛虛熱寒。陷下取之也。

其三取手足太陽。經云。三焦手少陽之脈。所生病者頰痛。又云。膽足少陽之脈。所生病者頰腫。視盛虛熱寒。陷下取之也。又云。肝氣逆則頭痛。耳聾。頰痛。取血者。蓋取足少陽之血也。

〔東〕面赤。頰熱。惡風寒。頰痛。攢竹。玉枕。灸三壯巨筭。灸五壯

〔集〕頰腫生瘡。名枯曹風。合谷。列缺。地倉。頰車。不應再取下穴人

中 承漿 玉液 金津 三里

〔甲〕面腫。目癰腫。刺陷谷。出血立止。頤腫脣癰。顴竅主之。頤腫痛。天窻主之。頰腫口急。頰車痛。不可以嚼。頰車主之。

面熱面寒

〔丹〕面熱。火氣因鬱熱。面寒。因胃虛。

〔靈〕面熱者。足陽明病。邪氣鬱附。病形篇

〔垣〕飲食不節。則胃病。胃病則氣短。精神少。而生大熱。有時而火上行。獨燎其面。針經云。面熱者。足陽明病。

〔羅〕面熱。楊郎中之內五十一歲。身體肥盛。己酉春患頭目昏悶。面赤熱多。服清上藥不效。請予治之。診其脈洪大而有方。內經云。面熱者。足陽明病。脈經云。陽明經氣盛有餘。則身已前皆熱。况其人素膏梁積熱於胃。陽明經多血多氣。木實則風熱上行。諸陽皆會於頭目。故面熱之病生矣。先以調胃承氣湯七錢。加黃連三錢。犀角一錢。疎下三兩行。徹其本熱。次以升麻加黃連湯。去經絡中風熱上行。如此。則標本之邪俱退矣。

升麻加黃連湯

升麻

葛根各一錢

白芷七分

甘草後五分

白芍五分

酒黃連四分

生犀末三分

川芎三分

荆芥穗三分

薄荷三分

右剉。如麻苳大。用水半盞。先浸川芎。荆芥。薄荷外。都作一服。水二盞。煎至一盞。入先浸三味。同煎。至七分。去渣。食後溫服。數服愈。忌酒濕麵五辛之物。

咳逆。停息不得臥。面熱如碎。此為胃熱上衝薰其面。扶苓。桂枝。五味。甘草湯。加大黃以利之。前文方見喘不得臥

〔羅〕面寒。眞定維摩院尼長老六十一歲。身體瘦弱。己酉十月間。病頭而不耐寒。氣弱不敢當風行。諸治不效。予診之。其脈皆弦細而微。且其人年高。素食茶菓而已。陽明之經本虛。脈經云。氣不足則身已前皆寒慄。又加看誦損氣。由此胃氣虛。經絡之氣亦虛。不能上榮頭面。故惡風寒。先以附子理中丸溫其中氣。次以升麻湯加附子主之。

升麻

葛根

白芷

黃芪各七分

甘草各五分

黑附子七分

人參

草苳薹各三分

益智仁三分

右剉。如麻苳大。都作一服。水三盞。連鬚白葱頭二莖。同煎一盞。去渣溫服。食前。數服良愈。

升麻湯辨。或曰升麻加黃連湯治面熱。升麻加附子湯治面寒。有

何依據。答曰。出自仲景。雲岐子註傷寒論中辨葛根湯云。尺寸脈俱長者。陽明受病也。當二三日發。以其脈夾鼻絡於目。故身熱目疼。鼻乾不得臥。此陽明經受病也。始於鼻交頰中。從頭至足。行身之前。爲表之裏。陽明經標熱本實。從標脈浮而長。從本脈沉而實。陽明爲病。蒸蒸而熱。不惡寒。身熱爲標病。陽明本實者。胃中燥。鼻乾目疼。爲本病。陽明爲肌肉之本。禁不可發汗。在本者不禁下。發之則變黃症。太陽主表。榮衛是也。榮衛之下。肌肉屬陽明。三陽併病。葛根湯主之。衛者。桂枝。榮者。麻黃。榮衛之中。桂枝麻黃各半湯主之。榮衛之下。肌肉之分者。葛根湯主之。又名解肌湯。故陽明爲肌肉之本。非專於發汗止汗之治。桂枝麻黃兩方。互併爲一方。加葛根者。便作葛根湯。故榮衛肌肉之次也。桂枝芍藥生薑甘草大棗止汗。有麻黃桂枝甘草發汗。葛根味薄。獨加一味者。非發汗止汗也。從葛根以解肌。故名葛根湯。錢仲陽制升麻湯。治傷寒瘟疫風熱。壯熱頭痛。肢體痛。瘡診已發。未發用葛根爲君。升麻爲佐。甘草芍藥安其中氣。朱奉議作活人書。將升麻列作陽明經解藥。予診楊氏婦。陽明經標本俱實。先攻其裏。後瀉經絡中風熱。故用升麻湯加黃連。以寒治熱也。尼長老陽明經標本俱虛。先實其裏。次行經絡。故用升麻湯加附子。以熱治寒也。仲景乃羣方之祖。信哉。

面青 面塵

〔難〕肝外證。面青。善潔。善怒。十六難
運氣面塵有二。

一曰燥金制肝。經云。陽明司天。燥淫所勝。民病隘乾面塵。又云。陽明在泉。燥淫所勝。病隘乾面塵。又云。金鬱之發。隘乾面塵。宜治以濕劑是也。

二曰火。經云。少陽之復。厥氣上行。面如浮塵。目乃眴。瘳。治以寒劑是也。

針灸面塵皆取肝膽二經。經云。肝足厥陰之脈是動。病甚則隘乾面塵脫色。又云。膽足少陽之脈是動。病甚則面微有塵。皆視盛虛熱寒。陷下取之也。

面赤

〔難〕心外證。面赤。口乾。善笑。十六難

〔垣〕面赤為邪氣怫鬱在經。宜表不宜下。

仲景云。下利脈沉而遲。其人面赤。身有微熱。下利清穀者。以鬱胃汗出而解。此面赤亦表而解也。

運氣面赤皆屬寒。經云。太陽司天。寒淫所勝。民病面赤目黃。治以熱劑是也。

針灸 面赤皆取心主。經云心主手厥陰之脈。是動則病面赤目黃。視盛虛熱寒啗下取之也。

面黃 治法見黃疸門

脾土 診

〔難〕脾外證。面黃。善噫。善思。善味。十六難
〔素〕陽明經終者口目動作。善驚。妄言。色黃。診要經終篇

面白

肺金 虛寒

〔難〕肺外證。面白。善噫。悲愁不樂。欲哭。十六難
血脫者色白。天然不澤。其脈空虛。全文見治虛實法

〔垣〕巴戟丸。治肺病。面白不悅。則為脫氣脫血脫津脫液脫精脫神。方見夢遺
脈緊者寒也。或面白善噫。或面色惡。皆寒也。以羌活防風甘草藁本四味瀉足太陽。少加附子以通其脈。面色惡。悲恐者。更加桂附。

太陽終者戴眼。反折瘵癢。其色白。絕汗出。
少陽終者耳聾。百節皆縱。目覈絕系。其色青白。已上全文見診生死法

面黑 若身黃面黑於黑痘求之

〔難〕腎外證。面黑。善恐。欠。十六難

〔羅〕陰出乘陽。一婦人年幾三十。憂思不已。飲食失節。脾胃有傷。面色黧黑不澤。環唇尤甚。心懸如飢狀。又不欲食。氣短而促。大抵心

肺在上。行榮衛而光澤於外。宜顯而藏。腎肝在下。養筋骨而強於內。當隱而不見。脾胃在中。主傳化精微以灌四旁。沖和而不息。其氣一傷。則四臟失所。憂思不已。氣結而不行。飲食失節。氣耗而不足。使陰氣上溢於陽中。故黑色見於面。又經云。脾氣通於口。其華在唇。今水反來侮土。故黑色見於唇。此陰陽相反。病之逆也。上古天真論云。陽明脈衰於上。面始焦。故知陽明之氣不足。非助陽明生發之劑。無以復其色。故以沖和順氣湯主之。

升麻一錢

葛根半錢

甘草四分

芍藥三分

白芷一錢

黃芪八分

防風一錢

人參七分

蒼朮三分

內經曰。上氣不足。推而揚之。以升麻苦平。葛根甘溫。自地升天。通行陽明之氣。爲君。人之氣以天地之風名之。氣留而不行者。以辛散之。防風辛溫。白芷甘辛溫。以散滯氣爲臣。蒼朮苦辛。蠲除陽明經之寒。白芍藥之溫酸。安太陽經之怯弱。十劑云。補可去弱。人參羊肉之屬。人參黃芪甘草甘溫。補益正氣爲臣。至真要大論云。辛甘發散爲陽。生薑辛熱。大棗甘溫。和榮衛。開腠理。致津液。以復其陽氣。故以爲使。右件咬咀。都作一服。水二盞。薑三片。棗二枚。同煎至一盞。去渣。溫服。早飯後。午飯前。取陽升之時。使人之陽氣易達。故也。數服而愈。

〔孫〕樊樓有店家劉三。一日滿面皆黑色。有相者斷云。不過月餘死。既過月且安。孫入店與客飲酒。遂拜孫述說其病狀。孫特與診之曰。非病也。乃為臭氣所薰。穢氣畜於面部不散。故有此色。問劉曰。汝一月前聞甚一陣。非常臭氣。不能避耶。劉曰。一日登溷。其廁臭氣不可聞。隱忍良久。下廁。明日遂有此疾。孫曰。去至臭無過至香。我家有南入將至。售香。可用沉檀二香各一兩。碎擘焚於爐中。安帳內以薰。絹被蓋定。勿令香氣散。可端坐香邊。瞑目靜坐。候香氣散方可出帳。明日引鑑照之。劉依其言。面色漸變。旬日如故。腎臭腐屬水。脾臭香屬土。今夫廁黑沉香者。香臭也。故薰之則脾土勝腎水而色還也。

針灸面黑有二法。

其一取胃經云。胃足陽明之脈。是動則病。洒洒振寒。顏黑。

其二取腎經云。足少陰之脈。是動則病。飢不欲食。面如漆柴。視盛虛熱寒。陷下取之也。

少陰終者。面黑齒長而垢。腹脹閉。全文見診生死下同

太陰終者。腹脹閉不得息。善噫嘔逆。則面赤。不逆則面黑。皮毛黑。

頰車病。謂頰車開而不合

〔肅〕平江陳氏。因驚懼後。常用手指甲招挂兩頰。遂兩頰破損。心中懊懷不安。脈數而實。諸藥不愈。用活幼口義牛黃清心涼膈丸數服。

如失。

〔無〕凡伸欠頰車蹉但開不能合。以酒飲之。令大醉。睡中吹皂角末。搐其鼻。嚏透即自正。

狂癲

狂謂妄言妄走也。癲謂僵仆不省也。各自一症。今以狂入脾部。癲入肝部。然經有言狂癲疾者。有言狂互引癲者。又言癲疾為狂者。此則又皆狂癲兼病。今病有妄言妄走。頃時前後僵仆之類。有僵仆後妄見鬼神半日方已之類。是以癲狂兼病者也。

〔難〕癲狂之病。何以別之。然狂之始發。少臥而不飢。自高賢也。自辨智也。自貴倨也。妄笑好歌樂。妄行不休是也。癲疾始發。意不樂。直視僵仆。其脈三部陰陽俱盛是也。重陽者狂。重陰者癲。五十九難○王註云狂飲食自言賢智尊貴歌笑行不休今人以為癲疾謬矣

〔素〕二陰一陽皆交至。病在腎。罵詈妄行。癲疾為狂。陰陽類論○王註云二陰病在腎胃為狂

〔靈〕邪入於陽則為狂。轉則為癲疾。九針篇

〔素〕癲疾厥狂。久逆之所生也。通評虛實論太陽所謂狂癲疾者。陽盡在

上而陰氣從下。下虛上實。故狂癲疾也。脈解篇針灸狂癲有二法。

針灸
上實
下虛

其一取胃。經云。足陽明之別名曰豐隆。去踝八寸。別走太陰。其病實則狂癲。取之所別是也。

其二取膀胱。經云。膀胱足太陽之脈。所生病者狂癲。視盛虛熱寒。陷下取之也。

〔甲〕狂癲疾吐舌。太乙及滑肉期門主之。狂仆。溫溜主之。狂癲疾。陽谷及築賓通谷主之。狂互引顛疾數發。後谿主之。狂癲陰谷主之。

狂

狂

欲獨閉戶牖而處。陰不勝其陽。則脈流蕩。疾并乃狂。全文見治虛實法

血并於陽。氣并於陰。故為驚狂。全文見刺虛法

〔素〕帝曰。有病怒狂者。此病安生。岐伯曰。生於陽也。帝曰。陽何以使人狂。岐伯曰。陽氣者。因暴折而難決。故善怒也。病名曰陽厥。帝曰。何以知之。岐伯曰。陽明者常動。巨陽少陽不動。不動而動大疾。此其候也。帝曰。治之奈何。岐伯曰。奪其食即已。夫食入於陰。長氣於陽。故奪其食即已。使之服。以生鐵落為飲。夫生鐵落者。下氣疾也。病能

〔無〕號礬丹治狂效。方見類

鎮心丹治驚悸自汗。心煩短氣。喜怒悲惡。悉不自知。忘魂失魄。狀若神靈所憑。及男子遺泄。女子帶下。

神靈所憑。及男子遺泄。女子帶下。

神靈所憑。及男子遺泄。女子帶下。

神靈所憑。及男子遺泄。女子帶下。

神靈所憑。及男子遺泄。女子帶下。

神靈所憑。及男子遺泄。女子帶下。

士實
者從
高抑
之

實

在者因
之而越

辰砂 研

白礬 煨汁盡
各等分

右爲末。水丸。如雞頭大。每服一丸。煎人參湯下。食後服。

〔世〕浙江一婦人。癩狂不止。醫以瓜蒂半兩爲末。每一錢重。井花水調滿一盞投之。隨得大吐。吐後熟睡。勿令驚動。自此無恙。

〔竹〕來甦膏。治遠年近日風癩心病。風狂中風。涎沫潮閉。牙關不開。及破傷風。並皆治之。

皂角

一兩肥大無蟲
蛀者去皮弦子

右將皂角切碎。用漿水一大碗。春秋浸三四日。冬七日。夏一二日。揉開取淨。浸透皂角汁。入銀器或砂鍋內。以文武火熬。用新柳條槐枝攪。熬似膏藥取出。攤於夾紙上。陰乾收貯。如遇病人。取手掌一大片。用溫漿化在盆內。用竹管兒盛藥水。將病人扶坐定。頭微擡起。將藥吹入左右鼻孔內。良久扶起。涎出爲驗。欲要涎止。將溫鹽湯令病人服一二口便止。忌雞魚生硬濕麵等物。

〔子和〕一男子落馬發狂。起則目瞪狂言。不識親疎。棄衣而走。罵言涌出。氣力加倍。三五人不能執縛。燒符作醮。問鬼跳巫。殊不知顧服丹砂牛黃犀珠腦麝。資財散去。室中蕭然。不遠二百里而求戴人。一往。戴人以車軸埋之地中。約高二丈許。上安中等車輪。其轆上鑿一穴。如作盆之狀。縛病人在其上。使之伏臥。以軟衲襯之。又令一人於

下坐機一枚。以棒攪之。轉千百遭。病人吐出青黃涎沫一二斗許。繞車輪數匝。病人曰。我不能堪。可解我下。從其言而解之。索涼水。與之冰水。飲數升。狂乃罷矣。

〔素〕帝曰。陽明病甚。則棄衣而走。登高而歌。或至不食數日。踰垣上屋。所上之處。皆非其素所能也。病反能者。何也。岐伯曰。四肢者。諸陽之本也。陽盛則四肢實。實則能登高也。帝曰。其棄衣而走者。何也。岐伯曰。熱甚於身。故棄衣欲走也。帝曰。其妄言罵詈。不避親疎。而歌者。何也。岐伯曰。陽盛則使人妄言罵詈。不避親疎。而不欲食。不欲食。故妄走也。陽明脈解篇。陽明所謂病至則欲乘高而歌。棄衣而走者。陰陽復爭外。并於陽。故使之棄衣而走也。

〔海〕許氏病陽厥。狂怒罵詈親疎。或哭或歌。六脈舉按無力。身表如水石。發即叫呼聲高。潔古云。奪食則已。因不與之食。予用大承氣湯下之。得臟腑渣穢數升。狂稍寧。數日復發。復下。如此五七次。行大便秘斗。疾瘥。身溫脈生。良愈。此易老奪食之法也。
〔保〕當歸承氣湯。

當歸

大黃各一兩

甘草半兩

芒硝七錢

右剉。如麻荳大。每二兩。水一大碗。薑五片。棗十枚。煎至一半。去渣。熱溫服。若陽狂奔走。罵詈不知親疎。此陽有餘。陰不足。大黃芒硝去胃中實熱。當歸補血益陰。甘草緩中。加薑棗者。胃屬土。此引入

陽明實則
脈伏
宜下

胃中也。經所謂微者逆之。甚者從之。此之謂也。以大利爲度。微緩以瓜蒂散入防風未藜蘆未吐之。其病立安。後用調心散洗心散涼膈散解毒湯等調之。

〔子和〕一狂人陰不勝其陽。則脈流薄疾。陽奔乃狂。難經曰。陽極則狂。陰極則癲。陽爲腑。陰爲臟。非陽熱而陰寒也。熱奔於陽則狂。狂則生寒。奔於陰則癲。癲則死。內經曰。足陽明實則狂。故登高而歌。棄衣而走。無所不爲。是熱之極也。以調胃承氣大作湯下數十行。三五日復上涌一二升。三五日又復下之。凡五六十日。下百餘行。吐亦七八度。如吐時暖室置火以助其汗。數汗方平。

一叟年六十。值徭役煩擾而暴發狂。口鼻覺如蟲行。兩手爬搔。數年不已。戴人診其兩手脈皆洪大如鉅。斷之曰。肝主謀。膽主決。徭役迫遽。財不能支。則肝屢謀而膽屢不能決。屈無所伸。怒無所洩。心火熾礪。乘陽明金。然胃本屬土。而肝屬木。膽屬相火。火隨木氣而入胃。故暴發狂。乃命置煨室中。涌而汗出。如此三次。內經曰。木鬱則達之。火鬱則發之。正謂此也。又以調胃承氣湯半斤。用水五升。煎半沸。分作三服。大下二十行。血水與瘀血相雜而下數升。來日乃康。以通聖散調其後。

〔孫〕相國寺僧充忽患癲疾。經半年。遍服名醫藥皆不效。僧俗兄潘

氏家富。召孫療之。孫曰。今夜睡着。明後日便愈也。潘曰。且告投藥。報恩不忘。孫曰。有鹹物。但與師吃。待渴却來道。至夜僧果渴。孫至。遂求溫酒一角。調藥一服與之。有頃。再索酒。與之半角。其僧遂睡。兩晝夜。乃覺。人事如故。潘謝孫。問其治法。曰。衆人能安神矣。而不能使神昏得睡。此乃靈苑方中。珠砂酸棗仁乳香散也。人不能用耳。

辰砂散。治風痰諸癩。狂言妄走。精神恍惚。思慮迷亂。乍歌乍哭。飲食失常。疾發仆地。吐沫戴目。魂魄不守。醫藥無驗。

辰砂 一兩須光明
有墮壁者

酸棗仁 半兩
微炒 乳香 半兩
鑿者

右量所患人飲酒幾何。先令恣飲沉醉。但勿令吐。至靜室中。以前藥都作一服。溫酒調下。作一盞調之。令頓飲。如飲酒素少人。但以隨量取醉。服藥訖。便安置牀枕令臥。病淺者半日至一日。病深者三兩日。令家人潛伺之。氣息勻調。但勿喚覺。亦不可驚觸使覺。待其自醒。卽神魂定矣。萬一驚悟。不可復治。正肅吳公少時心病。服此一劑。五日方寤。遂痊。

一醉膏。治心急。無灰酒二碗。香油四兩。和勻。用楊柳枝二十條。逐條攪一二百下。候香油與酒相入成膏。煎至八分。灌之。熟睡。則醒。或吐下卽安矣。

狂之爲病。少臥。少臥則衛獨行。陽不行陰。故陽盛陰虛。命昏其神得

睡則衛得入於陰。而陰得衛填不虛。陽無衛助不盛。故陰陽均平而愈矣。

〔本〕寧志膏。

人參

酸棗仁

各一兩

辰砂

五錢

乳香

一分

右爲細末。煉蜜和丸。如彈子大。每服一丸。薄荷湯送下。予族弟緣兵火失心。制此方與之。服二十粒愈。親舊多傳去。服之皆驗。

〔海〕狂邪癩癩。不欲眠臥。自賢自智。妄行不休。此方能安五臟。下心氣。用白雄雞一隻煮熟。五味調和作羹一食之。經云。悲哀動中則傷魂。魂傷則狂妄不精。不精則不正。此悲哀傷魂而狂。當用溫藥補魂之陽。仲景方以地黃湯。本事驚氣丸之類卽是也。經云。喜樂無極則傷魄。魄傷則狂。狂者意不存人。此喜樂傷魄而狂。當用涼藥補魄之陰。辰砂鬱金白礬之類是也。

〔世〕治失心。

鬱金

十兩須四川
蟬肚者是真

明礬

三兩

右爲細末。薄糊爲丸。如桐子大。每服五六十丸。湯水任下。昔有婦人癲狂可畏。數年不愈。後遇至人授此方。初服覺心胸中有物脫去。神氣灑然。再服頓甦。至人云。此病用憂驚得之。痰涎包絡心竅。此藥能去鬱痰。

〔仲〕防己地黃湯。治病如征狀。妄行獨語不休。無寒熱。其脈浮。

防己錢一

桂枝

防風錢各三

甘草錢二

右四味。以酒一盃。漬一宿。絞取汁。生地黃二斤。以咀蒸之。如斗米飯久。以銅器盛其汁。更絞地黃汁。和分再服。

〔本〕治驚瘧。積氣瘧。風邪發則牙關緊急。涎潮昏室。醒則精神若癡。驚氣丸。

附子

木香

白僵蠶

白花蛇

橘紅

天麻

麻黃各半

乾葛二分

紫蘇葉一兩

硃砂一錢留少許為衣

天南星洗切薑汁浸一夕半兩

右為末。加腦麝少許。同研極勻。煉蜜杵丸。如龍眼大。每服一丸。金銀薄荷湯化下。溫酒亦得。此予家祕方也。戊申年軍中一人犯法。褫衣將受刑而得釋。精神頓失如癡。予與一丸。服訖而寐。及覺。病已失矣。提轄張載揚其妻。因避寇失心已數年。予授此方。不終劑而愈。又黃彥奇妻。狂厥者踰十年。諸醫不驗。予授此方。去附子。加鐵粉。亦不終劑而愈。鐵粉非但化痰鎮心。至如摧抑肝邪特異。若多恚怒。肝邪大盛。鐵粉能制伏之。素問云。陽厥狂怒。治以鐵落。飲金制木之意也。此亦前人未嘗論及。

〔無〕治中風或歌或哭。或笑語。無所不及。小續命湯。用麻黃三兩。人

風熱

血熱

寒

運氣

雜方

針灸

參桂枝白朮各三兩。無防風附子生薑。有當歸一兩。

〔世〕治癩狂發作。披頭大叫。不避水火。苦參爲末。蜜丸。梧子大。每服十丸。薄荷湯化下妙。

〔保〕牛黃膏。治熱入血室。發狂不認人。

牛黃二錢

硃砂

鬱金

牡丹皮各三錢

甘草

腦子各一錢

右爲末。煉蜜丸。如棗子大。新汲水化下。

肝移寒於心。狂膈中。全文見診病傳變

運氣狂皆屬火。經云。諸燥狂越。皆屬於火。又云。火太過曰赫曦。赫曦

之紀。其病笑譁狂妄。又云。歲火太過。上臨少陰。少陽。病譫妄狂越。治

以諸寒是也。

〔子和〕項開合之妻。病飢不欲食。常好叫呼怒罵。欲殺左右。惡言不

輟。衆醫皆處藥。幾半載尙爾。其夫命戴人視之。戴人曰。此難以藥治。

乃使二娼各塗丹粉。作伶人狀。其婦人大笑。次日又作角觥。又大笑。

其旁常以兩箇能食之婦。誇其食美。病婦亦索其食而爲一嘗之。不

數日。怒減食增。不藥而瘥。後得一子。夫醫貴有才。無才何足應變無

窮。

〔靈〕狂始生。先自悲也。喜忘苦怒善恐者。得之憂飢。治之取手太陰

陽明血變而止。及取足太陰陽明。狂始發。少臥不飢。自高賢也。自辨智也。自尊貴也。善罵詈。日夜不休。治之取手陽明太陰太陽舌下少陰。視之盛者。皆取之。不盛。釋之也。狂言驚善笑。好歌樂。妄行不休者。得之大恐。治之取手陽明太陰太陽。狂目妄見耳妄聞。善呼者。少氣之所生也。治之取手太陽太陰陽明足太陰頭兩顛。狂者多食。善見鬼神。善笑而不發於外者。得之有所大喜。治之取足太陰太陽陽明。後取手太陰太陽陽明。狂而新發。未應如此者。先取曲泉左右動脈。及盛者見血。有頃已不已。以法取之。灸骨節二十壯。顛在大熱偏身。狂而妄見。妄聞。妄言。視足陽明及大絡取之。虛者補之。血而實者瀉之。因其偃臥。居其頭前。以兩手四指挾按頸動脈。久持之。卷而切。推下至缺盆。中而復止。如前。熱去乃止。此所謂推而散之者也。刺節真邪篇○頸動脈胃挾喉兩旁人迎脈也

胃足陽明之脈是動。病甚則欲上高而歌。棄衣而走。故狂皆取陽明也。

〔秦承祖灸鬼法〕

狐魅神邪癩狂諸病。并小兒驚癩。兩手大拇指

用軟繩急縛之。灸三壯。艾炷着四處。半在甲。半在肉上。四處盡燒。一

處不着。其疾不愈。神效難量。此法累用果效

〔明堂〕灸狂發怒欲殺人。見鬼。

身柱灸在三椎節下間

後谿

〔通玄〕呆癡。

神門一穴沿皮向前三分先補後瀉灸之

後谿補生瀉成

〔標幽〕又法。太鍾

〔集〕失志呆癡。神門 中衝 鬼服 鳩尾 百會

〔摘〕心悶不已。支溝

〔甲〕狂易。魚際及合谷腕骨支正少海崑崙主之。狂言笑見鬼取

之陽谿及手足陽明太陽。狂歌妄言怒恐惡人與火罵詈三里主

之。狂妄走善欠巨虛上廉主之。狂易見鬼神與火解谿主之。

狂言太淵主之。心懸如飢之狀善悲而驚狂面赤目黃間使主之。

狂疾液門主之。又俠谿丘墟光明主之。狂互引頭痛耳鳴目痺。

中渚主之。身熱狂走談言見鬼瘰癧身柱主之。狂妄言怒恐惡

大甚罵詈巨闕主之。

欲獨閉戶牖而處

胃

〔素〕陽明所謂欲獨閉戶牖而處者陰陽相薄也。陽盡而陰盛故欲

獨閉戶牖而居。帝曰。陽明惡人者何也。岐伯曰。陽明厥則喘而惋。

惋則惡人。陽明脈解篇

針灸獨閉戶牖而處有二法。其一取胃經云。胃足陽明之脈。是動則病惡人與火。獨閉戶牖而處

視盛虛熱寒。陷下取之也。

針灸

其二取少陰。經云。少陰之虛。獨閉戶牖而處。註云。取太鍾太溪二穴。

〔甲〕熱病汗不出。鼾。眩。時仆而浮腫。足脛寒。不得臥。振寒。惡人與木音。喉痺。嚙齒。惡風。鼻不利。多臥。善驚。厲兌主之。四厥手足悶者。

使人久持之。厥熱脛痛。腹脹皮痛。善伸數欠。惡人與木音。振寒。噎中引外腎痛。熱病汗不出。下齒痛。惡寒。目急。喘滿。寒慄。嚙齒。口禁。懈惰不嗜食。內庭主之。

〔難〕病若閉目不欲見人者。脈當得肝脈弦急而長。而反得肺脈短而濇者死也。

口 口苦 口瘡入疥

口糜 口臭 喉腥口甘入中

唇痿入口

唇

口者脾之所主。胃大腸脈之所挾。經云。中央黃色。入通於脾。開竅於口。藏精於脾。又云。脾主口。在藏為脾。在竅為口。又云。脾氣通於口。脾和則口能知五味矣。此脾之所主於口也。

又經云。胃足陽明之脈挾口。下交承漿。又云。大腸手陽明之脈挾口。交人中。此胃大腸之脈所挾於口也。

口苦

肝氣熱則膽泄口苦。全文見痿

內經曰。有病口苦。名曰膽瘴。乃肝主謀慮。膽主決斷。盛汁七合。是清

診

口候

肝熱

淨之府。取決於膽。膽或不決。為之急怒。則氣上逆。膽汁上溢。故口苦。或熱甚而使然也。以龍膽瀉肝湯主之。

柴胡錢一

黃芩分七

生甘草

人參

天門冬心去

黃連

草龍膽

山梔

麥門冬

知母各五分

五味子粒七

右件咬咀。都作一服。水二盞。煎至一盞去渣。溫服。食遠。忌辛熱物。大效。

真氣。二逆。故口苦舌乾。全文見水腫

〔素〕帝曰。有病口苦者。病名為何。何以得之。岐伯曰。病名曰膽瘧。夫肝者。中之將也。取決於膽。咽為之使。此人者。數謀慮不決。故膽虛氣上溢。而口為之苦。治之。以膽募俞。奇病論○膽募穴在腹部期門下五分膽俞穴在背部第十一椎下兩旁相去各二寸半針灸口苦。獨取於膽。此篇經文。是其一法也。又經云。膽病者。善太息。口苦。嘔汁。當取陽陵泉。又云。膽足少陽之脈。是動。則病口苦。善太息。視盛虛熱寒。陷下取之也。

口糜

膀胱移熱於小腸。膈腸不便。上為口糜。全文見診病傳變

〔垣〕移熱湯。治口糜。內經云。膀胱移熱於小腸。膈腸不便。上為口糜。好飲酒人。多有此疾。易老用五苓散導赤散相合服之。神效。

〔丹〕治滿口白爛。搗撥一兩。厚黃柏一兩六錢為末。用米醋煎數沸後。調上藥。涎出吐之。再用湯漱口即愈。重者二次。

〔羅〕胡黃連散。治口糜。

胡黃連分五

藿香錢一

細辛錢三

黃連錢三

右為末。每用半錢。乾摻口內。漱吐之。必效散。治口糜。

白礬

大黃分等

右為細末。臨臥乾貼。歷涎盡。溫水漱之。

運氣口糜皆屬熱。經云。少陰之復。火氣內發。上為口糜。治以苦寒是也。

口臭喉腥

〔本〕加減甘露飲。治男子婦人小兒胃客熱。口臭牙宣。赤眼口瘡。一切瘡疹已散未散。皆可服之。丹溪云甘露飲心肺胃膜也

熟地

生地

天門冬去心

黃芩

枇杷葉去毛

山茵陳

枳殼

金釵石斛

甘草各一兩

犀角錢三

右為末。每服二錢。水一盞。煎至七分。去渣。食後臨臥溫服。小兒一服分作二服。更斟酌與之。

此方得自一品之家。其間用犀角一味。甚有道理。百發百中。予族

熱

運氣

中有一僕。牙宣口臭。牙齒漸漸頽落。予與二服頓愈。服之無不愈者。本事方前集所未載。此方緣得之不易。故不敢輕泄。服之自有奇效。

〔本〕治口臭。香薷一把。以水一斗。煮取三升。稍稍含之。丹溪云惟香薷湯能治口臭
〔羅〕肺熱喉腥治驗。梁濟民膏梁而飲。因勞心過度。肺氣有傷。以致氣出腥臭而唾稠粘。咽隘不利。口苦乾燥。以加減瀉白散主之。

桑白皮三錢

地骨皮半錢

甘草炙錢

知母七分

黃芩五分

五味子二十粒

麥門冬五分

桔梗二分

難經云。心主五臭。入肺爲腥臭。此其一也。因洪飲大熱之氣所傷。從心火刑於肺金。以桑白皮地骨皮苦微寒。降肺中伏火而補氣爲君。以黃芩知母苦寒。治氣腥臭清利肺氣爲臣。肺欲收。急食酸以收之。以五味子酸溫。以收肺氣。麥門冬苦寒。治涕唾稠粘口苦乾燥爲君。桔梗辛溫體輕浮。治痰逆利咽膈爲使也。

右咬咀。都作一服。水二盞。煎至一盞。去渣。溫服食後。一日二服。忌酒濕麵及辛熱之物。

〔聖〕治口臭仍醫齒腫痛。細辛煮取濃汁。熱飲令吐。瘥。

〔子和〕尙家一男子。年二十餘歲。病口中氣出。臭如登廁。雖親戚莫肯與對語。戴人曰。肺金本主腥。金爲火所乘。火主臭。應便如是也。久

針灸

則成腐。腐者腎也。此亢極則反兼水化也。病在上宜瀉之。以茶調散
瀉而去其七分。夜以舟車丸瀉。川散下五七行。比旦而臭斷。
〔甲〕口中腫臭。勞宮主之。

唇
唇撈入
口塞閉

唇候

六腑之華在唇。經云。脾胃大腸小腸三焦膀胱者。倉廩之本。榮之居
也。其華在唇。四白是也。胃脈肝脈督脈皆環唇。經云。胃足陽明之
脈。挾口環唇。又云。肝足厥陰之脈環唇。內經云。督脈上頤環唇是也。
衝脈任脈皆絡唇。經云。衝脈任脈別而絡唇口是也。
唇反者死。經云。唇舌肌者。肉之本也。唇反者肉先死是也。

四肢

四肢候

陽主四肢。經云。四肢者諸陽之本也。又云。陽受氣於四肢是也。陽實
則肢腫。經云。結陽腫四肢是也。陽虛則肢滿。經云。冬氣病在四肢
是也。脾主四肢。經云。四肢皆稟氣於胃。而不得至經。必因於脾。乃
得稟者是也。脾實則四肢不舉。經云。脾脈太過為病。在外則令人
四肢不舉者是也。脾虛則四肢不用。經云。脾藏肉。形不足。則四肢
不用。又云。四肢懈惰。此脾精之不行是也。治見痿
及中風五臟有邪。留在支
節。經云。肺心有邪。其氣留于兩肘。肝有邪。其氣留于兩腋。脾有邪。其
氣留于兩髀。腎有邪。其氣留于兩膝是也。治法見
痛痺

運氣

運氣四肢不舉。皆屬濕。經云。土太過曰敦阜。敦阜之紀。其病腹滿。四肢不舉是也。

針灸

〔甲〕風逆四肢腫。復溜主之。

肉

肉候

脾主肉。經云。脾主肉。在體為肉。在藏為脾。又云。邪在脾胃。則病肌肉痛是也。脾病在谿。經云。北方黑色。入通於腎。故病在谿。谿者肉之小會也。

針灸

〔素〕帝曰。願聞谿谷之會也。岐伯曰。肉之大會為谷。肉之小會為谿。肉分之間。谿谷之會。以行榮衛。以會大氣。邪溢氣壅。脈熱肉敗。榮衛不行。必將為膿。肉消骨髓。外破大腠。留於節湊。必將為敗。積寒留舍。榮衛不居。卷肉縮筋。肘肘不得伸。內為骨痺。外為不仁。命曰不足。大寒留於谿谷也。谿谷三百六十五穴會。亦應一歲。其小痺淫溢。循脈往來。微針所及。與法相同。氣穴論

禁忌

形樂志樂。病生於肉。治之以針石。全文見治法

濕傷肉。甘傷肉。經云。濕傷肉。風勝濕。甘傷肉。酸勝甘。又云。甘走肉。肉病無多食甘。又云。多食酸則肉胝爛而唇揭是也。坐樂傷肉。經云。久坐傷肉。又云。形樂志樂。病生於肉。治之以針石是也。

身重 怠惰嗜臥

風濕

〔垣〕身重者濕也。補中益氣湯去桂加五苓散主之。

〔潔〕起臥不能謂之濕。身重是也。小柴胡湯。黃芪芍藥湯。

〔仲〕風濕脈浮。身重汗出惡風者。防己黃芪湯主之。方見傷寒身重

〔潔〕夏月中風濕。身重如山。不能轉側。宜除風勝濕去熱之藥治之。

〔仲〕腎着之病。其人身體重。腰中冷。如坐水中。形如水狀。反不渴。小便自利。飲食如故。病屬下焦。身勞汗出。表裏冷濕。久久得之。腰以下

冷痛。腹重如帶五千錢。甘薑苓朮湯主之。

甘草

白朮各二兩

乾薑

茯苓各四兩

右四味。以水五升。煮取三升。分溫二服。腰中自溫。

〔素〕肝虛腎虛脾虛。皆令人體重煩冤。示從容論○體重屬肝腎虛肝虛則脾寒于畏而體重腎虛則脾勝之而體重也

〔垣〕參朮湯。治脾胃虛弱。元氣不能榮於心肺。四肢沉重。食後昏悶。

黃芪二錢

人參半錢

升麻三分

甘草炙四分

柴胡

酒黃柏各三分

陳皮五分

青皮五分

神麴七分

蒼朮錢一

當歸二分

右咬咀。作一服。水二盞。煎至一盞半。去渣。帶熱服。食前。

運氣身重有五。

一曰濕。乃濕制腎虛而重。經云。太陰所至為身重。又云。太陰之復。體

重身滿。又云。歲土太過。濕氣流行。民病體重煩冤。又云。土鬱之發。民

脾氣

風

腎着

病身重是也。

二曰濕熱。經云。少陽司天之政。四之氣。炎暑間化。其病滿身重是也。三曰寒濕。經云。太陰司天之政。三之氣。感於寒濕。民病身重是也。

四曰風。乃木制脾虛而重。經云。歲木太過。風氣流行。民病體重煩冤。又云。歲土不及。風乃大行。民病體重煩冤。又云。厥陰在泉。風淫所勝。病身體皆重是也。

五曰金。乃燥制肝虛而重。經云。歲金太過。燥氣流行。民病體重煩冤是也。

針灸身重有二法。

其一取脾。經云。脾病者身重肉痿。取其經太陰陽明少陰血者。又云。脾足太陰之脈是動。則病腹脹。身體皆重。視盛虛熱寒。陷下取之。其二取腎。經云。腎病者身重。寢汗出。憎風。取其經少陰太陽血者是也。

怠惰嗜臥

〔垣〕云。脈緩怠惰嗜臥。四肢不收。或大便泄瀉。此濕勝。從平胃散。又云。怠惰嗜臥有濕。胃虛不能食。或沉困。或瀉泄。加蒼朮。自汗加白朮。〔本〕補虛損。治勞倦。一切虛極欲垂死者。肥人陰虛宜服。瘦人不宜服。

甘草三兩

蒼朮一斤米泔浸一宿切用。非白一斤細切同曬過一宿。

川椒四兩 炒

草烏半斤 水浸一宿 切用鹽 四兩 罌一宿 次日炒乾

右共為末。用好酒糟六斤。同搗三五千杵。令勻為丸。如桐子大。每服三十九。空心溫酒鹽湯任下。婦人淡醋湯下。

〔垣〕食入則困倦。精神昏冒而欲睡者。脾虛弱也。人參補氣湯。治四肢懶倦。

黃芪半錢

人參七分

甘草炙三

生地五分

防風七分

白芍五分

五味粒二十

升麻七分

肉桂二分

熟地六分

生甘草一分

黃柏七分

知母七分

右為粗末。作一服。水二盞。煎至一盞。濾去渣。空心熱服下。

蠱毒

〔無〕江南閩中山間人。以蛇虺蜈蚣蛇蚘蝮蟻等百蟲同器畜之。使其自相食啖。勝者為靈。以祀之。取其毒。雜以菜菓飲食之。類以害人。妄意要福。以圖富貴。人或中之。症狀萬端。或年歲間人多死。又有人家香火奉祀如家先者。亦謂之蠱。能病人。世謂之蠱注。以姓類屬五音。謂之五蠱。此皆邊鄙邪僻之地。多有此事。中都則蔑聞也。夫中蠱毒者。令人心腹絞痛。如有物吐出。皆如爛肉。若不卽治。食人五臟卽死。驗令病人唾丸沉者卽是。

〔蠱〕有人行蠱毒。以病人若欲知其姓名者。以敗鼓皮燒作末。飲服方寸匕。須臾自呼蠱家姓名可語之。令呼喚將去則愈。治之亦有方。〔世〕驗蠱之法。含一大豈。其豈脹皮脫者蠱也。豈不脹皮不脫者非也。人以鵠皮至病人臥所下。勿令知覺。病甚者尤。居則非也。治療之法。必須審而後行。試而後可。令人偶有積聚脹滿之病。類乎蠱者。便以為蠱。尤為非也。凡蠱毒之中。有緩有急。急者十數日便死。緩者待以歲月。氣力羸敗。食盡五臟而後死。死則其毒流注於傍。傍人亦成蠱注矣。

〔無〕凡中毒。嚼生豈不腥。嚼白礬味甘者。皆中毒無疑。

〔脈〕人為百藥所中傷。脈浮瀼而疾者生。微細者死。洪大而遲者生。

千金通
作速

〔無〕辰砂丸。治蠱毒從酒食中着者。端午日合。

辰砂細研

雄黃另研
水飛

赤脚蜈蚣

續隨子各一兩

麝香一錢

右為末。糯米飲為丸。如雞頭大。若覺中毒。即以酒下一丸。蛇蝎所

螫。醋磨傳效。

〔必效〕主蠱毒神效。以胡荽根絞汁半升。酒和服之。立下。

〔外〕治蠱毒。土瓜根大如拇指長三寸。切。以酒半升浸一宿。一服當吐下。

〔崔〕蛇蠱食飲中得之。咽中如有物。嚥不下。吐不出。悶悶心熱。服馬兜鈴卽吐出。又服麝香一錢匕。卽吐蠱毒。

〔聖〕五種蠱毒。馬兜鈴根三兩爲末。分爲三貼。水一盞。煎五分。去渣服。當吐蠱出。未快再服。

〔本〕主蠱毒。用大戟。桃白皮。以火烘乾。班猫去翅足炒。三物等分。搗篩爲散。以冷水服半方寸匕。其毒卽出。不出更一服。蠱並出。此李饒州法。大奇效。若以酒中得。則以酒服。以食中得。則以飲服之。

右吐利蠱毒法

〔無〕凡諸蠱多是假毒藥以投之。知時宜煮大荳甘草薺芫汁飲之。通除諸毒藥。

〔經〕山荳根不拘多少。如中藥蠱毒。密遣人和水研。以禁聲服少許。不止再服。一方用酒調下二錢。

〔本〕食中有蠱毒。令人腹內堅痛。兩目青黃。淋露骨立。病變無常。用鐵精細研。搗雞肝和爲丸。桐子大。食前或後酒下五丸。

蠱下血見血

〔無〕解毒丸。治設食毒中。并百物毒。救人於必死。

板藍根

四兩洗晒乾

貫衆

一兩剉去毛

青黛

甘草

生各一兩

右爲末。蜜丸。桐子大。以青黛另爲衣。如稍精神恍惚。卽是誤中諸

毒急取十五丸爛嚼用新水送下即解。

青黛雄黃丸凡始覺中毒及蛇蟲咬癰疽纔作即服此毒氣不聚。

青黛 雄黃等分

右為細末新汲水調下二錢。

〔潔〕解毒丸善治男子婦人及小兒一切積熱不解停留作毒上焦壅熱咽喉不利口乾多渴伏暑困悶霍亂不寧或山嵐瘴氣及食毒酒毒吐逆不定遊風丹毒迷惑昏困不省人事虛煩發躁赤目口瘡善解四時傷寒之疾發散瘟疫毒邪之氣及四方人不服水土一切諸毒並皆解之常服此藥補真益氣化毒除風神效不可細述。

滑石 黃芩 貫仲 茯苓

山梔 乾薑 草龍膽 大荳

青黛 甘草 薄荷 寒水石各一兩

益智仁 砂仁 大黃 山荳根

生地 桔梗 百藥煎 紫河車即蛋

菘荳粉 馬勃 板藍根 黃蘗各半

右為細末煉蜜為丸如彈子大每服一丸新汲水化下細嚼或嚙

化亦得小兒半丸如婦人血暈不省生薑薄荷水磨下一丸

〔世〕解諸毒用玉簪花根搗水服。

治中諸藥毒。

生甘草

黑荳

淡竹葉各等分

右咬咀。用水一碗。濃煎連服。

〔無〕礬灰散。治中諸物毒。

明礬

建茶各等分

右爲末。每服三錢。新汲水調下。得吐卽效。

解砒毒

〔世〕解砒毒。鼠莽毒。用旋刺下羊血及雞鴨血熱服。鼠莽草未詳藍飲子解砒毒及巴荳毒。用藍根沙糖二味相和。搗水服之。更入薄荷汁尤妙。

解砒毒。

白扁荳

青黛

甘草

巴荳半粒用半邊去壳不去白

右同爲末。沙糖一大塊。水化開。調一大盞飲之。砒毒隨利去。却服

五苓散之類。

解砒毒。用旱禾稈燒灰。新汲水淋汁濾過。冷服一碗。毒從利下。卽安。又方。用井花水調荳粉。或菘荳搗水汁皆可。

解砒毒。

漢椒四十粒

黑荳十四粒

甘草節二寸碎之

烏梅二箇

右咬咀。用水一盞。煎至七分。溫服。

解鼠
莽毒

解諸
食毒

解鼠莽草毒。用枯過明礬。同上。等好末茶少許。新汲水調服。人有用之。累效。解鼠莽草毒。用大黑江荳煮汁服之。如欲試其驗。先刈鼠莽苗葉。以荳汁燒其根。從此敗爛不復生矣。

〔仲〕治自死六畜肉中毒方。用黃柏搗屑。服方寸匕。

治鬱肉漏脯中毒。鬱肉密器蓋之。漏宿者是也。漏脯茅屋漏下。沾有者是也。燒犬屎酒服方寸匕。或服

人乳汁。或飲葑汁二三升亦良。治黍禾中藏肝脯食之中毒方。大

荳濃汁飲數升即解。亦治狸肉漏脯等毒。治食生肉中毒方。掘地

深三尺。取其下土三升。以水五升煮數沸。澄清汁飲一升即愈。治

六畜馬獸肉中毒方。水浸荳豉絞取汁。服數升即愈。

治馬肝毒中人未死方。雄鼠屎二七粒末之。水和服。日再服。屎尖者是

又人垢取方寸服之佳。治馬肉中毒欲死方。香豉二兩。杏仁三兩。

相和蒸一食頃熟。杵服。日再服。又方。煮蘆根汁飲之良。治噉蛇牛

肉食之欲死方。辨噉蛇牛肉毛髮。向後順者是也。飲乳汁一升立愈。以泔洗頭飲一

升愈。牛膝細切。以水一斗。煮取一升。緩飲之。大汗出。即愈。治食

牛肉中毒。甘草煮汁飲之即解。治食犬肉不消。心下堅或腹脹。口

乾大渴。心急發熱。妄語如狂。或洞泄方。杏仁一升炒皮熟研。以沸湯

三升和取汁。分三服。利下肉片出大驗。鳥獸有中毒箭死者。其肉

毒。用大荳煮汁及藍汁服之即解。

〔世〕誤吞蜈蚣。用生雞血令病人吃。須更以清油灌口中。其蜈蚣滾在血中吐出。繼以雄黃細研水調服愈。

〔仲〕蝨食在心胸間不化。吐不出。遠下除之。久成癥病方。

陳皮兩一

大黃兩二

朴硝兩二

右三味。以水一大升。煮取半升。頓服消。

食鱸多不消。結爲癥病。治用馬鞭草搗汁飲之。或以薑葉汁飲一升亦消。又可服吐藥吐之。食魚後食毒物煩亂。用陳皮濃煎汁服之即解。

食鯪魚中毒。用蘆根煮汁服之即解。

〔世〕治食河豚魚中毒。一時困殆。倉卒無藥。以清油多灌之。使毒物盡吐出爲愈。

〔仲〕食蟹中毒。治用紫蘇煮汁飲三升。紫蘇子搗飲之亦可。冬瓜汁飲二升。吃冬瓜亦可。食蕈中毒。用猪骨燒過末之。服方寸匕。亦治馬肝漏脯等毒。

〔世〕解一切菌毒。掘新地窟。以冷水於內攪之。令澄。少頃取飲之。見本草陶隱居註。謂之地漿。荷葉殺蕈毒。

〔仲〕食諸菌中毒悶亂欲死治方。人糞汁飲一升。土漿飲二升。

大豈濃煮汁飲之。服諸吐利藥並解。取糞汁法。截淡竹去青皮浸滲其中。取筒中汁是也。食楓樹菌而笑不止。亦治以前方。

〔世〕葷毒吐瀉不止者。用細茶芽研細。以新汲井水化服神效。治葷毒欲死方。用石首魚頭。或鰲頭亦妙。白水煮汁灌之。卽愈。治中葷毒。用芭竹不入泥者數節。煎湯飲之。立效。

〔仲〕誤食芋煩毒欲死。亦治以前方。其芋根山東人名魁芋。人種芋三年不收。亦成野芋。並殺人。蜀椒閉口者有毒。誤食之。戟人咽喉。氣欲絕。或吐下白沫。身體痺冷。急治之。用肉桂煎汁飲之。或食蒜或食地漿。或濃煮豉荳汁飲之。並解。

〔仲〕食躁或躁方。用豉煮濃汁飲之。鈎吻與芹菜相似。誤食殺人。解之用薺芫八兩。水六升。煮取二升。分溫二服。鈎吻生池傍無他異。其莖有毛。以此別之。菜中有水荳莖。葉員而光。有毒。誤食之。令人狂亂。狀如中風。或吐血。治之用甘草煮汁服之解。春秋二時。龍帶精入芹菜中。人偶食之爲病。發時手青腹滿。痛不可忍。名蛟龍病。治之用錫糖二三升。日兩度服之。吐出如蜥蜴三五枚。食苦瓠中。毒。治之用黍穰煮汁服之解。飲食中毒煩滿。治之用苦參三兩。苦酒一升半。煮半沸。三上三下。服之。吐食出卽瘥。或以水煮亦得。犀角湯亦解。貪食食多不消。心腹堅滿痛。治之用鹽一升。水三升。煮令鹽消。分三服。當吐出食便瘥。

奇病

雜方

項上生瘡。如櫻桃大。有五色。瘡破則項皮斷。但逐日飲牛乳自消。寒熱不止。經日後。四肢堅如石。以物擊之。一似鐘磬聲。日漸瘦惡。用茱萸木香等分煎湯飲即愈。大腸頭出寸餘。痛苦。直候乾。自退落。又出。名爲截腸病。若腸盡乃不治。但初截寸餘可治。用脂麻油器盛之。以臀坐之。飲大麻子汁數升愈。口鼻中腥臭水流。以碗盛之。有鐵色蝦魚。如粳米大。走躍不住。以手捉之。即化爲水。此肉壞矣。任意饌食雞肉愈。腹上麻痺不仁。多煮葱白吃之自愈。婦人小便中出大糞。名交腸。服五苓散效。如未盡愈。可用舊幘頭燒灰。酒服之。兩足心凸。如腫。上面生黑色。豈瘡。硬如釘子釘了。履地不得。脛骨破碎。眼隨流出。身發寒顫。唯思飲酒。此是肝腎氣冷熱相吞。用炮川烏頭末傅之。煎韭子湯服效。凡腹脹經久。忽瀉數升。晝夜不止。服藥不驗。乃爲氣脫。用益智子煎濃湯服立愈。四肢節脫。但有皮連。不能舉動。名曰筋解。用酒浸黃蘆三兩。經一宿。取出焙乾爲末。每服二錢。酒調下。服盡安。玉莖硬不痿。精流無歇。時時如針刺。捏之則脆。乃爲腎滿漏疾。用韭子破故紙各一兩爲末。每服三錢。水一盞。煎至六分。日三次飲之。愈則住服。咽喉間生肉。層層相疊。漸漸腫起。不痛多日。乃有竅子。臭氣自出。遂退飲食。用臭橘葉煎湯連服愈。腹中如鐵石。臍中水出。旋變作蟲行之狀。繞身匝啄。痒痛難忍。撥掃不

盡用濃煎蒼朮湯浴之。以蒼朮末入麝香少許。水調服痊。眼前常見諸般禽蟲飛走。以手捉之則無。乃肝膽經爲疾。用酸棗仁羌活玄明粉青葙子花各一兩爲末。每服二錢。水一大盞。煎至七分。和滓飲。一日三服。大腸蟲出不斷。斷之復生。行坐不得。用鶴虱末水調五錢。服之自愈。眼睛垂出至鼻。如黑角色。痛不可忍。或時時大便血出。名曰肝脹。用羌活煎汁服數盞自愈。腹中有物作聲。隨人語言。用板藍汁一盞。分五服服之。又名應聲蟲。當服雷丸自愈。有飲油五升以來。方始快意。長得吃則安。不爾則病。此是髮入胃。被氣血裹了。化爲蟲也。用雄黃半兩爲末。水調服。蟲自出。如蟲活者。置於油中。逡巡間。連油潑之。長江。治臥於牀。四肢不能動。只進得食。好大言。說喫物。謂之失說物望病。治法如說食猪肉時。便云你喫猪肉一頓。病者聞之。卽喜。遂置肉令病人見。臨要却不與喫。此乃失他物望也。當自睡中。涎出便愈。手十指節斷壞。唯有筋連。無節肉。蟲出如燈心。長數尺餘。遍身綠毛卷。名曰血餘。以茯苓胡黃連煎湯飲之。愈。遍身忽皮底混混如波浪聲。牽不可忍。抓之血出。不能解。謂之氣奔。以人參苦苣青鹽細辛各一兩。作一服。水二碗。煎十數沸。去渣飲。盡便愈。眼白渾黑。見物依舊。毛髮直如鐵條。雖能飲食。不語如醉。名曰血漬。用五靈脂爲末二錢。酒調下。因着艾灸訖。大痲便退落。瘡

內鮮肉片子飛如蝶形狀騰空去了。痛不可忍。是血肉俱熱。用大黃朴硝各半兩爲末。水調下。微利卽愈。臨臥渾身虱出。約至五升。隨至血肉俱壞。每宿漸多。痒痛不可言狀。雖喫水臥牀。晝夜號哭。舌尖出血不止。身齒俱黑。唇動鼻開。但飲鹽醋湯十數碗卽安。眼赤。鼻張大喘。渾身出斑。毛髮如銅鐵。乃胃中熱毒氣結於下焦。用白礬滑石各一兩。爲末。作一服。水三碗。煎至半。令不住飲。候盡乃安。有蟲如蟹。走於皮下。作聲如小兒啼。爲筋肉之化。用雷丸雄黃各一兩爲末。摻在猪肉片上。炙熟喫盡自安。手足甲忽然長倒生肉刺如錐。痛不可忍。喫葵菜自愈。鼻中毛出。晝夜可長一二尺。漸漸粗圓如繩。痛不可忍。雖忍痛摘去一莖。卽後更生。此因食猪羊血過多。遂用乳香稠砂各一兩爲末。以飯圓梧桐子大。空心臨臥各一服。水下十粒。自然退落。面上及遍身生瘡。似貓兒眼。有光彩。無膿血。但痛痒不常。飲食減少。久則透脛。名曰寒瘡。多喫魚雞韭葱自愈。脇破腸出臭穢。急以香油摸腸。用手送入。煎人參枸杞淋之。皮自合矣。喫羊腎粥。十日卽愈。口鼻中氣出。盤旋不散。涎如黑墨色。過十日。漸漸至肩胸與肉相連。堅勝金鐵。無由飲食。此多因瘡後得之。煎澤瀉湯日飲三盞。連服五日愈。徧身忽然肉出如錐。既痒且痛。不能飲食。此名血攤。若不速治。潰而膿出。以赤皮葱燒灰淋洗。喫豉湯數盞自

安。眉毛搖動。目不能視。交睫。喚之不應。但能飲食。有經日不效者。用蒜三兩取汁。酒調下。卽愈。毛竅節次血出。若血不出。皮脹。膨如鼓。須臾。眼鼻口被氣脹合。此名脈益。飲生薑水汁各一二盞。卽安。忽然氣上喘。不能語言。口中汁流吐逆。齒皆搖動。氣出轉大。則悶絕。蘇復如是。名曰傷寒併熱霍亂。用大黃人參末各半兩。水三盞。煎至一盞。去滓。熱服可安。口內生肉。穢臭惡。自己惡見。有根線長五寸餘。如釵股。吐穢出。飲食了。却吞其線。以手輕捏。痛徹於心。因不可言。用水調生麝香一錢服。三日驗。渾身生燎泡。如甘棠梨。每箇破出水。內有石一片。如指甲大。泡復生。抽盡肌肉不可治。急用荆三稜蓬莪朮各五兩爲末。分三服。酒調連進愈。頭面發熱。有光色。他人手近之如火燒。用蒜汁半兩酒調下。吐如蛇狀。遂安。人自覺自形作兩人並臥。不別真假。不語。問亦無對。乃是離魂。用辰砂人參茯苓濃煎湯服之。眞者氣爽。假者化也。男子自幼喜飲酒。至成了後。日飲一二升不醉。片時無酒。叫呼不絕。全不進食。日就羸弱。令其父用手巾縛住其手足。不令動搖。但扶少立。却取生辣酒一罍。就於其子口邊打開。其酒氣衝入口中。病者必欲取飲。堅不可與之。須臾口中忽吐物一塊。直下罍中。卽用紙封裹罍口。用猛火燒滾。約酒乾一半。卽開視之。其一塊如猪肝樣。約三兩重。週圍有小孔如針眼。不可數計。

棄之於江。飲食復舊。雖滴酒不能飲矣。夜間飲水。誤吞水蛭入腹。

經停月餘。日必生下小蛭。能食人肝血。腸痛不可忍。面目黃瘦。全不

進食。若不早治。能令人死。用田中乾泥一小塊。小死魚三四箇。將猪

脂溶攪勻。用巴荳十粒。去殼膜研爛。入泥內爲丸。葦荳大。用田中冷

水吞下十九丸。小兒只用三丸至五丸。須臾大小水蛭一時皆瀉出。却

以四物湯加黃芪煎服。生血補理。方見婦人門遺治類 婦人產後忽兩乳伸長

細小如腸。垂下直過小肚。痛不可忍。危亡須臾。名曰乳懸。將川芎當

歸各二斤。半斤剉散。於瓦石器內用水濃煎。不拘時候。多少溫服。餘

一斤半。剉作大塊。用香爐煨火。逐漸燒烟。安在病人面前桌子下。要

烟氣在上不絕。令病人低頭伏桌子上。將口鼻及病乳常吸烟氣。直

候用此一料藥盡。看病證如何。或未全安。略縮減。再用一料如前法

煎服。及燒烟薰吸必安。如用此二料已盡。雖兩乳略縮上而不復舊。

用冷水磨草麻子一粒。於頭頂心上塗片時。後洗去。則全安矣。婦

人臨產服催生藥。驚動太早。大肉離經。而用力太過。以致盲膜有傷。

產後水道中垂出肉線一條。約三四尺長。牽引心腹。痛不可忍。以手

微動之。則痛欲絕。先服失笑散數服。仍用老薑三斤。淨洗不去皮。於

石鉢臼內研爛。用清油二斤拌勻。入鍋內炒熟。以油乾焦爲度。先用

熟絹段約五尺長。摺作結方。令穩重。婦人輕輕盛起肉線。使之屈曲

作一團。納在水道口。却用絹袋兜裹。候油薑稍溫。傳在肉線上熏。覺薑漸冷。又用熨斗火熨熱。使之常有薑氣。如薑氣已過。除去。又用新者。如此熏熨一日一夜。其肉線已縮大半。再用前法。越兩日。其肉縮盡入腹中。其病全安。却再服失笑散。芎歸湯補理。切不可使肉線斷作兩截。則不可醫。有人患勞瘵兩年。諸藥不效。一日聞肉味。其腹痛不可忍。又恐傳染。移在空房。候其自終。經停三日。病者腹痛氣息將絕。思憶肉味之急。忽有人惠雞子三枚。其病人俛仰取火。低頭取瓦銚煎熟。吹火屢燃屢滅。鼻中如有所礙。將熟間。忽嚏噴一聲。有紅線一條。自鼻中出。牽抽約二尺長。趨下瓦銚中。病人知是怪物。急用碗覆煎銚中。盡力燒火不住。其銚欲裂。方住火。開銚視之。乃是小蟲一條。頭目皆具。已煨死如鐵線樣。卽以示家人。後棄之於江。其病卽安。居民逃避石室中。賊以烟火熏之欲死。迷悶中摸索得一束蘿蔔。嚼汁下咽而甦。又炭烟熏人。往往致死。含蘿蔔一片著口中。烟氣不能毒人。或預曝乾爲末。備用亦可。或薪水搗爛乾蘿蔔飲之亦可。自行擷穿斷舌心。血出不止。以米醋用雞翎刷所斷處。其血卽止。仍用真蒲黃杏仁去皮尖。礪砂少許。研爲細末。煉蜜調藥。稀稠得所。噙化而安。身上及頭面肉上。浮腫如蛇狀者。用雨滴塔礫上苔痕一錢。水化開。塗蛇頭上立消。治病人齒無色。舌上白。或喜睡。不知

痛痒處。或下痢。宜急治下部。不曉此者。但攻其上。不以爲意。則下部生蟲。食其肛。爛見五臟便死。燒艾於管中熏下部。令烟入。更入少雄黃良。附後方 有人被蜘蛛咬。腹大如孕婦。其家棄之。乞食於道。有僧遇之。教飲羊乳。未幾日而平。古今錄驗 療妖魅猫鬼病人不肯言鬼方。鹿角屑搗散。以水服方寸匕。卽實言也。外臺祕要 蛟龍子生在芹菜上。食之入腹。變成龍子。須慎之。用錫粳米杏仁乳餅煮粥食之。三升。日三服。吐出蛟龍子有兩頭。鬼擊之病得之無漸。卒者如刀刺狀。胸脇腹內切痛不可抑按。或卽吐血衄血下血。一名鬼排。斷白犬頭。取熱血一升飲之。

〔丹〕馬希聖年五十餘。性嗜酒。常痛飲不醉。糟粕出前竅。便溺出後竅。六脈皆沉澁。與四物湯加海金沙木香檳榔木通桃仁服而愈。此人酒多氣肆。酒升而不降。陽極虛。酒濕積久生熱。煎熬血乾。陰亦大虛。陰陽偏虛。皆可補接。此人中年後陰陽虛時。暫可活者。以其形實。酒中穀氣尙在。三月後其人必死。後果然。

醫學綱目卷之二十六 脾肺部

咳嗽

乾咳嗽

咳嗽喉中作聲

暴嗽

久嗽

妊娠嗽

大法

〔潔〕咳無痰而有聲。肺氣傷而不清也。嗽無聲而有痰。脾濕動而爲痰也。若咳嗽有痰而有聲者。因傷肺氣動於脾濕。故咳而兼嗽也。脾濕者。秋傷於濕。積於脾也。故內經曰。秋傷於濕。冬必咳嗽。大抵素秋之氣。宜清而肅。若反動之。則氣必上衝而爲咳嗽。甚則動脾濕而爲痰也。是知脾無留濕。雖傷肺氣。亦不爲痰。若有痰而寒少熱多。故咳嗽。嗽非專主乎肺病。以肺主皮毛而司於外。故風寒先能傷之也。內經曰。五臟六腑。皆能使人咳。非獨肺也。各以其時主之而受病焉。非其時傳而與之也。所病不等。寒燥濕風火皆能令人咳。惟濕病痰飲入胃。留之而不行。上入於肺則爲嗽。假令濕在心經。謂之熱痰。濕在肝經。謂之風痰。濕在肺經。謂之氣痰。濕在腎經。謂之寒痰。所治不同。各宜隨症而治之。若咳而無痰者。以辛甘溫其肺。故咳嗽者。治痰爲先。治痰者。下氣爲上。是以半夏南星勝其痰。而咳嗽自安。枳殼陳皮利其氣。而痰自下。痰而能食者。大承氣湯微利之。痰而不能食者。厚朴湯治之。夏月嗽而發熱者。謂之熱嗽。小柴胡四兩入石膏一兩知

咳分時令

用藥先後

吐灸多瘥表裏

母五錢用之。冬時嗽而發寒者。謂之寒嗽。小青龍湯加杏仁月之。然此為大例。更宜隨症隨時加減。量其虛實。此治法之大體也。

〔丹〕上半日嗽多。屬胃中有火。用貝母石膏降胃火。午後嗽多。屬陰虛。必用四物湯加知母炒黃柏先降其火。黃昏嗽多。此火氣浮於肺。不宜用涼藥。五味子五倍子斂而降之。

春嗽是春升之氣

夏是火炎上最重

秋是濕熱傷肺

冬是風寒外束

治嗽藥大概多用生薑。以其辛散也。咳逆非蛤粉青黛瓜薑貝母不除。大概有痰者加痰藥。用藥發散之後。必以半夏逐其痰。庶不再來。治嗽痰多用粟殼不必疑。但要先去病根。此乃收後藥也。〔干〕凡上氣多有服吐藥得瘥。亦有針灸得除者。宜深體悟之。〔仲〕咳而脈浮者。厚朴麻黃湯主之。

厚朴五兩

麻黃四兩

石膏如雞子大

杏仁半升

半夏半升

乾薑二兩

細辛二兩

小麥一升

五味子半升

右以水一斗三升。先煮小麥熟去渣。納諸藥。煮取三升。溫服一升。日三服。

脈沉者。澤漆湯主之。

半夏升半

紫參五錢一作紫苑

澤漆三斤以東流水五升半煮取一斗五升

生薑

白前各五兩

甘草

黃芩

人參

桂枝各三兩

右咬咀。內澤漆汁中。煮取五升。溫服五合。至夜盡。

〔丹〕感冒風寒咳嗽者。行痰開腠理。二陳湯加麻黃杏仁桔梗。

〔局〕三拗湯。治咳嗽感冒。風寒鼻塞聲重。

甘草不去

麻黃節不去

杏仁不去皮尖

右咬咀。每服五錢。水一盞半。薑五片煎服。

〔丹〕巡檢舍人夜嗽多。脈大而浮。三拗湯加知母黃芩生薑煎。一男子五十餘歲。患咳嗽。惡風寒。口燥乾。咽微痛。兩手脈浮緊。胸脇痞滿而數。左手大於右手。大概因積滯也。問其人平日好嗜酒肉。素有食積。後因汗房勞。又往來涉寒水。且冒微雨。又忍飢歸。後繼以飽食酒肉而病。先用人參每帖四錢。麻黃根節一錢半。與二三服。咳嗽止。惡風寒除。後改用厚朴枳實陳皮青皮瓜蒌仁半夏為丸。與二十餘帖。用人參湯送下。痞滿亦散而愈。

麻黃錢一

蒼朮錢二

瓜蒌

陳皮

半夏各三錢

枳殼炒三錢

黃芩錢一

桔梗錢二

木通錢一

甘草些

右分二帖。加薑三片煎服。

一婦人患嗽。頭痛。身膈痛。

陳皮錢二

人參

川芎

麻黃

枳殼錢各一

分二帖。水煎服。

婦人患身疲。嗽而食少。

白朮

黃芩

芍藥錢各三

川芎錢二

木通

紫蘇錢各一

甘草分五

右四帖。熱服。

夫咳之為病。有一咳即出痰者。脾勝濕而痰滑也。有連欬十數不能出痰者。肺燥勝痰濕也。滑者。宜南星半夏皂角灰之屬。燥其脾。若利氣之劑。所當忌也。澁者。宜枳殼紫蘇杏仁之屬。利其肺。若燥肺之劑。所當忌也。

治風痰嗽。其脈弦。面青。四肢滿悶。便溺閉澁。必多躁怒。宜以水煮金花丸主之。

南星

半夏各一兩

天麻錢五

雄黃錢一

白麩兩三

寒水石一兩

右為末。水丸如桐子大。每服五七十丸至百丸。煎漿水沸下藥煮。

燥脾
濕方

脾肺

令浮爲度。淡漿水浸之。以薑湯下。

〔羅〕化痰玉壺丸。治風痰吐逆。頭痛目眩。嗽嘔吐。

天南星

半夏生各一兩

天麻半兩

白麵三兩

右爲細末。滴水爲丸。如桐子大。每服三十九丸。水煮令藥浮漉出。放

溫薑湯下。

〔潔〕天麻丸。治風痰。

天麻

半夏

天南星各一兩

雄黃少許

白麵三兩

右以水丸。每服五七十丸至百丸。先煎水沸。下丸煮十餘沸。後用

薑湯下。食前。

小黃丸。治熱痰咳嗽。脈洪面赤。煩躁心痛。唇口乾燥。多喜笑。

天南星

半夏各一兩

黃芩半兩

右爲細末。薑汁浸蒸餅爲丸。如桐子大。每服五十九丸至七十九丸。

白朮丸。治濕痰咳嗽。脈緩面赤。肢體沉重。嗜臥不收。腹脹而食不消。

天南星

半夏各一兩

白朮半兩

右爲細末。湯浸蒸餅爲丸。如桐子大。每服五十九丸。薑湯下。食後局

方防己丸亦可用。

玉粉丸。治氣痰咳嗽。脈急面白。氣上喘促。浙洒寒熱。悲愁不樂。

天南星

半夏各一兩

陳皮去白二兩

右為細末。湯浸蒸餅為丸。如桐子大。每服五七十丸。人參生薑湯下。食後服。

薑桂丸。治寒痰咳嗽。脈沉。面色薰黑。小便急痛。足寒而逆。心多恐怖。

天南星

半夏各一兩

官桂去皮一兩

右為細末。蒸餅為丸。如桐子大。每服五七十丸。生薑湯下。食後。

治嗽加減法。如心下痞悶。加枳實五錢。如身熱甚。加黃連五錢。

如體重。加茯苓白朮各一兩。如氣逆上者。加苦葶藶五錢。如

氣促者。加入參桔梗各五錢。如氣浮腫者。加郁李仁杏仁各五錢。

如大便秘者。加大黃五錢。

〔羅〕太白丹。治三焦氣滯。破除餘痰。止嗽開胃。

半夏洗

天南星炮

寒水石炮

白礬枯

白附子炮

乾薑炮各等分

右為細末。麵糊丸。如桐子大。每服三十丸。溫生薑湯下。食後。

〔世〕法製半夏。用大半夏不拘多少。湯洗七次。去臍焙乾。再洗七遍。

用米泔浸一日夜。取出控乾。每半夏一兩。用白礬一兩半。研溫水化。

浸上留水兩指許。攪。冬月宜煖處頓放。浸五日夜。取出焙乾。用鉛

白霜一錢。溫水化。又浸二日夜。通七日。盡取出。再用漿水於慢火內

煮勿令滾。候漿水極熟。取出焙乾。每服一二粒。食後細嚼。生薑湯下。
右九方。治濕痰滑而易出。潔古所謂南星半夏勝其痰而咳嗽自
安者是也。

〔羅〕人參款花散。治肺胃虛寒。久嗽不已。咽膈滿悶。咳嗽痰涎。嘔逆
惡心。胸脇脹滿。腰背倦痛。或虛勞冷嗽。及遠年近日一切嗽病。諸藥
不效。並皆治之。

款冬花

人參

五味子

紫菀

桑白皮各一兩

杏仁八錢

木香

檳榔

紫蘇葉

半夏湯泡各五錢

右為細末。煉蜜為丸。如雞頭仁大。每服一丸。食後細嚼。淡薑湯送
下。

紫蘇半夏湯。治喘嗽痰涎。寒熱往來。

紫蘇

半夏

紫菀茸

陳皮

五味子各五錢

桑白皮一兩半

杏仁去皮尖一兩。炒黃。

右為籠末。每服三錢。生薑三片。水煎。日三服。

〔垣〕紫蘇飲子。治脾肺虛實。寒涎痰咳。嗽。

紫蘇葉

桑白皮

青皮

五味子

麻黃

杏仁

陳皮

人參

半夏

甘草 炙各五錢

右咬咀。每服五錢。水二盞。薑三片。煎至七分。溫服。

〔本〕治肺感風寒作嗽。紫蘇散。

紫蘇

桑白皮

五味子

杏仁

麻黃

甘草

青皮 各等分

右為細末。每服二錢。水一盞。煎七分。溫服。

治嗽杏參飲。

杏仁

款冬花

前胡

半夏 製

五味子

麻黃

柴胡

桑白皮

人參

桔梗 各等分

右為細末。每服三錢。水一盞半。生薑五片。同煎七分。通口服。

右利肺氣藥。紫蘇麻黃表多者宜之。

〔潔〕利脇丸。主胸中不利。痰涎咳嗽喘促。利脾胃壅滯。調祕泄藏。推

陳致新。化食治利膈氣之妙品也。

木香

檳榔

藿香 各一錢

甘草 炙五錢

人參

常歸

厚朴 各三錢

大黃 酒炒

枳實 各一錢

右為細末。水丸。桐子大。每服三五十丸。

效而脾胃壅滯者加大黃

〔衍〕有婦人患肺熱久嗽。身如炙。肌瘦。將成肺勞。以枇杷葉木通款
花紫苑杏仁桑白皮各等分。大黃減半。各如常製治訖。同為末。蜜丸。
如櫻桃大。食後夜臥各含化一丸。未終一劑而愈。

右利肺氣藥加大黃。脾胃壅滯者宜之。

〔世〕杏仁煎。治哮喘寒熱。喜少噴多。面色不潤。食少。脈強緊。杏仁一
兩。去皮尖。用童便浸。一日一換。夏月一日三換。浸半月。取出洗淨焙
乾。研令極細。每服一棗大。用薄荷一葉。白蜜少許。水一盞煎。食後服。
甚不過兩劑永瘥。

〔干〕用童便浸杏仁七日。漉出洗淨。研成泥。別入瓮瓶中。換小便煎
成膏。熱水下二錢瘥。

〔圖〕用童便一升。浸杏仁三升。春夏七日。秋冬二七日。并皮尖研細
濾取汁。煮令魚目沸。候軟如麵糊即成。用柳篋攪。勿令着底。即以瓮
布攤乾為丸。每服三五十丸。茶酒任下。

〔丹〕肺鬱痰嗽睡不安者。貝母 杏仁

右為細末。砂糖入薑汁蒸餅丸含化。

右童便浸杏仁。利肺氣潤劑也。津液枯少者宜之。
潤下丸。治氣實有痰。又治積氣。并大腸經氣滯痰嗽。

陳皮去白 甘草

食鹽各五錢

右以水拌令鹽水乾焙燥為末蒸餅為桐子大或為末白湯點服立效。

〔衍〕有人患氣嗽將期或教以橘皮生薑焙乾神麩等分末為丸如

桐子大食後夜以米飲服三五十丸兼舊患膀胱氣緣服此皆愈。

〔潔〕玉粉丸治氣痰脈澁方見前

〔局〕桔梗湯除痰下氣胸膈脹滿痰逆惡心飲食不進。

陳皮去白

半夏薑製

桔梗炒各十兩

枳實去穢炒黃三兩

右末每服二錢水一盞生薑三片同煎七分去渣服。

右用陳皮枳實氣充形實者宜之寒者加薑桂些少後二方有星

半痰澁甚者忌服夫形肥或有汗或脈緩體重嗜臥之人咳者脾

濕勝也形瘦或夏月無汗或脈澁之人咳者肺燥勝也濕者宜白

朮蒼朮茯苓之屬燥之是也燥者宜杏仁瓜蒌之屬潤之是也。

白朮湯治咳嗽體重嗜臥脈緩前濕條白朮丸亦治此病。

白朮

茯苓

半夏各等分

右為籠末作五分或半兩甚者加水二盞薑七片煎至一半取清

水調神麩末二錢服之病甚者玉壺丸大妙永除根。

白朮散治夏暑大熱或醉飲冷酒痰濕不止膈不利。

白朮

茯苓

黃芩

半夏各等分

形肥
痰澁
兼宜
氣利

右為瓮末。每服五錢。水二盞。薑三片。同煎去渣。調陳皮神麩末各一錢。食後服。

〔保〕酒性大熱。不宜大飲。蓋酒味熱而引飲。冷與熱凝於胸中不散而成濕。故痰作矣。甚者吐之。後與五苓甘露勝濕去痰之劑。

右三方。白朮燥濕。半星勝痰。形肥痰滑者宜之。

〔潔〕防風丸。治痰嗽胸中氣不清利者。枳實丸亦治此症。

防風

枳殼妙各半兩

白朮一兩

右為末。煨飯丸。每服六七十九丸。薑湯下。

〔丹〕仁十二孺人虛而有濕痰。膈上有熱。

白朮

滑石各一兩

陳皮

木通五錢

黃芩三錢

甘草炙二錢

分六帖。水煎服。

七九婦嗽有痰。

蒼朮一兩

半夏一錢

陳皮半錢

甘草炙二分

茯苓五分

桔梗二分

薑三片。煎服。

治濕痰。

蒼朮三錢

白朮六錢

香附一錢

芍藥酒一錢

右蒸餅丸。

治肥人濕痰。

苦參

半夏各一錢半

白朮二錢半

陳皮一錢

右作一服。薑三片。竹瀝與水共一盞煎。食遠吞三補丸十五丸。

〔羅〕皂角化痰丸。治癆風心脾壅滯。痰涎盛多。喉中不利。涕唾稠粘。咽塞吐逆。不思飲食。或時昏瞶。

枳殼炒二兩

天南星炮

白附子炮

半夏湯洗七次

白礬枯

人參去虛

赤茯苓去皮各一兩

皂角木白皮酥炙二兩

右為細末。生薑汁麴糊為丸。如桐子大。每服三十九丸。溫水下。食後。

〔丹〕白龍丸。治酒積有痰。

半夏

滑石

茯苓

白礬枯各等分

右為末。神麴糊為丸。

右七方。白朮蒼朮白附子半夏燥濕。枳殼陳皮利氣。形肥痰澁者

宜之。

寒痰

痰

宋徽宗妃苦痰。面浮如盤。李醫用蚌粉。新瓦上炒令通紅。放地上出火毒。每半兩加青黛少許。同淡蘆水滴入麻油數點。調服而愈。

本草治喘嗽。汗多者忌用

草烏五錢

麻黃二錢

右為末。每服三十錢。蘿蔔一箇。同煮令熟。只喫蘿蔔妙。

〔干〕杏仁煎潤肺丸。已上二方見燥痰條

〔丹〕潤肺散

形瘦
服盡
無汗

者宜
潤肺

貝母兩一

瓜蒌仁兩半

青黛錢五

右爲末。薑蜜調成膏。噲。

抑痰丸

瓜蒌仁兩一

半夏錢二

貝母錢三

右爲末。炊餅丸。如麻子大。

咳逆上氣。痰飲心痛。

海蛤

燒爲粉研極細過
數日火毒散用之

瓜蒌仁帶麩
同研

右爲丸。如麻子大。白湯下。

楊文治痰嗽利胸膈方。瓜蒌肥大者。割開去子。洗淨槌破刮皮。細切焙乾。半夏四十九箇。湯洗十遍。槌破焙乾爲末。用洗瓜蒌實熱水并穰同熬成膏爲丸。如桐子大。生薑湯下二十九丸。

〔子〕溫脾湯。治食飽則咳。

甘草兩四

大棗二十
枚

右二味。咬咀。水五升。煮水二升。溫分三服。若咽中痛而聲鳴者。加

乾薑一兩。

吃醋
搶喉

〔聖〕甘膽丸。治吃醋搶喉。因成咳嗽不止。諸藥無效。用甘草二兩。去赤皮。作二寸段。中半擘開。用猪膽汁五枚。浸三日。取出。火上炙乾。爲細末。煉蜜丸。每服四十九。茶清吞下。臥服神效。曾有人患此。諸藥不效。用此方一服愈。

飲酒傷肺

食積

〔丹〕飲酒傷肺痰嗽。以竹瀝煎入葑汁。就吞瓜萋仁杏仁黃連丸。治酒嗽。青黛

用蜜薑丸含化。散肺毒也。

瓜萋仁

食停積嗽。非青黛瓜萋實不除。有食積人面青白黃色不常。面上如蟹爪路一黃一白者是也。

清金丸。治食積嗽。方見虛實條

瓜萋丸。治食痰壅滯喘咳。

瓜萋實

半夏

山查

神麴各等分

為末。瓜萋穰水為丸。竹瀝薑湯送下。

又方。治食積痰嗽。

杏仁

蘿蔔子各二兩

為末。粥丸服。

食積痰作嗽發熱者。

半夏

南星

瓜萋實

蘿蔔子為佐

青黛

石碱為使

隨症加減。丸服之。

肺痿。專在養肺養氣養血清金。

〔仲〕生薑甘草湯。治肺痿咳吐涎沫不止。咽燥而渴。

生薑五兩

人參二兩

甘草四兩

大棗十五枚

右四味。以水七升。煮取三升。分溫三服。

肺痿

炙甘草湯。治肺痿涎唾多。心中溫溫液液者。用甘草一味。以水三升。煮半升。分三溫服。

桂枝去芍藥加皂莢湯。治肺痿吐涎沫。

桂枝

生薑各三兩

甘草一兩

大棗十枚

皂莢十枚去皮
炙炙焦

右五味。以水七升。微微火煮取三升。分三溫服。

肺痿吐涎沫而不咳者。其人不渴。必遺尿。小便數。所以然者。以上虛不能制下故也。此爲肺中冷。必眩多涎吐。甘草乾薑湯以溫之。若服湯口渴者。屬消渴。

甘草炙四兩

乾薑二兩炮

右咬咀。以水三升。煮取一升五合。去渣。分溫再服。

右治肺痿症。或咳沫。或咳血。今編咳沫者入此門。咳血者入咳吐血門。

熱在上焦者。因咳爲肺痿。肺痿之病。從何得之。師曰。或從汗出。或從嘔吐。或從消渴。小便利數。或從便難。又被快藥下利。重亡津液。故得之。

〔脈〕咳而口中自有津液。舌上胎滑。此爲浮寒。非肺痿也。

咳而上氣。煩躁者爲肺脹。仲景云。咳而上氣。此爲肺脹。脈浮大者。越

婢加半夏湯主之。又云。肺脹咳而上氣。煩躁而喘。脈浮者。心下有水。小青龍湯加石膏主之。二方並見喘門

〔丹〕肺脹而咳者。用訶子青黛杏仁。訶子能治肺氣。因火傷極。遂

成鬱遏脹滿。不得眠。一邊。取其味酸苦。有收斂除火之功。佐以海石

香附瓜蒌仁青黛半夏麴薑蜜調噲之。香附用童便浸三日 脈鬱痰嗽睡不安。

宜清化丸。貝母杏仁為末。沙糖入薑汁蒸餅為丸噲化。清化丸方見火熱條 肺

脹而嗽。或左或右不得眠。此痰夾瘀血礙氣而病。宜養血以流動平

氣。降火疎肝以清痰。四物湯加桃仁訶子青皮竹瀝之類。如血礙

氣作嗽者。桃仁大黃薑汁丸服。

一法灸。但可一邊眠者。可左側者灸右足三陰交。可右側者灸左足

三陰交。立安。

〔經〕治氣嗽。嗽久者亦主之。生訶子一枚含之。嚥津。瘡後不知食

味。煎檳榔湯服之。便有食味。

〔丹〕定喘切方。訶子 百藥煎 荊芥各等分

為末。薑蜜丸含化。

治嗽切方。五味子半兩 甘草二錢 五倍子一錢

風化硝 為末。蜜丸。乾含化。

〔世〕治痰嗽并喘。白礬飛。五倍子等分為末。每二錢。猪肝蘸藥臨臥

肺咳
酸補
辛瀉

針灸

肺欲
收急
食酸
之以收

服。

〔本〕化痰涎方

明礬二兩 枯

白殭蠶牛兩 炒 去絲

右為細末。生研薄荷令爛。和丸如菉荳大。每服二十九。薄荷湯下。日三服。

治遠年近日喘嗽。用皂角不蛀者三大莖。剉去黑皮。切開去子。每子倉內入巴荳肉一粒。合就。麻皮縛定。用生薑自然汁和蜜塗。令周匝慢火炙之。又塗又多。以焦黃為度。劈開。去巴荳。以好明礬一兩。枯過蕁麻七箇。薑汁和蜜塗。多前三味為末。却以杏仁二兩去皮尖研成膏。與前藥和勻。每服一錢。用柿餅炙過候冷。蘸藥細嚼。臨臥服。忌魚鮓。鮓。蠶。油。麵。酒。米。醋。煎。溲。熱。毒。等。物。

右訶子五味五倍白礬。例丹溪云。黃昏嗽者。火浮於肺。酸味斂而降之是也。

〔羅〕九仙散。治一切咳嗽。

桑白皮 人參 桔梗 阿膠

五味子 烏梅 款冬花各一兩 貝母半兩

栗殼八兩 去蒂 蜜炒黃

右為細末。每服三錢。白湯點服。嗽住止後服。款花清肺散。治咳嗽喘促。胸膈不利。不得安臥。

人參去蘆

甘草炒

白礬枯

烏梅和核 杵碎

款冬花各一兩

甜葶藶生用 一錢

粟殼醋炒 四兩

右為細末。每服二錢。溫米飲湯調服。食後。忌油膩物。多言語損氣。

人參清肺湯。治男子婦人肺胃虛寒。咳嗽氣急。胸膈咽塞。腹脇脹滿。迫塞短氣。喜欲飲冷。咽噎隱痛。及療肺痿勞嗽吐血腥臭。乾嘔煩熱。聲音不出。肌肉消瘦。倦怠減食。

烏梅

地骨皮

人參

甘草炙

阿膠炮

杏仁去皮 炒

桑白皮

知母

粟殼去頂蒂炒 各一兩

右咬咀。每服三錢。水一盞半。入烏梅一箇。同煎至一盞。去渣溫服。

食後臨臥。

人參款花散。治咳嗽久不愈者。

人參

款冬花各五錢

知母

貝母

半夏各三錢

粟殼一兩炒 黃色

右為籠末。每服五錢。烏梅同煎。臨臥服。

安肺散。治痰嗽。不問新舊。

麻黃二兩 去節

甘草炒 二兩

御米殼四兩去蒂 炒黃色

右為末。每三錢。水一盞。入烏梅一箇。煎七分。去渣溫服。臨臥下。

以辛瀉之

肺先受邪傳與五臟六腑

人參理肺散治喘嗽不止

麻黃去節炒

當歸

木香各一兩

御米殼三兩炒

人參二兩

杏仁二兩

右咬咀每服四錢水煎

右御米殼烏梅例收後藥也

〔世〕治嗽貝母去心略炒知母去毛各一兩巴豆霜十四粒為末和勻老生薑切如錢厚兩面蘸藥末臥嚼嚼時開口勿咽

〔千〕治咳嗽胸膈滿多喘上氣

生薑升一

砂糖五兩

右二味煎薑汁減半納糖更煎服

咳嗽上氣厥在胸中過在手陽明太陰全文見治虛實法

〔海〕肺咳喘息而有音甚則吐血麻黃湯太陽咳而遺矢赤石脂禹餘糧湯桃仁湯不止用猪苓分水散心咳心痛喉中介介鯁狀甚則咽喉痺用桔梗湯小腸咳咳而失氣氣與咳俱失芍藥甘草湯

與夏脈不及病同蓋小腸為心之府故也肝咳兩脇下痛甚不可以轉轉則兩胛下滿小柴胡湯仲景云咳引脇痛為懸飲宜十棗湯丹溪云咳引脇痛宜疏肝氣用青皮枳殼香附子等實者白芥子之屬

加半夏生薑湯脾咳右脇下痛陰陰痛引肩背甚則不可以動動則咳劇升麻湯胃咳嘔嘔甚則長蟲出烏梅丸腎咳腰背相引

卷二十六 脾肺部

一九

而痛甚則咳延。麻黃附子細辛湯。膀胱咳。遺溺。茯苓甘草湯。三焦咳。腹痛不欲飲食。此皆聚於胃關於肺。使人多涕唾而面浮腫氣逆。錢氏異攻散。

〔素〕咳嗽煩寃者。是腎氣之逆也。示從容篇一陽發病。少氣善咳。善泄。

夏脈不及。則令人上見咳唾。下為氣泄。全文見治虛實法

凡咳嗽面赤。胸腹脇常熱。惟於足乍有涼時。其脈洪者。熱痰在胸膈也。宜小陷胸湯礞石丸之類。清膈降痰。甚而不已者。宜吐下其痰熱也。面白悲嘔。或脇急脹痛。或脈沉弦細遲而咳者。寒飲在胸腹也。宜辛熱去之。

〔世〕小陷胸湯。治咳嗽膈有熱痰。胸脇腹常熱者神效。方見傷寒
〔丹〕黃連化痰丸

黃連 吳茱萸一錢半 陳皮五錢 半夏一兩

右為末。麵糊丸。如菉荳大。每服百丸。生薑湯下。

右黃連半夏治痰嗽例。

青礞石丸。去痰或痞痛。經絡中有痰。皆能治之。

青礞石硝煨五錢 半夏二兩 風化硝七錢 陳皮七錢

白朮一兩 茯苓七錢 黃芩半兩

右炒神麴薑糊丸。

寒熱 脈洪赤 大者 熱痰

又方。礞石丸。治痰。

礞石牛兩

半夏七錢

南星

茯苓各五錢

風化硝二錢

右爲末。神麩糊丸。

定嗽化痰方

黃芩一兩半

滑石半兩

貝母

南星各一兩

風化硝二錢

白芥子五錢

右爲末。湯浸蒸餅丸。丹溪云。膈下痰非白芥子不能除。

右風化硝佐礞石茯苓半夏治痰嗽例。丹溪云。礞石丸重在風化

硝。

〔潔〕小黃丸。治咳嗽面赤煩躁脈洪。方見前濕痰條

〔羅〕人參半夏丸。化痰墜涎。止嗽定喘。或風痰茶痰食痰。一切痰逆

嘔吐厥頭痛。或風氣偏正頭風疼。或壅頭目昏眩。耳聾鼻塞。咽乾胸

膈不利。

人參

茯苓

天南星各半兩

半夏

乾薑

白礬

寒水石各一兩

蛤粉二兩

薄荷五錢

藿香二錢

右爲細末。水糊丸。如桐子大。每服三十九丸。生薑湯下。食後日三服。

金珠化痰丸。治痰熱安神定志。除頭痛眩暈。心忪恍惚。胸膈煩悶。涕唾稠粘。痰實咳嗽。咽膈不利。

生龍腦研細 半兩

皂莢仁炒黃 一兩

天竺黃一兩

金箔廿片
為衣

白礬枯二 兩

半夏薑汁製 四兩

右皂角仁半為末。與諸藥同拌勻。生薑自然汁為丸。如桐子大。每服三十丸。生薑湯下。食後臨臥。

人參清金丸。治熱止嗽。消痰定喘。

柴胡

人參各一兩

黃芩

甘草炙

半夏各七錢

麥門冬

青黛

陳皮各二錢

五味子二十粒

右為細末。水麵糊為丸。如桐子大。每服三十丸。溫白湯下。食後。

〔垣〕脾肺受寒痰嗽用藥法。難經云。肺太過則外症面白善嚏。悲

愁不樂欲哭。其內症喘咳上喝。逆氣煩心。胸滿煩熱。夜則涕出多嚏。

鼻塞不通。肺金大實。以子助母也。心脾肺皆受寒邪。涎出口甘。水反

侮土。寡於畏也。腹中大寒。病名曰寒中。痰白作泡。肺中氣虛而為大

寒。子助母也。當於肺中瀉腎水。非辛熱之藥不退也。口甘涎沫者。胃

中寒而不和。以辛甘熱去之。飲酒者多有此反化。

半夏溫肺湯。治心腹中脘痰水冷氣。心下汪洋嘈雜。常多唾。口中清

面白
脈強
微者
寒痰

水自出。脇肋急脹痛不欲食。此胃氣虛冷所致。其脈沉弦細遲。

旋覆花

人參

細辛

桂心

甘草

陳皮

桔梗

芍藥

半夏製各半兩

赤茯苓三分

右以咀。每服四錢。薑三片。煎。食後服。

丁香半夏丸。治心下停飲冷痰。頭目眩暈。睡臥口中多涎。

檳榔三錢

丁香

半夏各一兩

細辛

乾薑

人參各五錢

右為細末。生薑汁糊為丸。如桐子大。每服二十九丸。薑湯下。日三服。

食後。

〔羅〕溫胃化痰丸。治膈間有寒。脾胃停飲。胸膈不快。痰涎不已。

半夏兩三

陳皮去白

乾薑炮

白朮焙各二兩

右為細末。生薑麵糊為丸。如桐子大。每服二十九丸。生薑湯下。不拘

時。

〔潔〕薑桂丸。治咳嗽面黧黑。足寒脈沉。方見前濕痰條

〔局〕胡椒理中丸。治脾胃虛寒。咳嗽氣急。逆氣虛痞不能食。嘔吐痰

水。

款冬花去枝梗

葶撥

陳皮

乾薑炮

良薑炒

甘草炙

細辛去苗

胡椒各四兩

白朮五兩

右末。煉蜜丸。如桐子大。每服三十丸。溫湯下。

〔仲〕吳茱萸湯方見傷寒

〔潔〕夏月嗽發寒熱者。謂之熱嗽。用小柴胡湯三兩。加石膏七錢。知

母三錢治之。柴胡湯方見傷寒冬月嗽而發寒熱者。謂之寒嗽。用小青龍湯

加杏仁治之。方見傷寒

火嗽

〔丹〕火嗽宜清。金化痰丸。清化丸與清金丸同用。專治熱嗽及咽

痛。蓋苦能燥濕。熱輕能治上。取燈籠草葉為細末。蒸餅為丸。每服三

五十九丸。燈籠草即苦耽草其結房如燈籠狀故以名之清金丸一名與點丸。去肺火。降膈上熱痰。

與清化丸同。用黃芩一味炒為末。水丸服。痰因火動。逆上作嗽者。

先治火。次治痰。用知母止嗽清肺金。滋陰降火。火鬱嗽。用訶子海

石瓜薑仁青黛半夏香附以開之。喘嗽不拘老幼久近上壅等疾。

槐花為末。滴水丸。如桐子大。熟水或薑湯下。不拘時。

〔羅〕柴胡飲。治虛勞羸瘦。面黃無力。減食盜汗。咳嗽不止。

柴胡一兩

五味子五錢

地骨皮一兩

鱉甲一兩

知母一兩

右為細末。每服二錢。入烏梅二枚。青蒿五葉。水煎去渣服。

傷冷

〔本〕又方。治勞嗽虛症。及鼻流清涕。耳作蟬鳴。眼見黑花。一切虛症。丈夫婦人皆可服。少年亦不妨。

五味子二兩

鱉甲三兩

地骨皮三兩

右爲末。煉蜜丸。如桐子大。空心食前。溫酒或鹽湯任意服。三五十年。婦人醋湯下。此方乃曲江人家秘方。余服之大有功效。處方有理。甚妙。

〔海〕易簡杏子湯。治咳嗽不問外感風寒。內傷生冷。及虛勞咯血。痰飲停積。皆治療。

人參

半夏

茯苓

細辛減

乾薑減

甘草

桂枝減

芍藥

五味子各等分

右咬咀。每服四錢。水一盞半。杏仁去皮尖剉。二皮薑三片。煎至六分。去渣溫服。若感冒得之。加麻黃等分。若脾胃素實者。用粟殼去筋膜剉碎。以醋淹炒等分加之。每帖加烏梅一枚煎服。其效尤驗。嘔逆惡心者。不可用此。若久年咳嗽。氣虛喘急。去杏仁人參。倍加麻黃芍藥。乾薑五味子各增一半。一名小青龍湯。

潔古水煮金花丸。治咳嗽多怒。天麻丸。羅氏化痰玉壺丸。已上三方並見

風痰
偏痰

〔丹〕搜風化痰丸

人參

僵蠶

槐角

白礬

天麻

陳皮去白

荆芥各一兩

半夏四兩
汁浸

辰砂兩半

右為末。薑汁研蒸餅為丸。除辰砂為衣。每四十九。薑湯下。

〔羅〕延壽丹。治風壅痰嗽。或寒痰咽膈不利。

天麻兩半

枸杞一兩半

明礬一兩半
生半枯

乾薑一兩半

右為細末。酒和成劑。再用蒸餅裹定。於籠內蒸熟。去麩搓為丸。如

桐子大。每服三十九。溫水下。食後臨臥。

〔局〕防風丸。治風痰上攻。頭痛惡心。項急目眩。旋暈。痰涎壅滯昏憤。

天麻酒浸
一宿

甘草炙

川芎洗

防風各一兩

硃砂五錢
為衣

右為末。每兩作十九。硃砂為衣。每服一丸。荆芥湯化服。茶亦得。不

拘時。

川芎丸。消風壅。化痰涎。利咽膈。清目。頭痛旋暈。

川芎

薄荷去土各
七錢半

桔梗半兩

防風去蘆一兩半

甘草三兩半

右為末。煉蜜為丸。每兩半作五十九。每服一丸。細嚼臘茶清下。食

虛實

陰虛
物者四

陽虛
者參
芪

後臨臥。

河間防風通聖散。加半夏。治風痰咳嗽。方見癩癩

千緡湯。方見喘

潔古治

痰嗽不能飲食者。厚朴湯治之。方見大便秘

〔山〕喘嗽。白殭蠶爲末。薑汁清茶調服。臨臥下。方見傷寒

〔潔〕治痰嗽能飲食者。大承氣湯微下之。方見傷寒

〔丹〕陰虛咳嗽。四物湯加竹瀝薑汁主之。陰分嗽者。多屬陰虛。治

之用。知母止嗽。勿用生薑。以其辛散故也。肺虛嗽甚。此好色腎虛

者有之。人參膏以陳皮生薑佐之。

〔羅〕團參散。治脈氣不利。治咳喘止嗽。

紫團參

款冬花

紫苑茸各等分

右爲細末。每服二錢。水一盞。烏梅一枚。同煎七分。去渣溫服。食後。

人參款花膏。治脾胃虛寒。久嗽不已。咽膈滿悶。咳嗽痰涎。嘔逆惡心。

腹脇脹滿。腰背傷痛。或虛勞冷嗽。及遠年近日一切咳嗽。諸藥不效

者。

款冬花去枝

人參去蘆

五味子去枝

紫苑去蘆

桑白皮去粗枝各一兩

右爲細末。煉蜜和丸。如雞頭大。每服一丸。食後細嚼。淡薑湯送下。

或一丸分作四服。含化亦得。

〔食〕治咳嗽不瘥者黃明膠炙令半焦爲末。每服一錢匕。人參末二錢匕。用豆豉湯一盞八分。葱少許。入銚子煎一兩。沸後傾入蜜。遇咳嗽時呷三五口。

〔本〕治十六般哮喘。

黃明膠一兩

馬兜鈴

甘草炙

半夏薑汁浸三日

人參半兩

杏仁去皮尖已上各一兩

右爲細末。每服一大錢。水一盞。煎至七分。臨臥食後服。隨病有湯使爲引。

心嗽面赤或汗流。加乾葛煎。早飯後服。肝嗽眼泪出。加烏梅一

枚。大米十四粒煎。脾嗽不思飲食。或一兩時惡心。入生薑二片

煎。胃嗽吐逆酸水。入蛤粉煎。膽嗽令人不睡。加扶神五分。茶

清調下。肺嗽上喘氣急。入桑白皮煎。膈咳嗽出痰如員塊。生

薑汁調藥嚥下。勞嗽入秦朮末同煎。冷嗽天曉嗽甚。葱白三

寸同煎。血嗽連頓不住。當歸末棗子同煎。暴嗽涕唾稠粘。入

烏梅生薑同煎。產嗽背胛疼痛。甘草三寸。黃蠟少許同煎。氣

嗽肚痛脹滿。入青皮去白同煎。熱嗽夜甚。蜜一匕。葱白同煎。

哮喘喉如拽鋸。入半夏三枚同煎。腎嗽入黃芪白飴糖同煎。

上件十六般嗽痰。依法煎服。無不效驗。此方乃京都一家專治

此疾因中官厚賂方始得傳屢試有效

右人參治嗽例

丹有一子三十餘久瘧虛甚盜汗得嗽嗽來便熱夜甚

甘草 炙 些

白朮 一錢 半

防風 錢一

黃連 分五

人參 分八

乾薑 分三

黃芪 分五

白水煎服

里成人多嗽怠惰脈不數兩手脈大而長此勞症無熱

白朮 一錢 半

陳皮

蒼朮

茯苓 各五分

神麴 七分 炒

川芎 分三

黃芩 三分 炒

五味子 七粒

芍藥 分五

黃芪

甘草 各三分 炙

用生薑二片同煎

陳孺人九十餘歲嗽或發或止發時有清痰寒熱作食少面虛浮

黃色

陳皮

青皮

白朮

芍藥 各五錢

麻黃 二錢 炒

木通

乾薑

黃芩 各二錢 半

甘草 炒

防風 各一錢

分七帖五味子七粒煎三之一

〔雲〕補肺湯治勞嗽

桑白皮

熟地 各三兩

人參

紫菀

黃芪 五味子各一兩

右爲末。每服三錢。水煎。入蜜少許。食後。

〔垣〕款花補肺湯。治年高氣弱。肌體瘦困。短氣。遇秋冬咳嗽大作。夜間尤甚。三五百聲不絕。春夏稍緩。

黃芪兩半 甘草錢一 當歸錢七 佛耳草錢一

款冬花分二 陳皮錢七 丹皮分三 黃柏酒浸 分三

蒼朮錢二 麩末分七

右咬咀。每三錢。水煎去渣。稍熱食後服。

清肺湯。除濕熱。治金火嗽。

黃芪錢四 蒼朮 防風 歸身

茯苓錢各一 五味子粒三十 陳皮錢二分

澤瀉錢二 黃柏分六 青皮分五

右剉。如麻豆。每服五錢。水煎去渣。稍熱臨臥服。

瀉火補肺湯。治金火嗽。五六月間嗽。

五味子錢五 黃芪錢二 人參錢一 甘草錢一

陳皮錢一 去白 麥門冬 青皮分五

蒼朮錢一 歸身錢一 升麻錢一

右剉。如麻豆大。每服五錢。水煎去渣。稍熱服。

痰在
腸胃
脈沉
實者
宜下

右參芪尤治嗽例。後三方黃芪為君。氣虛甚者宜之。膈滿食少者忌服。

〔丹〕蛤蚧丸。治肺臟內傷。咳嗽氣急。久不除。漸羸瘦。

蛤蚧一兩炙
去頭足

訶子煨取
肉

細辛

甘草炙

阿膠蛤粉
炒

熟地

麥門冬去心各
五錢

為末蜜丸。每兩作十五丸。每一丸食後含化。

右蛤蚧丸久嗽不愈者宜之。

〔羅〕大利膈丸。治風痰實喘咳嗽。風氣上攻。

牽牛四兩
生用

半夏湯
洗

木香五錢

青皮去白
二兩

槐角

檳榔

大黃各三錢

皂角去皮弦子酥
各三兩

右為細末。生薑麵為丸。每服五十丸。生薑湯下。

〔丹〕墜痰丸。治痰飲。

枳實

枳殼一兩
牛

明礬三錢
一牛

朴硝三錢
風化

黑牽牛牛斤取
頭末

猪牙皂角二錢
酒炒

右為末。蘿蔔子汁為丸。每服四十九。雞鳴時服。初有糞。次有痰。

右下痰用大黃牽牛。有熱者宜之。

〔世〕治久嗽痰積。半夏二兩。用江子五錢。敲損同煮。至半夏無白心。

去江子不用。杏仁一兩。用烏梅半兩同煮。去烏梅不用。止將半夏杏

仁焙乾為末。煉蜜丸。如葶苈大。量虛實服。服後下痰積。

〔羅〕透羅丹。治痰實咳嗽。胸膈不利。

皂角酥炙去皮弦

黑牽牛微炒

半夏湯洗各二兩

巴豆去油另研一錢

大黃一兩水浸焙用

杏仁酥炒去皮尖一兩

右為細末。生薑自然汁丸。如桐子大。食後生薑湯送下。二十九丸。咳嗽甚者。三四服必效。

〔丹〕治痰喘嗽。

南星二錢

半夏

滑石各三錢

紅子五粒去油

輕粉少許

右用皂角仁浸濃汁丸。梧子大。每服七十丸。

〔本〕治諸般痰嗽。

半夏薑汁浸一宿

天南星

白礬各半兩

焰硝二錢

杏仁去皮尖

青黛各半兩

猪牙皂角去黑皮并子各半兩

巴豆廿一粒去殼生用

右一處為末。薑糊丸。如葶苈大。每服七丸。臨臥薑湯下。小兒五丸。

〔丹〕青金丸。治食積火鬱嗽。

貝母各半兩

知母各半兩

巴豆霜五分

右為末。薑汁丸。青黛為衣。

〔潔〕款氣丸治久嗽痰喘肺氣浮腫。前一方但借巴豆之氣虛人亦可服

青皮 陳皮 檳榔 木香

杏仁 茯苓 郁李仁去皮 川歸

廣茂 馬兜鈴炮 葶藶各三錢 人參

防己各四錢 牽牛頭末二兩半

右為細末。薑汁麪糊丸。如桐子大。每服二十九。加至七十九。食後薑湯送下。

〔羅〕紫參散治肺氣虛。咳嗽喘急。胸膈痞痛。脚膝微腫。

人參二錢半 蛤蚧一對酥炙 白牽牛炒 甜葶藶炒

木香 苦葶藶炒 檳榔各五錢

右為末。用熟棗肉丸。每服四十九。煎人參湯下。食後。

右下痰用檳榔木香。佐牽牛葶藶郁李仁。久嗽面浮足腫者宜之。孫兆視雷道矩病。吐痰頃間已及一升。喘咳不已。面色鬱黯。精神不快。兆與服仲景葶藶大棗湯一服訖。已覺胸中快利。略無痰唾矣。

〔本〕治氣喘咳嗽。

大黃 葶藶一兩淨瓦上炒

右為末。煉蜜丸。如桐子大。每服五七十九。桑白皮湯下。

右下痰用葶藶為效極速。虛人忌用。

〔仲〕咳家其脈弦。為有水。十棗湯主之。有支飲家欬煩胸中痛。不

卒死。至一百日。或一歲。宜十棗湯。

〔丹〕伯溫年近四十。滋味厚。素患咳嗽有痰。與通神丸神米丸和勻。食前生薑湯下五六十九丸。後以津嚥小胃丹十五丸。日服六服。

右十棗湯下痰。仲景法也。虛人審之。丹溪變十棗為小胃丹而少服。徐徐法也。

〔脈〕欬而時發熱。脈卒弦者。非虛也。此為胸中寒實所致也。當吐之。咳家其脈弦。欲行吐藥。當相人強弱而無熱乃可吐之。其脈沉者不可發汗。

〔子和〕稀涎散。三聖散。仲景瓜蒂散。已上三方並見治法門

右吐熱痰法。輕者但用芎藭茶梔仁蘿蔔子薑汁入酸薑汁探吐之。

〔局〕碧霞丹。方見治法門

〔本〕治遠年近日哮喘妙方。

砒

麵

海螵蛸各一錢

右三味為末。水調作餅子。慢火炙黃。再研令細。每服一字。用井花水調一大呷。空心服。良久吐出為度。小兒加減與之。忌食毒物。右吐寒痰法。丸用藜蘆瓜蒂。吐不透者。用附尖神效。

痰在胸膈脈浮強者宜吐

〔子和〕常仲明病寒熱往來。時咳一二聲。面黃無力。懶思飲食。夜多寢汗。日漸瘦削。諸醫作虛損治之。用二十四味燒肝散。鹿茸牛膝補養二年。口中痰出。下部轉虛。戴人斷之曰。上實也。先以瀉劑吐痰二三升。次以柴胡飲子降火益水。不月餘復舊。此症何名。乃經中云。二陽病也。二陽之病發心脾。不得隱曲。心受之則血不流。故女子不月。脾受之則味不化。故男子少精。此二症名異而實同。仲明之病。味不化也。馳口鎖一男子年二十餘歲。病勞嗽數年。其聲欲出不出。戴人問會服藥否。其人曰。家貧未嘗服藥。戴人曰。年壯不妄服藥可治。先以苦劑瀉之。次服舟車瀉丸丸大下之。又服重劑果瘥。一田夫病勞嗽。一瀉一泄。已減大半。次服人參補肺湯。臨臥更服檳榔丸以進食。

右吐下兼施以攻其痰也。

〔本〕治勞嗽。

青黛三錢

辰砂

雄黃

白礬

信各一錢
生用

右並為末。淡豆豉一百粒。湯浸去殼。研如膏。入前五味。丸如桐子大。每服一丸。臨臥冷茶清下。

治遠年近日喘嗽。

蟬蛻一兩去頭足

五靈脂生

砒生

雄黃生

杏仁去皮尖各五錢

輕粉一兩

淡豆豉四十粒九粒

馬兜鈴生一兩

右研。除出輕粉另研。餘為末。用生薑葶藶自然汁合輕粉諸藥為丸。如小彈大。每服一丸。臨臥細嚼。生薑湯送下。

右用信切痰例。蓋為寒濕痰設也。

運氣咳有二。

一曰火。經云。少陽司天之政。初之氣。候乃大溫。其病氣拂於上。效逆。二之氣。火反鬱。白埃四起。其病熱鬱於上。效逆。三之氣。炎暑至。民病咳。終之氣。風乃至。其病陽氣不藏而咳是也。
二曰燥熱。經云。少陰司天之政。水火寒熱。持於氣交。民病咳喘。三之氣。大火行。寒氣時至。民病咳喘。此上熱下燥為咳喘也。終之氣。燥令行。餘火內格。咳喘。此外燥包熱在內喘咳也。
〔本〕治諸嗽久不瘥。貝母湯。

貝母一兩去心並製

黃芩半兩

乾薑生一兩

五味子

陳皮各一兩

桑白皮半兩

半夏

柴胡

桂心各一兩

木香

甘草各一分

右為粗末。每服五錢。水一盞半。加杏仁七箇。去皮尖生薑七片。煎去渣熱服。有姓蔣者。其妻積年嗽。制此方授之。一服瘥。以治諸般嗽悉愈。

右方有寒有熱。有收有散。諸嗽通用也。

〔素〕黃帝問曰。肺之令人欬何也。岐伯對曰。五臟六腑。皆令人欬。非獨肺也。帝曰。願聞其狀。岐伯曰。皮毛者肺之合也。皮毛先受邪氣。邪氣以從其合也。此邪從外受之王其寒飲食入胃。從肺脈上至於肺。則肺

寒。寒邪從外受也肺寒則外內合邪。因而客之。則為肺欬。所謂肺先受邪也五臟各以其

時受病。王註云時謂王月也非其時。各傳以與之。人與天地相參。故五臟各以治

時。肝治春心治夏脾治長夏肝治秋腎治冬也感於寒則受病。微則為欬。甚則為泄為痛。乘秋則

肺先受邪。乘春則肝先受之。乘夏則心先受之。乘至陰則脾先受之。

乘冬則腎先受之。帝曰。何以異之。岐伯曰。肺欬之狀。欬而喘息有音。甚則吐血。取太陽穴也心欬之狀。欬則心痛。喉中介介如梗狀。甚則咽腫喉

痺。取太陽穴也肝欬之狀。欬則兩脇下痛。甚則不可以轉。轉則兩脇下滿。取太陽穴也脾欬之狀。欬則右脇下痛。陰陰引肩背。甚則不可以動。動則欬

劇。取太陽穴也腎欬之狀。欲則腰背相引而痛。甚則欬延。取太陽穴也帝曰。六腑

之欬奈何。安所受病。岐伯曰。五臟之久欬。乃移於六腑。脾欬不已。則

胃受之。胃欬之狀。欬而嘔。嘔甚則長蟲出。取三里穴也肝欬不已。則膽受之。

膽效之狀。欬嘔膽汁。取陽陵泉穴也肺效不已。則大腸受之。大腸效狀。咳而遺矢。取巨虛上廉也心效不已。則小腸受之。小腸效狀。欬而失氣。氣與欬俱失。取巨虛上廉也腎效不已。則膀胱受之。膀胱效狀。欬而遺溺。取委中穴也久效不已。則

三焦受之。三焦效狀。欬而腹滿。不欲食飲。此皆聚於胃。關於肺。使人多涕唾。而面浮腫。氣逆也。取支溝穴也帝曰。治之奈何。岐伯曰。治臟者。治其俞。治腑者。治其合。浮腫者。治其經。見欬論

〔丹〕治嗽。灸天突。肺俞二穴。泄火熱。瀉肺氣。

〔千〕嗽灸兩乳下黑。白際各百壯。即瘥。又以滿當乳頭。周匝圍身。令前後正平。當脊骨下解中灸十壯。又以繩橫量口中。折繩從脊灸繩

兩頭邊各八十壯。三報三日畢。兩邊者是合度。

〔玉〕治咳嗽。身柱三分瀉。至陽三分補三呼不。肺隄寸一分沿皮向外一

〔心〕咳嗽喘滿。氣急不食。容顏黧黑。鼻流清涕。風門沿皮向外二寸半補之

巨闕三寸三分。太淵五分。期門平。下脘五分。臍中灸七。中

腕三寸。絕骨三寸半退。支溝透間使兩脇。風門沿皮一寸半。間使透

〔心〕咳嗽喘滿。氣急不食。容顏黧黑。鼻流清涕。風門沿皮一寸半。間使透

〔心〕咳嗽喘滿。氣急不食。容顏黧黑。鼻流清涕。風門沿皮一寸半。間使透

〔心〕咳嗽喘滿。氣急不食。容顏黧黑。鼻流清涕。風門沿皮一寸半。間使透

〔心〕咳嗽喘滿。氣急不食。容顏黧黑。鼻流清涕。風門沿皮一寸半。間使透

〔心〕咳嗽喘滿。氣急不食。容顏黧黑。鼻流清涕。風門沿皮一寸半。間使透

〔心〕咳嗽喘滿。氣急不食。容顏黧黑。鼻流清涕。風門沿皮一寸半。間使透

〔甲〕欬逆上氣。舌乾脇痛。心煩肩寒。少氣不足以息。腹脹喘。尺澤主之。咳乾嘔煩滿。俠白主之。欬上氣喘不息。得暴痺內逆。肝肺相搏。鼻口出血。身脹逆息不得臥。天府主之。欬逆上氣喘不得息。嘔吐。胸滿不得飲食。輸府主之。欬逆上氣。涎出多吐。呼吸喘悸不得安。或中主之。胸滿咳喘不得息。嘔吐煩滿。不得飲食。神藏主之。欬逆上氣。魄戶及氣舍主之。欬逆上氣。譙譙主之。胸脇痞滿。不得俛仰。飲食不下。咳唾沫膿。周榮主之。欬而泄不欲食者。商丘主之。淒淒寒咳吐血。逆氣入心痛手。陰郄主之。欬而胸滿。前谷主之。欬逆上氣吐沫。天容及行間主之。欬逆不止。三焦有水氣不能食。維道主之。欬面赤熱。支溝主之。欬逆上氣。咽喉癰腫。呼吸短氣。喘息不通。水突主之。一作天突欬上氣喘。暴痞不能言。及舌下挾縫。青脈頸有大氣。喉痺。咽中乾急不得息。喉中鳴。翕翕寒熱。項痛肩痛。胸痛。腹皮熱。衄氣短。心膈隱疹。頭痛。面皮赤熱。身肉盡不仁。天突主之。欬逆上氣喘不能言。華蓋主之。

成無已云。欬者警欬之欬。俗謂之嗽者是也。肺主氣。形寒飲冷。則傷之。使氣上而不下。逆而不收。衝擊膈咽。令喉中淫淫如牽。習習如梗。是冷嗽。甚者續續不已。連連不息。坐臥不安。言語不竟。動引百脈。咳聲聞四近矣。警。枯鼎切。咳聲也。

〔脈〕肺痿欬唾咽燥。欲飲水者自愈。自張口者短氣也。

〔丹〕咳嗽肺脹壅遏不得眠者難治。

〔仲〕人嗽十年。其脈弱者可治。實大數者死。其脈虛者必苦冒。其人

本有支飲在胸中故也。治屬飲家。上氣面浮腫。肩息。其脈浮大不

治。又加利尤甚。脈浮短者。其人肺傷。諸氣微少。不過一年死。法當

嗽也。欬嗽羸瘦。脈形堅大者死。

欬而脫形。身熱脈小堅急。以疾是逆也。不過十五日死。

全文見診

〔脈〕上氣脈數者死。謂其形損故也。欬嗽脈沉緊者死。浮直者生。

浮軟者生。小沉伏匿者死。

〔丹〕欬嗽口燥咽乾。有痰不用半夏。用瓜萋貝母。飲水者不用瓜萋。

恐泥膈不快。

乾咳嗽

乾咳嗽者。無痰有聲是也。此症本於氣瀼。瀼微者連咳十數聲。方有

痰出。瀼甚者雖咳十數聲亦無痰出。是為乾咳嗽也。

〔丹〕乾咳嗽極難治。此係火鬱之症。乃痰鬱其火邪在中。用苦桔梗

以開之。下用補陰降火之劑。不已即成勞。倒倉法好。此不得志者有

之。宜用補陰方四物湯加竹瀝炒柏之類。

〔海〕甘桔湯。此仲景少陰咽痛藥也。孫真人治肺癰吐膿血用生甘

實熱
不降

雜方

草加減二十餘條。甘桔湯方用桔梗三兩
甘草一兩白水煎服

效逆氣者。加陳皮。效嗽者。加貝母知母。效發渴者。加五味。

吐膿血者。加紫苑。肺痰者。加阿膠。面目腫者。加茯苓。嘔者。

加生薑半夏。少氣者。加人參麥冬。膚痛者。加黃芪。目赤者。

加梔子黃連。咽痛者。加鼠粘子竹茹。聲不出者。加半夏桂枝。

疫毒頭腫者。加鼠粘子大黃芒硝。胸痛膈不利者。加枳殼。

心胸痞者。加枳實。不得眠者。加梔子。發狂者。加防風荆芥。

酒毒者。加葛根陳皮。

一中年婦人乾效。寸脈滑動似芫狀。餘皆散大不浮。左大於右。每五
更心躁熱有汗。但怒氣則甚。與桔梗不開。諸藥不效。遂以石膏香附
為君。芩連青黛門冬瓜蒌實陳皮炒柏歸梗為臣。五味砂仁川芎紫
苑佐之。凡二十餘帖而安。潔古蜜煎生薑湯。蜜煎陳皮湯。與燒生薑
胡桃方。皆治無痰而嗽者。以辛甘潤其肺也。如但使青皮藥皆宜去
白。本草云。陳皮味辛。理上氣。去痰氣滯塞。青皮味苦。治下氣。二味俱
用。散三焦氣也。故聖惠法治云。陳皮去穢。穢不除即生痰。麻黃發汗。
節不去則止汗。

〔本〕補肺法。

地黃二斤生

淨洗

杏仁二兩

生薑

蜜各四兩

右搗如泥入瓦盆中置飯上蒸五七度每五更挑三匙嚥下。

〔千〕治久嗽方。

白蜜斤一

生薑二斤
取汁

右二味先秤銅銚知斤兩訖納蜜復秤如數次納薑汁以微火煮令薑汁盡惟有蜜斤兩在則止日服如棗大含一丸日三服忌一切雜食。

咳嗽喉中作聲。

一男子五十餘歲病傷寒咳嗽喉中聲如鼾與獨參湯一服而鼾聲徐至二三帖效嗽亦漸退凡服二三斤病始全愈。

〔梅〕治久患嘔呷咳嗽喉中作聲不得眠取白前搗為末溫酒調二

錢匕。衍義云白前保定肺氣

〔仲〕欬而上氣喉中水鷄聲射干麻黃湯主之。

射干二兩

麻黃

生薑各四兩

細辛

紫菀

款冬花各三兩

大棗七枚

五味子

半夏各半升

右九味以水一斗二升先煮麻黃兩沸去上沫納諸藥煮取三升分溫三服。

〔千〕白前湯欬逆上氣身體浮腫短氣腫滿日夕倚壁不得臥喉中

喉如
水鷄
聲為
實

喉如
鼾聲
為虛

水雞鳴

白前

紫菀

半夏

大戟各三兩

右咬咀。以水一斗。浸一宿。明日煮取三升。分三服。

〔素〕陰爭於內。陽擾於外。魄汗未藏。四逆而起。起則熏肺。使人喘鳴。
陰陽別論 起居如故而息有音者。此肺之絡脈逆也。脈絡不得隨經上下。故留經而不行。絡脈之病人也。微。故起居如故而息有音也。
從論

針灸

督脈生病。其上氣有音。治其喉中央在缺盆中者。
天突穴也 其病上衝喉者。治其漸。漸者上俠頤也。
王註謂天迎穴

〔甲〕咳喉中鳴唾血。大鍾主之。胸脇支滿。不得俛仰。癢癰欬逆。上

氣喉咽喝喝有聲。太谿主之。咳逆上氣。咽喉喝喝喘息。挾突主之。

暴嗽

〔干〕治暴熱嗽方。

杏仁

紫蘇子一升

陳皮一兩

柴胡四兩

右咬咀。以水一斗。煮三升。分三服。

〔山〕暴嗽。白蜺殼洗淨研細。粥飲下。

〔本〕治暴嗽。

砒霜一錢

白礬一兩飛過細研

右先將砒霜安放茶盞內。却將白礬末鋪蓋。火煨為末。烏梅肉丸。如菘荳大。硃砂為衣。每服二丸。紫蘇湯下。

痰 熱

痰

〔千〕治暴嗽。百部藤根搗自然汁。和蜜等分。沸煎成膏。噀之。
久嗽

〔丹〕肺受風寒久嗽。非此不能除。南星款花。鷺管石佛耳草。雄黃爲末。拌艾以薑一厚片留舌上。次用艾上燒之。須令煙入喉中。一方無佛耳草。有鬱金。又方。鷺管石雄黃各一分半。另爲末。款花佛耳草各一分半。另爲末。却用紙一幅。方方闊四五寸。以雞子清塗其中。中央四旁各懸一寸許不塗。然後以鷺管石雄黃摻於雞子清上。又以款花佛耳草末摻其上覆之。又以一箭筋從不塗紙旁捲起爲一紙筒。用糊粘牢。其旁抽箭筋出焙乾。用時將一紙筒含在口。一頭火燒。以口吸煙。令滿噀之。噀至燒筒盡爲度。却喫茶二三口壓之。

〔雀〕療久嗽。薰法。每旦取款花好雞子少許。蜜拌花使潤。納一升鐵鑊中。又用一瓦碗鑽一孔。孔內安小竹筒。或筆管亦得。其筒稍長。置碗鑊相合。及插筒處皆麵糊塗之。勿令泄氣。鑊下着炭火。少時款冬煙自竹管出。以口含筒。吸取噀之。如胸中稍悶。須舉頭。卽將指頭捻竹筒頭。勿令漏煙氣出。及煙盡止。凡如是五日一爲之。至六日則飽食羊肉餛飩一頓。永瘥。一法不用鑊。用有甕瓦竈。燒藥蓋住瓶口。却以口於瓶窟吸烟咽之。尤捷。

〔潔〕枳殼湯。治久痰嗽。胸膈不利者。多上焦發熱。

枳殼炒三

桔梗二

黃芩二兩

半

右爲細末。每早取二兩半。水三盞。煎至一盞。日作三服。午時一服。中時一服。臥時一服。三日七兩半服盡。又服半夏湯。

生半夏湯。用半夏薑製切片。每三錢半。水盞半。薑五片。煎至一盞。食後服。一日二三服。二三日服了。再服枳殼丸。盡其痰爲度。論曰。先消胸中痰氣。後去膈上痰。再與枳朮丸。謂首尾合治。盡消其氣。令痰不復作也。

〔丹〕久嗽丸子

海蛤粉研細

膽星臣

杏仁臣

訶子佐

青黛佐

皂角莢使

右爲末。薑汁丸。如桐子大。薑湯下。

久嗽乃積痰久留肺脘。粘滯如膠。氣不能升降。或挾濕與酒而作。

香附童便浸

殭蠶炒

海蛤粉

瓜蒌仁

蜂房

杏仁

薑汁

竹瀝

神麩各等分

右爲末。蜜調噲化。

謝老人形實。夏月無汗。成久嗽痰。

半夏薑製

紫蘇葉各一兩

右二味。入莎末。蜆殼末。神麩末。以瓜蒌穰。桃仁半兩。和丸。先服三

拗湯三帖。方服此丸子。

男子五十歲。舊年因暑月入冷水作勞。患瘧。後得痰嗽。次年夏未得。弦脈而左手虛。叩之必汗少而有痰。身時時發熱。痰如稠黃膠。與下項方藥。仍灸大椎風門肺俞五處。

半夏一兩

白朮七錢

茯苓六錢

黃芩

陳皮

桔梗

枳殼

石膏煨各半兩

殭蠶炒二錢半

五味子一錢半

右用神麩糊丸。薑湯下三十九丸。先與三拗湯加黃芩白朮二帖。夜

與小胃丹十丸。以攪其痰。

潔古款氣丸。治久嗽浮腫。羅氏紫參散。用蛤蚧。衍義云蛤蚧治久嗽有功。

馬兜鈴丸。治多年喘嗽不止。大有神功。

馬兜鈴去土

半夏湯洗七次焙乾

杏仁去皮尖麩炒各一兩

巴豆二十一粒去皮油研

已上除巴豆杏仁另研外。餘為細末。用皂角膏子為丸。如桐子大。

雄黃為衣。每十丸臨臥煎烏梅湯下。以利為度。

〔干〕治三十年咳嗽。或飲或咳。寒氣。嗽雖不同。悉治之。

細辛

款冬花

防風

紫菀各二兩

藜蘆二兩

川椒五合

實者吐之

右六味。咬咀取藜蘆先着銅器中。次紫苑。次細辛。次款冬花。次椒。以大棗百枚。間在諸藥中。以水一斗二升。微火煮令汁盡。出棗曝令燥。雞鳴時服半棗。不知。明日服一枚。以胸中溫溫為度。若強人欲嗽吐者。可少增服之。便吐膿裏結痰。吐後勿冷飲食。咳愈止藥。藥勢靜乃食。不爾令人吐不已。

治久嗽不瘥方

兔尿 四十粒

礪砂 一分

胡桐淚 一分

右三味為末。蜜和丸。如桐子大。每服三丸。以粥飲下。日三。吐冷物盡即瘥。

〔丹〕蛤蚧丸。治久嗽。方見陽虛效條

又方。衍義治久效膿血。胸膈噎痛。蛤蚧

阿膠生犀角鹿角膠鉛半角各一兩。除膠外皆為屑。次入膠。河水三

升。煮半升。臨臥細呷愈。詳見效血 療三十年嗽。以百部根二十斤。搗絞

取汁。煎之如飴。服方寸匕。日三服驗。

〔百一〕治久咳嗽。上氣十年。諸藥治不瘥方。以蝙蝠除翅足燒令焦

為末。飲服之。

妊娠嗽

〔雲〕馬兜鈴散。治妊娠胎氣壅塞。效嗽喘息。

馬兜鈴

桔梗

人參

甘草

貝母錢各五

陳皮白去

大腹皮

桑白皮

紫蘇兩各一

五味子錢五

右咬咀。每服四錢。薑三片。水煎。

麻黃散。治妊娠外傷風冷。痰逆。咳嗽不食。

麻黃節去

陳皮白去

前胡兩各一

半夏洗炒

人參

白朮

枳殼

貝母

甘草兩各半

右咬咀。每服四錢。葱白五寸。薑三片。棗一枚。水同煎。

紫菀湯。治妊娠咳嗽不止。胎不安。

紫菀

天門冬兩各一

桔梗兩半

甘草

杏仁

桑白皮錢各二

右咬咀。每服三錢。竹茹一塊。水煎去渣。入蜜半匙。再煎一二沸。溫服。

天門冬去心

貝母

人參

甘草

桑白皮

桔梗

紫蘇兩各半

赤茯苓兩二

麻黃去節七錢半

右咬咀。每服四錢。薑三片。水煎。

醫學綱目卷之二十七 肺大腸部

喘 喘不得臥 產後喘 短氣 少氣

大法

〔丹〕凡治嗽 未發以扶正氣爲要。已發以攻邪氣爲主。嘗治一中年男子久嗽。每發時不食數日。聲撼四鄰。百治不效。脈寸沉伏。關滑。遂於未發時。用人參白朮當歸地黃以薑汁製之。瓜蒌實陳皮茯苓黃芩黃連乾薑些少煎湯。下青礞石丸。將發時。先用神祕沉香丸下之。次與前藥中加杏仁枳實蘇葉。倍瓜蒌實煎服。一月後證減十分之八。後遂守此方漸安。凡治數人。皆以此法加減治之。皆得大效。氣虛短氣而喘。有痰亦短氣而喘。不可用苦寒之藥。火氣盛故也。宜導痰湯。加千緡湯。陰虛自少腹下火起衝於上而喘者。宜降心火。補陰。有火炎上者。宜降心火。清肺金。有痰者。宜降痰下氣爲主。上氣喘而躁者。爲肺脹。欲作風水症。宜發汗則愈。有陰虛挾痰喘者。四物湯。加枳殼半夏。補陰降火。諸喘不止者。用椒目研極細一二錢。生薑湯調下。却之。氣虛不用。又法。用蘿蔔子蒸熟爲君。皂角燒灰等分爲末。薑汁加煉蜜丸。如小荳大。每嚙化五七十丸。却止之後。因痰治痰。因火治火。氣虛者。用人參蜜炙黃柏麥冬地骨皮之類。氣實人。因服黃芪過多而喘者。用三拗湯以瀉氣。若喘

虛實
喘而
自汗
者宜
補氣

甚者。須用阿膠。若久病氣虛而發喘者。宜阿膠人參五味補之。
新病氣實而喘者。宜桑白皮苦葶藶瀉之。治哮喘專主於痰。宜吐法。
不可用涼藥。必帶表散。

〔垣〕肺脹膨膨而喘咳。胸膈滿。壅盛而上奔者。於隨證用藥方中。多
加五味子。人參次之。麥門冬又次之。黃連少許。如甚則交兩手而
瞽者。真氣大虛也。若氣短加黃芪五味子人參。氣盛去五味子人參
加黃芩荆芥穗。冬月去荆芥穗。加草薺薏仁。

〔仲〕火逆上氣。咽喉不利。止逆下氣。宜麥門冬湯主之。

麥門冬七升

半夏一升

人參四兩

甘草二兩

粳米三合

大棗十二枚

右六味。以水一斗二升。煮取六升。溫服一升。日三夜一服。

〔保〕天門冬丸。治婦人喘嗽。手足煩熱。骨蒸寢汗。口乾引飲。面目浮腫。

天門冬十兩

去心

麥門冬八兩

去心

生地三斤

取汁為膏

右三味為細末。膏子為丸。如桐子大。每服五十九丸。逍遙散下。逍遙
散須去甘草加入參。或與王氏博濟方人參荆芥散亦得。如面腫
不已。經曰。面腫因風。故宜汗。麻黃桂枝可發其汗。後與柴胡飲子。
去大黃。效論曰。治臟者治其陰。治腑者治其合。浮腫者治其經。治

喘而無汗者宜發表

臉者治其土也。治合者亦治其土也。如兵圍魏救趙之法也。

〔本〕治欬嗽上氣喘急。以人參一味為末。鷄子清投新水調下一錢。昔有二人同走。一含人參。一不含。俱走三五里許。其不含者大喘。含者氣息自如。此乃人參之力也。

右用門冬五味人參三味為主。治肺虛或自汗或少氣而喘。蓋聖藥也。

予治一婦人五十餘歲。素有痰嗽。忽一日大喘。痰出如泉。身汗如油。脈浮而洪。似命絕之狀。予適在彼。速用麥門冬四錢。人參二錢。五味一錢五分煎服。一帖喘定汗止。三帖後痰亦漸少。再與前方內加瓜蓼仁一錢五分。白朮當歸芍藥黃芩各一錢。服二十餘帖而安。此實麥門冬五味人參之功也。如自汗兼腹滿。脈沉實而喘者。裏實也。宜下之。

〔仲〕上氣喘而躁者。屬肺脹。欲作風水。發汗則愈。欬而上氣。此為肺脹。其人喘。目如脫狀。脈浮大者。越婢加半夏湯主之。

麻黃六兩

石膏斤半

生薑三兩

大棗十五枚

甘草兩

半夏升

右六味。以水六升。先煮麻黃去上沫。內諸藥煮取三升。分溫三服。〔丹〕七三喘喘。遇冬則發。此寒包熱也。解表則熱自除。

枳殼三錢 妙

桔梗各二錢

陳皮

右分四帖煎取小半盞熱飲之

治寒包熱而喘必用發散

半夏

紫蘇

如天寒加桂枝

女子十二歲自小喘嗽

白朮

茯苓

桔梗二錢

一男子年一十四歲時十日則發一遍此疾在上焦不得汗洩正當

九月十月之交宜溫散仍與小胃丹佐之溫散加

麻黃

每帖用一錢半入薑汁研細末以水盞半煎去渣飲之每夜臨臥

時與小胃丹十二粒津下之

〔仲〕肺脹欬而上氣煩躁而喘脈浮者心下有水小青龍加石膏主

之

麻黃

陳皮

防風

枳殼妙

麻黃

杏仁

桔梗

青皮五錢

陳皮

木通

乾薑一錢

甘草五錢

片苓三錢

麻黃

黃芩

蒼朮

黃芩妙

黃芩

木通

一錢半通利九竅治肺壅甚當

黃芩妙

甘草

麻黃

麻黃

麻黃

麻黃

麻黃

麻黃

麻黃

麻黃

麻黃

麻黃

麻黃

麻黃

麻黃

麻黃

芍藥

桂枝

細辛

甘草

乾薑各三錢

五味子

半夏各半升

石膏二兩

右九味以水一斗先煮麻黃去上沫內諸藥煎取三升強人服一升羸者減之日三服小兒服四合

〔垣〕麻黃定喘湯小兒寒鬱喘喉鳴腹內鳴堅滿鼻流清涕脈沉急而數

麻黃

草薺薺

益智仁各一兩分半 甘草

歸身

紅花

黃芩生 柴胡檜各一分

升麻

神麩各五分

吳茱萸二分 蘇木半

全蠍一個

右咬咀分二服水二大盞煎至七分去渣稍熱服食後忌風寒微有汗效

麻黃蒼朮湯治秋暮冬天每夜連聲嗽不絕大喘至天明日高方緩口苦兩脇下痛臥而多驚筋攣肢節痛痰吐涎沫日晚呵欠不能飲食

柴胡根

羌活根

蒼朮各五分

麻黃一分

防風根

甘草根生

歸檜

黃芩各四分

有鬱者解

汗後不愈方

脈虛者

熟甘草分三

五味子分九

草薺分六

黃芪錢一

右分二帖。水煎。去渣稍熱服。臨臥。

右發表治喘。前五方發寒包熱也。後三方發外中皆寒也。

四磨湯。治七情鬱結。上氣喘急。

人參

枳榔

沉香

天台烏藥

右四味。各濃磨水。取七分。煎一二沸。放溫服。加木香枳殼。為六磨湯。有苦寒者。加丁香。桂亦可。衍義云。烏藥枳榔氣少走泄多。但不甚剛猛。與沉香同磨作湯。治胸中氣膈甚當。

右解鬱治喘。

〔丹〕一婦人與前方。發熱得汗而喘定。夜半進少稀粥。喘再作。心痞口乾。與下方。

半夏

枳實錢三

黃連

白朮錢二

木通

陳皮錢各一

麻黃

紫蘇錢各一

甘草分五

右咬咀。薑水煎服。若陰虛痰喘急者。補陰降火。四物加枳殼半夏。平江洗伯寧家。豐好內厚味。每年到四月九月內必發氣喘。擡肩吐痰。脈沉澁而細數。諸醫用平肺之藥。數年不愈。如此者六七年。用人參生地黃膏。和當歸牛膝肉蓯蓉枸杞子五味子知母黃柏天門冬。

腹沉滿
實者

玄參末為丸。如桐子大。每服百丸。空心服。以救肺虛。又用阿魏黃連
山查沉香牛黃辰砂膽星陳皮神麩糊為丸。如桐子大。臨臥薑湯下
三四十丸。治厚味。服訖。復用瓊玉膏一劑。繼服之而安。瓊玉膏方
見勞瘵 治
哮喘亦治積。鷄子略敲。損殼不損膜。浸尿缸內三四日。臨夜煮食。海藏本
草云陰
不足者補
之以味

〔羅〕喘則肺實。己未八月中霖雨不止。時承上命。治不憐。吉歹元
帥夫人年踰五十。身體肥盛。因飲酒及潼乳過。腹脹喘滿。聲聞舍外。
不得安臥。大小便澀滯。氣口脈大兩倍於人迎。關脈沉緩而有力。予
思霖雨之濕。飲食之熱。濕熱大盛。上攻於肺。神氣躁亂。故為喘滿。邪
氣盛則實。實者宜下之。故制平氣散以下之。

白牽牛二兩半生半熟
只取頭末一兩

青皮去

枳榔各三錢

陳皮去白
半兩

大黃七錢

內經曰。肺苦氣上逆。急食苦以泄之。故以白牽牛苦寒。瀉氣分濕熱。
上攻喘滿。故以為君。陳皮苦溫。體輕浮。理其肺氣。青皮苦辛平。散肺
中滯氣。為臣。枳榔辛溫。性沉重。下痰降氣。大黃苦寒。蕩滌滿實。故以
為使。

右為細末。每服三錢。煎生薑湯一大盞調下。無時一服。減半再服。
喘愈。止有胸膈不利。煩熱口乾。時時咳嗽。再與加減瀉白散。

桑白皮兩一

地骨皮

知母

陳皮

青皮各去白

桔梗去蘆各五錢

黃芩細剉淨

甘草炙各三錢

右件剉如麻荳大。每服五錢。水二大盞。煎至一盞。去渣溫服。食後數服。良愈。華陀云。盛則為喘。減則為枯。活人云。發喘者氣有餘也。凡看文字。須要會得本意。盛而為喘者。非肺氣盛也。喘為氣有餘者。亦非肺氣有餘也。氣盛當認作氣衰。有餘當認作不足。肺氣果盛。又為有餘。當清肅下行而不喘。以其火入於肺。衰與不足而為喘焉。故言盛者。非言肺氣盛也。言肺中之火盛也。言有餘者。非言肺氣有餘也。言肺中之火有餘也。故瀉肺以苦寒之劑。非瀉肺也。瀉肺中之火實補肺也。用者不可不知。

〔羅〕槐角利膈丸。治風勝痰實。胸滿及喘滿咳嗽。

皂角一兩酥炙去皮弦子 半夏

槐角炒各半兩

牽牛一兩半

右同為細末。生薑汁麴糊丸。如桐子大。每服三十丸。食後生薑湯送下。

定喘餅子神驗。

芫花醋浸一宿炒

桑白皮炒

吳茱萸炒

馬兜鈴

陳皮去白各一兩

寒食麵三兩

白牽牛三兩半生半炒取頭末二兩

右為末。和勻。滴水丸。如櫻桃大。捏餅子。取熱灰半碗。在鍋內同炒。

吐後不愈方

發時有痰吐者化之

餅子熱。每夜服一餅。嚼爛。煎馬兜鈴湯下。如患人心頭不快。加上

一餅。或兩餅。至微明利下神效。婦人有胎不可服。

洞虛子神祕沉香丸。下痰喘。方見痰飲門

〔仲〕膈間支飲。其人喘滿。心下痞堅。面色黧黑。其脈沉緊。得之數十

日。醫吐之不愈。木防己湯主之。虛者即愈。實者三日復發。與不愈者

宜木防己湯去石膏加茯苓芒硝湯主之。

木防己三兩 石膏十二枚如雞子大 桂枝二兩 人參四兩

右四味。以水六升。煮取二升。分溫再服。

木防己加茯苓芒硝湯方

木防己各二兩 桂枝各二兩 人參 茯苓

芒硝

右五味。水六升。煮二升。去渣。內芒硝。再微煎。分溫再服。微利即愈。

〔丹〕喘急有風痰者。婦人大全千縉湯。

半夏七個炮製 皂角去皮 甘草各一寸 生薑如指大

右用水一碗。煮去半頓服。一方不用甘草。但用半夏末一兩。皂角

去皮弦半兩。生薑七片。同入紗袋中。水三升。煎至一盞五分。以手

揉洗。取清汁。分作三服。併服二服效。

〔雲〕四七湯。治痰涎咽喉中上氣喘逆甚效。方見咽喉條。即仲景治婦人胸中如有炙餅。半夏厚朴湯

〔保〕半夏丸。治因傷風而痰作喘逆。兀兀欲吐。惡心欲倒。

半夏兩一

枳榔三錢

雄黃三錢

右爲末。薑汁浸蒸餅爲丸。桐子大。每服三十五丸。薑湯下。小兒丸米大。

〔經〕定喘化痰。猪蹄甲四十九個。淨洗控乾。每個指甲內入半夏白礬各一字。裝罐子內。封閉。勿令烟出。火煨通赤。去火毒。細研。入麝香一錢匕。有上喘咳嗽。用糯米飲下。小兒五分至妙。

〔簡〕治喘急。用桔梗一兩半。搗羅爲末。童便半升。煎取四合。去渣溫服。

凡治喘。正發時無痰。將愈時卻吐痰者。乃痰於正發之時。閉塞不通而喘甚。當於其時開其痰路。則易安也。宜此方桔梗之類。及枳殼瓜蒌實杏仁蘇葉前胡等。引出其痰。候痰出喘退。卻調其虛實。虛者補以參芪歸朮。實者瀉以沉香滾痰丸之類是也。

〔河〕人參半夏丸。化痰定喘。

方見痰喘予平日用此方治久喘未發時服此丸已發時用沉香滾痰丸微下之果効

〔世〕火喘。用白虎湯加瓜蒌仁枳殼黃芩神效。

〔保〕雙玉散。治痰熱而喘。痰湧如泉。

寒水石

石膏各等分

右細末。人參湯下三錢。食後服。

發時
有痰
不出
者開
之

熱痰

寒痰

〔仲〕支飲不得息。用葶藶大棗瀉肺湯主之。方見肺癰此方效甚捷但虛人忌服

〔丹〕紫金丹。治哮喘遇冷發者用之。

精猪肉三十兩 砒霜明亮者一兩研細

右將肉切如骰子大。用砒末入肉內拌勻。分肉為六分。每分用紙筋黃泥包之。用火烘令泥乾。又用白炭火於無人處煨。青烟出盡為度。放地上一宿。研極細。用湯浸蒸餅丸。如菘荳大。用清茶吞下。大人二十九丸。小兒十九丸。量虛實用之。

哮喘遇冷則發者有二證。

其一屬中外皆寒。治法乃東垣參蘇溫肺湯。調中益氣。加茱萸湯及此方紫金丹。劫寒痰者是也。其二屬寒包熱。治法乃仲景丹溪用越婢加半夏湯等發表諸方之類。及預於入九月未寒之時。先用大承氣湯下其熱。至冬寒時無熱可包。自不發者是也。

〔丹〕清金丹。治哮喘遇厚味發者用之。

蘿菔子淘淨蒸令熟晒乾為末一兩 猪牙皂角火燒過以碗覆地上作灰末三錢

右為末。拌勻。用薑汁浸蒸餅丸。如蘿蔔子大。每服三十粒。漫咽下。一方。劫喘門。薑汁蜜煉丸。桐子大。每七八十九丸。嚙下止之。

〔瑞〕化痰丸。快脾順氣。化痰消食。治久喘或作或止者甚妙。

半夏洗 南星去皮 白礬 皂角碎切

生薑

右各一斤。用水煮南星無白點為度。揀去皂角不用。將生薑切作片。同半夏南星晒乾。無日色火焙。再加

青皮去穢

陳皮去白

紫蘇子炒

蘿蔔子炒另研

乾葛

杏仁去皮尖另研

神麩炒

麥蘖炒

山查

香附子去毛

右各半斤。淨與前藥合和一處。研為細末。生薑汁浸蒸餅打糊為丸。如桐子大。每服五七十丸。臨臥食後茶湯送下。

〔仲〕病人飲水多。必暴喘滿。

〔潔〕白朮散。治夏月飲冷酒。生痰膈滿。方見欬脾肺條

〔丹〕喘而心痛。油炒半夏為末。粥丸。薑湯下三十九。

哮喘必用吐法。吐藥中用醋多不用涼藥。

子和稀涎散。方見治法門上實條

〔世〕治喘用古文錢七個。鹽梅七個。水一盞。同浸二宿。每服一呷。空心。良久吐出惡痰而效。

〔垣〕病機云。諸痿喘嘔。皆屬於上。辨云。傷寒家論喘嘔。以為火熱者。是明有餘之邪中於外。寒變而為熱。心火太旺攻肺。故屬於上。又云。膏粱之人。奉養太過。及過愛小兒。亦能積熱於上而為喘咳。宜以甘

寒熱
肺痿
心火
刑肺

飲水
多者
滲之
兼痛
者燥
之久
咳已
不吐
之者

氣從
小腹
衝上
張衝
火之

肺受
熱方

肺受
寒方

寒之劑治之。脈經又云。肺盛有餘。則欬嗽上氣。喘渴煩心。胸滿短氣。皆衝脈之火行於胸中而作也。係在下焦。非屬上也。蓋雜病不足之邪起於有餘。病機之邪自是標本病傳。多說飲食勞役。喜怒不節。水穀之寒熱。感則害人六腑。皆由中氣不足。其腹脹腹滿。咳喘嘔食不下。皆以大甘辛熱之劑治之。則立已。今立熱喘寒喘一方於後。

人參平肺散。治心火刑肺。傳為肺痿。欬嗽喘嘔。痰涎壅盛。胸膈痞悶。咽隘不利。

桑白皮錢一

知母分七

甘草分五

茯苓分四

地骨皮分五

天門冬分四

青皮分三

五味子粒三十

陳皮分三

人參分五

右欬喘。只作一服。水煎。食後溫服。如熱甚加黃芩四分。紫蘇葉半夏各五分。

參蘇溫肺湯。治形寒飲冷則傷肺。喘煩心。胸滿。短氣不能宣暢。

人參

肉桂

甘草

木香

五味子

陳皮

半夏製

桑白皮

白朮

紫蘇莖葉各二兩

白茯苓兩一

右欬喘。每服五錢。水一盞半。生薑三片。煎至七分。去渣。食後溫服。如冬寒。每服不去節麻黃半分。先煎去沫。下諸藥。

丹溪
補陰
降火
東垣
分冬
熱夏
寒

〔丹〕喘有陰虛。自小腹下火起而上者。亦有痰火衝上者。宜四物湯加青黛、竹瀝、陳皮入童便煎服。

〔垣〕調中益氣湯加減法。方見治虛實條

如秋冬月胃脈四道爲衝脈所逆。並脇下少陽脈二道而反上行。病名曰厥逆。其證氣上衝咽不得息。而喘息有音不得臥。如某黃五分或一錢。湯洗去苦。觀厥氣多少而用之。如夏月有此證。爲大熱也。蓋此證隨四時爲寒熱溫涼。宜以酒黃連酒黃柏酒知母各等分爲細末。熟湯丸如桐子大。每服二百丸。白湯送下。空心服。仍多飲熱湯。服畢少時。便以美食壓之。使不得胃中停留。直至下元。以瀉衝脈之邪也。大抵治飲食勞倦所得之病。乃虛勞七損證也。當用溫平甘多辛少之藥治之。是其本法也。如時上見寒熱病。四時症也。又或將理不如法。或酒食過多。或辛熱之食作病。或寒冷之食作病。或居大寒大熱之處。益其病。當臨時制宜。暫用大寒大熱治法而取效。此從權也。不可以得效之故而久用之。必致夭橫矣。黃帝針經曰。從下上者。引而去之。上氣不足。推而揚之。蓋上氣者。心肺上焦之氣。陽病在陰。從陰引陽。宜以入腎肝下焦之藥。引甘多辛少之藥。使升發脾胃之氣。又從而去邪氣於腠理皮毛也。又曰。視前痛者。當先取之。是先以繆刺瀉其經絡之壅塞者。爲血

行則喘動
者亦喘
衝服亦
火

待血

喘皆
屬肺

凝而不流。故先取之而後治他病。

加減瀉白散。治陰氣在下。陽氣在上。咳嘔喘促。

桑白皮兩

青皮兩

茯苓三錢

地骨皮七錢

甘草

陳皮

五味

人參各五分

右咬咀。每服四錢。水一盞半。入粳米數十粒同煎。去渣溫服。食後平居則氣平和。行動則氣促而喘者。亦衝脈之火。予族兄六旬有餘。素有喘證。或唾吐血痰。平居時則不喘。稍行動則氣促喘急。以黃柏知母滋腎丸。空心服七八十丸。其證大減。此黃柏知母能泄衝脈之火者。如此效也。

〔丹〕治卒上氣喘鳴息便欲死者。研葦汁飲一升。蓋葦去胸中惡血滯氣。

〔食〕主上氣咳嗽。胸膈妨滿氣喘。桃仁二兩去皮尖。以水一升。研取汁。和粳米二合煮粥食之。

諸氣憤鬱。皆屬於肺。全文見證〇王註云。憤謂憤鬱。奔迫也。

〔簡〕治肺氣喘嗽。馬兜鈴二兩。只用裏面子。去殼。秋石半兩。入碗內。和勻。慢火炒乾。甘草一兩炙。二味爲末一錢。水一盞。煎六分。溫呷。以藥末含。嚙津亦得。衍義云。治肺氣愈。

〔垣〕加減三奇湯。治咳氣喘上氣。痰涎喘促。胸膈不利。

桔梗

半夏

陳皮

甘草

青皮

杏仁

人參

五味子各等分

右咬咀。每服四錢。水二盞。薑二片。煎至一盞。去渣。通口食後服。

〔羅〕紫參散。治形寒飲冷傷肺。喘促痰涎。不得安臥。

粟殼一兩蜜炒黃色

麻黃

桔梗

紫參

甘草炙

五味各五錢

右咬咀。每服四錢。水二盞。薑三片。同煎去渣。食後服。

〔雲〕清金湯。治男婦不拘遠近肺氣咳嗽。上氣喘急。喉中涎聲。胸滿氣逆。坐臥不安。飲食不下。

粟殼蜜炙

人參

甘草各半兩

陳皮

茯苓

杏仁

阿膠炒

五味子

桑白皮

薏苡仁

紫蘇

百合

貝母去心

半夏麩

款冬花各一兩

右咬咀。每服五錢。薑三片。棗二枚。烏梅一個。水煎。臨臥服。

肺虛則少氣而喘。經云。秋脈者肺也。秋脈不及。則喘。呼吸少氣而咳。上氣見血。下聞病音。其治法。則門冬五味人參之屬是也。肺痺肺積。則久喘而不可已。經云。淫氣喘息。痺聚在肺。又云。肺痺者。煩滿喘而嘔。是肺痺而喘。治法或表之。或吐之。使氣宣通而愈也。難經又云。

胃喘

肺之積名息賁。在右脇下。如杯。久不已。令人喘咳。發肺癰。治法則息賁丸能磨其積是也。

胃喘則身熱而煩。經云。胃爲氣逆。又云。犯賊風虛邪者。陽受之。陽受之則入六府。入六府則身熱不時臥。上爲喘呼。又云。陽明厥則喘而嘔。厥則惡人。或喘而死者。或喘而生者何也。厥逆連藏則死。連經則生是也。喘王註謂熱內鬱而煩。凡此胃喘治法。宜加減白虎湯之類是也。

腎喘

腎喘則嘔咳。經云。少陰所謂嘔咳上氣喘者。陰氣在下。陽氣在上。諸陽氣浮。無所依從。故嘔咳上氣喘也。東垣治以瀉白散是也。

運氣

運氣喘者有三。

一曰金助肺盛而喘。經云。歲金太過。病甚則喘咳氣逆。肩背痛。又云。歲金太過曰堅成。堅成之紀。其病喘喝。胸憑仰息。治以溫劑是也。
二曰火攻肺虛而喘。經云。歲火太過。炎暑流行。肺金受邪。民病少氣咳喘。上臨少陰少陽。咳喘息鳴。又云。少陰司天。熱淫所勝。病寒熱喘咳。甚則肺脹。大腹滿膨膨而喘咳。又云。少陰在泉。熱淫所勝。病氣上衝胸。喘不能久立。治以鹹寒是也。

三曰風火爲氣逆。經云。木太過曰發生。發生之紀。上微則其氣逆是也。

針灸

〔靈〕黃帝曰。衛氣之留於腹中。搖積不行。苑蘊不得常所。使人肢脇胃中滿。喘呼逆息者。何以去之。伯高曰。其氣積於胸中者。上取之。積於腹中者。下取之。上下皆滿者。傍取之。黃帝曰。取之奈何。伯高對曰。積於上。瀉大迎。天突。喉中。積於下者。瀉三里。與氣街。上下皆滿者。上下取之。與季脇之下一寸。重者。鷄足取之。診視其脈大而弦急。及絕不至者。及腹皮急甚者。不可刺也。

衛氣失常論。雞足取之者。正入一針。左右斜入。灸也。一則沉寒痛冷。二則無脈知陽絕也。三則腹皮急而陽陷也。捨此三者。餘皆不得灸。若病在兩寸者。及腹皮急甚者。當從陰引陽。取穴于腹募五臟病。取五臟募六腑病。取六腑病。取六腑募。若病在兩尺脈者。當從陽引陰。取穴于背。取五臟病。取五臟募六腑病。取六腑病。取六腑募。若病在兩尺脈者。當取五臟募。其病不在天之陽。不在地之陰。在腹中者。故取季脇下一寸。元氣病。取之。右筋骨病。取之。左故在。中者。旁取之。此其理也。灸者。認取之。

〔靈〕黃帝曰。刺節言振埃。夫子乃言刺外經。去陽病。余不知其所謂也。願卒聞之。岐伯曰。振埃者。陽氣大逆。上滿於胸中。憤臆。肩息。大氣逆上。喘喝。坐伏。病惡埃烟。鑄不得息。請言振埃。尚疾於振埃。黃帝曰。善。取之何如。岐伯曰。取之天容。黃帝曰。其咳上氣。窮咄胸痛者。取之奈何。岐伯曰。取之廉泉。黃帝曰。取之有數乎。岐伯曰。取天容者。無過一里。取廉泉者。血變而止。帝曰。善哉。刺節真邪篇。○歸于結反。

陽迎頭痛。胸滿不得息。取之人迎。寒熱病篇。○陽迎陽逆也。 氣逆上。刺膺中陷者。與下胸動脈。雜病篇。

刺灸喘滿有六法。

其一取陽氣。上四節經文所言者是也。

其二取肺。經云。肺手太陰之脈。是動則病。肺脹滿。膨膨而喘咳。缺盆中痛。甚則交兩手而驚。所生病者。欬。上氣。喘。渴。煩心。胸滿。視盛虛熱。寒。陷下取之也。又云。邪在肺則皮膚痛。寒熱。上氣。喘。汗出。欬。動肩背。取之。膺中外膺背三節五椎之傍。以手疾按之。快乃刺之。取之。缺盆之中以越之。又云。肺病者。喘咳逆氣。肩背痛。取其經太陰足太陽之外。厥陰內血者。王註謂內外之間。是足少陰經也。又云。肺藏氣。氣有餘則喘咳。上氣。瀉其經。無傷其經。無出其血。無出其氣。楊註謂經隧爲列缺穴也。又云。氣亂於肺。則俛仰喘喝。接手以呼。取之。手太陰榮。足少陰輸是也。

其三取大腸。經云。腹中常鳴。氣上衝胸。喘不能久立。邪在大腸。刺盲之原。巨虛上廉三里。又云。邪客手陽明之絡。令人氣滿。胸中喘息。而支腫。胸中熱。刺手大指次指爪甲上去端如韭葉各一瘡。左取右。右取左。如食頃已是也。

其四取腎。經云。腎病者。喘咳身重。寢汗出。憎風。取其經少陰太陽血者是也。

其五取脾。經云。氣滿胸中喘急。取足太陰大指之端。去爪甲如韭葉。寒則留之。熱則燻之。氣下乃止。

其六取脾喘。內經詳文具痺。

〔千〕灸嗽兩乳黑白際二穴。脊後三穴。嘗灸族姪喘。灸後一月喘發。大吐痰一桶許而安。見效針灸錄下

〔玉〕冷喘哮喘。天突針入向下五分 寬中三分

府一分沿皮向外一寸半瀉六吸 乳根一分沿皮向外一寸半瀉一吸

〔摘〕五膈氣喘息不止。中脘八分 期門凡刺腹部氣虛人內息六七口下入丹田閉氣刺之

〔集〕哮喘灸刺上穴不愈者。可選用之。膏肓 關元 中脘 三

里 百勞 腎膂各灸之 支溝 大陵

〔東陽〕哮喘諸穴選用之。天容 諶諱 氣舍 扶突 太白刺

魄戶 中府 大包 域中 雲門 石門 期門各灸之

〔恠穴〕氣喘。乳中在乳下肋中針入一分沿皮向後一寸半瀉之

〔桑〕哮喘。與隆三寸半

〔潔〕喘滿痰實。口中如膠。太谿

〔甲〕喘少氣不足以息。腹滿。大便難。時上走。胃中鳴。脹滿。口舌乾。口

中吸吸善驚。咽中痛。不可內食。善怒恐不樂。大鍾主之。效腸下積

聚而喘逆。臥不安席。時寒熱。期門主之。

〔流注〕氣促喘。天牢

〔甲〕喘逆。聃肩甲內廉痛。不可俛仰。少季脇引少腹而痛脹。諶諱

〔甲〕喘逆。聃肩甲內廉痛。不可俛仰。少季脇引少腹而痛脹。諶諱

脈浮按之溢者忌下
感胃風寒者宜表散

主之。

〔性穴〕婦人血弱氣喘。

氣中在氣海旁一寸半針入二寸半先補後瀉

〔成〕喘者肺主氣。形寒飲冷則傷肺。故其氣逆而上升。衝急喝喝而息數。張口擡肩。搖身滾肚。是為喘也。

喘鳴肩息者。脈實大也。緩則生。急則死。

全文見小兒喘〇王註云緩謂緩緩急謂弦急非來往之緩急也

〔脈〕上氣喘息低昂。其脈滑。手足溫者生。脈瀼。四肢寒者死。

〔丹〕哮喘必用薄滋味。

凡下痰定喘諸方。施之形實有痰者神效。若陰虛而脈浮大按之瀼者。不可下。下之必反劇而死也。

喘不得臥

凡喘而臥不得。其脈浮。按之虛而瀼者。為陰虛。去死不遠。慎勿下之。下之必死。宜四物加童便竹瀝青黛門冬五味枳殼蘇葉服之。

〔丹〕胡安人年六十八。惡寒發熱。自四月來得痰嗽。眠不得。食少。心膈痛。口中連嗽。五更頗甚。

白朮三錢

枳殼炒

黃連各二錢

芍藥二錢

片苓七錢

桔梗

蘇梗葉各一兩

木通五分

甘草些

五味廿一粒

右入竹瀝煎服。

一丈夫因病喘不可臥。肺脈沉而瀼。此外有風涼濕氣遏。內熱不得舒。

黃芩

陳皮

木通各一錢半

麻黃

蘇葉

桂枝各一錢

黃連

乾薑

甘草炙

開二教體虛。感寒發熱。氣喘難臥。

蒼朮

麻黃

白朮

片苓炒各五分

桂枝三分

半夏

枳殼各一錢

木通三分

甘草炙

右生薑二片同煎。加研碎杏仁五個。此方半夏為君。必是吐痰多之人也。

右解表三方。前一方寒熱多者設。後二方寒多者設。

咳逆上氣。時時濁唾。但坐不得眠者。皂莢丸主之。用皂莢八兩。刮去皮。酥炙。右一味為末。蜜丸如桐子大。以棗膏和湯服三十丸。日三夜

一。女人年六十。自來無汗多痰。今得喘病。眠不得。曾與青州白丸子。

半夏兩半

枳殼炒四錢

桔梗

陳皮

木通

黃芩二錢

麻黃半一錢

紫蘇

防風各一錢

甘草炙五分

獨垂
痰多者
化痰

而大沉
水者行

右分作五帖。生薑三片。水煎去渣。入竹瀝兩蚶殼許。熱飲。

〔素〕夫不得臥。臥則喘者。是水氣之客也。夫水者。循津液而流也。腎者水臟。主津液。主臥與喘也。逆調論

〔垣〕神祕湯。治病人不得眠。眠則喘者。水氣逆行。上乘於肺。肺得水而浮。使氣不流通。其脈沉大。宜此治之。

蘇葉

陳皮

生薑

人參各五錢

茯苓

桑白皮

木香各二錢

右咬咀。水煎去渣。大溫。分二服。

〔仲〕咳逆倚息不得臥。小青龍湯主之。方見傷寒。又云支飲亦喘。不得臥。加短氣。其脈平也。青龍湯

下已多唾。口燥。寸脈沉。尺脈微。手足厥逆。氣從小腹上衝胸咽。手足

痺。其面翕然如醉狀。因復下流陰股。小便難。時復冒者。與茯苓桂枝

五味子甘草湯。治其氣衝。

桂枝去皮

茯苓各四兩

甘草各三兩

五味子半升

右四味。以水八升。煮取三升。去渣。分溫三服。

衝氣即低。而反更咳。胸滿者。用桂枝茯苓五味甘草湯。去桂。加乾薑

細辛各二兩。以治其咳滿。咳滿即止。而更復渴。衝氣復發者。以細

辛乾薑為熱藥也。服之當遂渴。而渴反止者。為支飲也。支飲者法當
 冒。冒者必嘔。嘔者復納。半夏半升以去其水。於桂苓甘草五味湯中去
 桂加乾姜細辛半夏是也
 水去嘔止。其人形腫者。加杏仁半升主之。其證應內麻黃。以其人遂
 痺。故不納之。若逆而納之必厥。所以然者。以其人血虛。麻黃發其陽
 故也。用

茯苓兩四

甘草

乾薑

細辛各三兩

五味子

半夏

杏仁

各半升
去皮尖

右煎去渣。溫日三服。

若面熱如醉。此胃為熱所衝薰其面。加大黃三兩以利之。

〔無〕真應散。治遠年喘急不能眠。百藥不效者。

白石英

四兩通明者以生絹袋盛用雄豬肚一個以藥入內縫定煮熟
 取藥出再換豬肚一個如前法煎三次煮了取藥出晒乾研

右為末。以官局款冬花散二錢入藥末二錢。再加桑白皮二寸。生

薑三片。棗子一個。水一盞半。煎至七分。通口服。豬肚亦可喫。只不

得用醬醋鹽椒薑等調和。

款冬花散方用款冬花一錢貝母知母桑葉杏仁牛
 夏阿膠甘草各二錢麻黃去節四錢為粗末是也

〔本〕治多年肺氣喘急。哮喘。夕不得臥。紫金丹。

砒水飛
半錢

碗豆

好者二錢用水略潤少
 時以紙搥乾研成粉

右用膏子和砒同杵極勻。丸如麻子大。每服十五丸。小兒量大小

與之。並用蠟茶清。極冷吞下。臨臥以知為度。有一親戚婦人患十

多年
不巳
者
痰

却痰

陽明
逆者
息有
音

感寒
喘
針灸

血氣

年。徧求醫者皆不效。忽有一道人貨此藥。漫贖一服。是夜減半。數服頓愈。遂多金。丐得此方。予屢用以救人。時為神異。

〔素〕不得臥而息有音者。是陽明之逆也。足三陽者下行。今逆而上行。故息有音也。陽明者。胃脈也。胃者。六腑之海。其氣亦下行。陽明逆。不得從其道。故不得臥也。下經曰。胃不和則臥不安。此之謂也。逆調論

白前湯治喉中水雞聲不
得臥方見喉中作聲

感寒喘不得臥。治法見產後喘。
〔甲〕咳喘不得臥。不得坐。呼吸氣索咽不得。胸中熱。雲門主之。咳

逆煩滿不得臥。胸中滿。喘不得息。背痛。太淵主之。

右針灸喘不得臥。天突穴甚效。予治數人皆中。

產後喘

產後喘極危多死也。

郭氏治產後喉中氣急喘促者。因所下過多。榮血暴竭。衛氣無主。獨聚肺中。故令喘也。此名孤陽絕陰。為難治。陳無擇云宜大料芫歸湯一方用獨參湯尤妙 若惡露

不快。散血停凝。上薰于肺。亦令喘急。但服奪命丹。血去喘自定。奪命丹方見胎

衣不
下

〔世〕血竭散治產後敗血衝心。胸滿上喘。命在須臾。宜服

真血竭如無紫
礦代沒藥

右等分。研細。頻篩再研。取盡為度。每服二錢。用童便合好酒半大盞。煎一沸。溫調下。方產下一服。上牀良久再服。其惡血自循經下行。更不衝上。免生百病。

〔雲〕參蘇飲。治產後血入於肺。面黑發喘欲死者。

人參一兩
為末 蘇木二兩

右以水兩碗。煮取蘇木一碗以下。去渣。調參末隨時加減服。神效。

〔無〕昔因憂怒。性理鬱發而喘者。用小調經散。以桑白皮杏仁煎湯

調服。小調經散方見水腫

旋覆花湯。治產後傷風。寒咳喘嗽。痰涎壅盛。坐臥不寧。

旋覆花 赤芍藥 荆芥穗 半夏麩

五味子 麻黃 茯苓 杏仁

甘草 前胡各等分

右咬咀。每服四錢。水盞半。薑五片。棗一枚。煎七分。去渣。食前溫服。浦江吳輝妻孕時足腫。七月初旬產後二月洗浴。即氣喘。但坐不得臥者五個月。惡風得煖稍寬。兩關脈動。尺寸皆虛。百藥不效。用牡丹桃仁桂枝茯苓乾薑枳實厚朴桑白皮紫蘇五味瓜蒌皮仁。煎湯服之。即寬。二三服得臥。其痰如失。蓋作汚血感寒治之也。若傷鹹冷飲食而喘者。宜見現丸。

平人無寒熱為實
少小便為虛

薑黃

三稜

萹澄茄

陳皮

良薑

人參

蓬朮等分

右為細末。用蘿蔔浸煮爛研細。將汁煮麵糊丸。桐子大。蘿蔔子湯下。

短氣

短氣者。氣短而急。似喘非喘也。詳見診條

〔仲〕平人無寒熱。短氣不足以息者。實也。丹溪治白雲許先生脾痿。脈短氣用大吐。大下者二十餘日。凡吐膠痰二大

桶如爛魚腸。或如柏油條者。數碗而安。詳見腹痛

〔孫〕正元散。治氣不接續。氣短兼治滑泄。及小便數。王丞相服之有效。蓬朮一兩。金鈴子去核一分。右件為末。入礶砂一錢。煉過研細和勻。每服二錢。鹽湯或溫酒調下。空心服。

〔垣〕胸滿少氣短氣者。肺主諸氣。五臟之氣皆不足。而陽道不行也。

氣短小便利者。四君子湯中去茯苓。加黃芪以補之。如腹中氣不轉者。更加甘草一半。肺氣短促或不足者。加人參白芍藥。中焦用

白芍藥。則脾中陽升。使肝膽之邪不敢犯之。如衣薄而短氣。則添

衣於無風處居止。氣尚短。則以沸湯一碗薰其口鼻。即不短也。法見調攝下同

如厚衣於不通風處居止而氣短。則宜減衣摩汗孔。令合於漫風

處居止。如久居高屋。或天寒陰濕所遏。令氣短者。亦如前法薰之。

如居周密小室。或大熱而處寒涼。氣短則就風日。凡氣短皆宜食
滋味湯飲。令胃氣調和。

胸痺
短氣

〔仲〕胸痺。胸中氣寒。短氣。茯苓杏仁甘草湯主之。橘枳薑湯亦主之。

方見胸
痺藥門 胸痺喘息咳唾。胸背痛。短氣。栝蒌薤白半夏湯主之。方見胸
痺痛門

夫短氣有微飲。當從小便去之。苓桂朮甘湯主之。腎氣丸亦主之。腎
氣

丸見勞
瘵條 款花補肺湯。治咳嗽短氣。方見咳嗽
門。氣虛條

苓桂朮甘湯

茯苓四兩

桂枝

白朮各三兩

甘草二兩

右四味。以水六升。煮取三升。分溫三服。小便則利。

仲景論短氣皆屬飲。此方苓桂朮甘湯。是其一法也。金匱云。咳逆倚

息。短氣不得臥。其形如腫。謂之支飲。又云。支飲亦喘而不得臥。加短

氣。其脈平也。又云。膈上有留飲。其人氣短而渴。四肢歷節痛。脈沉者

有留飲。又云。肺飲不弦。但苦喘短氣。其治法危急者。小青龍湯。脹滿

者。厚朴大黃湯。冒眩者。此方苓桂朮甘湯。及澤瀉湯。不得息。葶藶大

棗湯。吐下不愈者。木防己湯之類是也。

〔靈〕短氣息短不屬。動作氣索。補足少陰。去血絡也。靈在
篇

〔東〕短氣房勞。天井 大椎 肺膻 肝膻 尺澤灸

〔甲〕短氣心痺。悲怒逆氣狂易。魚際主之。

形腫
節痛
冒眩
者為
飲

針灸

〔成〕短氣者。短氣而不能相續者是已。似喘而非喘。若有氣上衝。而實非氣上衝也。喘者張口擡肩。搖身滾肚。謂之喘也。氣上衝者。腹裏氣時時上衝也。所謂短氣者。呼吸雖數而不能相續。似喘而不搖肩。似呻吟而無痛者。短氣也。經所言短氣者衆。實爲難辨之證。愚師莫識之。爲治有誤者多矣。要識其短氣之真者。氣急而短促。謂之氣短者是也。

〔脈〕寸口脈沉。胸中短氣。

〔仲〕陽脈微而緊。緊則爲寒。微則爲虛。微緊相搏。則爲短氣。

少氣

少氣者。氣少不足以言也。

〔素〕三陽絕。三陰微。是爲少氣。方盛衰論。怯然少氣者。是水道不行。形氣

消索也。示從容篇。言而微。終日乃復言者。此奪氣也。全文見診生生死

右少氣治法。蓋生脈散獨參湯之屬是也。

一陽發病。少氣善咳善泄。全文見診病傳變

運氣少氣有二。

一曰火熱。經云。火鬱之發。民病少氣。又云。少陰之復。少氣骨痿。又云。

少陽之復。少氣脈痿。治以諸寒是也。

二曰風濕。經云。太陽司天之政。四之氣。風濕交爭。風化爲雨。民病大

臟腑
運氣

虛

針灸

熱少氣是也。

針灸少氣有三。

一曰補肺。經云。肺藏氣。氣不足則息微。少氣。補其經隧。無出其氣。又云。肺虛則少氣。不能報息。耳聾隘乾。取其經太陰。足太陽之外厥。陰內血者是也。

二曰補腎。經云。少氣。身濼濼也。言吸吸也。骨痠體懈。情不能動。補足少陰是也。深運合切

三曰補氣海。經云。膻中者。為氣之海。其輪上在於柱骨之上下。前在於人迎。氣海不足。則氣少不足。以言審守其輪。調其虛實。所謂柱骨之上者。蓋天容穴也。人迎者。結喉兩旁之脈動處也。乃取天容人迎二穴補之也。

魚際絡青短者。少氣也。全文見陰陽

〔素〕脾脈搏堅而長。其色黃。當病少氣。脈要精微論 一呼脈一動。一吸脈

一動。曰少氣。平人氣象論

尺堅大。脈小甚。少氣。悅有加。立死。全文見診〇謂尺內堅而脈反小而少氣悅加也

善悲 妊娠善悲

悲屬肺。經云。在臟為肺。在志為悲。又云。精氣并於肺則悲是也。

〔仲〕婦人臟躁。喜悲傷欲哭。象如神靈所作。數欠伸。甘麥大棗湯主

肺虛 補母

診

之。

甘草三兩

小麥升

大棗十枚

右三味。水六升。煮三升。溫分三服。亦補脾氣。

〔本〕鄉里有一婦人。數次無故。悲泣不止。或謂之有祟。祈禳請禱。備至。終不應。予忽憶金匱有一證。云婦人臟躁。悲傷欲哭。象如神靈。數欠伸者。宜甘麥大棗湯。予急令治藥。盡劑而愈。古人識病制方。種種絕妙如此。

運氣

運氣。悲皆屬寒。水攻心。經云。火不及曰伏明。伏明之紀。其病昏惑。悲忘。從水化也。又云。太陽司天。寒氣下臨。心氣上從。喜悲數欠。又云。太陽司天。寒淫所勝。喜悲時眩仆。又云。太陽之復。甚則入心。善忘。善悲。治以諸熱是也。

針灸

針灸。善悲。有二。

其一取心。經云。邪在心。則病心痛。善悲。時眩仆。視有餘不足。而調其輸也。

其二取厥陰。經云。厥陰根於大敦。結於玉英。絡於臍中。厥陰為闔。闔折。即氣絕而喜悲。悲者取之。厥陰視有餘不足。虛實寒熱。陷下而取之也。

妊娠善悲

〔大〕論管先生治一妊娠四五個月。臟躁悲傷。遇晝則慘感淚下。數欠象若神靈。如有所憑。醫與巫皆無益。與仲景大棗湯一投而愈。

鼻塞

鼻淵

鼻飶

鼻癭肉

酒齶鼻

鼻得冷則黑

肺氣
通鼻

鼻塞皆屬肺。經云。肺氣通於鼻。肺和則鼻能知香臭矣。又云。五氣入鼻。藏於心肺。心肺有病。而鼻爲之不利也。又云。西方白色。入通於肺。開竅於鼻。藏精於肺。又云。肺主鼻。在臟爲肺。在竅爲鼻是也。

〔垣〕金匱真言論云。西方白色。入通於肺。開竅於鼻。藏精於肺。夫十二經脈三百六十五絡。其氣血皆上走於面。而走空竅。其精陽氣上走於目。而爲睛。其別氣走於耳。而爲聽。其宗氣出於鼻。而爲臭。難經云。肺氣通於鼻。肺和則能知香臭矣。夫陽氣宗氣者。皆胃中生發之氣也。其名雖異。其理則一。若因飢飽勞役。損脾胃生發之氣。既弱其營運之氣。不能上升。邪塞孔竅。故鼻不利。而不聞香臭也。宜養胃氣。實營氣。陽氣宗氣上升。鼻管則通矣。又一說。難經云。心主五臭。肺主諸氣。鼻者肺竅。反聞香臭者何也。蓋以竅言之。肺也。以用言之。心也。因衛氣失守。寒邪客於頭面。鼻亦受之。不能爲用。是不聞香臭矣。故經曰。心肺有病。鼻爲之不利。潔古曰。視聽明而清涼。香臭辨而溫煖者。是也。治法宜先散寒邪。後補衛氣。使心肺之氣得交通。則鼻利而聞香臭矣。

麗澤通氣湯。治鼻不聞香臭。

羌活

獨活

防風

升麻

葛根各二錢

麻黃不去節一錢冬加之

蒼朮三錢

川椒一錢

白芷

黃芪各四錢

甘草各二錢

右每服一兩。水二盞。生薑三片。棗二枚。葱白三寸。同煎至一盞。去渣。稍熱服。食遠。忌一切冷物及風寒涼處。坐臥行住。溫肺湯。治鼻不聞香臭。眼多眵淚。

升麻

黃芪各二錢

葛根

羌活

甘草各一錢

防風各一錢

麻黃四錢不去節

丁香一分

右粗末。分二服。每服水二大盞。葱白二握。同煎一盞。去渣。稍熱。食遠服。

禦寒湯。治寒氣風邪傷於皮毛。令人鼻塞。欬嗽上喘。

黃芪錢一

人參

升麻

陳皮各五分

甘草各一錢

款冬花

黃柏各二分

佛耳草

黃連

羌活

白芷

防風各二分

蒼朮七分

右咬咀。作一服。水二大盞。煎至一大盞。去渣。稍熱服。食遠。

溫衛湯。治鼻不聞香臭。目中流火。氣寒血熱。泪多。臍下冷。陰汗。足痿弱。

黃芪

蒼朮

升麻

知母

羌活

柴胡

歸身各一錢

人參

甘草炙

白芷

防風

黃柏

澤瀉各五分

陳皮三錢

青皮二錢

木香

黃連各三分

右作一服。水煎。去渣溫服。食遠。日晴明服之。

溫衛補血湯。治耳鳴。鼻不聞香臭。不知穀味。氣不快。四肢困倦。行步不正。髮脫落。食不下。膝冷汗。帶下。喉中啞啞。不得臥。口舌液乾。太息。頭不可以回顧。額項筋緊急痛。旋暈。眼黑頭痛。呵欠嚏噴。

升麻四分

柴胡

甘草生

甘草炙

地骨皮

桔梗各三錢

生地

白朮

吳茱萸

黃柏各一錢

蒼朮

陳皮

王瓜根

牡丹皮各二分

歸身二分

桃仁三錢

葵花七朵

右咬咀。作一服。水煎去渣。稍熱。食前服。

〔外〕治鼻塞不通。小薊一把。水二升。煮一升。去渣分服。

本草云小薊保精養血

〔世〕噙化萼澄茄丸治鼻不通。

萼澄茄分五

薄荷葉三錢

荊芥穗一錢半

右爲細末。煉蜜丸。如櫻桃大。每服一丸。噙化。

〔本〕治鼻不聞香臭。多年者亦治。用生葱分作三段。早用葱白。午用葱管中截。晚換葱管末梢一截。塞入鼻中。令透裏方效。

〔無〕通草散治鼻鬬氣息不通。不聞香臭。並鼻息肉。

木通

細辛

附子各等分

右爲末。蜜和。綿裹少許。納鼻中。

〔世〕菖蒲散治鼻內窒塞不通。不得喘息。

菖蒲

皂角各等分

右爲末。每用一錢。綿裹塞鼻中。仰臥少時。

〔玉〕鼻閉塞不聞香臭。

迎香一分沿皮向上

上星三

〔集〕又法。迎香

上星

合谷

三處不愈。

灸人中

風府

百勞

〔甲〕左窒刺右。右窒刺左。兩脇下痛。泄上下出。胸滿短氣。不得汗。補手太陽以出之。鼻不利。前谷主之。

鼻淵謂鼻出濁涕

膽移熱於腦。則辛頰鼻淵。鼻淵者。濁涕不止也。傳爲蝦蟇瞑目。全文見診病傳

腦熱

變又脈解精微論云泣涕者腦也故腦參為涕

〔羅〕鼻中諸病。膽移熱於腦。則辛頰鼻淵。濁涕不止如湧泉不藏。久而不已。必成衄血之疾。防風湯主之。

防風 去蘆一兩半

黃芩

人參

甘草 炙

川芎

去蘆一兩半

麥門冬 去心各一兩

右細末。每服一錢。沸湯點服。食後服。日三。

〔丹〕治鼻淵。

南星

半夏

蒼朮

白芷

神麴

酒芩

辛夷

荊芥

嘗治一中年男子。右鼻管流濁涕有穢氣。脈弦小。右寸滑。左手寸澁。先灸上星三里合谷。次以酒芩二兩。蒼朮半夏各一兩。辛夷細辛川芎白芷石膏人參葛根各半兩。分七帖服之。全愈。此乃濕熱痰積之疾也。

〔仲〕肺中寒者吐濁涕。

〔無〕蒼耳散。治鼻流濁涕不止。名曰鼻淵。

辛夷仁 兩半

蒼耳子

炒二錢半

香白芷 兩一

薄荷葉 分五

右為末。每服二錢。用蔥茶清食後調服。

感寒

濕熱

巖云。辛夷散治鼻內壅塞。涕出不已。或氣息不通。或不聞香臭。

辛夷仁 細辛去土 藁本 去蘆 升麻

川芎 白芷 木通 去節 防風

甘草

右為末。每服二錢。食後茶清調服。

運氣鼻淵皆屬熱。經云。少陰之復。甚則入肺。咳而鼻淵。治以苦寒是也。

針灸

〔撮〕鼻流清涕濁涕。上星 灸二十七壯 清補濁瀉 風府 不愈再取後穴 百會 風池 風門 大

椎 〔集〕又法。上星 人中 風府 取後穴 百會 風池 風門 大

鼻流臭穢。上星 曲差 灸之 合谷 不愈取後穴 人中 迎香

鼻鼽 謂鼻出清涕

熨熱 痰積

〔丹〕肥人鼻流清涕。乃飲食痰積也。

蒼朮 片芩 南星 川芎

白芷 辛夷 甘草

右或未或丸皆可。白湯下。

〔本〕治鼻塞清涕出。腦冷所致。

通草 辛夷 各半 兩 細辛 甘遂

桂心

芎藭

附子各一兩

右細末。蜜丸。綿裹納鼻中。密封。勿令氣泄。丸如麻子稍加大。微覺少痛。效。搗薑為丸。即愈。

〔無〕辛夷散。治鼻塞腦冷。清涕不已。

細辛

川椒

乾薑

川芎

吳茱萸

辛夷

附子各三分

皂角屑半兩

桂心一兩

猪油六兩

右煎猪脂成膏。先一宿以苦酒浸前八味。取入油煎。附子黃色。止。以綿裹塞鼻孔中。

運氣鼻鼽有二。

一曰火攻肺虛鼻鼽。經云。少陰司天。熱氣下臨。肺氣上從。鼽衄鼻窒。又云。少陰司天。熱淫所勝。民病鼽衄嚏嘔。又云。少陽司天。火淫所勝。甚則鼽衄。又云。少陽之復。煩躁鼽嚏。又云。少陰司天。客勝則鼽嚏。又云。歲金不及。炎火乃行。民病鼽嚏。又云。金不及曰從革。從革之紀。其病嚏咳鼽衄。治以諸寒是也。

二曰金助肺實鼻鼽。經曰。陽明所至為鼽嚏。治以溫劑是也。

針灸鼻鼽。獨取足太陽。經云。足太陽之別。名曰飛陽。去踝七寸。別走少陰。實則鼽窒。頭背痛。取之所別是也。

肺壅

〔甲〕鼻竅不利。空氣塞。喘僻多涕。鼻衄有癰。迎香主之。鼻竅不得息。不收涕。不知香臭。及衄不止。水溝主之。

鼻癭肉

〔無〕羊肺散。治肺虛壅。鼻生癭肉。不聞香臭。

羊肺具一

白朮兩四

茯苓

木通

乾薑

川芎各一兩
俱為末

右五味為細末。以水量打稀稠得所。灌肺中煮熟焙乾。細研為末。食後米飲服二錢。

〔世〕癭肉因胃中有食積。熱痰流注。治本當消食積。

蝴蝶礬錢二

細辛錢一

白芷五分

右為末。以綿裹藥納鼻中。頻頻換。又方。蝴蝶礬三分。號丹一分。細辛一錢。如此法塞鼻。三因方單用枯礬末。面脂用綿裹少許。納鼻中。數日癭肉與藥消落。

右鼻中用此藥塞。更以星半蒼朮酒芩連神麩辛夷細辛白芷甘草。消痰積之藥服之為效也。

〔世〕辛夷膏。治鼻生癭肉。窒塞不通。有時疼痛。

辛夷葉二兩

細辛

木通

木香

白芷

杏仁

湯浸去皮尖
研各半兩

右用羊髓猪脂二兩和藥於石器內慢火熬成膏取赤黃色放冷
 入龍腦麝香各一錢為丸綿裹塞鼻中數日內脫落即愈。此方有壁
 〔羅〕輕黃散治鼻中瘰肉。

輕粉

杏仁湯浸去皮尖及雙仁各一錢

雄黃兩

麝香少許

右四味用淨乳鉢內先研杏仁如泥後入雄黃麝香同研極細勻
 磁合蓋定每有患者不拘遠近夜臥用筋點粳米大在鼻中瘰肉
 上隔一日夜臥點一次半月見效。

〔世〕鼻中有瘰肉不聞香臭瓜蒂細辛等分為細末以綿包如荳許
 塞鼻中須臾即通有人患瘰肉垂出鼻外用此藥即化為黃水點滴
 至盡三四日愈聖惠方單用陳瓜蒂以羊脂和傅上日三次效。
 〔本〕消鼻痔方

瓜蒂炒

甘遂各四錢

白礬枯

螺青炒

草烏尖各五分炒

右為末用真麻油搜令硬些子不可爛旋丸如鼻孔大用藥入鼻
 內令達痔肉上其痔化為水肉皆爛下每日一次用妙不可言。
 又方取鼻痔。

苦丁香乃瓜蒂

赤小荳

丁香各十個

右慢火焙乾為末入腦子少許口內先含水次將小竹管吹藥入

鼻中。如半盞茶時盡為度。候頭疼時取下。

右瓜蒂例。

取鼻痔。

芭荳十二粒
去壳

陽起石錢一

石蓮心三十
枚

右為末。每用半字許。搐入鼻內。又用綿塊子蘸藥塞入鼻中。其痔

肉化爛自出。

又方。取鼻痔。

蠟梢錢一

芭荳去俗
五粒

丁香五
粒

白丁香七
粒

右為細末。用螺青一字和勻。用內消膏藥溶開。入上件藥末搜丸。

如龍眼核大。臨睡用一丸安鼻內。

右芭荳例。

〔世〕治久患鼻瘡。膿極臭者。用百草霜研細。用冷水調服三錢。

〔東〕鼻中瘰肉。鼻衄。風池。風門。風府。人中。禾筭。

〔申〕鼻中瘰肉不利。鼻額頰中痛。鼻中有蝕瘡。斷交主之。鼻衄涕

出。中有懸癰瘰肉。內室不通。不知香臭。素筭主之。鼻窒口僻。清涕

出。不可止。鼻衄有癰。禾筭主之。

酒蘘鼻

〔羅〕鉛紅散。治風熱上攻。陽明經絡。面鼻紫赤。刺癢疹。俗呼肺風。以

針灸

風熱

肺病在皮膚也。

硫黃

白礬灰各五錢

右細末。入黃丹少許。染與病人面色同。每上五分。津液塗之。洗漱罷。及臨臥再上。兼煎升麻湯下瀉青丸服之。除其本也。升麻湯方見小兒痘瀉青丸方

見治虛實

〔本〕治肺風鼻赤。用老山查為末。溶黃蠟等分。和丸。彈子大。空心茶酒嚼下。半月效。忌酒炙燻。

〔簡〕治赤鼻。

枇杷葉

一兩去毛陰乾新者佳

梔子半兩

右為末。每服二三錢。溫酒調下。早晨服先去左邊。臨臥服去右邊。效若神。

〔衍〕治酒皸風鼻上赤。將橘核微炒為末。每用二錢七。研胡桃肉一

個。同以溫酒調服。以知為度。圖經云胡桃性熱

海云。治酒皸鼻。用山茱萸煖腰膝。助水臟。除一切風。逐一切氣。破瘕。治酒皸鼻。

片腦些

硫黃明淨者五分

枇杷葉一錢

右用猪臟去頭段一尺。用第二段一尺。割下臟上脂。煎成油。調和前藥末。入生臟內。兩頭縛定。掛當風處七日。用時將小針於臟上

針孔捏出藥少許。用手傳患處。十日內全愈。

〔無〕粉黃膏。治肺熱赤癩。俗曰酒皸。

硫黃一分
為末

蘿蔔切去蓋剗作穴子入硫黃在內以竹針
蓋定安正入糠火煨一宿取出細研

輕粉

烏頭尖各少許
為末

右研勻以面油調。臥時傳。早晚洗去。以酥調尤佳。

治酒皸鼻。用乳香硫黃細辛輕粉等分為末。水調傳。

檳榔散。治鼻頭赤。

檳榔

硫黃名等
分

片腦少許

右為細末。用粗絹帛包裹。時時於鼻上擦磨。鼻聞其臭效。又加草

麻子肉為末。酥油調。臨睡時少許搽鼻上。使終夜得聞效。

〔丹〕治酒皸。以桐油入黃連末。天鈞藤燒灰傳之。

〔甲〕鼻管疽發為病。腦空主之。

〔無〕鼻頭微白。亡血也。赤者。血熱也。酒客多有之。

鼻得冷則黑

〔丹〕面鼻得冷則黑論

諸陽聚於頭。則面為陽中之陽。鼻居面中

央。而陽明起於頰中。一身之血運到面鼻陽部。皆為至清至精之氣

矣。酒性善行而喜升。大熱而有峻急之毒。多酒之人。酒氣薰蒸面鼻。

血得酒為極熱。熱血得冷為陰氣所搏。汚濁凝結。滯而不行。宜其先

為紫而後為黑色也。須用融化滯血，使得流通，滋生新血，可以運化。病乃可愈。予嘗以酒製四物湯，加酒炒片芩、陳皮、生甘草、酒紅花生薑，煎調下五靈脂末飲之。氣弱形肥者，加酒黃芪，無有不應。入研酒數滴為引使

肩背痛 肩痛

肩背痛屬肺分野病。經云：西風生於秋，病在肺膈。在肩背，故秋氣者病在肩背。又云：秋肺太過為病，在外則令人逆氣，背痛愜愜然。是也。〔垣〕脈經云：風寒汗出，肩背痛。中風小便數而欠者，風熱乘其肺，使肺氣鬱甚也。當瀉風熱以通氣，防風湯主之。

柴胡 升麻 黃芪各一錢 防風

羌活 陳皮 人參 甘草各五分

藁本 青皮各三分 黃柏一分 白蔻仁二分

右以咀，作一服水煎。溫服。食後氣盛者宜服。面白脫色氣短者勿服。

背胛
小腸屬

肩背
肺屬

肩背痛不可回顧。此手太陽氣鬱而不行，以風藥散之。

〔丹〕治一男子忽患背胛縫有一線痛起，上肩跨至胸前側脇而止。其痛晝夜不歇，不可忍。診其脈弦而數，重取豁大，左大於右。予意背胛小腸經也。此必思慮傷心，心藏未病而腑小腸先病，故痛從背胛起。及慮不能決，又歸之膽。故痛至胸脇而止。乃小腸火乘膽木。子來

背痛
兼噫
陽明
厥陰
運氣
針灸

乘母。是為實邪。詢之果因謀事不遂而病。故用人參四分。木通二分煎湯。使吞龍膽丸數服而愈。

二陽一陰發病。主驚駭背痛。善噫。全文見診病傳變

運氣肩背痛皆屬火攻肺病。經云。歲火太過。民病肩背熱。又云。少陰司天。熱淫所勝。病肩背臙缺盆中痛。又云。歲金不及。其病內舍膺脇肩背。外在皮毛。治以寒劑是也。

針灸肩背有二法。

其一取肺。經云。肺病者喘咳逆氣。肩背痛。汗出。取其經太陰足太陽之外厥陰內血者。又云。肺手太陰之脈。氣盛有餘。則肩背痛。風寒汗出。氣虛則肩背痛。寒少氣不足以息。視盛虛熱寒。陷下取之是也。其二取腎。經云。邪在腎則病肩背頸項痛。時眩。取之湧泉崑崙。視有血者盡取之是也。

〔玉〕肩背痛連胛。胛縫在背端骨下直腋縫尖及臂取二寸半瀉六吸 五樞二寸半瀉八吸

〔世〕肩背胛痛。崑崙 懸鍾 肩井

〔東〕肩背頸項腋前痛。與胸相引者。湧泉一分見血妙 前腋刺面上一寸

又法。氣舍五分 天窠多 曲池一寸半 天井五分

〔甲〕肩背痺痛不舉。血瘀肩中。不能動搖。巨骨主之。肩背不可自帶衣。臂腕外側痛不舉。陽谷主之。肩背欲折。臙如拔。手不能自上。

診

針灸

下。養老主之。項背痛引頸。魄戶主之。肩痛胸滿悽厥。脊背急強。

神堂主之。肩背髀痛。臂不舉。寒熱悽索。肩井主之。

〔通玄〕肩背痛。手三里主之。

〔素〕寸口脈中手促上擊者。曰肩背痛。平人氣象論

肩痛

針灸肩痛有三法。

其一取手陽明經云。大腸手陽明之脈。所生病者。肩前臑痛。視盛虛熱寒。陷下取之也。

其二取手太陽經云。小腸手太陽之脈。是動則病。肩似拔。臑似折。視盛虛熱寒。陷下取之也。

其三取筋經云。手太陽之筋病。繞肩胛。引頸而痛。應耳中鳴痛。手陽明足太陽之筋皆病。肩不舉。皆治在燔針劫刺。以知為數。以痛為驗也。

〔東〕肩不可動。臂不可舉。肩臑二寸半。巨骨五分。清冷淵一寸。關衝

〔玉〕肩端腫。肩臑二寸半

第九吸

腕骨七分先

痛後補

兩胛痛。

肩井二寸半

不宜久停針

支溝

〔甲〕肩腫不能顧。氣舍主之。肩中熱指臂痛。肩髃主之。肩肘中。

痛難屈伸。手不可舉。腕重急。曲池主之。肩肘節酸重。臂痛不可屈伸。肘竅主之。肩痛不能自舉。汗不出。頭痛。陽池主之。肩重肘臂痛不可舉。天宗主之。肩胛周痺。曲垣主之。肩胛中痛而寒至肘肩。外諭主之。肩髃閉急。悽厥惡寒。魄戶主之。肩痛不可舉。天竅秉風主之。肩重不舉。臂痛。肩竅主之。肩不可舉。不能帶衣。清冷淵主之。肩痛不可舉引。缺盆雲門主之。

皮膚 皮膚痛 皮膚索澤

〔素〕黃帝問曰。余聞皮有分部。脈有經紀。筋有結絡。骨有度量。其所生病各異。別其分部。左右上下。陰陽所在。病之始終。願聞其道。岐伯對曰。欲知皮部。以經脈爲紀者。諸經皆然。陽明之陽。名曰害蜚。上下同法。視其部中有浮絡者。皆陽明之絡也。其色多青則痛。多黑則痺。黃赤則熱。多白則寒。五色皆見。則寒熱也。絡盛則入客於經。陽主外。陰主內。少陽之陽。名曰樞持。上下同法。視其部中有浮絡者。皆少陽之絡也。絡盛則入客於經。故在陽者主內。在陰者主出。以滲於內。諸經皆然。太陽之陽。名曰關樞。上下同法。視其部中有浮絡者。皆太陽之絡也。絡盛則入客於經。少陰之陰。名曰樞儒。上下同法。視其部中有浮絡者。皆少陰之絡也。絡盛則入客於經。其入經也。從陽部注於經。其出者從陰內注於骨。心主之陰。名曰害肩。上下同法。視其部中

有浮絡者。皆心主之絡也。絡盛則入客於經。太陰之陰。名曰關。上
 下同法。視其部中有浮絡者。皆太陰之絡也。絡盛則入客於經。凡十
 二經絡脈者。皮之部也。是故百病之始生也。必先於皮毛。邪中之則
 腠理開。開則入客於絡脈。留而不去。傳入於經。留而不去。傳入於腑。
 廩於腸胃。邪之始入於皮也。疥然起毫毛。開腠理。其入於絡也。則絡
 脈盛。色變。其入客於經也。則感虛乃陷下。其留於筋骨之間。寒多則
 筋攣骨痛。熱多則筋弛骨消。肉爍髓破。毛直而敗。帝曰。夫子之言皮
 之十二部。其生病皆何如。岐伯曰。皮者。脈之部也。邪客於皮則腠理
 開。開則邪入客於絡脈。絡脈滿則注於經脈。經脈滿則入舍於腑臟
 也。故皮者。有分部不與。而生大病也。帝曰。善。皮部論

皮膚屬肺。經云。肺之合皮也。其榮毛也。又云。肺主皮毛。在臟為肺。在
 體為皮毛是也。

毛折爪枯為手太陰絕。經云。手太陰者。行氣溫於皮毛者也。氣不榮
 則皮毛焦。皮毛焦則津液去。皮絕者津液既去。則爪枯毛折。毛折者
 毛先死。

皮膚痛

皮膚痛屬心實。經云。夏脈者心也。夏脈太過。則病身熱。皮膚痛為侵淫。
 運氣。皮膚痛皆屬火邪傷肺。經云。少陰在泉。熱淫所勝。病寒熱皮膚

皮膚痛
屬心
運氣

診
皮膚屬

針灸

痛。又云。少陰司天。火淫所勝。熱上皮膚痛。又云。少陰之復。咳皮膚痛。治以諸寒是也。

針灸皮膚痛取肺。經云。邪在肺則病皮膚痛。寒熱。上氣喘。汗出。咳動肩背。取之膺中外腋背三節五椎之傍。以手疾按之快然。乃刺之。取之缺盆中以越之是也。

〔甲〕身腫。皮膚痛。不可近衣。淫灑苛獲。久則不仁。屏賢主之。

皮膚索澤

皮膚索澤。即仲景所謂皮膚甲錯。蓋皮膚澁而不滑澤者是也。

〔仲〕五勞虛極。羸瘦腹滿。不能飲食。食傷。憂傷。欬傷。房室傷。飢傷。勞傷。經絡榮衛傷。內有乾血。肌膚甲錯。兩目黯黑。緩中補虛。大黃蟲丸主之。方見勞條

二陽為病。發寒熱。其傳為索澤。全文見診病傳變索盡也。王氏云精血枯涸故皮膚潤澤之氣皆盡也。

〔仲〕咳有微熱。煩滿。胸中甲錯。是為肺癰。葶苈湯主之。方見肺癰門

運氣。皮膚索澤屬燥。傷膽氣。經云。陽明在泉。燥淫所勝。病體無膏澤。治以苦寒是也。

針灸皮膚索澤。取足少陽。經云。足少陽之脈。是動則病體無膏澤。視

盛虛熱寒。陷下取之也。

尺膚粗如枯魚之鱗者。水泆飲也。全文見診法

邪入陰則瘖

瘖 舌瘖 喉瘖 胎前產後瘖

瘖者邪入陰部也。經云。邪搏陰。則為瘖。又云。邪入於陰。搏則為瘖。然有二症。一曰舌瘖。乃中風舌不轉運之類是也。一曰喉瘖。乃勞嗽失音之類是也。蓋舌瘖但舌本不能轉運言語。而喉咽音聲則如故也。喉瘖但喉中聲嘶。而舌本則能轉運言語也。

舌瘖

〔丹〕一男子年三十五歲。因連日勞倦發嗽。發為瘧疾。醫與瘧藥。三發後變為發熱。舌短。言語不辨。喉間痰吼有聲。診其脈洪數似滑。遂以獨參湯加竹瀝兩蚶殼許。兩服後吐膏痰三塊。舌本正而言可辨。餘證未退。遂煎人參黃芪湯服半月。而諸證皆退。粥食調補兩月。方能起立。

人舌短言語不辨。乃痰涎閉塞舌本之脈而然。嘗治一中年男子傷寒身熱。師與傷寒藥五帖。日後變神昏而瘖。遂作體虛有痰治之。人參五錢。黃芪白朮當歸陳皮各一錢。煎湯入竹瀝薑汁飲之。十二日。其舌始能語得一字。又服之半月。舌漸能轉運言語。熱除而痊。蓋足少陰脈挾舌本。脾足太陰之脈連舌本。手少陰別繫舌本。故此三脈虛。則痰涎乘虛閉塞其脈道。而舌不能轉運言語也。若此三脈亡血。則舌無血營養而瘖。經云。刺足少陰脈。重虛出血。為舌難。以言。又云。

痰涎乘虛閉塞舌本之脈而瘖

中風熱則舌縱不言
中風寒則舌卷不言

針灸

診

喉癰

刺舌下中脈太過，血出不止為瘡。治當以前方加補血藥也。又嘗治一男子五十餘歲，嗜酒吐血，桶許，後不食，舌不能語，但渴飲水。脈略數，與歸芎芍地各一兩，朮參各二兩，陳皮一兩半，甘草二錢，入竹瀝童便薑汁。至二十餘帖能言。若此三脈風熱中之，則其脈弛縱，故舌亦弛縱，不能轉運而瘡。風寒客之，則其脈縮急，故舌強舌卷而瘡。治在中風半身不收求之也。

針灸瘡有二治。

其一取脾。經云：脾足太陰之脈，是動則病舌本強，視盛虛熱寒，陷下取之也。

其二取心。經云：手太陰之別，名曰通里，去腕一寸五分，別而上行，入於心中，繫舌本。虛則不能言，取之掌後一寸是也。

心脈瘡甚為瘡。全文見虛實法

〔素〕心脈搏堅而長，當病舌卷不能言。脈要精微論

喉瘡

〔丹〕俞繼道遺精，誤服參芪，及升浮劑，遂氣壅於上焦面瘡，聲不出。用童便浸香附為末調服，而疎通上焦以治瘡。又用蛤粉青黛為君，黃柏知母香附佐之，為丸而填補下焦以治遺。十餘日良愈。本草言童便主久嗽，失音故治瘡多用童便，由童便能降火故也。

出聲音方。訶子炮去核。木通各一兩。甘草半兩。用水三升。煎至升半。入生薑地黃汁一合。再煎數沸。放溫。分六服。食後日作半料。訶子治逆氣破結氣

木通通利九竅
治肺癆甚當

〔河〕訶子湯。治失音不能言語。

訶子 四個半
生半炮

桔梗 一兩半
生半炙

甘草 二寸半
炙半生

右爲細末。每服二錢。童便一盞。水一盞。煎五七沸。溫服。甚者不過

二三服愈。桔梗通利肺氣。訶子泄肺導氣。童便降火甚速。

一方。桔梗三兩。大訶子四個。甘草二兩。炮製皆同。每服一錢七。入沙糖一小塊。不入童便。獨用水五盞。煎至三盞。時時細呷。一日服盡。其效甚速。

〔海〕發聲散。治咽喉語聲不出。

栝蔞皮 剉

白殭蠶 去頭

甘草 各等分俱
各炒黃

右細末。每三錢。溫酒調下。或生薑自然汁調下。用五分。綿裹嚙化。咽津亦得。不拘時候。日兩三服。

〔肘〕治卒失音咽不出。陳皮五兩。水三升。煮取一升。去渣。頓服。

〔羅〕玉粉丸。治冬月寒痰結。咽喉不利。語聲不出。

半夏 洗五
次

草烏 一字
炒

桂 一字

右爲細末。生薑汁浸餅爲丸。如鷄荳大。每服一丸。至夜含化。多年

胸中積血者失音

潤燥

不愈亦有效。黃帝針經中說寒氣客於會厭卒然而啞此藥主之。

〔丹〕蛤蚧丸。治肺間邪氣。胸中積血作痛。失音。並治久嗽失音。

蛤蚧一對去嘴足溫水浸去膜刮了血脈用好醋炙

訶子櫻去核

阿膠炒

生地

麥門冬心去

北細辛去苗

甘草炙各半兩

右爲末。煉蜜丸。如棗大。每服一丸。含化。食後。

〔干〕治暴嗽失音。語不出方。

杏仁研如泥

薑汁

沙糖

白蜜各一升

五味

紫苑各三兩

通草

貝母各四兩

桑白皮五兩

右咬咀。以水九升。煮五味紫苑通草貝母桑白皮取三升。去渣。納杏仁泥。薑汁蜜糖和攪。微火煎取四升。初服三合。日再夜一。後稍

加。

通聲膏方

五味

款冬花

通草各三兩

人參

細辛

桂心

青竹皮

菖蒲各二兩

杏仁一升

白蜜二斤

棗膏

薑汁一升

酥五升

右咬咀。以水五升。微火煎三上三下。去渣。納薑汁棗膏酥蜜煎令

調和酒服如棗大二丸

〔丹〕效嗽聲嘶者。此血虛受熱也。用青黛蛤粉蜜調服之。

〔世〕失音。槐花瓦上炒令香熟。於地上出火毒。三更後。牀上仰臥。隨意服。亦治咯血。

〔千〕風寒之氣客於中。滯而不發。故瘖不能言。

〔孟〕人患卒啞。杏仁三分去皮尖熬。另研桂一分如泥。和取杏核大綿裹含。細細咽之。日五夜三。

〔丹〕治失音。以桂末着舌下。嚥津妙。千金斗門食忌聖惠方同治風冷失音。以紫梗

荊芥根一兩。研汁入酒相和。溫飲半盞。服無時。聖惠方

〔聖〕治風冷失音。咽喉不利。以蘘荷根二兩絞汁。酒一大盞相和令勻。不計時候。溫服半鍾。

〔孫〕內侍曹都使。新造一宅。落成遷入。經半月。飲酒大醉。臥起失音不能語。召孫至。診曰。因新宅故得此疾耳。半月當愈。但服補心氣薯蕷丸。治濕用細辛川芎。又十日其病漸減。二十日全愈。曹既安。見上問誰醫。曰。孫兆郎中。上乃召問曰。曹何疾也。對曰。凡新宅。壁土皆濕。地亦陰多。人乍來。陰氣未散。曹心氣素虛。飲酒至醉。毛竅皆開。陰濕之氣從而入。乘心經。心經既虛。而濕氣又乘之。所以不能語。臣先用薯蕷丸使心氣壯。然後以川芎細辛。又去濕氣。所以能語也。

陰濕
乘虛
入心
失音

寒

熱

運氣

狐惑
聲啞
針灸

運氣瘡有二。

一曰熱助心實。經云。少陰之復。暴瘡。治以苦寒是也。

二曰寒攻心虛。經云。歲火不及。寒乃大行。民病暴瘡。治以鹹溫是也。

狐惑聲啞。其證默默欲眠。目不能閉。起居不安是也。治法見傷寒

〔靈〕黃帝問於少師曰。人之卒然憂恚。而言無音者。何道之塞。何氣出行。使音不彰。願聞其方。少師答曰。咽喉者。水穀之道也。喉嚨者。氣之所以上下者也。會厭者。聲音之戶也。口唇者。音聲之扇也。舌者。音聲之機也。懸雍垂者。音聲之關也。頤顙者。分氣之所泄也。橫骨者。神氣所使主發舌者也。故人之鼻洞涕出不收者。頤顙不開。分氣失也。是故厭小而疾薄。則發氣疾。其開闔利。其出氣易。其厭大而厚。則開闔難。其氣出遲。故重言也。人卒然無音者。寒氣客於厭。則厭不能發。發不能下至。其開闔不致。故無音。黃帝曰。刺之奈何。岐伯曰。足之少陰。上繫於舌。絡於橫骨。終於會厭。兩瀉其血脈。濁氣乃辟。會厭之脈。上絡任脈。取之天突。其厭乃發也。憂恚無言篇

本故
取之

針灸瘡有三法。

其一取足少陰。上二段經文是也。

雜病篇○厭氣者逆氣也
足少陰脈循喉嚨又挾舌

其二取足陽明。經云。足陽明之別。名曰豐隆。去踝八寸。別走太陰。下絡喉嚨。其病氣逆。則喉痺卒瘖。取之所別是也。予治一男子四十九歲。久病痰嗽。忽一日感風寒。食酒肉。遂厥氣走喉。病暴瘖。與灸足陽明豐隆二穴。各三壯。足少陰照海穴。各一壯。其聲立出。信哉聖經之言也。仍用黃芩降火為君。杏仁陳皮桔梗瀉厥氣為臣。訶子泄逆。甘草和元氣為佐。服之良愈。

其三取手陽明。經云。暴瘖氣哽。取扶突與舌本出血。舌本。廉泉穴也。
〔甲〕瘖不能言。合谷及湧泉陽交主之。

〔桑〕卒暴失音。神門 湧泉

〔甲〕食飲善嘔不能言。通谷主之。暴瘖氣哽。喉痺咽痛不得息。飲食不下。天鼎主之。瘖不能言。期門主之。暴瘖不能言。支溝主之。

胎前產後瘖

〔素〕黃帝曰。人有重身。九月而瘖。此為何也。岐伯對曰。胞之絡脈絕也。帝曰。何以言之。岐伯曰。胞絡者。繫於腎少陰之脈。貫腎。繫舌本。故不能言。帝曰。治之奈何。岐伯曰。無治也。當十月復。王註云。少陰腎脈也。氣不榮養。故不能言。

郭氏論產後不語者何。答曰。人心有七孔三毛。產後虛弱。多致停積。敗血閉於心竅。神志不能明了。心氣通於舌。心氣閉塞。則舌亦強矣。故令不語。但服七珍散。

雜方

虛中
有熱

人參

石菖蒲

生地

川芎各一兩

細辛

防風

辰砂另研各半兩

右為細末。每服一錢。薄荷湯調下。不拘時。

胡氏孤鳳丹散。治產後閉目不語。用白礬細研。每服一錢。熱水調下。

脫肛 穀道痛蝕

〔丹〕脫肛氣虛者補氣。參芪川芎升麻。血虛者四物升麻。氣熱者條芩六兩。升麻一兩。為末。神麩為丸服之。血熱者涼血四物加黃柏。

〔百一〕治脫肛以槐花槐角各等分。炒黃為末。用羊血蘸藥炙熱食之。酒下。

〔世〕治脫肛。

槐花

荆芥穗

白連

等分○白連恐是白欬

右為細末。空心酒下便入。

〔無〕蝟皮散。治肛門或因洞泄。或因用力。脫出不收。

蝟皮一個燒存性

磁石半兩煨碎

桂心半兩

右為末。飲服方寸七。忌舉重及房室。肘後治女人陰脫。加鱉頭一枚。燒灰研入。

〔丹〕大腸頭出痛苦。乾又落。落又出。名截腸病。腸盡則死。初出寸餘

燥

寒

雜方

時治之以芫麻油一盞以臀坐之飲大麻子汁數升愈。
〔無〕五倍子爲末每三錢水二碗煎減半入白礬一塊安小桶內洗之立效。

〔世〕治男女脫肛用五倍荆芥小便濃煎洗之。

〔本〕治腸風及脫肛不收有血下用皂角三莖槌碎水一碗揉令皂角消盡用絹二重濾取清汁數分將脫肛腸浸在藥水中其腸自收不用手托如大腸收了更用湯盪其脫肛上下令皂角氣行則不再作三次盪愈。

〔集〕治脫肛歷年不愈以生鐵三斤水一斗煮取五升出鐵以汁洗日再一方用磨刀漿鏽水洗亦效。

〔肘〕若腸隨脫肛出轉久不可收入搗生栝萸汁浸之猪肉汁中洗手隨按之令煖自得入。

〔世〕又方亦治脫肛。

荆芥

龍腦

薄荷

朴硝

右煎湯朝朝洗之腸頭自入。

〔無〕香荆散治脫肛。

香附末

荆芥穗等分

右爲末每用三匙水一大碗煎熱淋洗。

針粉散治脫肛歷年不愈。針粉研細。每用少許。摻之。按入即愈。
〔本〕治腸風並脫肛及有血。用蛇牀子不拘多少。炒爲末。貼大腸脫垂處立收。甚妙。

〔無〕用木賊不以多少。燒存性爲細末。摻肛門上按之。

乘閑方。治瀉多時脫肛疼痛。黑聖散用大蜘蛛一個。瓠葉重裹。線繫定。合子內燒令黑色存性。取出細研。入黃丹少許同研。凡有上件疾。即先用白礬葱椒湯洗。拭乾後將藥末摻在軟處。將手掌按托入收之妙。

〔聖〕治大腸久積虛冷。大便脫肛收不得。蝸牛一兩。燒灰。豬脂和傅之。

〔千〕治脫肛歷年不愈。鱉頭一枚。燒令烟絕。杵末。日傅肛上。手按接之。

〔丹〕治脫肛。用胡荽燒薰立入。

〔海〕治諸般痔脫肛。以死蛇一條。如指大。濕者用掘地坑燒之。將有孔板蓋坑上坐薰之。烟絕爲愈。大效。

〔世〕腸頭出。用皂角薰。次用蜒蚰一個。入蜜浸。去蜒蚰。將蜜調土硃傅上即入。一女子脫肛。醫用糯米一勻。濃煎飲。去米候洗肛溫柔。卻先以磚一片。燒火通紅。用醋沃濕。以青布鋪磚上。坐肛於青布上。

如熱則加布令厚。其肛自吸入腹中而愈。

紫葢膏。治臟熱肛門脫出。以紫背葢一大握。又名魚腥草。搗爛如泥。先用朴硝水洗淨肛門。用芭蕉葉托入。卻用藥於臀下貼坐。自然收入。

針灸

〔集〕治脫肛。大腸論 百會 長強

〔扁鵲〕脫肛。百會 肩井

〔摘〕又法。百會 針二分灸七壯至十七壯

〔世〕脫肛。合谷

〔甲〕脫肛。刺氣衝主之。

穀道痛蝕

雜方

〔肘〕治穀道赤痛。熬杏仁杵作膏。傅之良愈。

〔外〕治下部蟲齧。杵桃葉一斛蒸之。令極熱。內小口器中。以下部榻上坐。蟲立死。

〔脈〕蠹蝕陰脫。其脈虛小者生。緊急死。

痔

診

〔仲〕小腸有熱者必痔。

〔垣〕秦朮蒼朮湯。治痔疾。若破謂之痔漏。大便秘澁。必作大痛。此由風熱乘食飽不通氣。逼大腸而作也。受病者燥氣也。為病者胃濕也。

東垣
治濕
燥風

胃刑大腸則化燥火。以乘燥熱之實。勝風附熱而來。是濕熱風燥四氣相合。故大腸頭成塊者濕也。作大痛者風也。若大便秘結者。主病兼受火邪也。熱結不通去燥屎者。其西方肺主諸氣。其體收下。亦助疾病為邪。須當破氣藥兼之。治法全矣。服之其疾立愈。不可作丸。以劉湯與之。效如神速。

秦朮 一錢 去蘆

澤瀉 三分

蒼朮 七分 製

防風根 五分

桃仁 去皮一錢 另研

歸根 三分 酒洗第 二服藥用身

黃柏 去皮酒洗五分

大黃 少許 雖大便硬 澁亦不可多用

檳榔 一錢 細末 調服之

皂角仁 燒存性 去皮一錢 搗細末 調下服之

右除檳榔桃仁皂角仁三味。候煎成藥。研勻調入外。餘咬咀作一服。水三盞。煎至一盞二分。去渣。入前三味。再上火煎至一盞。空心熱服。待少時。以美饍壓之。不犯胃氣也。服藥日忌生冷硬物。及酒麵大料物。乾薑之類。犯之則藥無效。如有白膿。加五朶白葵花。須除萼去心。細剪入。青皮五分。不去白。入上藥同煎。又用木香三分。為細末。同檳榔等三味。再上火同煎。依上法服餌。古人以此疾多以歲月除之。此藥一服立愈。若病久者。再服必愈。

秦朮白朮丸

秦朮 去蘆

歸梢 酒洗

桃仁 酒浸 去皮尖 另研各一兩

地榆 三錢

枳實 炒 蘇

白朮

澤瀉

皂角仁 燒存性 去皮各半兩

右爲細末。和桃仁泥研勻。煎熱沸湯。麵糊丸。雞荳大。焙乾。白湯下。空心。宿食消盡服之。少時以美膳壓。忌生冷硬物。冷水冷菜之類。並濕麵酒。及五辣辛熱大料物之類。犯之則藥無驗。十服必愈。
〔潔〕蒼朮澤瀉丸

蒼朮 四兩 去皮

澤瀉

枳實

秦艽 各二兩

地榆

皂角子

燒存性 各一兩

右爲細末。燒餅爲丸。如桐子大。每服三十丸。米飲湯或酒下。

白朮丸

藥味與蒼朮澤瀉丸同。只改蒼朮爲白朮去秦朮。

〔丹〕痔漏專一涼血爲主。

人參

黃連

生地 涼血

當歸 和血

川芎 和血

槐角 涼生血

條芩 涼大腸

枳殼 寬腸

升麻 提

右煎湯服之外。以蔬藥蘆甘石童便煨牡蠣粉龍骨海蛤蜜陀僧之類敷之。

許孺人產後痔作。瘡有頭如蒜頭大。或下鮮血。或紫血。大便疼。與黑神散。又多食肉大飽。此濕熱在大腸所爲。

郁李仁 去皮

麻仁

槐角 各七錢

枳實

皂角仁 五錢 爲末

蒼朮

歸尾

生地 各三錢

丹溪
主于
療血

大黃炒一錢

右分六帖。內三椗仁另研。煎服。

〔經〕患五種痔。水研山荳根服。味甘寒退血熱

〔本〕又方。治痔用雞冠花不拘多少。濃煎湯。每服一盞。空心服。本草云雞冠花瀉血

性涼治瀉血

〔丹〕痔頭向上。是大腸熱甚。收縮為主。用四物解毒加枳殼白朮槐角秦朮。

治翻花痔 荆芥 防風 朴硝

右煎湯洗之。次用木鱉子鬱金研末。龍腦些少。水調塗上。

〔世〕治翻花痔。用信一錢。蜈蚣數個。以香油久浸之。臨臥時先洗痔。拭乾。卻取浸油傅患處。用手按入。立愈。累效。其餘痔皆妙。

痔藥膏子。治外痔翻花脫出。黃水不止。腫痛。並用銀闔篋蘸藥塗傅。日一次。重者五七次。立愈。先用藥水洗拭乾。卻傅此膏。用真桑灰不拘多少。淋濃汁兩碗。熬至一碗。卻入草烏片大黃片各二錢。再慢火熬至半碗。入甘草一錢。數沸下淨細石灰半匙頭。不可多。略沸三五次。用絹一重。花紙二重。如絞漆狀。濾過。再熬成膏。候冷。用真膽礬五分。研極細末。放入膏中。用瓦器盛貯封之。臨用入龍腦末和勻傅之。〔本〕治風痔漏。不問有頭無頭。定三日安。

藜蘆燒灰

天麻各五錢

乾薑中兩

皂角針不用皮條炒二錢

蓮子草

明礬

硫黃各一兩

大苦瓜蔓一潤

麝香五分

右將瓜蔓開一孔入礬並硫黃在內。孔如小錢大。就將元掩合定。綿紙糊。卻用瓦罐子盛坐瓶上。炭火煨令烟盡爲度。候冷取出研細。同前六味藥末和令勻。煉蜜丸。桐子大。每服十九丸至十五丸。空心溫酒下。日三服。三日見效。忌油麵醢藏牛馬肉魚腥生冷行房行遠勞力一切等事。

治腸痔。驚甲丸。

驚甲

蝟皮炙焦

川山甲炙焦

白礬枯

附子

猪牙皂角各半兩炙焦存性二分

右細末研勻。蒸餅丸如桐子大。米飲下二十九丸。食前。日三服。

又方

槐花炒

白礬枯各一兩

附子五錢

右細末研勻。蒸餅丸如桐子大。每服二十九丸。米飲下。食前。日三服。已上二方龐老傳。

治腸風痔漏。

赤芍藥

官桂去皮

甘草炙各等分

久瘳
補虛
破積

右咬咀。每服二錢。薑二片。白糖一塊。水一盞。同煎七分。去渣。空心服。

〔素〕因而飽食。筋脈橫解。腸澀為痔。主氣腫天論

〔潔〕黑地黃丸。治血虛久痔。神妙。治痔之聖藥也。方見勞瘵

〔世〕治痔方神妙。

當歸

川芎

黃連

全蠍

三稜

蓬朮

羌活

獨活

山茱萸

去核各半兩 枳殼

十二兩 商陸

白者一兩 巴豆

木香

甘草節

鼠粘子

苦參

藁本

柴胡

各一兩 刺蝟皮

猪牙皂角

一方。加白朮半。夏荊芥。薄荷。檳榔各一兩。

右將巴豆二粒。或三粒。入枳殼內。線扎定。卻用醋煮爛。訖。冷水洗淨。去巴豆不用。晒焙乾。入前藥。同為細末。煮醋麵糊為丸。桐子大。每服三四十九。空心醋湯下。更用五倍子羌活獨活煎湯洗。如大便燥結。用煮過巴豆六七粒。加入前藥同丸。

右一方。踈風泄熱。破積滯。其效如神。

〔集〕治五痔。不以年月日久新。枳實為末。煉蜜丸。桐子大。空心飲下。

二十九丸。

二十九丸。

〔丹〕二三十年不愈者。三服止。用蓮花蕊散。

蓮花蕊

黑牽牛頭末各一兩半

當歸半兩

礬紅許少

右爲末。先忌食肉五七日。空心令食肉一頓。就取溫酒下三錢。約

兩時辰。取下膿血或蟲是效。

海藏外臺治五十歲痔不瘥。塗熊膽取瘥神效。諸方不及此。

〔垣〕七聖散丸。治大腸疼痛不可忍。王叔和云。積氣生於脾藏傍。大腸疼痛陣難當。漸交稍瀉三焦是。莫漫多方立紀綱。

羌活一兩

檳榔

木香

川芎

桂枝去皮各半兩

大黃八分煨

郁李仁去皮另研一兩半

右除郁李仁另研外。爲細末。煉蜜丸。桐子大。驗虛實。臨時斟酌丸數。白湯下。取大便微利一服而愈。切禁不得多利大便。若大便大行。其病滋甚。

秦朮防風湯。治痔漏大便時。時發疼痛。非痔漏也。此藥主之。

秦朮

防風

白朮各一錢半

歸身一錢

黃柏五分

陳皮

紅花少

甘草炙

升麻各六分

柴胡二分

桃仁三十個

大黃三分煨

澤瀉

右剉。如麻荳大。總作一服。水三盞。煎一盞。去渣稍熱服。空心宿食

痛甚者微利之
薰之

消盡服之。避風寒。忌房事酒濕麵大辛熱物。當風寒處大便。

〔本〕治痔有鼠結核作渴疼痛方。

皂角炙酥

黃芪

荆芥

槐子

川山甲

木香

蝟皮

桔梗

蠶甲醋炒

露蜂房焦炒

芍藥各一兩

大黃五錢

右為末。煉蜜丸。桐子大。每服三十九丸。溫酒下。食前日三服。未知加至四五十九丸。

治痔下腫痛。

枳殼一兩陳粟米同炒令黃赤米不用

青木香一分

右為末。每服二錢。飯飲調下。

〔集〕治痔疾下血。疼痛不止。以玩月沙不限多少。慢火熬令黃色為末。每二錢入乳香五分。空心溫酒調下。日三四服。即免子糞是也。

〔外〕治痔發疼痛。狸肉作羹食之。良。作脯食不過三頓。痊。

〔世〕治痔瘡痛不可忍者。木棉花煎湯。旋入朴硝乘熱薰之。候溫浸之。單用硝水極妙。會用大有效。

〔本〕治痔痛

大蜈蚣一條

大青州棗三個

白礬一塊如棗大

右將蜈蚣白礬二味為末。用棗肉丸分作二丸。燒烟。用竹筒透引

卷二十七 肺大腸部

六七

烟薰妙。

〔垣〕秦朮各一錢 活湯。治痔漏成塊。下垂疔瘡。不任其痒。

升麻根

柴胡

甘草炙

麻黃根各五分

黃芪

秦朮各一錢

防風根七分

蔓本三分

細辛少

活根一錢三分

右劉。如麻荳大。作一服。水二大盞。煎一盞去渣。空心。宿食消盡服之。忌如前。

〔梅〕治痔有蟲咬。穀道痒。或下膿血多。取槐白皮濃煎汁。安盆中坐薰之。塞其穀道。湯冷更煖之。良久欲大便。當蟲出。不過三度即愈。如用末。綿裹納下部。

〔丹〕治痔穀道中蟲痒不止。水銀棗膏各二兩。研勻。捏如棗形。薄綿裹納之。明日蟲出。若痛者加粉草三大分作丸。梅師方

〔羅〕淋瀝藥。治下部痔腫。大腸頭痒痛。

藏靈仙

枳殼對妙各一兩

右為粗末。熬水薰洗。冷即再煖。臨臥避風。洗三次。挹乾。貼蒲黃散。〔世〕治痔痒。用五茄莖葉濃煎湯。以瓶盛之。坐瓶口上薰痔。至湯溫洗之。三次必效。

〔丹〕腸風痔漏。有蟲如絲細。黑頭。取去除根。

有蟲如絲

瘁者補虛去蟲

蟲者下

大腸
硬者
寬腸

下血
甚者
止血

瞿麥升 猪牙皂角寸一

右為末。入猪腰子一雙內。用米泔煮。空心食之。少頃肚痛上攻。蟲皆隨出。作地坑埋之。薄粥補之。

〔垣〕當歸郁李仁湯。治痔漏大便硬。努出大腸頭下垂多血。苦疼不能忍。

皂角仁另為細末調服 郁李仁

秦朮各一錢

麻子仁一錢

當歸梢

生地

蒼朮各五分

澤瀉三分

枳實七分

大黃三錢

右除皂角仁研細末。餘藥剉如麻荳大。水三大盞。煎一盞。去渣。入皂角末調在內。空心食前。候宿食消盡服之。忌風寒處大小便。

〔丹〕如欲涼大腸。寬大腸。則用枳殼去穰。入巴荳鐵線纏煮透。去巴荳。入藥用。若丸藥。則搗爛用。煎藥則乾用。

〔食〕治野鷄痔下血。腸風明目方。嫩槐葉一升。蒸如茶法。取葉碾作末。亦如茶法煎呷之。

〔干〕治腸痔。每大便下血。槐樹上木耳取末之。飲服方寸瘥。日三服良。

〔肘〕治腸痔。每大便常血。水服蒲黃方寸七瘥。日三服良。

〔食〕主五痔下血不止。杏仁去皮尖及雙仁。水一升。研濾取汁煎減

半。投米煮粥停冷。空心食之。

〔草〕治腸痔多年不瘥。下血不止。木賊枳殼各二兩。乾薑一兩。大黃一分。四味並剉一處。入銚子內炒黑色。存三分性。搗羅溫粟米飲調。食前服二錢七。甚妙。

〔外〕治患腸痔。大便常有血。食鯽魚羹及隨意任作飽食。孫真人同。〔本〕治腸痔在腹內有鼠爛下血方。

白蕪荑

椿樹東行根

狼牙根

貫衆

蝟皮炙焦

雄黃半兩

白鱧頭一個炙焦

槐東引根白皮一分

右細末。臘月豬脂和一丸。彈子大。綿裹納下部。

〔丹〕痔漏腸漏竅。用赤石脂白石脂枯礬黃丹腦子塞之。

〔本〕治腸風痔漏。用鯽魚一個。破開去腸。入白礬令滿合之。瓦上燒過為細末。用雞毛捲藥傅之。立效。

治痔漏瘡方

雞子

一個煮熟去黃以白切炒

白礬

明者如皂角子大匙上枯礬用三分

右為末。先用溫湯洗淨。拭乾。用紙捲點藥送入瘡孔內立效。日三易。

右治痔漏下血。如虛血。必兼服黑地黃丸乃妙。

憂怒
則發
者調
氣
運氣
雜方

洗法

〔衍〕鱗鯉甲燒一兩。存性。肉荳蔻仁三個。同為末。米飲調二錢服。治
氣痔膿血。甚者刺蝟皮一兩。燒服。中病即已。不必盡劑。
運氣痔發皆屬寒。經云。太陽之勝。痔瘡發。治以苦熱是也。
〔世〕治痔神應散。治五種腸風下血。上廁糞前有血名外痔。糞後有
血名內痔。大腸不收名脫肛。穀道四面有努肉名爛痔。痔頭上有孔
漏出名腸風。並治之。

黃牛角鯁一枚附中者槌碎

蛇蛻皮一條白者

猪牙皂角七莖

穿山甲七片

刺蝟皮一兩剉

右五味。細剉入甕瓶內。以黃泥封固。候乾。先用小火燒令烟出。後
用大火煨令通赤為度。取出攤開。候冷。搗羅為末。服時先令患者
臨臥時細嚼胡桃仁一個。如糊。用無灰好酒一盞送下。不可言語。
便睡。至五更時。以溫酒調下藥末三錢。至辰時更進一服。雖久年
不過三服立效。

〔丹〕治腸風痔漏如神。大樹木上寄生葉取乾為末。酒水米飲任下。
或丸桐子大。服三十九丸亦得。

〔干〕治五痔方。蒼耳莖葉以五月五日採乾為末。水服方寸。或丸桐
子大服之立效。

洗痔疼。用荆芥朴硝桑寄生。定痛解毒。去風涼大腸熱。安胎。如腫者

加五倍子木鱉子研細調傅。又方。五倍朴硝桑寄生蓮房水煎。先薰後洗。一方加百藥煎洗。

〔保〕淋洗法。

天仙子

荆芥穗

小椒

蔓荊子

右水煎湯洗。

〔本〕薰洗痔方。用枳殼不拘多少為末。每用二錢。水一盞。砂瓶內煎令沸。先去瓶嘴上坐薰。後卻瀉出通手熱洗妙。此方久痔亦妙除根

〔世〕洗痔方。輕者用朝東馬齒莧劉寄奴濃煎湯薰。待溫卻用手洗。拭乾。重者加大青葉梗乾者一半同煎。

〔丹〕痔瘡。用灰莧帶根濃煎湯。先薰後洗。又方。取河水頻洗。用蠅牛塗之。

〔經〕痔漏用犍牛兒膽蠟膽各一個。膩粉五十文。麝香二十文。將蠟膽汁膩粉麝香和勻。入牛膽內。懸於簷前四十九日。逐旋取為丸。如大菱角。急送入瘡內。後追出惡物。日三驗。候瘡口漸合。用生麵蓋瘡內。一偏出惡物妙。

〔丹〕一方。治痔用雄鷄膽片腦和勻貼之。一方。熊膽塗之神效。

〔世〕治痔用活蜈蚣一條。以香油一小罐浸之。陳愈妙。傅之累驗。
〔無〕貼痔法。

敷貼法

蜀葵子兩半

蟬蛻五個

檳榔一個並末

右用棗三枚。取肉研細。搜和藥末。如覺硬。滴少蜜研成膏。量大小貼於病處。

〔羅〕蒲黃散。治下部痔漏。

蒲黃

血竭兩半

右為細末。每用少許。貼於患處。

〔斗門〕治痔疾有頭如雞冠者。用黃連末傅之。即瘡。更加赤小豨末尤良。一方用黃連木香末付妙

薰法

〔無〕薰痔法。

蝟皮切方三指大

雄黃棗大研

熟艾鷄子大

右為末。用瓦器以灰實一半。如燒香法。安長桶內。坐其上薰之。烟氣從口出為佳。凡三度薰。永瘥。勿犯風冷。忌鷄肉毒物。

〔本〕薰痔方。用鼠郎皮一味。瓶內燒烟。坐身於瓶上。薰三五次。除根。〔世〕痔方。赤脚蜈蚣一條。香油煎酥。紙上搥乾。加乳香二錢。沒藥二錢。麝香粉霜各五分。人指甲五錢。泥裹煨乾。脆為末。用鵝毛管盛藥。吹上。如有水。即時出盡。不疼。其物結一硬丁。用線繫在上。揭落之。〔羅〕治痔神效。

雄黃

硫黃

明礬各等分

右為末。新盞盛藥。先入礬末一半在底。次入餘藥。又將礬末一半蓋上。用火煨。候礬枯為度。出火毒。研末。津液調傅。乾落為度。後用石膏五倍子為末收瘡口。

周先生枯痔法。

明礬

赤石脂五錢

辰砂痛加一錢

黃丹

右為末。先用礬金末護肛門。如無礬金。用薑黃末代之。調塗四圍好肉。如不就。加葶苈粉打合。卻將枯藥傅上。如肛門疼急。濃煎甘草湯放溫。拂四圍肛門上。就與寬腸藥。

槐花

大黃

枳殼

木通

連翹

瞿麥

當歸

右半酒半水煎。

枯藥。早晨上一次。日午一次。洗去舊藥。申時又洗去。又上一次。如要急安。至夜半子時又洗。上一次。至次日。且看痔頭淡淡黑色。兩三日如烏梅。四五日內。用竹篦子輕輕敲打痔頭。見如石堅。至七八日便住。更不須上枯藥。且待自然。如蘿蔔根乃脫去也。洗用甘草荆芥槐花。洗去舊藥。方上新藥。凡醫痔之法。且如明日要下手。今日先與此藥。所以寬大腸。使大便軟滑。不與痔相礙。且不泄瀉。痔頭未脫落者。須要日日與之。以大黃一兩煨。枳殼炒當歸酒洗一兩。同為細末。

如桐子大。好酒吞下。治枯痔頭慮生他證。凡用枯藥。或觸壞腎根。或水道赤澹痛。與此方大黃木通生地各一兩。滑石瞿麥各半兩。同為細末。每用四錢煎服。催痔方。如枯盡未脫落。以此催之。好磁石一錢。白殭蠶生川烏五分。同為細末。冷水調。傅上立脫。凡用枯藥去盡乳頭。恐留痔硬頭損破肛門四圍成瘡。用此藥。龍骨一錢。石膏一錢。沒藥五分。膩粉五分。同研十分細。先以荆芥湯洗。次摻之。切忌毒物生薑。痔脫後用甘草湯豉湯洗。再用荆芥五倍子煎水洗。便不生膿。治痔脫後肉痒方。用大粉草濃煎湯洗。收腸方。凡用枯藥。脫下乳頭。隨即與此。以收其腸。此方補氣。又收膿去血生肉。令痕壯。

人參

當歸各一兩

川芎

甘草

白芷

防風

厚朴

桔梗

桂枝

黃芪

右細末。半酒半水煎。如惡酒者。酒少水多煎之。夏月減桂枝。加芩柏。

〔經〕治痔瘻有頭方。用芫花入土根不限多少。以淨水洗。却入木臼搗用少許。水絞取汁。於銀銅器內慢火熬成膏。將絲線於膏內度過繫痔。繫時微痛。候心燥落時。以紙撚引入膏藥於竅內。永除根。未落

割痔法

不得便尿。

周先生割痔麻藥。

川烏

草烏尖

胡椒

吳茱萸

花椒

白殭蠶炒

右細末。酒調傳四邊。然後割之。又以此藥傳之。否則亦用麝香龍骨塗之。

右枯痔繫痔割痔三法。用前藥服及敷貼不退者。然後用之。必敬謹之。不可視為常法。

〔本〕治痔漏。此因大腸感風熱而生。

生砒字一

水銀一粒如米大

膩粉字一

麝香一粒如小荳大

右件並入乳鉢內。研極細。如痔如有珠子者。將鑿湯淨洗拭乾。用手撚藥指在痔上。覺痒便是藥行。一日二次。又洗。五日後住藥見效。如或有孔。只用紙撚引藥送入。令徹其內。更用紙貼孔前。一日二次。使藥自能生全。陳無擇云。忌用生砒恐毒氣入腹。今兩存之。以治珠突者。

針灸痔。獨取足太陽。經云。足太陽之脈。所生病者痔瘡。視盛虛熱寒。陷下取之。蓋後世取承山穴者是也。

其二論督脈而不見其取法。經云。督脈生病。癰痔。蓋後世取長強穴是也。

針灸

融痔法

〔丹〕治痔瘡。大蒜十斤。頭垢捏成餅子。先安頭垢餅於痔頭上。外安蒜片。以艾灸之。

〔本〕唐峽州王文顯充西路安撫司判官。乘驃入駱谷。有痔疾。因此大作。其狀如胡瓜。貫於腸頭。熱如糖灰火。至驛僵仆。主驛吏云。此病予曾患來。須灸即瘥。用柳枝濃煎湯先洗痔。便以艾炷其上。連灸三五壯。忽覺一道熱氣入腸中。因轉瀉鮮血穢物一時出。至痛楚。瀉後遂失胡瓜所在。登驃而馳去。

〔玉〕痔漏下血。裏急後重。或痒或疼。 一白 在掌後縱紋上四寸手腕陰脈兩穴相並一穴在兩筋中一穴在大筋外

針入三分 長強 一寸大痛方瀉兩吸 到穴瀉三吸

〔世〕灸法。長強 一寸大痛方到穴瀉三吸如灸可七壯雖久不愈者亦効

又法。脊骨凸處與臍平對是穴 灸七壯 承山 二寸半補一呼如灸可七壯

〔甲〕痔篡痛。承筋主之。痔篡痛。飛陽及委中扶承主之。痔痛。攢竹主之。痔痛。會陰主之。痔與陰相通者死。陰中諸病。前後相引。

痛不得大小便。會陰皆主之。痔骨蝕。商丘主之。

〔無〕腸癰為痔。如大澤中有小山突出為痔。人於九竅中凡有小肉突出。皆曰痔。不特於肛門邊生有鼻痔。眼痔。牙痔等。其狀不一。方書分出五種。曰牡。曰牝。曰脈。曰氣。牝痔者。肛邊生瘡腫突出。一日數枚。膿潰即散。牡痔者。肛邊發露肉珠。狀如鼠爛。時時滴漬膿血。脈

忌

痔者。腸口顆顆發癰。且痛且痒。出血淋漓。腸痔者。腸內結核有血寒熱往來。登溷脫肛。氣痔者。遇恐怒則發。肛門腫痛。熱散則愈。又有酒痔。每遇飲酒發動。瘡腫痛而流血。血痔。則每遇大便。清血隨下而不止。宜解熱調血順氣爲主。若久不愈。必至穿穴爲漏矣。

治痔切勿用生肌毒氣入腹。反至奄忽。忌喫生冷硬物冷菜之類。及酒蘘麵五辣辛熱大料物。及乾薑之類。犯之無效。此東垣格言也。

醫學綱目卷之二十八 腎膀胱部

大法

大抵腰痛 寒濕多風 寒熱 腰皆痛 腎虛

久痛 開之

腰痛 胎前腰痛 產後腰痛 脊痛脊強

〔垣〕六元正紀論云。太陽所至爲腰痛。又云。巨陽。卽太陽也。虛則頭項腰痛。足太陽膀胱之脈。所過還出。別下項。循肩膊內。挾脊抵腰中。故爲病項如拔。挾脊痛。腰似折。髀不可以曲。是經氣虛則邪客之。痛病生矣。夫邪者是風熱濕燥寒皆能爲病。大抵寒濕多而風熱少。然有房室勞傷腎虛腰痛者。是陽氣虛弱不能運動故也。經云。腰者腎之府。轉搖不能。腎將敗矣。宜腎氣丸。茴香丸之類。以補陽之不足也。膏粱之人。久服湯藥。醉以入房。損其真氣。則腎氣熱。腎氣熱則腰脊痛而不能舉。久則髓減骨枯。發爲骨痿。宜六味地黃丸。滋腎丸。封髓丹之類。以補陰之不足也。靈樞云。腰痛上寒。取足太陰陽明。上熱取足厥陰。不可俛仰。取足少陽。蓋足之三陽。從頭走足。足之三陰。從足走腹。經所過處。皆能爲痛。治之者當審其何經所過分野。循其空穴而刺之。審何寒熱而藥之。假令足太陽令人腰痛。引項脊尻背如重狀。刺其郄中。太陽二經出血。餘皆倣此。彼執一方治諸腰痛者。固不通矣。

〔丹〕如久腰痛。必用官桂以開之方止。腹脇痛亦然。

〔保〕煨腎丸。治肝腎損及脾損。穀不化。腰痛不起者神效。方見治虛實法

破故紙

續斷

乾木瓜

牛膝酒浸

杜仲

去皮剉薑汁炒
絲斷各一兩

萆薢二兩

右爲細末。蜜丸。如桐子大。每服五十九丸。鹽湯或酒任下。

狗脊

萆薢

兔絲子各一兩酒浸三日
日焙乾別研

右爲細末。煉蜜丸。如桐子大。每服三十九丸。用萆薢二兩。酒浸三日。取酒服藥。空心食前。

〔無〕杜仲酒。治風冷傷腎。腰痛不能屈伸。並補腎虛。取杜仲一斤。切。薑汁製。炒斷絲。用好酒二升。浸十日。每服三四合。日四五服。一方爲末。溫酒調一錢。空心服。

〔驗〕治腰痛。用破故紙炒爲末。溫酒下三錢。

右杜仲牛膝萆薢破故紙治腰丸。

〔本〕治腎虛腰痛。不能轉側。麋茸丸。

麋茸一兩鹿茸亦可

兔絲子

取末一兩 舶上茴香半兩

右爲末。以羊腎二對。用酒浸煮爛。去膜研如泥。和丸。如桐子大。陰乾。如羊腎。少入酒糊佐之。每服三五十丸。溫酒或鹽湯下。

服大
及膏
陰虛
梁人

戊戌年八月淮南大水。城下浸灌者連月。予忽臟腑不調。腹中如水。吼數日。調治得愈。自此腰痛不可屈折。雖洗面亦相妨。服偏藥不效。如是凡三月。予後思之。此必水氣陰盛。腎經感此而得。乃灸腎臙三七壯。服此藥瘥。

〔干〕治腰痛。鹿角去上皮取白者。熬令黃。為末。酒服方寸匕。日三。特禁生魚。餘不禁。新者良。陳不佳。角心中黃處亦不中服。大神良。鹿角去惡血

治腰痛。羊腎為末。酒服二方寸匕。日三服。本草云羊腎補腎氣益精髓

右麋茸鹿茸羊腎治腰痛例。

〔丹〕補腎丸。治腎虛腰痛累效。

烏藥葉 本草云烏藥嫩葉補中益氣 側柏葉

右酒蒸晒乾為末。粥為丸。如桐子大。

〔經〕治腎虛脚無力。生粟子入袋盛懸乾。每日平明吃十餘顆。次吃猪腎粥瘥。

〔丹〕腰痛。脈大者腎虛。

杜仲 龜板 黃柏 知母

枸杞 五味 各等分

右為末。猪脊髓為丸。

補陰丸。治陰虛性急腰痛者。

龜板

黃柏

知母

側柏葉

右爲末。地黃膏爲丸。

腰腿濕痛。

龜板酒炙
五錢

黃柏酒炒
四錢

青皮三錢

生甘草一錢
五分

右爲末。研薑一大片。次入前藥末一錢。研細。以蒼耳汁盪起煎令

沸。服之。

腰腿疼痛。

敗龜板酒炙
二兩

黃柏酒炒

蒼朮

蒼耳各一兩

扁柏半兩

威靈仙酒浸
二兩

右爲丸。以黑豈汁兼四物湯。加陳皮生甘草生薑一片煎。吞下。

又方

龜板一兩
半

黃柏炒

白芍各一兩

陳皮

威靈仙

知母

蒼朮

蒼耳各半兩

右爲末。蜜丸服。

濕熱腰痛。大便泄。

龜板一兩
炙

楮皮炒

蒼朮

滑石各半兩

芍藥酒炒

香附各四錢

右爲末。粥丸。如內傷。白朮山查湯下。

〔垣〕蒼朮湯。治濕熱腰腿疼痛。

蒼朮 三錢去濕止痛 柴胡 二錢行經

防風 錢一

黃柏 一錢始得之時寒久不愈寒化為熱除濕止痛

右作一服。水煎空心服。

右龜板黃柏知母治腰痛例。

〔無〕牛膝酒。治腎傷風毒攻刺腰痛不可忍者。

牛膝 川芎 羌活 地骨皮

五加皮 薏苡仁 甘草 各一兩 海桐皮 二兩

生地 十兩

右剉。以絹袋裹入好酒二斗。浸二七日。夏三五宿。每服一盃。日三

四盃。長令酒氣不絕為佳。一法入杜仲一兩。炒絲斷。

〔垣〕六味地黃丸。治腎虛腰痛。 方見治法

〔丹〕婦人患腰痛。此血分有熱。

白芍 錢五 生地 錢四 當歸尾 錢三

白朮 錢二 黃芩 錢一 木通 錢一 黃柏 半錢

川芎 錢一 甘草梢 五分

右分四帖。煎取食前熱服。

右地黃治腰痛例。

〔千〕治腰痛。

茵陳

杜仲

枸杞根各半斤

右三味。咬咀。好酒三斗漬之。納罐內密封。投於銅器中煮一日。服之無節。取醉為度。

瘧病
為虛

〔丹〕義一姪婦瘧疾初安。因衝風又發腰痛白濁。已與參朮檳榔半夏等補方。又教以煨牡蠣一錢。木通五分。炒柏三分。粗末。入前方同煎。

痢後腰痛。兩脚無力。

陳皮

半夏

白芍錢一

茯苓

蒼朮

當歸

黃芩酒五分

白朮錢二

甘草炙一錢

右作一服。薑三片。食前服。

經行
後痛
為虛

婦人月經行後腰痛為虛。詳氣血虛。於補氣血藥中加杜仲側柏葉等藥。

〔保〕虛勞腰痛。少腹拘急。小便不利。入味腎氣散主之。方見治虛實法

〔世〕治腰痛。用威靈仙。丹溪云。威靈仙治痛之要藥。為細末。每服二錢。猪腰子一隻。批開。摻藥在內。濕紙煨熟。五更細嚼。熱酒下。千金方

用威靈仙末一錢。溫酒調下。逐日以微利為度。病人稍虛禁用。

〔本〕治腰腿痛。氣滯。藥碁子。

牽牛不以多少。用新瓦火燒赤。便以牽牛頓在瓦上。自然一半熟。一半生。不得撥動。取頭末一兩。入硫黃一分同研勻。分三服。每用白麵一匙。水和捏作碁子。五更初以水一盞煮熟。連湯送下。痛住。自止。未住隔日再作。予嘗有此疾。每發只一服痛止。

〔世〕治腰痛不可忍。用牽牛不以多少。研取頭末。去渣不用。取大蒜每一瓣。擘開。入巴荳肉一粒在內。用濕紙裹定。煨令蒜熟。去巴荳。將蒜研細。和牽牛為丸。如桐子大。每服五丸。醋湯茶空心食前。量虛實服。

〔本〕治五般腰痛。

胡桃肉五箇去皮研為膏

五靈脂

黑牽牛炒

白牽牛炒各三錢

狗脊半兩微炒

萆薢三錢炒

沒藥三十文

巴荳五粒用濕紙裹煨取肉去油

右研為末。將前胡桃膏醋糊丸。如桐子大。每服十五丸。風腰疼。荳淋無灰酒下。氣腰疼。煨葱白酒下。血腰疼。當歸酒下。打撲腰疼。蘇木酒下。

〔子和〕趙進道病腰疼一年不愈。診其兩手脈沉重有力。以通經散下五七行。次以杜仲去粗皮細切炒斷絲為末。每服三錢。豬腰子一枚。薄批五七片。先以椒鹽淹去腥水。搽藥在內。裹以荷葉。以濕紙數重封。文武火燒熟。臨臥細嚼。溫酒送下。每旦以無比山藥丸一服。數

得於
冷風
濕地
濕為
濕寒

醫學綱目

日而愈。通經散用陳皮當歸甘遂為末每三錢臨臥溫酒調下

〔羅〕獨活寄生湯。治腎氣虛弱。冷臥濕地。腰腿拘急。筋骨攣痛。或當風取涼過度。風邪流入脚膝。為偏枯冷痺。緩弱疼痛。或腰痛牽引脚重。行步艱難。

獨活

桑寄生

杜仲

牛膝

細辛

秦艽

茯苓

桂心

防風

芎藭

人參

甘草已上各一兩半

當歸

芍藥

乾地黃各二兩

一方用續斷三兩

右為粗末。每服三錢。水二大盞。生薑五片。同煎至七分。食前服。

〔海〕防風湯。治傷寒後腰痛。或皮肉癢痺。腿膝疼痛。行履艱難。不可俛仰。

防風兩一

麻黃去節

桂枝去皮

杜仲炙各七錢半

牛膝

五加皮

丹參各半兩

芎藭

附子炮去皮一兩

當歸

芍藥

羌活

續斷各一兩

右咬咀。每服五錢。水一盞半。薑二錢。同煎。食前服。

〔垣〕川芎肉桂湯。丁未年冬。曹通甫自河東來。有役人小翟宿於寒濕之地。腰痛不能轉側。兩脇搐急作痛。月餘不愈。腰痛論中所說皆

爲足太陽足少陰血絡中有凝血作痛。間有一二症屬少陽膽經外絡脈病。皆宜去血絡之凝乃愈。其內經有云。冬三月禁不得針。只宜服藥通其經絡。破其血絡中敗血。以此方主之。

羌活一錢

柴胡一錢

獨活五分

肉桂

蒼朮各一錢

防風

漢防己各三分

桃仁五箇去皮另研如泥

歸梢

甘草炙各一錢

炒麴五分

川芎一錢

右咬咀。水酒煎。去渣。食遠熱服。

〔無〕小續命湯。加炒去皮桃仁。治風腰痛最妙。方見寒發熱

五積散。加桃

仁。治寒濕腰痛最效。方見傷寒發熱

〔千〕杜仲酒。治腎脈逆。小於寸口。膀胱虛寒。腰痛。胸中動。通四時用之方。

杜仲

地黃各四兩

萆薢

羌活

天雄

蜀椒

芎藭

桂心

防風

秦朮

烏頭各三兩

五加皮

石斛各五兩

細辛三兩

瓜蒌根

地骨皮

續斷炒

桔梗

甘草各一兩

右十九味咬咀。以酒四斗。漬四宿。初服五合。加至七八合。日再。

〔本〕治久患腰痛。

石甜瓜 一兩出 附子 炮五

冬瓜仁 蜀中 檳榔

烏藥 各五錢

冬瓜皮

沒藥

右為細末。每服四錢。溫酒調下。臨臥時服。日服。只午後申時先可。晚食。申時後不可食。專候臨臥服。

平日膏梁厚味之人。腰痛皆是濕熱陰虛。治見前陰虛。

〔垣〕如身重腰沉沉然。乃經中有濕熱也。於羌活勝濕湯中加黃柏一錢。附子五分。蒼朮二錢。羌活勝濕湯方見腎條

獨活湯。治因勞役得腰痛如折。沉重如山。

羌活 錢二

防風

獨活

肉桂 各三錢

甘草 炙二錢

歸梢 五錢

桃仁 十五

連翹 五錢

漢防己

黃柏 酒各一兩

澤瀉

大黃 煨各三錢

右咬咀。每服五錢。如麻頭大。酒半盞。水一盞。去渣。熱服立愈。

羌活湯。治腰膝無力沉重。

羌活 錢三

防風 一錢五分

甘草 生熟各五分

草薢

黃柏

葛根 各五分

砂仁 一錢

陳皮 六分

知母 二錢五分

腰重
冷如
水者
為寒
脈溢
者為
汚血

跌撲
傷損
為汚
血

黃芪二錢

蒼朮

升麻

獨活

柴胡各一錢

右為粗末。作二服。水二盞。煎至一盞。去渣。空心熱服。

〔仲〕腎着湯。治身重。腰冷如冰。痛重如帶千錢。方見身重

〔丹〕脈瀋者。瘀血用補陰丸中加桃仁紅花。補陰丸方見脈大條

〔世〕橘核散。治腰痛。諸般滯氣。

山查子兩一

橘核錢五

破故紙兩二

乳香錢五

玄胡索

菴藷

沒藥

五加皮

紅麴各一兩

右為末。酒調下。

〔雲〕如神湯。治男子婦人腰痛。

玄胡索

當歸

桂心

杜仲各等分

右為末。溫酒調下三錢。甚者不過數服。

〔無〕桃仁酒。治腎虛風勞所傷。毒腫掣痛。牽引小腹連腰痛。用桃仁

麩皮炒去皮尖。研細。每服一錢匕。熱酒調下。有汗即愈。

〔垣〕地龍湯。治腰脊痛。或打撲傷損。從高墜下。惡血在太陽經中。令

人腰脊痛。或脛膕臂膊中痛。不可忍。鼻壅塞不通。

中桂四分

桃仁六錢

羌活二錢

獨活

甘草

黃柏各一錢

麻黃五分

地龍四分

蘇木六分

歸梢一錢

〔無〕橘核酒。治打撲腰痛。惡血瘀蓄。痛不可忍。用橘核炒去皮。研細。

每服二錢匕。酒調服。或用猪腰子一個去筋膜。破開入藥。同葱白苗。

香。鹽濕紙裹煨熟。細嚼。溫酒下。

熟大黃湯。治墜墮閃挫。腰痛不能屈伸。

大黃切如指大

生薑切各半兩

右同炒令焦黃。以水一盞。浸一宿。五更去渣服。天明取下如雞肝

者。即惡物也。

〔丹〕徐質夫年六十。因墜馬腰痛。不可轉側。六脈散大。重取則弦小

而長稍堅。予以爲惡血雖有。未可驅逐。且以補接爲先。遂令煎蘇木

人參黃芪川芎當歸陳皮甘草。服至半月後漸散大。飲食亦進。遂與

前藥調下自然銅等。服一月而安。

治老人因癩撲腰痛。

蘇木一錢

人參五分

歸頭身一錢

黃芪五分

陳皮一錢

木通五分

木香五分

跌撲
脈散
大者
補中
消滯
血

食積

右研桃仁九枚。下接骨藥。食積腰痛。

龜板酒炙

柏葉酒製

香附五錢

辣芥子

凌霄花一錢半

右酒糊丸。煎四物湯加陳皮甘草一分吞下。

痰積

痰積腰痛。二陳湯加南星。食積痰積。如脈有力者宜下之。

〔山〕挫氣腰痛。香茶內滴入菜油數點。頓服。

腎腫

〔素〕北風生於冬。病在腎。膕在腰。金匱真言論少陰所謂腰痛者。少陰者

腎也。十月萬物陽氣皆傷。故腰痛也。

太陽所謂腰膕痛者。正月太陽寅。寅。太陽也。正月陽氣出在上。而陰

氣盛。陽未得自次。故腫。腰膕痛也。脈解篇

〔垣〕脊痛項強。腰似折。項似拔。衝頭痛。乃足太陽經不行也。羌活勝

濕湯主之。

羌活

獨活各一錢

藁本

防風各一錢

蔓荆子三分

川芎二分

甘草各五分

右件咬咀。作一服。水二盞。煎去一半。去渣。溫服。食後。

運氣腰痛有五。

運氣

腰連脊項痛。太陽經宜汗。

一曰寒。經云。水鬱之發。民病腰腫痛。大關節不利。屈伸不便。又云。太陽所至。為腰痛。又云。太陽之復。腰腫反痛。屈伸不便。治以熱劑是也。二曰濕。經云。太陰司天。濕氣下臨。腎氣上從。當其時。反腰腫痛。動轉不便。又曰。太陽在泉。濕淫所勝。病腰似折。亦治以熱劑是也。三曰寒濕雜合。經云。太陰司天之政。終之氣。寒大舉。濕大化。病關節禁固。腰腫痛。治以燥熱是也。

四曰燥。經云。陽明司天。燥淫所勝。病腰痛。治以苦溫是也。

五曰燥熱風寒雜合。經云。少陰司天之政。水火寒熱。持於氣交。民病腰痛。初之氣。寒乃始。陽氣鬱。民反周密。關節禁固。腰腫痛。治以濕熱多寒清少也。

〔丹〕摩腰丹。治老人腰痛。婦人白帶。

附子尖

烏頭尖

南星 各二錢半

硃砂

樟腦

丁香 各一錢半

乾薑 一錢

雄黃 一錢半

麝香 五粒大者 小則加之

右為末。蜜丸。如龍眼大。每一丸用生薑汁化開。如厚粥。火上烘熱。放掌上摩腰中。候藥盡。貼腰上。即烘綿衣縛定。腰熱如火。間二日用一丸。

〔世〕皂角膏。治諸腰脚疼痛。用好酒二大碗。皂角一斤。去皮弦搗碎。

熬至一半。濾去渣。再用前汁入銀石器內熬為膏子。隨痛處貼之。

〔聖〕治風脚腰冷痺疼痛。川烏頭三分。去皮臍。生為末。好醋調塗於布帛上貼之。痛即止。

〔山〕腰疼。用牛皮膠化開。生薑汁打勻。貼痛處。

〔素〕足太陽脈。令人腰痛引項脊背如重狀。刺其郄中太陽正經出血。春無見血。見刺腰痛篇下同。○王註云郄中委中穴也。

腰背伏脊而痛。至頭几几然。目眈眈欲僵仆。刺足太陽郄中出血。音几。珠引頭之貌。項背強也。

刺腰痛引項脊背三法。此二法取足太陽出血也。經云。邪在腎。腹脹腰痛。大便難。肩背頸項痛。時眩。取之湧泉崑崙。視有血者悉取之。此則足太陽少陰俱取血也。又云。足太陽之脈是動。則病衝頭痛。目似脫。項似拔。脊痛。腰似折。此則視太陽盛虛熱寒。陷下刺。施補瀉疾留灸以調之也。

足少陰令人腰痛。痛引脊內廉。刺少陰於內踝上二指。春無見血。出血太多。不可復也。王註云復。猶穴也。

刺腰痛引脊內廉。此法出足少陰經血也。經曰。足少陰之別。名曰太鍾。當踝後繞踝別走太陽。其病虛則腰痛。取之所別也。此補足少陰絡也。

少陽令人腰痛。如以針刺其皮中。循循然不可以俛仰。不可以顧。刺少陽成骨之端出血。成骨在膝外廉之骨。獨起者。夏無見血。王註云成骨間隙者是。按此謂陽陵泉穴。

陽明令人腰痛。不可以顧。顧如有見者。善悲。刺陽明於胫前三疔。上下和之出血。秋無見血。王註云二疔穴也。

衡絡之脈。令人腰痛。不可以俛仰。仰則恐仆。得之舉重傷腰。衡絡絕。惡血歸之。刺之在郄陽筋之間。上郄數寸。衡居為二疔出血。王註謂郄穴非數寸也。蓋郄陽筋者。按郄內外廉各有一大筋。上結於腎。今謂外廉之大筋。故曰陽筋也。上郄數寸者。謂上郄數寸於外廉大筋之兩側。視其血絡盛者。橫居為二疔出血。

刺腰痛不可俛仰四法。上三法皆出血也。經云。肝足厥陰之脈是動。則病腰痛。不可以俛仰。瘕疝。少腹腫。此則視虛實寒熱。陷下施補瀉。疾留灸以調之也。

腰痛引少腹控眇。不可以仰。刺腰尻交者。兩髀腫上。以月生死為疔數。發針立已。左取右。右取左。王註云此邪客於足太陰之絡也。控。引也。眇。季。肱下穴。俗呼此骨為八髎骨也。此謂痛狀。復深下第四髎。即下髎穴也。足太陰厥陰少陽三脈。左右交結於中。故曰腰尻交者也。直。謂兩髀骨下。堅起肉也。上非腫之上。巔。正當刺。脾肉夾直處。即脾上也。何者。脾之上。巔。有中膈。肉白。環。命。並。主。腰痛。考其形。經症不相應。矣。髀骨。即腰脊兩傍起骨也。狹。脊兩傍。腰。之。下。各有。肉。腫。起。而。斜。趨。於。髀。骨。之。後。內。承。其。骨。故。曰。兩。髀。也。下。承。強。肉。左。右。兩。髀。各。有。四。骨。空。故。曰。上。髎。下。髎。中。髎。下。髎。上。髎。當。髀。骨。下。陷。者。中。餘。三。髎。少。斜。下。按。之。陷。中。是。也。四。空。為。主。腰痛。唯。下。髎。又。與。經。同。即。太。陰。厥。陰。少。陽。所。結。者。也。脾。經。行。反。廉。若。瓦。反。

刺腰痛引少腹控眇。不可以仰。取腰尻分間。經文三出。此其一也。

刺腰痛引少腹控眇。不可以仰。取腰尻分間。經文三出。此其一也。

刺腰痛引少腹控眇。不可以仰。取腰尻分間。經文三出。此其一也。

繆刺論云。腰痛引少腹控眇。不可以仰息。刺腰尻之解。兩肺之上。是腰脛。以月死生爲瘡數。發針立已。左刺右。右刺左。又骨空論云。腰痛不可以轉搖。急引陰卵。刺入髖與痛上。入髖在腰尻分間。此三節經文大同小異。通一法也。又足厥陰之脈是動。則病腰痛。不可以俛仰。癢疝。少腹腫。視盛虛熱寒。陷下調之。此則證同法異。

陽維之脈。令人腰痛。痛上怫然腫。刺陽維之脈。脈與太陽合離下間。去地一尺所。林註云承山穴也。

飛陽之脈。令人腰痛。痛上怫然甚。則悲以恐。刺飛陽之脈。在內踝上五寸。少陰之前。與陰維之會。築賓穴也。築賓穴在內踝上。膝肉分間是穴。

同陰之脈。令人腰痛。痛如小錘居其中。怫然腫。刺同陰之脈。在外踝

上絕骨之端爲三瘡。王註云陽輔穴也。

解脈令人腰痛。痛引肩。目眈眈然。時遺洩。刺解脈在膝筋肉分間。郄外廉之橫脈出血。血變而止。王註云膝外兩筋之間。橫文之處。旁肉高起。則郄中之肉分也。當取郄外廉有血絡橫見。迢然紫黑而盛滿者。乃刺之。當見黑血。必候其血色變赤。乃止。遏按膝外廉筋肉分間。即委陽穴是也。

散脈令人腰痛。而熱熱甚。生煩。腰下如有橫木居其中。甚則遺洩。刺散脈在膝前骨肉分間。絡外廉。束脈爲三瘡。王註謂地機穴者。非也。既云膝前骨肉分間。絡外廉。束脈當在三里

陽陵泉三穴上之骨上與膝分間是穴。橫刺三瘡也。

昌陽之脈。令人腰痛。痛引膺。目眈眈然。甚則反折。舌卷不能言。刺內

筋為二疝。在內踝上大筋前。太陰後。上踝二寸所。王註云交信穴也在內踝上二寸少陰前太陰筋骨間除腫之郄也

刺腰痛目眩眩有三。此其一也。若痛引肩遺瘦者。刺解脈。在郄外廉筋肉分間委陽穴也。若痛引項脊。欲僵仆者。刺足太陽委中出血也。

解脈令人腰痛如引帶。常如折腰狀。善恐。刺解脈在郄中。結絡如黍米。刺之血射以黑。見赤血而已。王註云郄中即委中穴也

會陰之脈令人腰痛。痛上漯漯然汗出。汗乾令人欲飲。飲已欲走。刺直陽之脈。上三疝。在驕上郄下五寸。橫居視其盛者出血。王註云承筋穴也。灸三壯今云刺者謂刺其血絡之盛滿者也。也。藥不可刺可

肉里之脈令人腰痛。不可以效。效則筋縮急。刺肉里之脈為二疝。在太陽之外。少陽絕骨之後。王註云分肉穴也在足外踝直絕骨之端如後同身寸之二分筋肉分間陽能脈氣所發也甲乙經作陽輔穴也

厥陰之脈令人腰痛。腰中如張弓弩弦。刺厥陰之脈。在臑踵魚腹之外。循之累累然。乃刺之。其病令人善言。嚶嚶然不慧。刺之三疝。王註云也。分

腰痛上寒。刺足太陽陽明。上熱刺足厥陰。不可以俛仰。刺足少

陽。中熱而喘。刺足少陰。刺郄中出血。靈樞云腦中血絡腰痛上寒不可顧。

刺足陽明。上熱。刺足太陰。

刺腰痛篇。取足太陽郄脈中間六法。郄脈者。膝後屈處兩筋之間。橫文膈內也。太陰正經二法。刺郄中央出血。解脈二法。刺郄中橫文出血。衝絡一法。刺郄上數寸出血。會陰一法。刺郄中下五寸出血也。

〔羅〕張仲文傳神仙灸法。療腰重痛不可轉側。起坐艱難。及冷痺脚筋攣急。不可屈伸。灸曲蹠兩文頭左右脚四處各三壯。每灸一脚。二火齊下。艾炷纔燒至肉。初覺疼。便用二人兩邊齊吹。至火滅。午時着灸。至人定已來。臟腑自動一二行。或轉動如雷聲。其疾立愈。此法神效。卒不可量也。

〔玉〕腎虛腰痛。

腎膺取法以杖量與臍平去脊各一寸半灸二十七壯

人中 委中

〔撮〕腰強痛。

命門灸二十七壯十四椎節下間伏取之

崑崙瀉之灸亦瀉

〔摘〕忽然氣滯腰疼。不可俛仰。

志室五分得氣即瀉

行間 腰脊內引痛。

不可屈伸。近上痛。

合谷 近下痛。

崑崙 復溜 腰脊俱痛不

可忍。風池 合谷 崑崙

〔桑〕又法。風池 承山 合谷 呂細 三間

〔東〕腰脊如痠。湧泉分 陰谷分 京骨分 行間分

〔集〕腰閃挫氣痛。尺澤灸 委中 人中 陽陵泉 束骨 崑

崙 下窳

〔羅〕腰痛不可俛仰。轉側難。身寒熱。食倍多。身羸面黃黑。足冷不仁。腰重如石。腎輸_{灸五}。中膺輸灸五。腰輸灸五。

〔摘〕腎虛腰痛久不已。肩井腎輸_{灸五分七呼}。腰痛刺之不定者。

刺入膠見前針灸上條。大虛腰痛。刺而復發。腰重不能舉體。可刺委中動脈

出血。

〔潔〕腰痛在身之前足陽明原穴。身之後足太陽原穴。身之側

足少陽原穴。

〔甲〕腰痛脊急。脇中滿。小腹堅急。志室主之。腰脊痛。惡寒。少腹滿

堅。癃閉下重。不得小便。胞盲主之。腰痛。氍寒。俛仰急難。陰痛下重。

不得小便。秩邊主之。腰脊痛。強引背少腹。俛仰難。不得仰息。脚痿

重。尻不舉。溺赤。腰以下至足清不仁。不可以坐起。膀胱輸主之。腰

痛。不可以俛仰。中膺內輸主之。腰脊痛。尻脊股臂陰寒。大痛。虛則

血動。實則並熱。痛痔痛。尻腫。中腫。大便直出。扶承主之。腰痛。頸項

痛。歷節汗出。而步履蹇。復不仁。膈中痛。飛陽主之。大腸實則腰背

痺寒。轉筋。頭眩痛。虛則鼻衄。竊疾。腰痛。澌然汗出。令人飲食欲走。承

筋主之。腰痛不可舉足。跟中踝後痛。脚痿。僕參主之。腰痛不能

舉足。少坐。若下車躓地。脛中矯矯然。申脈主之。腰痛如小錘居其

中。怫然腫痛。不可以效。效則筋縮急。諸節痛。上下無常。寒熱。陽輔主

之。腰痛控辜少腹及股。卒俛不得仰。刺氣街。腸膜肘寒。腰痛不得臥。手三里主之。腰痛大便難。湧泉主之。腰痛不可轉側。章門主之。腰痛少腹痛。陰包主之。腰痛不可以久立。俛仰。京門及行間主之。腰痛少腹滿。小便不利。如癰羸瘦。意恐懼。氣不足。腸中悒悒。太衝主之。腰足痛而清泄。善嘔。畢跳。上竅主之。腰痛快。不可以俛仰。腰以下至足不仁。入脊腰背寒。次竅主之。腰痛大便難。食泄。腰尻中寒。中竅主之。腰痛小腹脹。下竅主之。腎腰痛不可俛仰。陰陵泉主之。

〔摘〕閃着腰疼。氣海

肥人一寸瘦人五分三禮三瀉令人覺臍上下痛停針候二十五息左手重按其穴右手推針三息又停二十五息依前進針令人覺從

外腎熱氣上入小腹出針神效

腰痛上寒實則脊急長強主之。

臟要精微論

〔素〕腎脈搏堅而長。其色黃而赤者。當病折腰。臟要精微論帝曰。有病脈者。診右脈沉而緊。左脈浮而遲。不然。病主安在。岐伯曰。冬診之。右脈固當沉緊。此應四時。左脈浮而遲。此逆四時。在左當主病在腎。頗關在肺。當腰痛也。病能篇不熱二字衍文按之至骨。脈氣少者。腰脊痛而身有痺也。臟要精微論黑色粗理。及耳後陷。耳偏一邊高者。善病腰痛。經云。黑色粗理者。腎大。腎大則善病腰痛。不可以俛仰。又云。耳偏高者。腎偏傾。腎偏傾。則苦腰尻痛是也。

腎憊及盛怒傷志。則腰失強。不能轉搖而死。經云。腎者腰之府。轉搖

不能。腎將憊矣。得強者生。失強者死。又云。腎盛怒而不止。則傷志。志傷則善忘。其前言。腰脊不可以俛仰屈伸。毛悴色夭。死於季夏是也。

胎前腰痛

〔雲〕通氣散。治妊娠腰痛。狀不可忍。此藥神效。用破故紙不以多少。瓦上炒香熟為末。嚼胡桃肉一個。空心溫酒下三錢。

五加皮散。治妊娠腰痛不可忍。或胯痛。先服此散

杜仲四兩

五加皮

阿膠灸

防風

狗脊

川芎

白芍

細辛

葶藶各三兩

杏仁八十箇去

右咬咀。以水九升。煮取二升。去渣下膠。作三服。

五加皮丸。治妊娠腰痛不可忍者。次服此丸

續斷炒

杜仲各二兩半

芎藭

獨活各三兩

五加皮

狗脊

葶藶

芍藥

訶子肉各四兩

右為細末。煉蜜丸。如桐子大。空心酒下四十九丸。日三。

〔丹〕仁六嫂有胎腰痛。

白朮四錢

陳皮三錢

黃柏炒二錢半

人參

足陰不

足陽不

條芩

川芎

地黃

歸尾二分

甘草炙些

右分四帖。水酒煎服。

〔大〕紫酒。治妊娠腰痛如折。用大黑荳二合。炒令香熟。以酒一大盞。煮取七分。去荳。空心頓服。

〔本〕治胎動腰痛搶心。或下血。取葱白不拘多少。濃煮汁飲之。

〔大〕治妊娠腰痛背痛。反覆不得。產寶治妊娠卒腰痛。俱用鹿角長六寸。燒令赤。酒中焯。再燒再焯。以角碎為度。取酒飲之。鹿角為末。服方寸匕。

〔肘〕卒腰痛不安。或腰痛胎轉搶心。下血不止。用葛蒲汁酒一升服之。妊娠卒胎動不安。或但腰痛。或胎轉搶心。或下血不止。艾葉一把。如鷄子大。以酒四升。煮取二升。分為二服。良。

產後腰痛

〔保〕治血癖腹乃刺刺腰痛。用四物湯細末三兩。加酒煮玄胡索細末一二兩。每服三錢。酒下。

〔雲〕紫金丸。治產後惡寒不快。腰痛。小腹如刺。寒熱腹痛。久有瘀血。月水不調。亦可治心痛。與失笑散同。

五靈脂炒為末 眞蒲黃各等分

右以好米醋調五靈脂末。慢火熬成膏子。次以蒲黃末搜和丸。如櫻桃大。每服一二丸。水與童便各半。盞煎至七分。至藥化溫服之。少頃再進一服。惡露卽下。及有瘀血成塊。月信不利者。並用酒磨下。

生地黃湯。治產後腰疼。腹中餘血未盡。流爲足腫。不食。

生地汁升

芍藥

甘草各二兩

丹參四兩

生蜜合一

生薑汁合半

右切。以水三升。煮取一升。去渣。入地黃汁。蜜薑汁。微火煎一二沸。一服三合。日二夜三。利一二行愈。

〔大〕產後惡露方行。忽然漸少。斷絕不來。腰中重痛者。此由血滯。宜桃仁湯。如有大痛處。必作癰疽。當以癰疽法治之。

桃仁湯方

桃仁

蘇木

生地各半兩

蟬蟲去足翅妙

水蛭

右爲粗末。每服三錢。水一盞。煎至六分。去渣。溫服。無時。候惡露下。卽住服。

脊痛脊強

灸刺脊痛脊強有三法。

其一取督脈。經云。督脈之別。名曰長強。別走太陽。實則脊強。取之所別也。

其二取足太陽。經曰。厥挾脊而痛者。至項頭沉沉然。目眊眊然。腰脊強。取足太陽。膈中血絡是也。

其三取小腸。經云。小腹控舉引腰脊上衝心。邪在小腸。取之。盲原以散之。刺太陰。厥陰以下之。取巨虛下廉以去之是也。

〔玉〕脊脊並腰疼。人中。口含水突處。針入三分略。向上些。但瀉無補。留三吸。委中。一寸半。忌灸。又於四時。紫脈上去。血如藤塊者。不可出血。出血。血不止。令人夭。三里。瀉。五樞。

〔甲〕腰脊強。不得俛仰。刺脊中。舉脊內廉。痛。便難。陰痿不用。少腹急引陰及脚。內廉內陰谷主之。男子脊急目赤。支溝主之。腰脊強。四肢解惰。善怒咳。少氣。鬱然不得息。厥逆。肩不可舉。陽乃痿。身閼。章門主之。

耳高者腎高。腎高則苦背脊痛。不可以俛仰。全文見診腎脈緩甚為折脊。全文見治。虛實法。

寒熱二厥。寒厥手足冷。熱厥手足熱。產後寒厥。脚

氣頑麻。腫痛為痺厥。足痿不收為痿厥。脚氣衝心為厥

逆。產脚氣。

王太僕云。厥者。氣逆上也。世謬傳為脚氣。讀此始知其病上古稱之。

為脚氣也。經曰寒厥者手足寒也。曰熱厥者手足熱也。曰痿厥者痿病與厥雜合。而足弱痿軟無力也。曰痺厥者痺病與厥病雜合。而脚氣頑麻腫痛也。曰厥逆者。即前寒厥熱厥痿厥痺厥風厥等氣逆上。而或嘔吐。或迷悶。或脹。或氣急。或小腹不仁。或暴不知人。世所謂脚氣衝心者是也。

寒熱二厥

大法

〔丹〕治厥因痰者。用白朮竹瀝。因氣虛血虛者。用四物四君子。熱厥用承氣湯。外感用雙解散加薑竹瀝。

寒熱二厥皆從腎虛

〔素〕黃帝曰。厥之寒熱者何也。岐伯對曰。陽氣衰於下。則為寒厥。陰氣衰於下。則為熱厥。帝曰。熱厥之為熱也。必起於足下者何也。岐伯曰。陽氣起於足五指之表。陰脈者集於足下而聚於足心。故陽氣勝則足下熱也。帝曰。寒厥之為寒也。必從五指而上於膝者何也。岐伯曰。陰氣起於五指之裏。集於膝下而聚於膝上。故陰氣勝則從五指至膝上寒。其寒也不從外。皆從內也。

陽虛寒厥

帝曰。寒厥何失而然也。岐伯曰。前陰者宗筋之所聚。甲乙經前陰作厥陰宗筋作乘筋太

陰陽明之所合也。春夏則陽氣多而陰氣少。秋冬則陰氣盛而陽氣衰。此人者質壯。以秋冬奪於所用。下氣上爭。不能復。精氣益下。邪氣因從之而上也。氣因於中。陽氣衰不能滲榮其經絡。陽氣日損。陰氣

獨在。故手足為之寒也。

帝曰。熱厥何如而然也。岐伯曰。酒入於胃。則絡脈滿而經脈虛。脾主為胃行其津液者也。陰氣虛則陽氣入。陽氣入則胃不和。胃不和則

精氣竭。精氣竭則不榮其四肢也。此人必數醉。若飽以入房。氣聚於脾中不得散。精氣壯則能消磨飲食而輸散於四肢。今醉飽入房。則精氣耗不能消磨邪氣聚於脾中不得散於四肢也。酒氣與穀氣相搏。

熱盛於中。故熱遍於身。內熱而溺赤也。夫酒氣盛而慄悍。腎氣日衰。陽氣獨勝。故手足為之熱也。厥論寒熱二厥腎之精氣內竭而成也。

〔子和〕西華李政之病寒厥。其妻病熱厥。前後十餘年。其妻服逍遙散十餘劑。終無可效。一日命予診之。二人脈皆浮大而無力。政之曰。

吾手足之寒。時時漬以熱湯。漬而不能止。吾婦手足之熱。終日沃以冷水。沃而不能已者。何也。予曰。寒熱之厥也。此皆得之貪飲食。縱嗜慾。遂出內經厥論證之。政之喜曰。內經真聖書也。十年之疑。今而釋

然。縱不服藥。愈過半矣。僕曰。熱厥者。寒在上也。寒厥者。熱在上也。寒在上者。以溫劑補肺金。寒在上者。以涼劑清心火。分取二藥令服之。

不輒。不旬日。政之詣門謝曰。寒熱厥者皆愈矣。

〔靈〕厥逆為病也。足暴清。胸若將裂。腸若將以刀切之。煩而不能食。脈大小皆澹。緩取足少陰。清取足陽明。清則補之。溫則瀉之。類狂篇

寒厥手足冷

脈沉
實數

脈沉
細微
爲寒

寒厥脈沉數實爲熱。東垣治中書粘合公脚膝尻臂背冷。脈沉數有力。用黃柏滋腎丸再服而愈。又治中書左丞姚公茂上熱下寒。用既濟解毒湯良愈。丹溪治呂宗信腹有積塊。足冷至膝。用大承氣加減下之愈。此皆寒厥有熱也。

〔羅〕征南副元帥大忒木兒年六十。秋七月征南。予從之。過揚州千里。時仲冬。病自利。完穀不化。臍腹冷痛。足胫寒。以手搔之。不知痛痒。常燒石以溫之。亦不得煖。予診之。脈沉細而微。予思之。年高氣弱。深入敵境。軍務煩冗。朝夕形寒。飲食失節。多飲乳酪。履於卑濕。陽不外固。由是清濕襲虛。病起於下。故胫寒而逆。內經云。感於寒而受病。微則爲咳。盛則爲泄爲痛。此寒濕相合而爲病也。法當急退寒濕之邪。峻補其陽。非灸不能病已。先以大艾炷於氣海。灸百壯。補下焦陽虛。次灸三里各三七壯。治胫寒而逆。且接引陽氣下行。又灸三陰交。以散足受寒濕之邪。遂處方云。寒淫所勝。治以辛熱。濕淫於外。平以苦熱。以苦發之。以附子大辛熱助陽退陰。溫經散寒爲君。乾薑官桂大熱辛甘。亦除寒濕。白朮半夏苦辛溫而燥脾濕。故以爲臣。人參草薺蕤甘草大溫中益氣。生薑大辛溫能散清濕之邪。葱白辛溫能通上焦陽氣。故以爲佐。又云。補下治下制以急。急則氣味厚。故大作劑服之。不數服瀉止痛減。足胫漸漸溫。調其飲食。十日平復。明年秋。過襄

陽。值霖雨。閱旬餘。前症復作。再依前灸。添陽輔各灸二七壯。再以前藥投之。數服愈。加減白通湯。治形寒飲冷。大便自利。完穀不化。臍腹冷痛。足胻寒而逆。

附子

炮去皮

乾薑

炮各一兩

官桂

去皮

甘草

炙

草薢

剉裹煨

半夏

湯泡七次

人參

白朮

各半兩

右剉。每服五錢。水二盞半。生薑五片。葱白五莖。煎一盞三分。去渣。空心宿食消盡溫服。

寒厥皆屬腎虛。經云。腎藏志。志不足則厥。又云。腎虛則清厥。意不樂。又云。下虛則厥。又云。諸厥固泄。皆屬於下是也。

〔靈〕黃帝曰。少陰之脈獨下行。何也。岐伯曰。不然。夫衝脈者。五臟六腑之海也。五臟六腑皆稟焉。其上者。出於頰頰。滲諸陽。灌諸精。其下者。注少陰之大絡。出於氣衝。循陰股內廉。入臍中。伏行胛骨內。下至內踝之後屬而別。其下者。並於少陰之經。滲三陰其前者。伏行出跗屬。下循跗。入大指間。滲諸絡而溫肌肉。故別絡結則跗上不動。不動則厥。厥則寒矣。

逆順氣瘦筋。經云。經絡堅緊。火所治之。蓋灸以治之。或湯酒漬之也。

運氣寒厥有二。

一曰寒。經云。水平氣曰靜順。靜順之紀。其病厥。又云。歲水太過。寒氣流行。邪害心火。火爆悸陰厥。又云。歲金不及。炎火乃行。復則病陰厥。

且格是也。

雜方

二曰寒濕。經云。太陰司天之政。天氣下降。地氣上騰。民病寒熱是也。
〔子〕治丈夫脚腰冷不隨不能行方。上醇酒三斗。水三斗。合着甕中。
溫漬至膝。三日止。冷則甕下常着灰火。勿令冷。

運氣

〔靈〕厥而寒甚。骨廉陷下。寒過於膝。下陵三里陰絡所過。得之留止。
寒入於中。推而行之。經陷下者。火則當之。結絡堅下。火所治之。不知
所苦。兩躄之下。男陰女陽。良工所禁。針論畢矣。官能蓋兩躄之下
照海申脈二穴 寒厥

取足陽明少陰於足。皆留之。寒厥
病篇

右灸刺寒厥二法補虛也。經云。足少陽之別。名曰光明。去踝五寸。

別走厥陰。下絡足跗。實則厥取之所別。此法瀉實也。又經云。亂於
臂腫。則為四厥。取之先去血脈。後取其陽明少陽之榮輸。此法治

亂氣不補不瀉。但徐出入導氣也。

〔垣〕經云。厥在於足。宗氣不下。脈中之血凝而留止。非火調弗能取
之。

〔潔〕身熱如火。足冷如水。可灸陽輔穴。又云。胫痠冷絕骨取之。

〔甲〕厥甚取太陰陽明動者之經。足厥喘逆。足下清至膝。湧泉主

之。寒厥及熱煩。心少氣不足以息。陰濕痺痛。不可以食飲。肘彎支

滿。喉中焦乾渴。魚際主之。膝以下至足清不仁。不可以坐起。尻不

舉腰膕主之。

熱厥手足熱

陰虛

〔丹〕司丞叔平生脚自踝以下常覺熱。冬不可加綿於上。常自言曰。我資稟壯不怕冷。予曰。此足三陰虛。宜斷慾事以補養陰血。庶乎可免。笑而不答。年方十七。患痿半年而死。

〔千〕手足煩者。小便三升。盆中溫漬手足。

〔素〕熱厥取足太陰少陽。皆留之。寒熱病篇

產後寒厥

〔摘〕產後手足冷逆。肩井立愈。

脚氣頑麻腫痛爲痺厥

寒熱

〔垣〕脚氣之疾。實水濕之所爲也。蓋濕之害人。皮肉筋脈而屬於下。然亦有二焉。一則自外而感。一則自內而致。其治法自應不同。故詳而論之。其爲病也。有證無名。脚氣之稱。自晉蘇敬始。關中河朔無有也。惟南方地下水寒。其清濕之氣中於人。必自足始。故經曰。清濕襲虛。則病起於下。或者難曰。今茲北方。其地則風土高寒。其人則腠理緻密。而復多此疾者。豈是地濕之氣感之而爲邪。答曰。南方之疾。自外而感者也。北方之疾。自內而致者也。何以言之。北方之人。常食釐乳。又飲酒無節。過傷而不厭。且釐乳之爲物。其氣味則釐乳。其形質

則水也。酒醴亦然。人之水穀入胃。胃氣蒸騰。其氣與味宣之於經絡。化之爲血氣。外榮四末。內注五臟六腑。周而復始。以應刻數焉。是謂天地之紀。此皆元氣充足。脾胃之氣無所傷而然也。苟元氣不充。則胃氣之本自弱。飲食既倍。則脾胃之氣有傷。既不能蒸化所食之物。其氣與味亦不能宣暢旁通。其水濕之性流下而致之。其自外而入者。止於下脛腫而痛。自內而致者。乃或至於手節也。經云。足脛腫曰水。太陰所至爲重跗腫。此但言其自外者也。所治之法。前人方論備矣。自內而致者。治法則未有也。楊大受云。腳氣是爲壅疾。治以宣通之劑。使氣不能成壅也。壅既成而盛者。疔惡血而去其重勢。經曰。畜則腫熱。受射之後。以藥治之。按東垣論南方腳氣。外感清濕。作寒治。北方腳氣。內傷酒醴。作濕熱治。此實發前人之未發者。以人論之。不必以南北分寒熱。凡外感寒濕者。皆屬寒濕。不必南方爲然。凡內傷酒醴者。皆屬濕熱。不必北方爲然。但隨脈症及詢其病之由來而施治可也。

外感
寒濕

〔素〕臥出而風吹之。血凝於膚者爲痺。凝於脈者爲泣。凝於足者爲厥。此三者。血行而不得反其空。故爲痺厥也。五藏生

冬苦病痺厥。全文見五厥

〔垣〕孫真人云。凡四時之中。皆不得久坐久立濕冷之地。亦不得因

酒醉汗出脫衣洗足當風取涼皆成脚氣。若暑月久立濕冷之地者則濕熱之氣蒸人經絡病發必熱則四肢皆痠疼煩悶。若寒月久坐久立濕冷之地者則濕冷之氣上入經絡病發則四肢皆酸痛轉筋。世有勤工力學之士久坐久立於濕地不得動靜冷風來入經絡不覺成病也。若欲使之不成病者初覺則灸患處二三十壯則愈不復發。熱黃帝云當風取涼醉以入房能成此病。又云婦人產後取涼多有此疾深宜慎之。內經論南方者其地下水土弱霧露之所蒸也。江東嶺南大率如此。春夏之交山林蒸鬱風濕毒氣爲甚。足或感之遂成瘴毒脚氣。其候則脚先屈弱漸至痺疼脛微腫小腹不仁頭痛煩心痰壅吐逆時作寒熱便溲不通甚者攻心而勢逼治之誠不可緩。支法存所以留意經方偏善此術者豈非江右嶺表此疾得之多歟。

〔干〕外臺總錄所錄皆謂南方卑濕霧露所聚之地其民腠理疎陽氣不能外固因而履之則清濕襲虛病起於下。此因血虛氣弱受清濕之邪氣與血併行於膚腠邪氣盛正氣少故血氣滯滯則痺虛則弱故令痺弱也。後人名曰脚氣針經云有道以來有道以去治之多以灸熯爲佳以導引濕氣外出及飲醪醴以通經散邪所制之方寒藥少熱藥多多用麻黃川烏薑附之屬內經云濕淫於外以苦發之麻黃苦溫發之者也。川烏辛熱走而不能守通行經絡薑附辛甘大

脈分
三品

脈浮大而緩者宜續命越婢
脈浮大而緊者宜續命越婢
脈浮大而緩者宜續命越婢
脈浮大而緊者宜續命越婢

熱助陽退陰亦能散清濕之邪。又尋足之三陰三陽。是何經絡所起。以引用藥為主治。復審六氣中何氣當之。治以佐使之藥。孫真人云。醫者意也。隨時增損。初無定方。真知言哉。

〔干〕風毒之氣。入人體中。脈有三品。內外證候相似。但脈有異耳。

若脈大而緩。宜服續命湯二劑立瘥。若風盛宜作越婢湯加白朮二兩。若脈浮大而緊轉駛。宜作竹瀝湯。又云。脈浮大而緊駛。此最惡脈也。若細而駛者。同是惡脈。浮大者病在外。沉細者病在內。治亦不同。

病人脈微而弱。宜服風引湯。此人脈多是因虛而得之。若大虛短氣力乏。可間作補湯。隨病冷熱而用之。若未愈。更服竹瀝湯即止。

〔活〕治脚氣屬冷者。小續命湯煎成。旋入生薑自然汁服之。最快。命續

方見前中風門

〔仲〕越婢加白朮湯。見受據厥門

〔干〕第一竹瀝湯。治雨脚痺弱或轉筋。皮肉不仁。腹脹起如腫。按之不陷。心中惡。不欲食。或患冷方。

竹瀝五升 甘草 藜朮 葛根
黃芩 麻黃 防風 細辛
桂心 乾薑各一兩 防己 升麻各一兩半
茯苓三兩 附子二枚 杏仁五十枚

右咬咀。以水七升。合竹瀝煮取三升。分三服。取汗。千金翼方無茯苓杏仁。有白朮一兩。

第二大竹瀝湯。治卒中風。口噤不能言。四肢縱緩。偏痺。急。風經五臟。恍惚。恚怒無常。手足不隨方。

竹瀝一升

獨活

芍藥

防風

茵芋

甘草

白朮

葛根

細辛

黃芩

芎藭各二兩

桂心

防己

人參

石膏

麻黃

生薑

茯苓各一兩

烏頭一枚

右咬咀。竹瀝每服四升。分六服。先未汗者取汗。一服相當即止。

第三竹瀝湯。治風毒入人五臟。短氣。心下甚熱。手足煩疼。四肢不舉。皮肉不仁。口噤不語方。

竹瀝二升

防風

茯苓

秦艽各三兩

當歸

黃芩千金翼作白芍

人參

芎藭千金作防己

細辛

桂心

甘草

升麻千金作通草

麻黃

白朮各二兩

附子二枚

蜀椒一兩

葛根五兩

生薑八兩

右咬咀。以竹瀝煮取四升。分五服。初得病即須摩風膏。日再。痺定。

止。千金翼無麻黃蜀椒生姜

服微而弱引風

服前藥苦脹滿下者宜

風引湯

麻黃

石膏

獨活

茯苓各二兩

吳茱萸

附子

秦艽

細辛

桂心

人參

防風

芎藭

防己

甘草

乾薑已上各一兩

白朮三兩

杏仁六十枚

右咬咀以水一斗六升。煮取三升。分三服。取汗為度。

右六方表劑

竹瀝湯若不及熱服。輒停在胸膈。更為人患。每服當使極熱。若服竹瀝湯得下者。必佳也。若加服數劑。病及脈勢未折而苦脹滿者。可以大驚甲湯下之。湯勢盡而不得下。可以丸散助湯令下。下後更服竹瀝湯。令脈勢折。將息料理乃佳。
大驚甲湯。治脚弱風毒。攣痺。氣上。及傷寒惡風濕毒。山水瘴氣。熱毒。四肢痺弱方。

驚甲二兩

防風

麻黃

白朮

石膏

知母

升麻

茯苓

橘皮

芎藭

杏仁去皮

人參

半夏

當歸

芍藥

萎蕤

甘草

麥門冬各一兩

鈴羊角六銖

大黃一兩半

犀角

雄黃

青木香各半兩

大棗二十枚

貝齒

烏頭七枚

生薑一兩

薤白十四枚

麝香二銖

赤小豆三合

吳茱萸五合

右咬咀。以水二斗。煮取四升。分六服。去渣。食前溫服。如人行十里久。得下則止。一方用大黃半兩煨。畏下可止。用六銖。一方用鈴羊角五錢。毒盛可用六銖。胡洽有山茱萸半升千金翼無知母升麻楮皮芍藥人參當歸萎蕤

右治寒濕屬裏

〔仲〕烏頭湯。治脚氣疼痛。不可屈伸。方見歷節注。痿痛。

〔千〕麻黃湯。治風惡毒氣。脚弱無力。頑痺四肢不仁。失音不能言。毒氣衝心。有人病者。但一病相當。即服此第一服。次第二服。第三第四方。

麻黃

大棗二十枚

茯苓三兩

杏仁三十枚

防風

白朮

當歸

升麻

芍藥

芍藥

黃芩

桂心

麥門冬

甘草各二兩

右咬咀。以水九升。清酒二升。合煮取二升半。分四服。日三夜一。覆

令小汗粉之。莫令見風。

第二服獨活湯方

獨活四兩

熟地三兩

生薑五兩

葛根

桂心

甘草

芍藥

麻黃各二兩

右咬咀。以水八升。清酒二升。合煎取二升半。分四服。日三夜一。脚

弱時忌瓠子藪菜。犯之一世治不愈。

第三兼補厚朴湯。並治諸氣咳嗽逆氣嘔吐方。

厚朴

芎藭

桂心

熟地

芍藥

當歸

人參各二兩

黃芪

甘草各三兩

吳茱萸二升

半夏七兩

生薑一斤

右咬咀。以水二斗。煮猪蹄一具。取汁一斗二升。去上肥。內入清酒

三升。合煮。取三升。分四服。相去如人行二十里久。更進服。

第四服風引獨活湯兼補方。

獨活四兩

茯苓

甘草各三兩

升麻一斤半

人參

桂心

防風

芍藥

當歸

黃芪

乾薑

附子各二兩

大荳二升

右咬咀。以水九升。清酒三升。合煮三升半。分四服。相去如人行二

十里久更進服

〔本〕益氣血補肝腎祛風濕壯脚膝地黃丸

熟地兩一 牛膝 石斛各三兩 肉蓯蓉

茵芋 防風 川芎 桂心

五味子 附子 薏苡仁各半兩

右爲末煉蜜丸如桐子大每服三四十丸酒吞下空心食前服
治腰脚走注痛此是脚氣宜薏苡丸

薏苡仁 茵芋 白芍藥 牛膝

川芎 防風 獨活各半兩 熟地

側子一枚 桂心 橘紅

右細末煉蜜丸如桐子大每服三四十丸酒下食前日三服木瓜湯下亦得

三因勝駿丸治元氣不足真氣虛弱及諸虛寒濕氣進襲手足拳攣
脚指連脚面拘急走注疼痛筋脈不伸行步不隨常服益真氣壯筋
骨黑鬚鬚滑皮膚及去一切足弱鶴膝風

附子一枚炮去皮臍 當歸酒浸一宿 天麻酒浸 牛膝酒浸

酸棗仁炒 熟地酒浸 防風各二兩 木瓜四兩

乳香半兩別研 全蠍去毒一兩 麝香二錢別研 木香

沒藥另研

羌活

甘草炭各半兩

右件為細末。用生地黃三斤。洗淨研爛如泥。無灰酒四升。煮爛如膏。以前藥勻和杵令堅。每兩作十丸。每服用一丸。細嚼臨睡酒下。如冬月無地黃。煉蜜丸。如桐子大。每服五十丸。鹽湯下。酒亦可。服此藥五七日。或半月。見效甚速。行履如飛。千里可至。故名勝駿。方一加拆御草韓從登破故紙巴戟木瓜各一兩減當歸地黃各一兩尤妙

〔雲〕蒼朮丸。治乾濕脚氣。筋脈拘攣。疼痛不能行。

乳香

沒藥各二兩另研

牛膝

青鹽各半兩

熟艾錢四

川烏錢三

全蠍炒二錢

蒼朮米泔浸炒四兩

右為細末。共研藥和勻。以木瓜一個。大者切一頭。留作蓋。去穢。入上件藥於內。將蓋拴定。安木瓜於黑荳中。蒸令極爛。取出。去皮連藥研成膏。卻入生蒼朮末拌勻。丸如桐子大。每服五十丸。空心木瓜湯下。以溫鹽酒亦可。日三服。忌血與蒜。

〔本〕治腰脚筋骨痠無力。酒浸牛膝丸。

牛膝三兩灸黃

川椒半兩去子并合口者

附子一箇炮去皮臍

虎脛骨真者半兩醋灸黃

右咬咀。用生絹作袋。入藥紮口用。煮酒一斗。春秋浸十日。夏浸七日。冬浸十四日。每日空心飲一大盞。酒盡出藥為末。醋糊為丸。每服二十丸。空心溫酒鹽湯任下。忌動風等物。

〔丹〕脚氣須用提起其濕之在下者。藥隨氣血用。
治腫痛方

生地

黃柏酒炒

蒼朮鹽炒

白朮

防風

枳榔

川芎

犀角

甘草梢

木通

黃連

熱加芩連。

痰加竹瀝薑汁。

及時令熱加石膏。

大便秘加桃

仁。小便澀加牛膝。

有食積流注者。

蒼朮

黃柏

防己

南星

川芎

白芷

犀角

枳榔

血虛加牛膝龜板。

有如常腫者。專主濕熱。肥人加痰藥。

一婦人足腫。

生地

黃柏

蒼朮

南星

牛膝酒洗

草龍膽

川芎

脚弱筋痛。

牛膝二兩

白芍一兩

龜板酒炙

黃柏炒一兩

知母炒一兩

甘草炙半兩

右爲末。酒糊爲丸。

〔垣〕異法方宜論云。北方者其地高陵居。風寒冰冽。其俗飲潼酪而肉食。凡飲潼酪。以飲多飲速者為能。經云。因而大飲則氣逆。又云。食入於陰。長氣於陽。今乃反行陽道。是為逆也。夫乳酪醇酒者。濕熱之物。飲之屬也。加以奉養太過。亦滋其濕。水性潤下。氣不能响。故下注於足脛。積久而作腫痛。此飲食下流之所致也。通評虛實論云。穀入多而氣少。濕居下也。沉潼酪醇酒之濕熱。甚於穀者也。至真要大論云。太陰之勝。火氣內鬱。流散於外。足脛附腫。飲發於中。附腫於下。此之謂也。故飲入於胃。游溢精氣。上輸於脾。脾氣散精。上歸於肺。通調水道。下輸膀胱。水精四布。五經並行。合於四時。五臟陰陽揆度。以為常也。若飲食自倍。脾胃乃傷。則胃氣不能施化。脾氣不能四布。故下流乘其肝腎之位。注於足脛。加之房事不節。陰盛陽虛。遂成痼疾。孫真人云。古人少有此疾。自永嘉南渡。衣纓士人多有之。亦此意也。當歸拈痛湯。治濕熱為病。肢節煩疼。肩背沉重。胸膈不利。兼遍身疼痛。流注手足。足脛腫痛不可忍。

完活

人參

蒼朮

猪苓三錢

甘草炙

苦參洗酒

歸身各二錢

白朮半錢

黃芩炒酒

升麻

知母酒洗三錢

防風三錢

茵陳各半兩酒炒

葛根

澤瀉三錢

水煎不拘時候。

本草十劑云。宣可去壅。通可去滯。內經云。濕淫所勝。治以苦溫。羌活苦辛。透關節。勝濕。防風。甘草溫散。經絡中留濕。故以爲君。水性潤下。升麻葛根苦辛平。味之薄者。陰中之陽。引而上行。以苦發之也。白朮苦甘溫和平。除濕。蒼朮體輕浮。氣力雄壯。能除膚膜間濕。故以爲臣。夫血壅而不流。則爲痛。當歸身辛溫以散之。使血氣各有所歸。人參甘草甘溫。補脾養正氣。使苦藥不能傷脾胃。仲景云。濕熱相合。肢節煩疼。苦參黃芩。知母茵陳。苦寒。乃苦以泄之者也。凡酒製炒。以爲因用。治濕。不利小便。非其治也。猪苓甘溫平。澤瀉鹹平。淡以滲之。又能導其留飲。故以爲佐。氣味相合。上下分流其濕。使壅滯之氣得宣通也。

右咬咀。每服一兩。水二盞半。浸藥少時。煎至一大盞。去渣溫服。空心。待少時。以美膳壓之。臨臥一服。不須飯壓。

〔羅〕中書粘合。公年四旬。有一體幹魁梧。丙辰春。從征至揚州。腳氣忽作。遍身肢體微腫。其痛手不能近。足脛尤甚。履不任穿。跣以騎馬。控兩蹬。而以竹器盛之。以困急來告。予思內經有云。飲發於中。附腫於上。又云。諸痛爲實。血實者宜決之。以三稜針數刺其腫上。血突出。高二尺餘。漸漸如線。流於地。約半升許。其色黑紫。頃時腫消痛減。以

便溺
阻隔
心下
痞滿
下之
宜微

當歸拈痛湯一兩半服之。是夜得睡。明日再服而愈。

〔肘〕風毒脚氣。若脛已滿。捻之沒指。但勤飲烏特牛瀨二三升。使小便利。漸漸消。當以銅器取新者為佳。純黃者亦可用。

〔垣〕楊大受云。脚氣之疾。自古皆尚疎下。為疾壅故也。然不可太過。太過則損傷脾胃。使營運之氣。不能上行。反下注為脚氣。又不可不及。不及則使壅氣不能消散。今立三方於後。詳虛實而用之。

完活導滯湯。治脚氣初發。一身盡痛。或肢節腫痛。便溺阻隔。先以此藥導之。後用當歸拈痛湯除之。

完活

獨活各半兩

防己三錢

大黃酒煨一兩

當歸三錢

枳實劉妙二錢

右咬咀。每服五錢或七錢。水二盞。煎至七分。溫服。微利則已。量虛實加減。

開結導飲丸。飲食不消。心下痞悶。

陳皮

白朮

澤瀉

茯苓

麴

麥蘖

半夏製各一兩

枳實妙

青皮

乾薑各半兩

如有積塊者。加巴苳霜一錢半。

右為末。湯浸蒸餅為丸。如桐子大。每服三五十丸。至七十丸。溫湯

下。食遠服。

又方。治濕熱並諸濕客搏。腰膝重痛。足脛浮腫。

板榔

甘遂

赤芍

威靈仙

澤瀉

葶藶

乳香研各二兩

沒藥研一兩

牽牛半兩

大戟炒三兩

陳皮四兩

右為末。麵糊為丸。如桐子大。每服五十九丸。加至七八十九丸。食前溫水送下。得更衣。止後服。前藥忌酒二日。又忌麵及甘草三兩。日食

溫淡粥補胃。

乙巳春。廉平章年三十八。身體充肥。脚氣始發。頭面渾身肢節微腫。皆赤色。足脛赤腫。痛不可忍。不敢扶策。手着皮膚。其痛轉甚。起而復臥。臥而復起。晝夜苦楚。難以名狀。求予治之。平章以北。土高寒。故多飲酒。積久傷脾。不能運化。飲食下流之所致。投以當歸拈痛湯一兩二錢。其痛減半。再服腫痛悉除。止有右手指末微赤腫。以三稜針刺於爪甲端。多出黑血。赤腫全去。不數日因食濕麵。肢體覺痛。再以枳實大黃湯治之。

羌活一錢

當歸一錢

枳實五分

大黃酒製三錢

夫脚氣之疾。皆水濕之為也。麵滋其濕。血壅而不行。故肢節煩疼。內經曰。風能勝濕。羌活辛溫。透關節。去濕。故以為主。血留而不能行。則

痛。當歸之辛溫。散壅止痛。枳實之苦寒。治痞消食。故以為臣。大黃苦寒。以導麪之濕熱。併治諸老血留結。取其峻駛。故以為使也。

右咬咀。只作一服。水一盞半。煎至一盞。去渣。溫服。空心食前。利下兩行。痛止。

〔世〕脚氣控涎丹。加臘脂一錢。栝榔木瓜各一兩。卷柏半兩。先以鹽水煮半日。次日白水煮半日。同前藥為丸。每三十九丸加至四五十丸。服下惡物。立效。控涎丹方見走注逐痛

〔衍〕有人嗜酒。日須五七十盃。後患脚氣甚危。或教以巴戟半兩。糯米同炒。米微轉色。不用米。大黃一兩剉炒。同為末。熟蜜為丸。溫水下五七十丸。仍禁酒。遂愈。

〔本〕治風氣積滯成脚氣。常覺微腫。發則或痛。茵芋丸。

茵芋炒

薏苡仁各半兩

郁李仁兩

牽牛子三兩生取末一兩半

右細末。煉蜜丸。如桐子大。每服二十九丸。薑棗湯下。未利加至三十丸。日三。快利為度。白粥補之。

治腎藏風攻注脚膝方。

連珠甘遂兩

木鱉子一雞一雄去殼

右為末。攢猪腰子二個。批開。用藥末一錢。摻勻。濕紙裹數重。火煨熟。放溫。五更初細嚼。米飲下。積水多則利多。少則利少。宜軟飯。

腎藏風症

將息。若患一脚。須看左右。如左脚用左邊腰子。右脚用右邊腰子。藥末止許一錢。壬子年在毘陵。有姓馬人鬻酒。久不見。因問其子。云宿患腎臟風。今一足發腫如瓠。自腰以下巨細通爲一律。痛不可忍。欲轉側。兩人挾持方可動。或者欲以鉞刀決之。予曰不可。吾有藥當合以贈。如上法服之。辰巳間下膿水數升。即時痛止腫退。一月後尙拄拐而行。予再以赤烏散令塗貼其膝方愈。後十年至毘陵。率其子列拜以謝。云向脚疾至今不復作。雖積年腎臟風併已失去。今健步自若矣。

〔草〕有人重病。足不履地者十年。良醫殫技莫能治。所親置之道傍以求救者。遇一遊僧見之。告曰。此疾一藥可治。但不知此土有否。因爲之入山求索。果得。乃威靈仙也。使服之數日。能步履。其後山人鄧思濟知之。遂著其法。云採得陰乾。月餘搗篩。溫清酒和二錢匕。空心服之。如人本性殺藥。可加及六錢匕。利過兩行則減之。病除乃停服。其性甚善。不觸諸藥。但惡茶及麪湯。以甘草梔子代飲可也。

〔集〕治腎臟風壅積。腰膝沉重。威靈仙末蜜和丸。如桐子大。初服酒下八十丸。平明微利惡物如青膿桃膠。卽是風毒積滯也。如未動。夜再服一百丸。取下後喫粥補之。一月後當服溫補藥。

〔子和〕息帥腰股沉痛。行步坐馬皆不便。或作脚氣寒濕治之。或作

虛損治之。烏附乳沒。活血壯筋骨之藥。無不用之。至六十餘日。目赤上熱。大小便俱瀉。腰股之病如故。戴人診其兩手脈皆沉遲。沉者在裏也。宜泄之。以舟車丸瀘川散各一服。去積水二十餘行。至早晨服薤白粥一二頓與之。上馬已能矍鑠矣。棠溪李十八郎病腰脚大不伸。偃僂跛躄而行。已數年矣。服藥無功。止藥卻愈。因秋暮涉水。病復作。醫氏使服四斤丸。其父李仲安乃乞藥於戴人。戴人曰。近日服何藥。仲安曰。四斤丸。曰。目昏赤未。其父驚曰。目正暴發。戴人曰。宜速來。不來則喪明矣。始來策杖而行。目腫無所見。戴人先令漏之。藥下忽走二十行。兩目頓明。策已棄去。比再漏泄。能讀官曆日。調一月。令服當歸丸。健步而歸矣。

〔仲〕味酸則傷筋。筋傷則緩。名曰泄。鹹則傷骨。骨傷則痿。名曰枯。枯泄相搏。名曰斷泄。榮氣不通。衛不得獨行。榮衛俱微。三焦無所稟。四續斷絕。身體羸瘦。獨足腫大。黃汗出。脛冷。假令發便為歷節。桂枝加黃芪湯之類治之。

〔丹〕恂爛脚底如錐刺痛。或附腫。手腕亦痛而腫。大便泄滑。裏急。此血少。又下焦血分受濕氣為病。健步丸主之。手腕恐是足腕

- 生地一兩半
- 蒼朮
- 芍藥
- 陳皮各一兩
- 大腹子三錢
- 牛膝半兩
- 歸尾
- 茱萸

黃芩各一兩 桂枝三錢

右爲丸。每服百丸。白朮通草煎湯。食前下之。

三因十全丹。治脚氣上攻。心腎相擊。足心隱痛。小腹不仁。煩渴。小便秘。或利關節。攣皮疼痛。神效不可具述。

肉蓯蓉酒浸

石斛酒浸

狗脊去毛

萆薢

茯苓

牛膝酒浸

地仙子

遠志去心炒各一兩

熟地三兩

杜仲去皮炒三兩

右爲末。蜜丸。如桐子大。每服五十九。溫酒鹽湯任下。

〔本〕治肝腎風虛氣弱。脚不可踐地。腰脊疼痛。風毒流注下經。行止艱難。小便餘瀝。此藥補五臟內傷。調中益氣。涼血強筋骨。益智輕身。耐老續斷丸。

思仙木五兩即杜仲

五加皮

防風

薏苡仁

羌活

川續斷各三兩

萆薢四兩

生地五兩

牛膝酒浸三兩

右爲末。好酒三升。化青鹽三兩。用木瓜半斤。去皮子。以鹽酒煮木

瓜成膏。和杵丸。如桐子大。每服三五十九。空心食前。溫酒鹽湯下。

〔本〕療丈夫腰脚痺。緩急行履不穩者。以萆薢二十四分。合杜仲八分。搗篩。每日溫酒和服三錢七。增至五錢。忌食牛肉。

〔活〕薏苡仁酒。治脚痺。

薏苡仁

牛膝各二兩

海桐皮

五加皮

獨活

防風

杜仲各一兩

熟地一兩半

白朮半兩

右剉爲粗末。散入生絹袋內。用好酒五升浸。春秋冬二七日。夏月

盛熱。分作數帖。逐帖浸酒。每日空心溫服一盞或半盞。日三四服。

常令酒氣醺醺不絕。久服覺皮膚下如數百條蟲行。卽風濕氣散。

〔本〕去風補血。益氣。壯筋骨。強脚力。虎骨酒。

虎脛骨真者

萆薢

仙靈脾

薏苡仁

牛膝

熟地各二兩

右細剉。絹袋盛。浸酒二斗。飲了一盞入一盞。可得百日。婦人去牛膝。

〔丹〕六七叔婆。血少氣多。大便後脚痛而麻。

當歸二錢半

芍藥

白朮二錢

陳皮

青皮一錢

地黃半錢

川芎五分

甘草少

桃仁十八箇

分二帖煎。

脚氣壅腫。便溺阻隔。心下痞滿。飲食不消。宜微利之。方見內傷濕熱條

脚氣多屬肺氣實。經云。肺病者汗出。尻陰股膝髀膕脂足皆痛。故戴

人治脚氣用漏法者。良由此也。又千金方多汗之者。亦瀉肺之法也。今集疎肺氣之方於左。

〔子和〕魏德新因赴冬。饑犯寒而行。真元氣衰。加之坐臥冷濕。飲食失節。以冬遇此。遂作骨痺。骨屬腎也。腰之高骨。壞而不用。兩胫似折。面黑如炭。前後臙痛。痿厥嗜臥。偏問諸醫。皆作腎虛治之。予先以玲瓏竈炭蒸數日。次以苦劑上涌。寒痰三二升。上實下虛。明可見矣。次以淡劑使白朮除脾濕。茯苓養腎水。又刺腎臙太谿二穴。二日一刺。前後一月。平復如故。孫少府監韓彥正暴得疾。手足不舉。諸醫皆以為風。針手足。亦不知痛。遂召孫診之。孫曰。此脚氣耳。用柘榔末三錢。生薑三片。乾紫蘇七葉。陳皮三錢。水一大盞。煎至七分。去渣熱服。數次而愈。

治脚腫者。柘榔散主之。

陳皮一大握

蒼朮炒一握

酒半盞同已上藥煎

右煎數沸。調柘榔末二錢。食後服。

〔聖〕治脚氣及風寒濕四肢攣急。脚疼不可踐地。用紫蘇二兩。搗碎。水三升。研取汁。以蘇子汁煮粳米粥二合。和葱豉椒薑食之即止。

右柘榔紫蘇例。

〔世〕治一切脚氣奇方。用穿山甲前兩足者。燒存性。研細。入麝香當

門子少許。多少隨人斟酌。要服此藥。須去他事。至晚不可進飲食。候至夜深腹空時調服。坐臥隨意。及雞鳴又一服。痛立止。過一二日便能步履如常。極妙如神。

〔干〕治脚氣十二風痺不能行。松葉酒。用松葉六十斤。細剉。以水四石。煮取四斗九升。以釀五斗米如常法。另煮松葉汁以漬米。並饋飯。泥釀封頭。七日後澄飲之。取醉。得此酒力者甚衆。

〔本〕虎骨酒。治腰脚痛疼。攣急。不得屈伸。及腿膝冷麻。用虎骨一具。及脛骨二莖。酥炙黃。搥碎。無灰酒三斗。密封七日。空心晚食。酒隨意飲。

〔崔〕治腰脚蒸法。取黃荊葉不限多少。蒸熟。熱置於甕中。其下着火。溫之。以病人置於葉中。須臾汗出。葉中。旋旋喫飯。稍倦即止。以綿衣蓋避風。仍進葱豉酒。以瘡爲度。

〔世〕治諸般脚氣。一服除根。

防風 二錢
去蘆

羌活

蟬蛻 各三
分

薄荷 五
分

紫蘇 四
分

右曬乾爲末。每服五錢。以無灰酒半碗。熱調服訖。服至一時久。卽煎後藥湯。傾桶內。披厚衣於桶上坐。勿令走了藥氣。將脚腿薰之。當自下而上汗出。直至頂門。其出如水。盡爲度。薰洗用。

南方
忌洗
北方
宜洗

裹法

紫蘇斤半

忍冬花四兩

木饅頭七箇

蘇木二兩

右為粗末。水一中椀。搗煎藥味出。分三度添用。只一用永除根。

〔垣〕脚氣濕洗法。活人書曰。凡脚氣服補藥及用湯洗。皆醫之

大禁也。為南方外感濕氣乘虛襲入為腫痛而言。非為北方內受濕

氣注下腫痛而言也。蓋濕氣不能外達。宜淋瀝開導。泄越其邪。名曰

導氣除濕湯。

葳靈仙

防風

荆芥穗

當歸

地骨皮

升麻

白芍

薊藿葉

右等分剉細。水二斗。煮取一斗五升。去渣熱淋洗無時。

〔世〕治脚赤腫。杉皮煎濃湯洗數次立愈。本草云用杉節殊效

〔千〕治嶺南脚氣從足至膝脛腫滿連骨疼者。用草蓆子葉切蒸薄

裹。三二易即消。治嶺南脚氣從足至膝脛腫滿連骨疼者。薊藿根

剉碎和酒醋共三分。根一分。合蒸熟。封裹腫上。二三日即消。亦治不

仁。

〔簡〕治脚氣連腿腫滿久不瘥方。黑附子一兩。去皮臍。生用。搗為散。

生薑汁調如膏。塗傅腫上。藥乾再塗之。候腫消為度。

〔山〕治脚氣。用無名異化牛皮膠調勻貼患處。

〔世〕治遠行脚腫。用之可行千里。輕便甚妙。

防風 細辛 草烏

右等分爲末。摻內鞋底內。如著前鞋。卽以水微濕過。然後摻藥。

服食

〔食〕療腳氣風痺不仁。五緩筋急。熊肉半斤。於豉汁中和薑椒葱白鹽醬作腌臘。空腹食之。

針灸

〔玉〕針脚氣腫痛。三里 絕骨各二寸半 丘墟針入一寸 行間五分留八吸瀉之

解谿留十吸瀉之 商丘針入五分瀉十吸 陷谷三分瀉之 行谷五分瀉之 中封瀉之

〔撮〕治脚氣諸穴。隨經選用之。

俠谿先瀉後補灸 陽輔 絕骨各二寸半瀉之 通谷一分瀉之 風市百壯三報穴正身平立垂手指盡處大筋上是 伏菟病人端坐離膝

〔東陽〕脚氣針灸大法。此法與千金同兼服藥 風市 膝眼二十壯 三里 上廉

如兔狀是穴可灸五十壯三報穴 犢鼻五十壯三報穴 絕骨各五十壯凡上項諸穴不必一頓灸盡壯數可日日報灸之三日令盡壯數爲佳凡一脚病卽灸一腳兩脚病灸兩脚弱者看輕重加減不可執一

靈驗不可述也

〔扁鵲〕又脚氣。腎氣諸傍相去各四寸 肩井 三里 氣海 交龍

〔撮〕寒濕脚氣。紅腫生瘡。中封五分瀉之 陽輔 絕骨各二寸半瀉之

〔集〕又法。行間 三里 照海 崑崙 絕骨 京骨 委中

三陰交 〔玉〕兩足麻。足腿膝無力。風市在腿外廉垂手中指點到處是穴針五分補多瀉少留五呼先瀉成後補生

〔集〕又足不能行。丘墟 行間 崑崙 太衝 陽輔 三陰交

復溜

三里 大治足不行

〔本〕風有一百二十四種。氣有八十種。唯脚氣頭風上氣當須藥不絕。餘則隨其發動臨時消息。但有風氣之人。春未夏初及秋暮。得通泄則不困劇。所謂通泄者。如麻黃牽牛郁李仁之類是也。不必苦寒利藥也。

〔垣〕外臺云。第一忌噎。噎則心煩。煩則脚氣發。第二禁大語。大語則傷肺。肺傷亦發動。又不得露足當風入水。以冷水洗脚。兩脚脛尤不宜冷。雖暑月常須著綿褲。至冬寒倍。令兩脛溫暖。得微汗大佳。依此將息。氣漸薄損。每至寅丑日割手足甲。割少侵肉去氣。夏時腠理開。不宜發風臥睡。睡覺令人按撥。勿使邪氣稽留。數勞動關節。常令通暢。此並養生之要。拒風邪之法也。尋常有力。每食後行三五百步。疲倦便止。脚中惡氣。隨即下散。雖浮腫氣不能上也。

〔羅〕凡治此疾。每日早飯任意飽食。午飯少食。晚飯不食。彌佳。恐傷脾胃營運之氣。失其天度。沉夜食則血氣壅滯。而陰道愈增腫痛矣。〔垣〕第一凡飲食酒及醴酪。勿使過度。過則傷損脾胃。下注於足脛。跗腫。遂成脚疾。第二欲不可縱。嗜慾多則脚氣發。凡飲食之後。宜緩行二三百步。不至汗出。覺困則止。如此則不能成壅也。經云。逸者行之。又云。病濕痺忌溫食飽食。濕地濡衣。

〔干〕凡脚氣之病。極須忌房室牛羊魚肉蒜韭菜菘菜蔓菁瓠子酒麩酥油浮糜猪雞鶩鴨。並忌大怒。惟得食粳粟米醬豉葱椒薑橘皮。又不得食諸生菓子酸酢之食。犯者皆不瘥。

凡脚氣之病。始起甚微。多不令人識也。食飲嬉戲。氣力如故。惟卒起脚屈。弱不能動。有此爲異耳。凡脚氣之候。或見食嘔吐。憎聞食臭。或有腹痛下利。或大小便閉。澀不通。或胸中衝悸。不欲見光明。或精神昏憤。或喜迷忘。語言錯亂。或壯熱頭痛。或身體極冷。疼煩。或覺轉筋。或腫或不腫。或胫腿頑痺。或時緩縱不隨。或復百節攣急。或小腹不仁。此皆脚氣狀貌也。脚氣有腫者。有不腫者。其小腹頑痺不仁者。多不腫。小腹頑後不過三五日。卽令人嘔吐者。名脚氣入心。如此者。死在旦夕。其人黑瘦者易治。肥大肉厚赤白者難愈。黑人耐風濕。赤白不耐風濕。瘦人肉硬。肥人肉軟。肉軟則受病難愈。凡脚氣覺病候有異。卽須大怖畏。決意急治之。稍緩則氣上入胸脇。逆滿氣上。肩息。急者死不旋踵。寬者數日必死。不可不急治也。但見心下急。氣喘不停。或自汗數出。或乍寒乍熱。其脈促短而數嘔吐不止者。死。足痿軟不收爲痿厥。

痿厥有二。

一屬腎膀胱。經云。恐懼不解則傷精。精傷則骨痠痿厥。精時自下。是

腎傷精脫也。又云。三陽為病。發寒熱。下為癰腫。及為痿厥。膈瀉。是膀胱在下發病也。

二屬腎脾濕傷腎。經云。凡治痿厥發逆。肥貴人則膏梁之疾。又云。秋傷於濕。上逆而欬。發為痿厥是也。

〔垣〕補益腎肝丸。治目中溜火。視物昏花。耳聾耳鳴。困倦乏力。寢汗憎風。行步不正。兩脚欹側。臥而多驚。脚膝無力。腰已下消瘦。

柴胡

羌活

生地

苦參炒

防己炒各五分

附子炮

肉桂各一錢

當歸二錢

右細末。熟水丸。如雞頭大。每服五十丸。溫水送下。此藥如在冬天

中寒。或心肺表寒。目中溜火。嚏噴鼻流清涕。咳嗽痰涎者。止可服

一丸。須與薑附禦汗湯等藥相兼服之。不可單服此表藥也。

健步丸。治膝中無力。伸不能屈。屈而不能伸。脚脊腿脚沉重。行步艱

難。

羌活

柴胡各五錢

防風三錢

川烏一錢

滑石炒半兩

澤瀉三錢

防己酒洗一兩

苦參酒洗一錢

肉桂

甘草炙

瓜蒌根酒製各半兩

右為細末。酒糊為丸。如桐子大。每服十九丸。煎愈風湯空心送下。

風愈

傷在中
風門

腿脚沉重無力者。於羌活勝濕湯中加酒洗漢防己五分。輕則附子。重則川烏少許。以為引用而行經也。

右羌活柴胡伸提氣升。防己苦參去濕熱。桂附反佐之也。

〔肅〕神龜滋陰丸。治足痿。用酒炙龜板四兩。炒黃柏知母各二兩。枸杞五味瑣陽各一兩。乾薑半兩。為丸。每服七十丸。相兼服。方見古續旋下

〔丹〕痢後脚弱漸細。用

蒼朮兩

白芍

龜板酒炙二兩半

黃柏酒半兩

右粥丸。以四物湯加陳皮甘草煎湯吞之。

中書粘合公。年三十二歲。病脚膝痿弱。臍下尻陰皆冷。陰汗臊臭。精滑不固。請醫黃道寧主以鹿茸丸。十旬不減。至戊申春。始求治於東垣。遂診其脈沉數而有力。乃曰公飲醇酒。食以膏粱。滋火於內。逼陰於外。醫見其症。蓋不知陽強不能密緻。皮膚冷而溢泄。以為內實有寒。投以熱劑。反瀉其陰而補陽。真所謂虛虛實實也。其不增虛者。猶為幸也。復何望獲效耶。即處以滋腎大苦寒之劑制之。以急寒因熱用。飲入下焦。適其病所。瀉命門相火之盛。再服而愈。公以厚禮送之。更求前藥方。師固辭不收。或問之曰。物不受義也。藥既大驗。不復與方。何為也。曰。大寒大熱之藥。非常服者。借以從權可也。今公之病。相火熾盛。以乘陰位。故用此大寒之劑。以瀉相火。而復真陰。陰既復其

左膏
虛膏

右腎
虛勞
房

脾濕

肥貴
人膏
梁之
疾

夏秋

位。則皮裏之寒自消矣。內經云。陰平陽秘。精神乃治。如過用之。則故病未已。新病復起矣。此予之意也。

右龜板黃柏。例嘗治一老人痿厥。累用虎潛丸不愈。後於虎潛丸加附子立愈如神。蓋附反佐之功也。

〔本〕治後生丈夫酒色過多。下焦虛憊。足膝軟乏。小便滑數。外腎濕痒。

兔絲子

五兩依法研

石蓮肉

二兩

白茯苓

一兩

山藥

茴香

各二兩

五味子

五兩

右爲末。糊丸。如桐子大。每服四十九丸。溫酒或鹽湯下。空心服。如脚氣及脚膝無力者。木瓜酒空心下五十九丸。晚食前再服立效。

〔丹〕鄭安人年六十。虛而有痰。脈緩足弱。與半夏天麻白朮湯下酒芩丸愈。

東陽吳子萬年五十。形肥味厚。且多憂怒。脈常沉澹。自春來痰氣病。醫認爲虛寒。率與燥熱香竄之劑。至四月雨足弱。氣上衝。飲食減。召予治之。予曰。此熱鬱而脾虛。痿厥之證作矣。形肥而脈沉。未是死證。但藥邪火盛。當此火旺。實難求生。且與竹瀝下白朮膏。盡二斤。氣降食進。一月後大汗而死。書此以爲諸賢覆轍之戒云。

〔垣〕黃芪人參湯。治夏天氣熱盛損傷元氣。兩脚痿軟。清燥湯治六

發是
濕熱
所勝

濕痰
疝血

七月濕令大行。濕熱相合。痿厥病作。腰以下痿軟癱瘓不能行動。上方並見痿往夏條

〔仲〕越婢加朮湯。治肉極熱則身體津脫。膝理開。汗大泄。厲風氣。下焦脚弱。成無已云外臺法越婢湯

麻黃六兩

石膏斤半

生薑

甘草各二兩

白朮四兩

大棗十五枚

右六味以水六升。先煮麻黃去上沫。內諸藥。煮取三升。分溫三服。如惡風。加附子一枚炮。

〔斗〕治脚軟。用商陸根細切如小荳大。煮令熟。更入葇荳同爛煮為飯。每日煮食。以瘡為度。其功最效。

〔本〕治筋骨諸疾。手足不遂。行動不得。遍身風瘡。左經丸。

草烏白大者去皮臍

木鱉去殼

白膠香

五靈脂已上各三兩半

班貓五箇去頭足翅醋炙

右為末。用黑荳去皮。生杵取粉一升。醋糊共搜。杵為丸。如雞頭大。每服一丸。溫酒磨下。治筋骨疾。但未會針傷損者。三五丸立效。此藥會醫一人。軟風不能行。不十日立效。專治心腎肝三經。通小便。除淋瀝。通營衛。滑經絡。此方因淨聖寺僧得之。大有奇功。治兩脚軟弱。虛羸無力。及小兒不能行。續骨丹。

雜方

運氣

針灸

天麻明淨者酒浸一錢

白附子

牛膝

木鱉子各半兩

烏頭炮一錢

川羌活兩半

地龍去土一分

乳香

沒藥各二錢

硃砂一錢

右以生南星末一兩。無灰酒煮糊為丸。如雞頭大。硃砂為衣。薄荷湯磨一丸。食前服。

〔丹〕人參酒浸服之。治風軟脚弱。可逐奔馬。故曰奔馬草。曾用有效。運氣痿厥皆屬水虛。經云。水不及曰涸流。涸流之紀。其病痿厥。堅下是也。

針灸痿厥有五法。

其一取腎。經云。腎足少陰之脈。所生病者。痿厥嗜臥。足下熱而痛。視盛虛熱寒。陷下調之也。

其二補膀胱與肝。經云。邪之所在。皆為不足。下氣不足。則為之痿厥。心悅。補足外踝下留之。又云。刺大指間上二寸留之。是補申脈太衝二穴是也。

其三補足陽明絡。經云。足陽明之別。名曰豐隆。去踝八寸。別走太陰。其病虛則足不收。脛枯。取之所別也。

其四補足少陽絡。經云。足少陽之別。名曰光明。去踝五寸。別走厥陰。虛則痿躄。坐不能起。取之所別也。

其五束縛四末。經云。痿厥為四末束。乃疾解之日。二不仁者。十日而知。無休病已是也。

兩足癱痿。兩腿無力。鶴頂在膝蓋骨尖上灸七次

〔撮〕脚弱無力。行步艱難。太衝 厲兌補 風市灸

〔玉〕又法。太衝五分滿八吸 中封五分滿八吸 三里一寸滿十吸

〔集〕又法。公孫寸灸半 三里 絕骨 申脈不已取下穴 崑崙 陽輔

〔甲〕痿厥風頭重額痛。髀樞股膕外廉骨節痛。癱凝痺不仁。振寒時

有熱。四肢不舉。跗陽主之。痿厥寒足腕不收。躄坐不能起。髀樞脚

痛。丘墟主之。足不收痛。不可以行。天泉主之。

足陽明之下。血氣皆少。則下毛無。有則稀枯。痿善痿厥。足痺。全文見虛實法〇下

手陰毛也

脾脈緩。緩甚為痿厥。全文見治虛實法

脚氣衝心為厥逆

〔丹〕脚氣衝心。宜四物湯加炒柏。再宜湧泉穴。用附子末。唾調傳

上。以艾灸。泄引其熱下行。

〔仲〕八味丸。治脚氣上攻。入少腹不仁。方見治虛實法

本草載。唐柳宗元脚氣方。方論俱見前積塊條

脚氣衝心。用白槓榔一個。如雞心大者。為末。用童便生薑汁溫酒共

陰虛 有火 少腹 不仁 者補 腎 心悶

診

便澀者利氣

半盞調作一服。廣利方不用姜汁酒但用童便五合。調服日再服治衝心悶亂不知人。

〔外〕若脚氣非冷非熱。老人弱人脹滿者。栳榔為末。以栳榔殼汁。或茶飲。或豉汁。調服方寸匕。甚利。

右栳榔童便例。

〔活〕三脘散。治脚氣衝心。腹氣飽悶。大便祕滯者最良。

獨活一兩

白朮

木瓜焙乾一兩

甘草炙半兩

大腹皮一兩炙黃

紫蘇兩

陳皮湯浸去白三分

沉香

木香

川芎

栳榔麪裹煨熟各七錢半

右同一處。杵為粗散。每服二錢半。水二盞。同煎至一盞。去渣。分三服。熱服取便利為效。

大腹子散。治風毒脚氣。肢節煩疼。心神壅悶。

大腹子

紫蘇

木通

桑白皮

羌活

木瓜

荆芥

赤芍藥

青皮

獨活各一兩

枳殼一兩

右咬咀。每服四錢。水一盞。薑五片。葱白七寸。去渣。空心溫服。

右栳榔紫蘇例。

桑白皮散。治脚氣盛發。兩脚浮腫。小便赤澀。腹脇脹滿。氣急。坐臥不得。

桑白皮

郁李仁各一兩

赤茯苓二兩

木香

防己

大腹子各一兩半

紫蘇子

木通

枳榔

青皮各七錢半

右咬咀。每服三錢。薑三片。水煎。

薏苡仁散。治脚氣弱痺腫滿。心下急。大便澁。

薏苡仁

防風

猪苓

川芎

防己

郁李仁

枳榔

大麻仁各一兩

枳實七錢

桑白皮二兩

甘草半兩

羚羊角屑一兩

右爲細末。每服二錢。熟水調下。

〔韋宙〕療脚氣浮腫。心腹滿。大小便不通。氣急喘息者。以郁李仁十二分。搗碎。水研取汁。薏苡仁搗碎如粟米。取三合。以米作粥。空腹食之。佳。

右枳榔郁李仁防己例。

〔仲〕礬石湯。治脚氣衝心。用礬石二兩。以漿水一斗五升。煎三五沸。浸脚。

〔食〕理脚腫滿轉。上入腹殺人。赤小荳一升。水五升。煮令極熟。去荳。適寒溫。浸脚。冷重煖之。

〔廣〕治脚氣衝心。煩悶亂不識人。大豆一升。水三升。濃煎取汁頓服。

半升。如未定，可更服。

〔孫〕主脚氣及上氣。取鯽魚一尺長者，作鱸食，一兩頓服瘥。

〔素〕帝曰：願聞六經之厥狀病能也。岐伯曰：巨陽之厥，則腫首頭重。

足不能行，發為胸仆。陽明之厥，則癩疾，欲走呼，腹滿不得臥，面赤

而熱，妄見，妄言。少陽之厥，則暴聾，頰腫而熱，脇痛，肱不可以運。

經云：厥四逆喘，氣喘喘位主之。太陰之厥，則腹滿，腹脹，後不利，不欲食，食則嘔，不得臥。

少陰之厥，則口乾，溺赤，腹滿，心痛。厥陰之厥，則少腹腫痛，腹脹。

涇溲不利，好臥，屈膝，陰縮，腫，脰內熱，甚則瀉之。虛則補之，不盛不虛。

以經取之。太陰厥逆，脰急攣，心痛引腹，治主病者。王註云：候其有過者當熱取之，故言治主病者。

少陰厥逆，虛滿嘔變，下泄清，治主病者。厥陰厥逆，攣，腰痛，虛滿。

前閉譫語，治主病者。三陰俱逆，不得前後，使人手足寒，三日死。

太陽厥逆，僵仆，嘔血，善衄，治主病者。少陽厥逆，機關不利，機關不

利者，腰不可以行，項不可以顧，發腸癰，不可治。驚者死。陽明厥逆，

喘咳，身熱，善驚，衄，嘔血。手太陰厥逆，虛滿而欬，善嘔沫，治主病者。

手心主少陰厥逆，心痛引喉，身熱，死不可治。手太陽厥逆，耳聾。

泣出，項不可以顧，腰不可以俛仰，治主病者。手陽明少陽厥逆，發

喉痺，噎腫瘞，治主病者。厥論

〔靈〕厥逆腹脹滿，腸鳴，胸滿不得息，取之下胸二脇，欬而動手者，與

背俞。以手按之立快者是也。癰在厥痺者。厥氣上及腹。取陰陽之絡。
視主病者。瀉陽補陰經也。寒熱

產脚氣

〔大〕產後熱悶。氣上轉而脚氣。其狀熱悶掣癢驚悸。心煩嘔吐。氣上皆其候也。可服小續命湯二三劑必愈。又云。寒中三陽。所患必冷。小續命加生薑汁最快。暑中三陰。所患必熱。小續命湯去附子。減桂心一半。大煩躁者。紫雪最良。如無紫雪。用真薄荷煎冷水盥下。諸方必與四物湯各半服之

醫學綱目卷之二十九 腎膀胱部

耳聾 暴聾 耳鳴 耳腫痛 停耳
蟲入耳

大法

〔保〕夫耳者。以竅言之。水也。以聲言之。金也。以經言之。手足少陽俱會其中也。有從內不能聽者。主也。有從外不能入者。經也。有若蟬鳴者。若鐘鳴者。有若火熇熇狀者。各隨經見之。其間虛實不可不察也。假令耳聾者。何謂治肺。肺主聲。鼻塞者。肺也。何謂治心。心主鼻。如推此法。皆從受氣於始。腎受氣於己。心受氣於亥。肝受氣於申。肺受氣於寅。脾受氣於四季。此治法皆生長之道也。

〔羅〕經曰。精脫者則耳聾。夫腎爲足少陰之經。乃藏精而氣通於耳。耳者宗脈之所聚也。若精氣調和。則腎藏強盛。耳聞五音。若勞傷氣血。兼受風邪。損於腎藏而精脫者。則耳聾也。然五臟六腑十二經脈有絡於耳者。其陰陽經氣有相併時。并則藏氣逆。名之曰厥。厥氣相搏。入於耳之脈。則令聾。其腎病精脫耳聾者。其候頰顴色黑。手少陽之脈動。則氣厥逆。而耳聾者。其候耳內渾渾焯焯也。手太陽厥而耳聾者。其候聾而耳內氣滿也。宜以燒腎散主之。保命集云。耳以竅言之。腎水也。經云。腎主耳。左藏爲腎。左竅爲耳。又

耳聾
面頰
黑者
腎虛

云。腎氣通于耳。腎和則耳能聞五音矣。又云。精脫者耳聾。故羅謙甫以精脫耳聾之候。為顴頰色黑也。

燒腎散治耳聾。寶鑑方無巴戟

磁石一兩煨醋

附子一兩炮去皮臍

巴戟一兩

川椒一兩去目及開口者微炒去汗

右為散。每服用猪腎一枚。去筋膜。細切。葱白葶白各一錢。入散藥一錢。鹽花一字和勻。用濕紙裹於塘灰火內煨熟。空心細嚼。酒解。薄粥下之。十日效。衍義云磁石益腎氣。腎虛而聾者用之。

〔嚴〕菴蓉丸。治腎虛耳聾。或風邪入於經絡。耳內虛鳴。

肉菴蓉酒浸切焙

山茱萸去核

石龍芮

石菖蒲

兔絲子酒浸蒸焙

羌活去蘆

鹿茸去毛酒蒸焙

石斛去根

磁石煨醋焙水飛過

附子炮去皮臍各一兩

全蠍去毒七個

麝香一字旋入

右為末。煉蜜丸。桐子大。每服一百丸。空心鹽酒鹽湯任下。

〔聖〕治腎氣虛損。耳聾。用鹿腎一對。去脂膜。切於豉汁中。入粳米二合和煮粥。入五味如法調和。空腹食之。作羹及酒並得。

〔本〕地黃湯。治腎熱聽事不真。方見後風熱條

右方用地黃磁石為君。補腎虛有熱之劑也。

〔垣〕藏氣法時論云。肺虛則少氣不能報息。耳聾啞乾。註云。肺之絡會于耳中。故聾。此說非也。蓋氣虛必寒。盛則氣血俱滯。而不行也。

耳聾少氣者。肺乾。

虛

耳者宗氣也。肺氣不行故聾也。

〔無〕蠟彈丸。治耳虛聾。

白茯苓二兩

山藥炒三兩

杏仁炒一兩半
去皮尖

右三味。研為末。和勻。用黃蠟一兩。鎔和為丸。如彈子大。鹽湯嚼下。

有人止以黃蠟細嚼。點好建茶送下亦效。

山藥茯苓杏仁皆入於太陽。山藥大補陰氣。惟杏仁利氣乃補中有

通也。少氣發乾者。門冬入參。五味湯嚼下。

耳聾者。肝

經云。肝虛則目眈眈無所見。耳無所聞。善恐。治法用四物湯加防風羌活柴胡菖蒲扶神等分。煎湯服二十餘帖。却用杜王薑蠟散開之。本草云。肝虛則生薑補之是也。

〔世〕治耳聾。九節菖蒲去鬚。切小塊十兩。蒼朮十兩。水合浸於瓦罐中。七日取出。去蒼朮。單用菖蒲晒乾。於糯米飯上蒸熟。晒乾為末。糯米飲調。食後臨臥服效。

氣逆耳聾

〔丹〕大病後耳聾。須用四物降火。陰虛火動耳聾者。亦如之。氣

逆耳聾有三。肝與手太陽少陽也。經云。肝氣逆則頭痛。耳聾不聰。煩腫。又云。太陽所謂浮為聾者。皆在氣也。羅謙甫云。手太陽氣厥而耳聾者。其候聾而耳內氣滿也。手少陽氣厥而耳聾者。其候耳內渾渾焯焯。此皆氣逆而聾也。治法宜四物湯吞龍薈丸降火。及復元通氣散調氣是也。

腸有痰滯者下之

風熱

〔丹〕耳聾必用四物龍蒼養陰。復元通氣散。治氣遊耳聾。方見服難

〔丹〕耳聾有濕痰者。檳榔神芎丸下之。

大黃

黃芩各二兩

牽牛

滑石各四兩

加檳榔

滴水丸。每服十九。每次加十九。白湯下。

耳聾皆屬於熱。少陽厥陰熱多。宜開痰散。風熱。通聖散。滾痰丸之類。耳因鬱聾。以通聖散內加大黃酒煨。再用酒炒三次後。入諸藥通用酒炒。

〔羅〕犀角散。治風毒壅熱。胸心痰滯。兩耳虛聾。頭重目眩。神效。

犀角屑

甘菊花

前胡去蘆

枳殼煨炒去穢

菖蒲

羌活

澤瀉

木通

生地各半兩

麥門冬二兩去心

甘草一錢炙

右為散。每服三錢。水煎食後溫服。

扶神散。治上焦風熱。耳忽聾鳴。四肢滿急。昏悶不利。

扶神一兩

羌活

柴胡

蔓荊子

薏苡仁

防風去蘆

菖蒲

五味子

黃芪各半兩

甘草一分炙

麥門冬一兩去心

薄荷三錢

右十二味為末。每服三錢。入生薑二片。煎至五分。食後溫服。

風

耳爲
心竅
虛寒
運氣

〔本〕治男子二十歲。因瘡毒後腎經熱。右耳聽事不真。每心中拂意。則轉覺重。虛鳴疼痛。地黃湯。

生地一兩

枳殼

羌活

桑白皮一兩

磁石搗碎水淘二三十次
去盡赤汗爲度二兩

甘草

防風

黃芩

木通各半

右爲粗末。每服四錢。用水煎去渣。日二三服。不拘時候。

〔無〕薑蠅散。治耳聾。因腎虛所致。十年內一服愈。出杜王方

乾蠅四十九個去毒
洗焙去風熱

生薑切片如蠅大
十九片開痰

右二味。銀石器內炒至乾爲細末。向晚勿食。夜臥酒調作一服。至

二更以來。徐徐盡量飲。五更耳中聞百十攢笙響。便自此有聞。法一

五更濃煎葱白湯一盞服先二日服黑錫丹効又蠅先用糯米半升同炒又用姜四十九片放蠅上同炒去米姜不用

〔干〕治耳聾。酒三升。漬牡荊子二升碎之。浸七日。去渣。任性服盡。雖

三十年亦瘥。

〔素〕南方赤色。入通於心。開竅於耳。藏精於心。金匱真言論

治腎虛寒。煨腎散。菴蓉丸。並見虛實條

運氣耳聾有四。

一曰濕邪傷腎。三焦聾。經云。太陰在泉。濕淫所勝。民病耳聾。渾渾惇

惇。治以苦熱是也。

二曰燥邪傷肝聾。經云。歲金太過。燥氣流行。肝木受邪。民病耳聾。無所聞是也。

三曰火邪傷肺聾。經云。歲火太過。炎暑流行。肺金受邪。民病耳聾是也。

四曰風火炎擾於上聾。經云。少陽司天之政。風熱參布。雲物沸騰。民病聾。三之氣。炎暑至。民病熱中聾。治以寒劑是也。

〔本〕治耳聾。用鼠膽一個。滴入耳中三次。立效。

〔勝〕治耳聾立效。以乾地龍入鹽貯在葱尾內為水點之。

〔千〕治耳聾。以綿裹蛇膏塞耳中。神效。

〔世〕治耳聾久不聞者。

緊磁石如荳大 川山甲燒存性為末一字

右用新綿裹了塞於所患耳內。口中啣少生鐵。覺耳內如風雨聲即愈。甘草甘遂各半寸。綿裹包插入耳內。又將甘草嚼之即通妙。

〔羅〕通神丹。治耳聾。

阿魏 巴荳仁七個 安息香 桑白皮各錢半

硃砂五分 大蒜 草麻子仁各十個

右為細末。入二仁與蒜同搗爛為丸。如棗核大。每用一丸。綿裹內

雜方

耳。如微痛則出。

〔世〕治耳聾久不效者。

大蒜一瓣。一頭挖一坑子。用巴荳一粒。去皮膜。慢火炮去極熱。入在蒜內。用新綿裹定塞耳中。不過三次效。

治耳聾。葶麻子五十粒。去皮。棗子一箇。同搗丸。如棗核大。更入小兒乳汁和。每用一丸。綿裹塞耳中。覺熱爲度。一日一換。

〔千〕治耳聾。用骨碎補。削作細條。火炮乘熱塞耳。本草云骨碎補破並治折傷有奇效

〔外〕治耳聾。以杏仁七箇。去皮。拍碎三分。以綿裹於中。着麩鹽。如小荳許。以器盛於飯甑中。蒸之。候飯熟。取出。於患人側臥。將一裹捻油汁。滴入耳中。久之。又以一裹依前法捻滴之。

〔世〕又方。用雄貓尿。滴入耳中。左滴左。右滴右。如貓不能放尿。用薑擦其齒。卽有。

針灸耳聾有五法。

其一。取手足少陽手陽明。經云。耳聾取手小指次指爪甲上與肉交者。先取手。後取足。又云。三焦手少陽之脈是動。則病耳聾。渾渾焯焯。視盛虛熱寒。陷下調之也。又云。聾而不痛者。取足少陽。聾而痛者。取手陽明。又云。耳聾刺手陽明。不已。刺其通脈出耳前者。

其二。取手陽明絡。經云。手陽明之別名曰偏歷。去腕三寸。別入太陰。

實則齟齬取之所別也。又云邪客手陽明之絡令人耳聾。時不聞者。刺手大指次指爪甲上去端如韭葉各一瘡立聞。不已刺中指爪甲上與肉交者立聞。其不時聞者不可刺也。左刺右。右刺左。

其三取手太陽。經云手太陽之脈所生病者耳聾目黃頰腫視盛虛熱寒陷下調之也。又云耳聾無聞取耳中是也。

其四取肝。經云肝虛則目眈眈無所見耳無所聞善恐取其經厥陰少陽氣逆則頭痛耳聾不聰頰腫取血者是也。

其五取肺。經云肺虛則少氣不能報息耳聾啞乾取其經太陰足太陽之外厥陰內血者是也。

耳有膿不可刺。經云耳痛不可刺者耳中有膿。若有乾膜叮嚀耳無聞也。

〔竹〕治耳聾用蒼朮一塊長七分將一頂削尖一頭截平將尖頭插入耳內於平頭上安筋頭大艾炷灸之聾輕者七壯重者十四壯如覺耳內有熱氣者效。

〔玉〕耳聾耳鳴或疼或痒或停耳。聽會 在耳珠前陷中口銜尺方可下針按入半寸瀉八吸 翳風

針入半寸瀉七吸 合谷 二里瀉

〔摘〕又法。翳風 在耳後陷後按之引耳中令病人先以錢二十四文口咬側臥取之針透口令病人閉口搖頭其怒氣從耳出 聽會 法如前

〔世〕又法。中渚 臨泣

〔甲〕耳聾兩顛顛痛中渚主之。耳焯焯渾渾無所聞外關主之。頭重頰痛引耳中嘔嘔嘈嘈和筋主之。聾耳中顛瘦顛瘦者若風狀聽會主之。耳聾填填如無聞嘔嘔嘈嘈若蟬鳴聽宮主之。聾醫風及會宗下空主之。耳聾嘈嘈無所聞天容主之。聾耳中不通合谷主之。耳聾無聞天窗主之。

〔脈〕病若耳聾脈反浮大而溢者死。千金翼云脈大者生沉逆細者難治少陽終者耳聾百節盡縱目系絕。全文見診生死

暴聾

〔羅〕夫卒耳聾者由腎氣虛為風邪所乘搏於經絡隨其血脈上入耳正氣與邪氣相搏故令卒聾也。

暴聾皆是厥逆之氣經云暴厥而聾偏塞閉不通內氣暴薄也又云少陽之厥暴聾是也。

〔羅〕蒲黃膏治卒耳聾。

細辛

蒲黃各二分

麩末

杏仁湯浸去皮尖雙仁各三分

右為末研杏仁如膏和捻如棗核大綿裹塞耳中日一易以差為度。

又方龍腦膏

龍腦半分

椒目半分

杏仁一分湯浸去皮

右件搗研合勻。綿聚棗核大。塞耳中。日二易。

〔世〕蜀椒巴苴菖蒲松脂。以蠟溶爲筒子內耳中。抽腎虛氣。耳中如風水之鳴。或如打鐘鼓之聲。卒暴聾。一日一易。神效。

雄黃錢一

巴苴豆一個去殼

右研細。用葱涎和作一錠子。紙捲定塞耳中。

〔丹〕治耳暴聾。凌霄花葉。杵自然汁滴耳中差。

斗門云本草凌霄活閉血。能血丹發云補陰甚捷。

〔靈〕暴聾氣蒙。耳目不明。取天牖。寒熱病篇

〔甲〕卒氣聾。四瀆主之。

耳鳴 與耳聾相參用之

〔丹〕馮官人左耳鳴。此勞得之。法當補陰而鎮墜之。

黃芪

人參兩一分

當歸

陳皮

茯苓七分

升麻分五

酒栢三錢

防風二錢半

甘草半錢

芍藥酒製

分十帖。食前熱服。飲了去眠一覺。

耳中闐闐然是無陰者。

右陰虛耳鳴。經云。液脫者腦髓消。脛痠耳數鳴是也。

〔羅〕治腎虛耳鳴。夜間睡着如打戰鼓。覺耳內風吹。更四肢抽掣痛。

針灸

虛

黃芪丸

黃芪 去蘆 一兩

羯羊腎 一對 焙乾

白蒺藜 炒瓦擦 搗細

羌活 去蘆各 半兩

黑附子 大者 一個

右細末。酒糊丸。桐子大。每服三四十九丸。空心食前煨葱鹽湯下。

實

實熱

〔素〕太陽所謂耳鳴者。陽氣萬物盛上而躍。故耳聾也。脈解篇

〔丹〕耳鳴因酒過者。用大劑通聖散。加枳殼柴胡大黃甘草南星桔

梗青皮荆芥。如不愈。用四物湯。耳聾必龍薈丸食後服。氣實入

檳榔神芎丸下之。神芎丸方見前虛實法

〔垣〕柴胡聰耳湯。治耳中叮嚀。耳鳴耳聾。

柴胡 三錢

連翹 四錢

甘草 一分

蠶蟲 三個去翅足

水蛭 炒五分 各另研

麝香 少許 另研

歸身

人參 各一錢

右除蠶蟲水蛭麝香另研外。用酒水煎熟。去渣。方下三味。再上火煎一

二沸。稍熱食後服。

運氣

運氣耳鳴皆屬風火。經云。厥陰司天。風行太虛。雲物搖動。目轉耳鳴。

三之氣。天政布。風乃時舉。民病耳鳴。又云。厥陰之脈。耳鳴頭眩。又云。

少陽所至為耳鳴。治以涼寒是也。

〔丹〕耳鳴無晝夜。用烏頭燒灰菖蒲等分末之。包裹綿塞耳中立效。

楊氏 產乳

針灸

〔千〕治耳鳴如流水聲耳痒及風聲不治久則成聾用生烏頭一味搗得乘濕削如棗核大塞耳中日夜一易不過三日愈

〔肘〕治耳中常鳴生地截塞耳數易之以瘥爲度

〔靈〕黃帝曰人之耳中鳴者何氣使然岐伯曰耳者宗脈之所聚也故胃中空則宗脈虛虛則下溜脈有所竭者故耳鳴補客主人手大指爪甲上與肉交者也口問篇

灸則耳鳴補法有三此其一也又經云上氣不足耳爲之苦鳴補足外踝下留之者二也又云腦爲髓之海其輪上在百會下在風府髓海不足則腦轉耳鳴審守其輪調其虛實者也

取法有二經云耳鳴取耳前動脈者一也又云耳鳴取手中指爪甲上左取右右取左先取手後取足者二也取謂視虛實調之也

却刺有一經云手太陽之筋其病肩髀引頸而痛耳中鳴其痛轉筋者治在燔針却刺之以知爲度以痛爲輸者是也

〔世〕耳虛鳴 腎俞 太谿

〔甲〕耳痛聾鳴上關主之刺不可深 耳聾鳴下關及陽谿關衝掖門陽谷主之 耳聾鳴頸頰痛耳門主之 耳鳴無聞肩貞及完骨主之 耳中生風耳鳴耳聾時不聞商陽主之 耳鳴百會及頰厭顛息天窗太凌偏歷前谷後谿主之

心脈微瀼。爲耳鳴癩疾。全文見治虛實法

耳腫痛

〔丹〕金尙五郎耳腫痛。黃水出而臭。

桔梗

麻黃

羌活

大黃酒炒二錢

木通

甘草

黃芩一錢半

右分三帖。熱服。

耳濕腫痛。用涼瀉散加酒炒大黃黃芩酒浸防風荆芥羌活服之。更以腦多麝少。濕加枯礬吹入耳中。

〔嚴〕犀角飲子治風熱上壅。兩耳聾閉。門外腫痛。及膿水流出。

犀角鎊

菖蒲

木通

玄參

赤芍

赤小豆

甘菊花去梗各一兩

甘草半兩炙

右咬咀。每服四錢。用水二盞。生薑五片。煎入分溫服。不拘時。

〔無〕解熱飲子。治氣虛熱壅。耳內聾閉微痛。膿血流出。

赤芍

白芍各半兩

當歸

甘草炙

大黃蒸

木鱉子

右爲剉散。每服四錢。水一盞。煎七分。食後臨臥服。詳此方乃清涼飲子加木鱉也

運氣耳痛皆屬熱。經云。少陽之勝。耳痛。治以辛寒是也。

〔羅〕菖蒲挺子。治耳中痛。

菖蒲兩一

附子炮去皮
臍半兩

右爲細末。每用不以多少。油調滴耳內效。一法用醋丸如杏仁大。綿裹置耳中。日三易。一法搗菖蒲自然汁灌耳神效。

又方。治耳痛。用食鹽不以多少。炒熱。用棗麵蒸熟。青花布包定枕之。立效如神。

〔世〕又用油胡桃肉爲末。狗膽汁和爲丸。如桐子大。綿裹安耳中。痛立止。

〔肘〕療耳內卒腫痛。出膿水不止方。礬石燒灰。加麝香。以筆管吹耳內。日三四度。

停耳

〔羅〕耳者宗脈之所聚。腎氣之所通。足少陰之經也。若勞傷氣血。熱風乘虛入於其經。邪隨血氣至耳。熱氣聚則生膿汁。故謂之停耳也。紅綿散。治停耳出膿。

白礬錢二

胭脂字二

右研勻。先用綿杖子纏去耳中膿及黃水盡。卽用別綿杖子引藥入耳中。令到底。搽之卽乾。如壯盛之人。積熱上攻。耳中出膿水不瘥。用無憂散。送雄黃丸。瀉三四五行瘥。一方單用白礬灰吹入耳中。日三次立效。

松花散治停耳膿水不絕宜用此方。

白礬燒灰
半兩

麻勃

木香

松脂

花胭脂各一分

右搗羅爲末。每用時先以綿子淨拭。後用藥吹入耳內效。

白蓮散治停耳出膿汁。

白礬枯

烏賊骨

黃連去鬚

龍骨各一兩

右搗羅爲末。以綿裹如棗核大塞耳中。日三易之。

〔無〕麝香散治停耳耳底膿出。

桑螵蛸慢火炙存
性一個

麝香一字
另研

右爲末。研令勻。每用半字糝耳。如有膿。先用綿杖子擦乾。一法用麝香少黃丹

多研內入
耳立効

〔世〕治停耳膿出不止。用五倍焙乾一兩。及全蠍燒灰存性三錢爲

末。糝耳中。

〔丹〕耳爛。用貝母研末乾糝之。

〔羅〕禹餘糧丸。治停耳有膿水塞耳。

餘禹糧一兩燒醋
焯七次

烏賊魚骨

釜底墨

伏龍肝

附子一枚去
皮生用

右件搗羅爲末。以綿裹如皂角子大。內耳中。日再易之。如不瘥者。

內有蟲也。

〔世〕石菖蒲一寸。巴荳一粒。去皮。全蠍一枚。爲末。葱涎和如棗核大。綿裹塞耳中。治耳熱出汁。

滑石

爛石膏

天花粉

防風

各一兩

右用腦子少許。同研爲末。摻耳中。

〔世〕治停耳膿不止。陳橘皮燈上燒灰爲末。麝香少許。二味和勻。每用少許。先用綿拭耳中膿淨。却上藥。又方。杏仁泥治耳中病。或有水出。杏仁炒令黑爲末。葱涎搜和。如棗核大。綿包塞耳。

蟲入耳

〔丹〕治蟲入耳。用椒末一錢。醋半盞。浸良久。少少滴耳中。蟲自出。
千金方

雜方

〔世〕治蟲入耳不出。桃葉搗爛塞耳。蟲自出。

〔無〕治百蟲入耳。用麻油灌之即效。

〔山〕諸般惡蟲入耳。搗葦汁灌之。

〔本〕治諸蟲及虱等入耳。用白膠香一味。燒烟薰入耳。令耳孔內煖。蟲自出妙。

〔羅〕治蟻入耳。以大葦搗汁灌耳中。又方。以鯪鯉甲燒灰爲末。以

水調濾過。滴入耳中即出。又方。蜈蚣及蟻入耳。用猪脂一指大。炙令香。安耳邊即出。治蜈蚣入耳。用炙猪肉掩兩耳即出。

〔本〕治飛蟲入耳。用好酸米醋一味。滴入耳內。蟲必出。不出即死。曾有一人被焦蟲入耳。其蟲口硬如鐵。但身軟。用此藥滴之。立死而出。

〔羅〕治飛蛾入耳。以鵝管極氣吸之出。或擊銅器於耳邊即出。〔本〕治蛭蚰入耳。用半夏生爲末。麻油調塗耳門外。蟲聞香即出。

〔羅〕治蛭蚰入耳。方用濕生蟲研如泥。攤紙上。撚成紙條。安耳內自出。又方。用蝸牛蟲去殼研爛。滴水五七點。再研勻。灌耳內自出。無活者。尋乾者研亦可。

〔山〕蛭蚰及諸般蟲入耳。麻油灌入。或用生葱汁生薑汁亦可。〔食〕蛭蚰入耳。以羊乳灌入即成水。

〔海〕蛭蚰入耳。以牛酪灌耳中。須臾出。如入腹。即飲酪二升。自消爲水。

〔干〕治耳中有物不出。以細麻繩剪令頭散。蘸好膠入耳中。着物上粘之。徐徐引出。

〔經〕治水入耳。以薄荷汁點立效。

骨

腎主骨。在體爲骨。在藏爲腎。又云。腎之合骨也。其榮髮也。又云。少

骨度

骨空

陰者冬脈也。伏行而濡骨髓者也。一身骨度之長短。見陰陽表裏條。

〔素〕髓空在腦後三分。在顛際銳骨之下。王註云是謂風府。通腦中也。

一在斷基下。王註云當頤下骨中容豆許。一在項後中復骨下。王註云瘡門穴也。一在脊骨

上空。在風府上。王註云上謂腦戶穴也。脊骨下空。在尻骨下空。林億云長強在脊。王註云大數

髓空在面俠鼻。王註云顛髻等穴也。或骨空在口下。當兩肩。王註云大迎穴也。兩髀骨空。

在髀中之陽。王註云近肩髃穴。臂骨空在臂陽。去踝四寸兩骨空之間。王註云在

身寸之一寸。是謂通間。股骨上空在股陽。出上膝四寸。王註云在陰市上伏兔穴下在承捷也。脗骨空在

輔骨之上端。王註謂續鼻穴也。股際骨空在毛中動下。尻骨空在髀骨之

後。相去四寸。王註云入髀也。其骨上有滲漉文理。歸膝之無別髓孔也。扁骨有滲理。湊無髓孔。易髓無空。俱骨空篇王註云扁骨謂尻間扁骨

骨病忌食甘苦。久立。經云。多食甘則骨痛而髮落。又云。苦走骨。骨病

無多食苦。又云。久立傷骨是也。

骨病不屈。經云。手屈而不伸者。病在筋。伸而不屈者。病在骨。在骨守

骨。在筋守筋也。

牙齒痛 齒搖斷露 牙蛀牙不生

〔垣〕大齒者。腎之標。口者。脾之竅。諸經多有會於口者。其牙齒是手足陽明之所過。上斷隸於坤土。乃足陽明胃之脈所貫絡也。止而不

樂忌

得清
涼痛
甚者
為寒

動。下斷嚼物。動而不休。手陽明大腸之脈所貫絡也。手陽明惡寒飲而喜熱。足陽明喜寒而惡熱。故其病不一。牙者。腎之標。亦喜寒。寒者堅牢痛。熱甚則齒動齟齬斷脫作痛不已。故所治療不同也。有惡熱而作痛者。有惡寒而作痛者。有惡寒又惡熱而作痛者。有惡寒飲少熱飲多而作痛者。有惡熱飲少寒飲多而作痛者。有牙齒動搖而作痛者。有齒袒而作痛者。有齒斷為疔所蝕缺少血出而作痛者。有齒斷腫起而作痛者。有脾胃中有風邪。但覺風而作痛者。有牙上多為蟲所蝕。其齒缺少而色變為蟲牙痛者。有胃中氣少不能於寒袒露其齒作痛者。有牙齒疼痛。而穢臭之氣不可近者。痛既不一。豈可一藥而盡之哉。

〔丹〕牙大痛。必用胡椒萹撥。能散其中浮熱。監以升麻寒水石。佐以辛涼薄荷荊芥細辛之類。

牙痛用清涼藥便痛甚者。從治之。

萹撥

川椒

薄荷

荊芥

細辛

樟腦

青鹽

右為末。擦牙上。

〔潔〕治牙寒疼。

露蜂房

小椒

去目炒
各等分

右為粗末煎漱。禁語言。

〔垣〕牢牙地黃散治牙齒寒痛。

麻黃

黃連

羊脛骨灰各一錢升麻半錢

草薺薺皮二分吳茱萸一分

益智仁

歸身各四分

藁本二分

防己

生地

人參

熟地

羌活各三分

黃芪

白芷各五分

右為細末。擦牙上。先漱口淨。然後用藥。

〔世〕治牙痛百藥不效。用荔枝殼燒灰存性。擦牙痛處。累驗。一二荔枝核亦可。

〔外〕治牙痛。獨囊蒜煨乘熱截用頭以熨痛上。轉易之。亦治蟲痛。

〔丹〕齒痛某黃酒煎含之。食療

〔垣〕馘鬼散。治風熱牙痛。昔劉經歷之內子年三十餘。病齒痛不可忍。須騎馬外行。口吸涼風則痛止。至家則痛復作。家人以為祟。祈禱於巫師而不能愈。遂求治於先師。問其故。曰。此病乃濕熱而邪也。足陽明貫于上齒。手陽明貫于下齒。陽明多血多氣。又加以膏粱之味。助其濕熱。故為此痛。因立一方。不須騎馬。當令風寒之氣常生於齒間。以黃連梧桐律之苦寒。新薄荷葉荊芥穗之辛涼。四味相合而作風寒之氣。治其濕熱。更以升麻之苦平。引入陽明經為使。牙齒骨之

口吸涼風者為止痛

餘以羊脛骨灰補之爲佐。麝香少許入內爲引。用爲細末。擦之神妙。又以調胃承氣去芒硝加黃連。以治其本。服之下三五行。其病良愈。不復作。

清胃湯。治因服補胃熱藥。致上下牙疼痛不可忍。牽引頭腦。滿面發熱。大痛。陽明之別絡入腦。在本經十喜寒惡熱。乃手陽明經中熱盛而作。其齒喜冷惡熱。五絡中

地黄 生二分

升麻 錢一

牡丹皮 五分

歸身 三分

揀黃連 六分不好加二分夏倍之

右五味。同爲細末。頓作一服。水煎至一半。去渣。候冷細哈之。卽效。
〔丹〕陽明熱牙疼。

大黃 燒灰存性

香附 燒存性

右爲末。入青鹽少許。無時擦之。

〔草〕淳于意醫齊中大夫病齩齒。灸左手陽明脈。苦參湯日漱三升。五六日愈。

〔丹〕卒牙痛。苦竹一莖。燒一頭。得汗多者。揩痛處立安。姚氏方

〔經〕患牙痛。含山荳根一片於痛處。

〔廣〕治牙齒疼痛。取槐樹白皮一握。切作一升煮。去渣。着鹽少許。適溫寒含之。日三易。

寒熱者為

〔丹〕當歸龍膽散治寒熱牙痛。

升麻 麻黃各一錢

羊脛骨灰各五分

生地 白芷 黃連各一錢

歸梢五分 草苴薏一錢

右為細末擦之神效。

益智木律散治寒熱牙疼。

草苴薏二錢 益智

歸身 熟地

羊脛骨灰各五分 木律二分

升麻錢半 黃連四分

右細末擦之如寒牙疼不用木律。

草苴薏散治寒多熱少牙齒疼。

草苴薏二錢 黃連半錢

升麻錢半 細辛葉

防風各一分 熟地

羊脛骨灰各五分 歸身七分

右件為細末牙痛處擦之。

立效散治牙齒痛不可忍及頭腦項背痛微惡寒飲大惡熱飲其脈上中下三部陽虛陰盛是五臟內盛六腑陽道脈微小小便滑數立效。

防風錢一 升麻七分

甘草炙三分

細辛二分

草龍膽酒洗四錢

寒多熱少

寒多熱少

右咬咀。頓作一服。水二大盞。煎至一盞。去渣。以匙抄在口中。燉痛處。少時立止。如多惡熱。飲更加龍膽草一錢。此法不定。隨寒熱多少。臨時加減。如更惡風作痛。加草荳蔻黃連各五分。勿加龍膽草。

麻黃 去節 三錢

桂枝

羊脛骨灰 各二錢半

羌活 錢半

草荳蔻 錢半

柴胡

升麻

防風

白芷 各二錢

藁本

蒼朮 各三錢

歸身 四分

細辛 許少

右爲細末。先燉後擦之。神效。

白芷散。治大寒犯腦。牙齒疼痛。

麻黃 去節

草荳蔻 各一錢半

黃芪

桂枝 各二錢半

吳茱萸

白芷 各四錢

藁本 三分

羌活 八分

歸身

熟地 各五錢

升麻 錢一

右爲細末。先用水漱洗。以藥擦之。

蠟梢散。治大寒犯腦。牙疼。

麻黃 錢半 去節

桂枝

歸身

柴胡

白芷 各二錢

升麻

防風

藁本

黃芪 各三錢

羌活 五分

羊脛骨灰 二錢半

草荳蔻 皮一錢

蠟梢少許

右爲末用如前法。

多食肉及
者口臭
傷內濕
熱

〔垣〕神功丸。牢牙散。調胃承氣減硝加黃連諸方。皆治平昔多食肉
人口臭。牙齒動搖欲落。或血出不止。乃內傷濕熱膏粱之疾也。方見熱
條及齒
露

〔子和〕澤州李繼之。忽患牙痛。皺眉不語。藥景先曰。會記載人云。陽
明經熱有餘也。宜大下之。乃付舟車丸七十粒。服畢。遇數知友留飲。
強飲熱酒數盃。藥爲鹽酒所發。盡吐之。吐畢而痛止。李大服曰。戴人
神仙也。不三五日。又痛。再服前藥百餘粒。大下數行乃愈。

〔丹〕牙痛而腫。

軟石膏

升麻

細辛

大黃

白芷

防風

羌活

連翹

川椒

青鹽

龍膽

荊芥

香附各等分

右爲細末。搽患處。

〔垣〕治蟲散。治大寒犯腦。牙齒疼痛。及癩風作痛。蟲痛。胃經濕熱腫
痛。

麻黃去節

羌活

草苴薏仁各五分 吳茱萸八分

藁本

白芷各三分

黃芪

升麻各一錢

歸身

益智仁

黃連各四分

桂枝各一分

羊脛骨灰

熟地各二分

右細末。先用溫水淨漱口。搽之。

〔世〕獨活散。治牙根腫痛。

川芎

獨活

羌活

防風各半兩

細辛

荊芥

薄荷

生地各二兩

右咬咀。每服二錢。水一盞。煎八分。溫服。

〔無〕一婦人牙痛。治療不效。口頰皆腫。以金沸草散大劑煎湯薰漱

而愈。方見玉門刺德四兩旋覆花前胡麻黃去節各三兩赤芍半夏各一兩。右件每五錢水一盞。牛薑七片。棗二枚。煎七分。漱口。吐一半。吃一半。

八味丸。治虛壅牙痛浮腫。方見治法。腎虛條。

〔無〕治牙齒腫痛。用白礬一兩。燒灰。大露蜂房一兩。微炙為散。每服

用二錢。以水一盞。半煎。十餘沸。乘熱燻牙。冷即吐之。

運氣齒痛皆屬熱。經云。少陰在泉。熱淫所勝。齒痛頰腫。治以鹹寒是

也。

〔世〕治牙齒痛。用茄蒂燒灰存性為末。傅痛處。累驗。如無茄蒂。用糟

茄亦可。

〔丹〕治牙齒痛。

散方

貼方

運氣

虛

常山

大戟

防風

細辛

荊芥

枇杷葉

何首烏

薄荷

葱根鬚

川椒

加煎湯漱之極效。

〔竹〕追風散治諸般牙痛。

貫衆

鶴虱

荊芥各等分

右咬咀。每用二錢。加川椒五十粒。水一盞。煎七分。去渣熱漱。吐去藥立效。

〔干〕治牙痛。以蒼耳子五升。水一斗。煎五升。熱含之。疼卽吐。吐後復含。不過三劑痊。莖葉亦得。牙痛用胡荽子濃煎湯漱之。

〔丹〕齒痛。省藤打碎含之。噤津。本草本部有省藤治齒疼

〔世〕治牙齒疼痛。蟾酥用銀珠摻和爲丸。如蘿蔔子大。每用一丸。搽上患處。便不疼。至三丸。吐濃涎數口全愈。定痛散治牙風疼痛立效。

細辛生半兩

白芷生

川烏頭生各一兩

乳香三錢

右爲末。每少許。擦牙痛處。引涎吐之。須臾以鹽水灌漱。一方無白芷川烏。有全蠍草烏。

〔家藏〕雄黃定痛膏。治牙齒疼痛。

大蒜二枚

猪牙皂角四錢

細辛去苗

盆硝另研各二錢

雄黃另研一錢

右爲末。同大蒜一處搗爲膏。丸如桐子大。每用一九。將綿子裹藥。左邊牙疼放在左耳。右邊牙疼放在右耳。良久痛止。一九可治數人。

透關散治牙疼。

蜈蚣頭

蠟梢去毒

草烏尖如麥粒大者

川烏底如錢薄者各七枚

雄黃如麥大七粒另研

胡椒七粒

右細末。用紙撚子蘸醋點藥少許於火上炙乾。塞兩耳內。閉口少時。卽效。

〔世〕又方。治牙疼。用巴苳一粒。煨黃熟。去殼。用蒜一瓣。切一頭作蓋。剝去中心。安巴苳在內。以蓋合之。用綿裹。隨患處左右塞耳中。

右塞耳三法。前一法治熱疼。後二法治寒疼也。
〔無〕牢牙散。去風冷蛀齲宣露。用之甚效。

槐枝

柳枝各長四寸四十九枝

皂角不蛀者七莖

鹽四十文重

右同入磁瓶內。黃泥固濟。糠火燒一夜。候冷取出。研細用如常法。有庵主年七十餘。云祖上多患齒疼脫落。得此方效。數世用之。齒白齊密。乃良方也。

〔垣〕白牙散

升麻一錢

羊脛骨灰二錢

白芷七分

石膏一錢半

麝香少許

右爲細末。先用溫水漱口。擦之妙。

麝香刷牙散

麝香一分

升麻一錢

黃連二錢

白芷一錢

羊脛骨灰

草薺各三分

歸身

防己酒浸

人參各三分

生地

熟地各二分

沒石子三枚

五倍子一個

右爲細末。用如前法擦之神效。

〔丹〕刷牙方

羊脛骨灰兩

升麻一錢

黃連一錢

右爲末擦之。

〔靈〕齒痛不惡清飲。取足陽明。惡清飲。取手陽明。

針灸齒痛不惡清飲。取足陽明。上齒痛亦如之。經云。邪客於足陽明之絡。令人齟齬。上齒寒。刺足中指次指爪甲上與肉交者各一疔。左刺右。右刺左。又云。邪客五藏之間。繆傳引上齒。齒唇寒痛。視其手背脈血者去之。足陽明中指爪甲上一疔。手大指次指爪甲上一疔。立

已。左取右。右取左。王註謂足大指次指爲中指也。

齒痛惡清飲。取手陽明。下齒痛亦如之。經云。大腸手陽明之脈入下齒中。是動則病齒痛頸腫。視盛虛熱寒。陷下調之。又云。手陽明之別名曰偏歷。去腕三寸。別入太陰。虛則齒寒痺隔。取之所別也。又云。齒齲刺手陽明不已。刺其脈入齒中者立已。是也。

〔丹〕治齒痛。金釵股火燒針痛處即止。本

〔撮〕牙痛牙槽。

呂細即太溪穴補三呼灸之治上牙痛

一一分沿皮向後三間分灸之治下牙痛

委中六分

呼六

〔世〕牙痛。足內踝兩尖灸治上牙龍玄在列缺上青脈中灸之治下牙

又法。承漿。風府

〔摘〕又法。合谷。內庭不應取崑崙蓋治上牙

〔甲〕齒痛。顴筋及三間主之。上齒齲。兌端及耳門主之。口中下

齒痛。惡寒頰腫。商陽主之。齒齲痛惡清。三間主之。齒齲痛。合谷

主之。口齒痛。溫溜主之。齒齲痛。聽會及衝陽主之。失欠下齒

齲下牙痛頰腫。下關主之。上齒齲痛惡寒者。上關主之。下齒齲

則上齒痛。掖門主之。齒痛。四瀆主之。上齒齲腫。目窗主之。上

齒齲痛。惡風寒。正營主之。牙齒齲痛。浮白及完骨主之。齒牙不

可嚼。斷腫。角孫主之。上齒牙齲疼。陽谷主之。齒齲痛。少海主之。

〔撮〕風牙疼。大淵一分灸七壯

醫痛
筋急
爲寒

牙痛
腫痛
爲熱

〔靈〕齧齒痛。按其陽之來有過者。獨熱。在左左熱。在右右熱。在上上熱。在下下熱。論疾診尺篇

齒搖斷露

〔垣〕羌活散。治風寒濕犯腦痛。項筋急。牙齒動搖。內齧祖脫疼痛。

麻黃去根節

白芷各三錢

羌活根半錢

防風根三錢

藁本

歸身各三分

細辛根

柴胡根

升麻

蒼朮各五分

羊脛骨灰二錢半

草苳薹

桂枝各一錢

右細末。先用溫水漱口淨。搽之。其痛立止。

黃連散。治冬天寒時。分風寒濕腦痛。項筋急。牙齒動搖疼痛。

麻黃根

草苳薹皮

龍膽草酒洗各二錢

生地二錢

羌活根二錢半

防風根二分

藁本三分

羊脛骨灰

歸身

熟地各六分

細辛根少許

升麻根

黃連各一錢

右極細末。依前搽之。

〔千〕治牙齒根欲動脫。生地細剉綿裹着齒上啞之。日三四。并嚥汁

效。

〔錢〕甘露飲子。治牙腫齒搖。方見小兒痘腫咽痛

〔垣〕牢牙散。治牙根肉綻有根。牙疳腫痛。動搖欲落。牙齒不長。牙黃口臭。宜用之妙。夏月亦可。

升麻四兩

羌活一兩

羊脛骨灰二兩

龍膽草一兩半酒洗

右為極細末。以紗羅子羅細。羊脛骨灰末和勻。臨臥擦牙妙。

扶苓

石膏

龍骨各一兩

寒水石

白芷各半兩

細辛三錢

石燕大者一兩小者二兩

右為細末。早晚刷牙。

〔垣〕麝香散。治熱多寒少。牙露根肉。斷脫血出。齒動欲落。大痛妨食。忤寒少。忤熱多。

麻黃

歸身

熟地

生地

人參

酒防己各三分

升麻一錢

草薺

黃連各錢半

益智仁二分半

麝香少許

羊脛骨灰二錢

右細末。依前法擦之。

〔垣〕還少丹。常服牢牙齒。方見治虛實法

〔本〕治牙齒動搖。髭髯黃赤。一服妙。

生薑半斤

生地一斤各洗淨研取自然汁渣留用

右用不蛀皂角十莖。刮去黑皮并筋。將前藥汁蘸皂角。慢火炙令

黃以藥汁盡為度。并前藥同入磁罐。用火煨留性為末。牙齒動搖。用藥揩齒齦上。髭黃用銀器盛藥末三錢。湯調。將藥汁蘸鬚。臨睡時用。次早已黑。三夜三次用之。其黑如漆。妙甚妙甚。此方常用屢驗。

〔竹〕蒺藜散。治打動牙齒。蒺藜根燒灰貼動牙即牢。

〔子〕治牙斷宣露。每日以鹽水擦牙。後用熱湯含漱百遍。不過五日。齒即牢密。

治齒齦宣露。蚯蚓糞水和為泥。燒令極赤。研如粉。臘月猪脂和傅上。日三傅瘡。

〔本〕取蛀牙本分法。

鵬砂成塊者 硃砂各一錢

礪砂錢二

川烏七個

砒二錢色黃白有光星者已上各為末

蟾酥七個

附子尖十四個各為末

右和勻。五月五日合者佳。點藥于牙根上。良久用手指揩下。次用後傳藥。

防風 荆芥各五文 乳香十五文

右為末。揩牙落處。并用些子塞牙落孔子內。

此二方余見一道人貨藥取牙。一日常貨三兩貫。余厚賂始傳得妙。

陽明
畜血

塞蛀
孔方

〔世〕落牙方。用馬肉十兩。信巴荳各等分。劉馬肉片。以信巴末拌勻。用石器盛。候出蟲焙乾研末。於牙疼處出些血點上隨落妙。

草烏

萹撥各兩

川椒

細辛各三

右細末。每少許措患處自落。

牙蛀牙不生

〔海〕牙齒等齲。數年不愈。當作陽明畜血治之。用桃仁承氣湯為細末。煉蜜丸。桐子大服之。好飲過者多得此疾。屢服有效。桃仁承氣湯方見傷寒

〔丹〕治蛀牙痛。內藜蘆細末於孔中。勿嚙津。神妙。又方。用江子香油燈上燒過。填入穴內。

〔世〕治蛀牙腫痛。用不蛀皂角一錠。去皮子。却用巴荳每於皂子處安巴荳一粒。用鹽泥固濟。燒灰研細末。用剗耳子抄少許。填入蛀牙內。

〔外〕療齒齲痛有蟲。取麻雀糞。以綿裹塞孔內。日一二次易之良。

〔丹〕齲齒用蘆薈四分。炒研細。先用鹽措淨齒。傅少許。一方用蘆薈白膠香塞蛀孔內。蛀牙取松脂銳如錐者塞孔中。少頃蟲出脂上。

〔本〕治牙疼。

鶴虱

細辛

白芷

乾茄各等分

右件爲末。每用少許搯痛處。如有蛀孔。用飯丸藥末塞孔中立效。

〔世〕治牙蛀疼。用鶴虱枝插患處立愈。

〔羅〕麝香散

敷貼方

麝香錢一

銅綠五分

白芨

白礬各二錢半

白蘇三錢半

右細末。每少許貼牙患處。

〔丹〕蟲蝕牙根肉腐。用棘針燒取瀝傳十餘次。又研雄黃末傳愈。

〔梅〕治牙蟲痛不可忍。嚼薰陸香嚙其汁立瘥。即乳香之類

〔丹〕又方。治牙蟲腐爛。用棘針二百枚。用水二升。煮一升。含之妙。

〔張〕治齲齒。以郁李根白皮水煮濃汁含之。冷卽易之效。

〔山〕蛀牙溫米醋漱出蟲。自愈。又風蛀牙疼。用香白芷細辛煎漱之。又絲瓜兒燒灰存性擦之。

〔竹〕蟲牙疼。天仙子不以多少。燒烟用竹筒抵牙引烟薰之。其蟲卽死。永不再發。

〔世〕治蛀牙。用小瓦片置油拌葦子燒烟。閣在水碗上。恰用漏斗覆之。以蛀牙受漏斗口中烟。其牙內蟲如針者。皆落水碗中。累效。

〔羅〕救苦散。治一切牙痛及塞風蛀牙疼。

含敷方

薰法

出擬方

方播鼻

生牙不

腎 厥陰 少陰

草烏

川烏

桂花

良薑

紅荳

胡椒

萹撥

細辛各五分

石膏

官桂各三錢

右細末。先漱淨裏外乾摻之。出涎立愈。

萹撥散。治風蛀牙疼。

萹撥二錢

蠟梢

高良薑各一分

草烏尖五分

右爲細末。每用半字。先含水一口。應痛處鼻內搽上。吐了水。用指粘藥少許。擦牙疼痛處。兼治偏正頭疼。

〔經〕治大人小兒多年牙齒不生。用黑荳三十粒。牛糞火內燒令烟盡。細研。入麝香少許。一處研勻。先以針挑不生牙處。令血出。用藥少許。搽不得見風。忌酸鹹物。

髮黃白 髮落不生

腎主髮。經云。腎之合血也。其榮髮者是也。

〔海〕張天師草還丹。此藥久服輕身。隨風而去。如列子之乘虛也。若髮白者。從根而黑。如未白者。永不白。有不信者。將藥拌飯。與白貓吃。一月即黑。

地骨皮

生地

石菖蒲

牛膝

遠志去心

兔絲子酒浸三宿炒黃

雜方

右各等分爲細末。煉蜜丸。如桐子大。每服三十丸。空心溫酒送下。
鹽湯亦得。修製忌女人雞犬見。此上少陰。厥陰藥也。

〔垣〕青絲散。補虛牢牙。黑髭鬚。

香白芷 白茯苓各五錢

母丁香

細辛

當歸

川芎

甘草

甘松 各三錢

升麻

旱蓮草

地骨皮

生地

熟地

青鹽

破故紙 各二錢

寒水石 七錢煨

香附米 一兩生薑汁

浸一宿妙

何首烏 一兩

麝香 五分

高茶末

右爲細末。庚日爲始。背東面西擦牙。早不見日。夜不見燈。刷畢。藥。餘津潤髭。一月白者頓黑。忌食蘿蔔。

〔本〕治髭髮黃黑。方見牙動搖。雜門方條。

〔草〕李卿換白髮方云。刮老生薑皮一大升。於鐺中以文武火煎之。不得令過沸。其鐺惟得多油膩者尤佳。更不須洗刮。便以薑皮置鐺中密封固濟。勿令通氣。令一精細人守之。地色未分時。便須煎之。緩不得令火急。如其人稍疲。卽換人看火。一伏時卽成。置於磁鉢中。研極細。李方雖曰一伏時。若火候勻。至日西卽藥成也。使時以小簪脚蘸取如麻子大。先於白髮下點藥訖。然後拔之。再點以手指熟擦。

虛

濕痰

雜方

之令入肉。第四日當有黑者生神效。

〔梅〕治年少髮白。拔去白者。以白蜜塗毛孔中。即生黑髮。不生取桐子搗汁塗上。必生黑者。

〔千〕療髮黃。熊脂塗髮梳之。散頭入牀底。伏地一食頃即出。便盡黑。不一升脂驗。

髮落不生

〔垣〕脈弦氣弱。皮毛枯槁。髮脫落。黃芪建中湯主之。髮脫落及臍下痛。四君子湯加熟地。

〔丹〕胡氏年十七八歲。髮脫不留一莖。飲食起居如常。脈微弦而瀼。輕重皆同。予曰。此厚味成熱。濕痰在膈間。又日多吃梅酸味。收濕熱之痰。隨上升之氣。至於頭。蒸薰髮根之血。漸成枯槁。遂一時盡脫。遂處以補血升散之藥。用防風通聖散去芒硝。惟大黃三度酒炒。兼以四物湯酒製合和作小劑煎。以灰湯入水頻與之。兩月餘後診其脈。濕熱漸解。停藥。淡味調養。又二年。髮長如初而愈。

〔竹〕滋榮散長養髮。髮落最宜。

生薑乾

人參兩一

右細末。每用生薑一塊。切斷蘸藥末於髮落處擦之。二日一次用。
〔世〕三聖膏。治髭髮脫落。能令再生。

黑附子

蔓荊子

栢子仁

各半

右爲末。烏鷄脂和勻。搗研乾置瓦合內。封固。百日取出。塗在髭髮脫處。三五日卽生。自然牢壯不脫。

〔本〕甜瓜葉。治人無髮。搗汁塗之卽生。

〔干〕治髮落不生。令長麻子一升。熬令黑。壓油。以傅頭髮上妙。

〔聖〕治生眉毛。用七月烏麻花陰乾爲末。生烏麻油浸。每夜傅之。烏麻卽秋麻是也。

二陰

腎

〔素〕此方黑色入通於腎。開竅於二陰。金匱真言論

前陰縮縱等疾。屬肝經病。見肝部。

欠嚏

後陰痔脫肛等疾。屬大腸腑病。見肺部。

腎主欠嚏

腎爲欠爲嚏是也。

運氣欠嚏有三。
一曰寒。經云。太陽司天。寒氣下臨。心氣上從。寒清時舉。熱嚏喜悲數

欠是也。

二曰火。經云。少陽司天之政。三之氣。炎暑至。民病嚏欠是也。

三曰濕鬱其火。經云。陽明司天之政。初之氣。陰始凝。民病中熱嚏欠

陽明
厥陰
運氣

診

針灸

火熱

是也

欠伸

二陽一陰發病。主驚駭背痛。善噫。善欠。全文見診病傳變王註云氣鬱於胃故欠生焉運氣欠伸皆屬風。經云。厥陰在泉。風淫所勝。病善伸數欠。治以辛是也。

〔伸〕中寒家善欠。

〔靈〕黃帝曰。人之欠者何氣使然。岐伯曰。衛氣晝日行于陽。夜半則行於陰。陰者主夜。夜者臥。陽者主上。陰者主下。故陰氣積于下。陽氣未盡。陽引而上。陰引而下。陰陽相引。故數欠。陽氣盡。陰氣盛。則目瞑。陰氣盡。陽氣盛。則寤矣。寤足少陰。補足太陽。口問篇

針灸欠伸有二法。此篇經文取足少陰太陽。是其一也。其二取胃。經云。胃足陽明之脈是動。則病振寒。善伸數欠。視盛虛實寒。陷下調之也。

嚏

〔河〕嚏。鼻中因痒而氣噴作干聲也。鼻為肺竅。痒為火化。心火邪熱干于陽明。發于鼻而痒則嚏也。或故以物擾之。痒而嚏者。擾痒屬火故也。或視日而嚏者。由目為五藏神華。太陽真火晃曜于目。心神躁亂而熱發于上。則鼻中痒而嚏也。

運氣

運氣嚏有三。

一曰熱火。經云。少陰司天之政。熱病生於上。民病血溢。鼽嚏。又云。少陰司天。熱氣下臨。肺氣上從。病鼽嚏。又云。少陰之復。燠熱內作。煩躁。鼽嚏。又云。少陽所至為鼽嚏。又云。少陽司天。火氣下臨。肺氣上從。欬嚏。鼽嚏。治以諸寒是也。

二曰金不及火乘之。經曰。金不及曰從革。從革之紀。其病嚏咳。鼽嚏。從火化者是也。

三曰燥金。經云。陽明所至為鼽嚏是也。

〔靈〕黃帝曰。人之嚏者。何氣使然。岐伯曰。陽氣和利。滿於心。出於鼻。故為嚏。補足太陽榮眉本。一曰眉上也。口問篇〇眉本恐攢竹穴

〔撮〕腠理不密。噴嚏不已。風門一分沿皮向後。〔仲〕其人清涕出。發熱色和者善嚏。本恐攢竹穴

身體拘急

運氣拘急屬寒。及寒濕風濕。經云。諸寒收引。皆屬於腎。又云。太陰司天之政。民病寒厥拘急。初之氣。風濕相搏。民病經絡拘強。關節不利。治法蓋小續命湯。仲景三黃湯之類是也。

夢遺 白濁

大法

〔丹〕精滑專主濕熱。用黃柏知母牡蠣蛤粉。 夢遺專主熱。與帶下

虛實
寒熱

虛憊
者夢
不禁
遺精

同治法。

〔本〕治夢遺有數種。下元虛憊。精不禁者。宜服茴香丸。年壯氣盛。久節淫慾。經絡壅滯者。宜服清心丸。有情慾淫動。經謂所愿不得。名曰白淫。宜良方茯苓散。正如瓶中煎湯。氣盛盈溢者。如瓶中沸湯而溢。慾動心邪者。如瓶傾側而出。憊虛不禁者。如瓶中有罅而漏。不可一概用藥也。又有一說。經曰。腎氣閉即精泄。素問云。腎者作強之官。伎巧出焉。又曰。腎藏精。蓋腎能攝精氣以生育人倫者也。或育或散。皆主於腎。今腎氣衰則一身之精氣無所管攝。故妄行而出不時也。猪苓丸一方。正爲此設。

〔內〕內傷氣血不能固守夢遺者。當補以入物湯加減。吞嚥根皮丸。〔垣〕面色白而不澤。難經云。肺太過則令人面白善嚏。悲愁不樂欲哭。面色白爲寒。脈沉厥急。按之空虛。色白脫氣。又爲脫血。又爲脫津。又爲脫液。又爲脫精。又爲脫神。是元神漂浮乎外。將離體之象也。其脈按之不鼓。猶爲亡陽。况虛空者乎。病乃陰寒極矣。若脈或盛大而瀼。猶爲中寒之病也。况虛空者乎。宜峻補之。巴戟丸。治肝腎俱虛。收斂精氣。補其元陽。充悅肌膚。進美飲食。

五味子

川巴戟心去

肉苁蓉酒洗

兔絲子炒

人參

白朮

熟地

骨碎補毛去

茴香

牡蠣

白龍骨

覆盆子

益智仁各等分

右為末。煉蜜丸。桐子大。每服三十九。空心食前米飲下。日二三服。補精止汗。虛汗改用八物湯止之。

〔本〕治遺精夢泄。關鎖不固。金鎖丹亦名茴香丸。

舶上茴香

葫蘆巴

破故紙

白龍骨各一兩

木香一兩半

胡桃三十個研

羊腎膏三對取開用鹽半兩擦炙熟研如膏

右五味為末。下一味同研成膏。和酒浸蒸餅杵熟丸。如桐子大。每服三五十丸。空心鹽湯下。

〔羅〕固真丹

晚蠶蛾二兩

肉苁蓉

白茯苓

益智各一兩

龍骨

右用鹿角膠。酒浸化開。丸桐子大。每服三粒。空心溫酒下。乾物壓之。

補真玉露丸。治陽虛陰盛。精脫淫瀝。脛酸。一方無茯苓

白茯苓去皮

白龍骨飛水

韭子酒浸炒

兔絲子酒浸各等分。火日修合

右為末。煉蜜丸。如桐子大。每服五十丸。溫酒下。鹽湯亦得。空心食前服。少時以美饍壓之。梅師方止用龍骨四分。韭子五合。為散。空心酒調服。方寸匕。治失精。暫睡即泄。聖惠方止用韭子。微炒為散。食前酒下。二錢匕。

思慮
外淫
者
心
虛
者
心
虛

治夢中泄精外臺方用新韭子二升十月霜後枯者好酒八合浸一宿明日日色好令童子
向南搗一萬杵平且涇酒服方寸匕治虛勞尿精再服立瘥此龍骨韭子為泄精要藥也

〔梅〕治精滑久不固。牡蠣不拘多少。砂鍋內醋燂七次。細末醋糊丸。桐子大。每五十丸。空心鹽湯下。

右龍骨牡蠣治夢遺例。王元珪虛而泄精。脈弦大。累與加減入物湯。吞河間秘真丸及珍珠粉丸。其泄不止。後用五倍子一兩。茯苓二兩。為丸服之。良愈。此則五倍子瀉脫之功。敏於龍骨蛤粉也。

〔河〕秘真丸。治白淫小便不止。精氣不固。及有餘瀝。或夢寐陰人通泄。

龍骨一兩
另研

大訶子皮五箇

硃砂一兩研細一分為衣

縮砂半兩

右為末。麵糊丸。葶苈大。每服一二十九丸。空心溫酒下。熟水亦得。不可多服。太秘。

〔本〕治虛損。補精水。壯筋骨。益心智。安魂魄。令人悅澤駐顏。輕身延年。益壽閉固。天癸入仙丹。

伏火硃砂

真磁石

赤石脂

代赭石

石中黃

禹餘糧

乳香

沒藥各一兩

右為末。研勻極細。糯米濃飲丸。桐子大。或荳大。每服一粒。空心鹽湯下。有人年幾七旬。夢漏羸弱。氣憊憊然。虛損。得此方服之。頓爾強壯。精氣閉固。飲食如故。予常製自服。良驗。

經云。思想無窮。所愿不得。意淫於外。入房太甚。宗筋施縱。發為白淫。夢遺等症。先賢治法有五。右法用辰砂磁石龍骨之類。鎮墜神之浮游。是其一也。其二思想結成痰飲。迷於心竅而遺者。許學士用猪苓丸之類。導利其痰是也。方見治其三思想傷陰者。潔古珍珠粉丸。用蛤粉黃栢降火補陰是也。方見其四思想傷陽者。謙甫鹿茸菴蓉兔絲子等補陽是也。方見白濁條其五陰陽俱虛者。丹溪治一形瘦人。便濁夢遺。作心虛治。用珍珠粉丸定志丸服之。定志丸者。遠志菖蒲茯苓人參是也。

年少壯節慾遺泄者。宜清心丸珍珠粉丸。清心方見熱條
 〔潔〕珍珠粉丸。治白淫夢遺泄精。又滑出不收。

黃栢皮一斤新瓦上炒赤

真蛤粉一斤

右為細末。滴水丸如桐子大。每服一百丸。空心溫酒送下。法曰陽盛乘陰。故精泄也。黃栢降火。蛤粉鹹而補腎陰。

〔丹〕精滑不禁方。用海蛤粉青黛香附黃栢知母之類。

〔海〕大鳳髓丹。治心火狂陽太盛。補腎水真陰虛損。心有所欲。速于感動。應之于腎。疾於施泄。此方固真元。降心火。益腎水。大有神效。

黃栢炒二兩

縮砂兩一

甘草半兩

半夏炒

木猪苓

茯苓

紅蓮蕊

益智仁各三錢五分

腰脊
時有
熱脈
供數
為熱

少腹
急陰
頭寒
服此
遲為
寒

右為丸。每服五七十丸。若只用黃栢甘草縮砂三味。為正鳳髓丹。只用黃栢甘草二味。為小鳳髓丹。古人云瀉心者非也。乃瀉相火益腎水之劑。

〔本〕治經絡熱夢遺。心忪恍惚。膈熱。清心丸。用好黃栢皮一兩。研為細末。生腦子一錢。同研勻。煉蜜為丸。如桐子大。每服十九至十五丸。濃煎麥門冬湯吞下。大智禪師云。夢遺不可全作虛冷。亦有經絡熱而得之也。嘗治一男子。至夜脊心熱。夢遺。用珍珠粉丸。猪苓丸。遺止。終服紫雪。脊熱始除。又一男子。脈洪腰熱。遺精。用沉香和中丸下之。導赤散治其火而愈。於此知身有熱而遺者。皆熱遺也。

〔仲〕夫失精家。少腹弦急。陰頭寒。目眩髮落。脈極虛。乳遲。為清穀亡血失精。脈得諸乳動微緊。男子失精。女子夢交。桂枝龍骨牡蠣湯主之。

桂枝

芍藥

生薑各三兩

甘草二兩

大棗十二枚

龍骨煨

牡蠣煨各二兩

右七味。水七升。煮三升。分溫三服。

天雄散方

天雄炮

龍骨各三兩

白朮八兩

桂枝六兩

右四味。杵為散。酒服半錢。七日三服。不止。稍增之。

清之
不止
寒爲
虛

愚壯年得夢遺症。每四十五日必一遺。累用鳳髓丹河間秘真丸。雖少效。終不除根。後改用菖蒲遠志萆子桑螵蛸益智酸棗仁牡蠣龍骨瑣陽等劑爲丸。服之良愈。

又一中年男子夢遺。以珍珠粉丸等藥與服。了無一效。亦以遠志菖蒲等劑服之。隨手而愈。

〔本〕猪苓丸。用半夏一兩。破如豈大。猪苓末二兩。先將一半炒半夏色黃。不令焦。出火毒。取半夏爲末糊丸。桐子大。候乾。更用前猪苓末一半同炒微裂。入砂瓶內養之。空心溫酒鹽湯下三四十丸。常服。於申未間溫酒下。此古方也。今盛行於時。而人多莫測其用。半夏有利性。而猪苓導水。蓋腎閉導氣使通之意也。予醫囊中嘗貯此藥。緩急與人三五服。皆隨手而驗。林監丞庇民亦數服而愈。

詳此治夢遺方屬鬱滯者居大半。庸醫不知其鬱。但用龍骨牡蠣等瀉劑固脫。殊不知愈瀉愈鬱。其病反甚。常治一壯年男子。夢遺白濁。少腹有氣衝上。每日腰熱。卯作酉涼。腰熱作則手足冷。前陰無氣。腰熱退則前陰氣耕。手足溫。又且多下氣。暮多噫。時振。隔一旬二旬必遺。脈且弦滑而大。午洪大。予知其有鬱滯也。先用沉香和中丸大下之。次用加減八物湯吞滋腎丸百粒。若稍與蛤粉等瀉藥。則遺與濁反甚。或一夜二遺。遂改用導赤散大劑煎湯服之。

溢之
久甚
鬱

遺濁皆止漸安。又一中年男子。皆夢遺。醫或與瀉藥。反甚。連遺數夜。愚先與神芎丸大下之。却製此猪苓丸服之。皆得痊安。又丹溪先生治鎮守萬戶蕭伯善便濁精滑不禁。百藥不效。與試倒倉法而安。於此見夢遺屬鬱滯者多矣。

〔世〕治精滑不禁。用局方青州白丸子。用辰砂為衣服之神效。

〔海〕烏金散。治夢泄精滑不禁。九肋鱉甲。每服二字。用清酒半盞。童便半小盞。陳葱白七八寸。同煎七分。和渣日兩服。本草云鱉甲主心腹癢。殺蠱積。

〔垣〕治男子夢與鬼交。心神恍惚者。刮鹿角屑三指撮。日二服。酒下。食療同。本草云鹿角屑逐惡氣惡血。

〔玉〕遺精白濁。夜夢鬼交。心俞一分沿皮向外一寸半先補後瀉不宜多年壯 白環俞一寸半瀉六吸補一呼

〔撮〕又法。白環俞一寸半灸五十壯與中極相平 腎俞中極灸隨年壯

〔集〕又法。腎俞 心俞 膏肓 關元 二陰不已取下穴

〔東〕腰脊冷。溺多白濁。失精。脾募三七壯 曲泉灸 中封灸

虛勞失精。陰縮。莖中痛。大赫三七壯 中封灸 曲骨端四七壯在陰橫骨中尖曲如月中央是也

〔華〕遺精。五臟虛竭。東陽司 列缺臥針五分

〔東〕溺血精出。男子精溢。陰上縮。大赫主之。男子精

盜。脛痠不能久立。然谷主之。男子精不足。太衝主之。

濕痰

白濁

〔丹〕便濁大概皆是濕痰流注。宜燥中宮之濕。用二陳湯加蒼朮白朮燥去其濕。肥白人必多濕痰。以二陳去其濕熱。胃弱者兼用人參。以柴胡升麻升其胃中之氣。胃中濁氣下流。必用二陳加蒼朮白朮柴胡升麻。一婦人年近六十。形肥。奉養膏粱。飲食肥美。中焦不清。積為濕氣。流入膀胱。下注白濁。白濁即濕痰也。用二陳去痰。蒼朮白朮去濕。補胃加升麻柴胡。升胃中之清氣。服四帖後。濁減大半。却覺胸滿。因柴胡升麻升動胃氣。痰阻滿悶而然。間有二陳湯加炒麩白朮香附以泄其滿。若素無痰者。雖升動胃氣。不滿也。兼用青黛樗皮蛤粉炒黃柏炒乾薑滑石為末。炒神麩糊丸服之。

蛤粉

青黛

此二味主胃中濁氣下流降入膀胱

樗皮末

大燥濕熱

滑石

黃柏

乾薑

炒褐色味苦。斂肺氣下。降使陰血生。乾姜鹽製

又方

右為末。炒神麩為丸。

黃柏焦炒

黃柏生

蛤粉各一兩

神麩半兩

右為末。滴水丸服。

白濁者。濕熱傷氣。久下不止。此係火不守也。知母黃柏炒附子各等

白濁
濕熱

傷氣

赤濁
濕熱
傷血

虛寒

分。水丸服。

赤濁者。濕熱傷血。於二陳湯中加白芍藥。仍用炒栢蛤粉椿皮滑石青黛。以神麴為丸。一方加乾薑炮褐色。固而不走。

〔羅〕白淫諸症。痿論曰。思想無窮。所願不得。意淫於外。入房太甚。宗筋弛縱。發為筋痿。及為白淫。夫腎藏天一。以慳為事。志意內治。則精全而瀉。若思想外淫。房室太甚。則固有淫泆不守。輒隨洩溺而下也。然本於筋痿者。以宗筋弛縱也。

內補鹿茸丸。治勞傷思想。陰陽氣虛。益精。止白淫。

鹿茸酥炙

免絲子酒浸

蒺藜炒

白蒺藜

肉苁蓉

紫苑

蛇牀子酒浸

黃芪

桑螵蛸

陽起石

附子炮

官桂各等分

右為細末。煉蜜為丸。如桐子大。每服二十九。食前溫酒送下。

扶苓丸。治心氣不足。思慮太過。腎經虛損。其陽不固。溺有餘瀝。小便

白濁。夢寐頻泄。

免絲子酒浸

石蓮去穢

白茯苓去皮

右為細末。酒糊為丸。如桐子大。每服二十九。鹽湯下。常服鎮益心

神。補虛養血。清小便。

金箔丸。治下焦虛。小便白淫。夜多異夢遺泄。

蠶蛾

破故紙炒

葶子炒

牛膝酒浸

肉苁蓉

龍骨

山茱萸

桑螵蛸

兔絲子酒浸各一兩

右為細末。煉蜜為丸。如桐子大。每服三十丸。溫酒空心下。

王瓜散。治小便自利如泄色。此腎虛也。

王瓜根

桂心各一兩

白石脂

兔絲子酒浸

牡蠣鹽泥燒赤候冷去泥各二兩

右為末。每服二錢。煎大麥粥湯調下。日三服。食前。

〔楊氏〕葶藶分清飲。治白濁凝面如油。光彩不定。凝脚如糊。

益智仁

川葶藶

石菖蒲

烏藥各等分

右以咀。每服四錢。水一盞。入鹽一捻。煎七分。食前溫服。一方加茯

苓甘草。

恐

恐與驚悸相似。實非驚悸也。張子和云。驚者為自不知故也。恐者為自知也。蓋驚者聞響即驚。恐者自知如人將捕之狀。及不能獨自坐臥。必須人為伴侶。方不恐懼。或夜必用燈照。無燈燭亦恐懼者是也。臟腑恐有四。

一曰腎。經云。在臟為腎。在志為恐。又云。精氣并於腎則恐是也。

灸及針

肝膽

二曰肝膽。經云。肝藏血。血不足則恐。戴人曰。膽者敢也。驚怕則膽傷矣。蓋肝膽實則怒而勇敢。肝膽虛則善怒而不敢也。餘見同上

三曰胃。經云。胃為恐是也。

四曰心。經云。心怵惕思慮則傷神。傷神則恐懼自失者是也。

胃
心
因恐
得之
為傷
腎

眩而
恐為
膽虛

〔丹〕周本心年六十歲。形氣俱實。因大恐。正月間染病。心不自安。如人將捕之狀。夜臥亦不安。兩耳後亦見火光炎上。食飲雖進而不知味。口乾而不欲食。以人參白朮當歸身為君。陳皮為佐。加鹽炒黃柏炙玄參各少許。煎服自愈。月餘而安。經云恐傷腎。丹溪用鹽炒黃柏炙玄參引參歸等入補腎足少陰絡也。

人參

枳殼

五味子

桂心

甘菊花

茯苓

山茱萸

枸杞子各三分

栝子仁

熟地各一兩

右細末。每二錢。溫酒調服。

治膽虛冷。目眩頭疼。心神恐畏。不能獨處。胸中滿悶。扶神散。

扶神一兩

遠志

防風

細辛

白朮

前胡

人參

桂心

熟地

甘菊花各三分

枳殼半兩

右為末。每服二錢。水一盞。薑三片。煎六分。溫服。不拘老幼皆宜服。

治膽虛目暗。喉痛數唾。眼目冒眩。五色所障。夢見被人爭訟。恐懼面色變者。補膽防風湯。

防風錢一

人參分七

細辛

芎藭

甘草

茯苓

獨活

前胡各八分

右粗末。每四大錢。水盞半。棗二枚。煎八分。去渣。食前服。

運氣善恐皆屬肝木虛。經云。木不及曰委和。委和之紀。其病淫動注恐是也。

內經針灸善恐有三

其一取腎。經曰。腎足少陰之脈是動。病氣不足則善恐。心惕惕如人將捕之。虛則補之。寒則留之是也。

其二取肝。經云。肝虛則目眈眈無所見。耳無所聞。善恐如人將捕之。取其經厥陰與少陽是也。

其三取膽。經云。膽病者善太息。口苦。嘔宿汁。心下澹澹恐人將捕之。取陰陵泉。又云。善嘔。嘔有苦。善太息。心中澹澹。恐人將捕之。邪在膽。

逆在胃。膽液泄則口苦。胃氣逆則嘔苦。故曰嘔膽取三里以下。胃氣逆則少陰血絡以閉。膽逆却調其虛實以去其邪是也。

〔甲〕心如懸哀而亂。善恐。嗌內腫。心惕惕恐。如人將捕之。多涎出。喘少氣。吸吸不足以息。然谷主之。澹澹而善驚恐。心悲。內關通之。千金作曲

醫學綱目卷之三十 傷寒部

傷寒通論 續傷寒通論

大法

前三日
前病
傷寒
陽宜

後三日
後病
傷寒
陰宜

三日
陰傷
傷寒
日雨

〔仲〕凡傷於寒。則為病熱。熱雖甚不死。若兩感于寒而病者必死。
尺寸俱浮者。太陽受病也。當一二日發。以其脈上連風府。故頭項痛。
腰脊強。尺寸俱長者。陽明受病也。當二三日發。以其脈俠鼻絡于
目。故身熱目疼鼻乾不得臥。尺寸俱弦者。少陽受病也。當三四日
發。以其脈循脇絡于耳。故胸脇痛而耳聾。此三經皆受病。未入於腑
者。可汗而已。

尺寸俱沉細者。太陰受病也。當四五日發。以其脈布胃中絡於噎。故
腹滿而噎乾。尺寸俱沉者。少陰受病也。當五六日發。以其脈貫腎。
絡於肺。繫舌本。故口燥舌乾而渴。
活人云經云一二日少陰者謂初中病時便入少陰不經三陽也大抵傷寒發于陽則太陽也發于陰則少陰也

陰則少陰也。凡病一日至十二日。太陽症不能罷者。俱治太陽。有初得病便見少陰
症者。宜攻少陰。亦不必先自巨陽。蓋寒入太陽即發熱而惡寒。入少陰即惡寒而不熱。
緩者。厥陰受病也。當六七日發。以其脈循陰器絡于肝。故煩滿而囊
縮。煩滿謂少腹煩滿也。下文云十二日厥陰病陰囊縮少腹微下謂向者囊之縮者今復病少腹之煩滿故令微下也。此三經皆受病。已入於腑。
可下而已。

若兩感於寒者。一日太陽受之。即與少陰俱病。則頭痛口乾煩滿而
渴。二日陽明受之。即與太陰俱病。則腹滿身熱。不欲食。譫語。三日少

感死者

多死

三日

前無

少陽

傳陽

症不

三日

後能

食不

嘔者

不傳

陰三

日脈

微小

而身

欲解

七日

傳經

盡當

病衰

七日

脈大

煩躁

者解

十三

日不

陽受之。即與厥陰俱病。則耳聾囊縮而厥。水漿不入。不知人者。六日死。若三陰三陽五臟六腑皆受病。則榮衛不行。臟腑不通而死矣。傷寒一日太陽受之。脈若靜者。為不傳。頗欲吐。若躁煩。脈微急者。為欲傳也。傷寒二三日。陽明少陽症不見者。不傳也。傷寒三日。三陽為盡。三陰當受邪。其人反能食而不嘔。此為三陰不受邪也。

問曰。傷寒三日。脈浮數而微。病人身溫和者。何也。答曰。此為欲解也。以夜半脈浮而解者。戰然汗出也。脈浮而解者。必能食也。脈不浮而解者。必大汗出也。三日少陽脈小欲已也。論見口苦舌乾

其不兩感於寒。更不傳經。不加異氣者。至七日太陽病衰。頭痛少愈也。八日陽明病衰。身熱少歇也。九日少陽病衰。耳聾微聞也。十日太陰病衰。腹減如故。則思飲食。十一日少陰病衰。渴止舌乾已而寔也。十二日厥陰病衰。囊縮少腹微下。大氣皆去。病人精神爽慧也。太陽病頭痛至七日已上自愈者。行其經盡故也。若欲再傳經者。針足陽明使不傳則愈。

六七日脈至皆大。煩而口噤不言。躁擾者。必欲解也。論見後錄傷寒六七日。無大熱。其人躁煩。此為陽去入陰故也。

若過十三日已上不問。問處尺寸陷者大危。

若更感異氣變爲他病者。當依舊壞症而治之。若脈陰陽俱盛。重感於寒者。變爲溫瘧。陽脈浮滑。陰脈濡弱者。更遇於風。變爲風溫。陽脈洪數。陰脈實大者。遇溫熱變爲溫毒。爲病最重也。陽脈濡弱。陰脈弦緊者。更遇溫氣。變爲溫疫。以冬傷於寒。發爲溫病。脈之變症。方治如說。見後條

凡發汗欲令手足皆周至。熱熱然。一時間許益佳。不可令如水流漓耳。若病不解。當重發汗。汗多則亡陽。陽虛不得重發汗也。凡人云發汗必已上厚衣覆之。腰已下蓋之。若腰已上淋淋而腰已下至足心微潤。病終不解。須如常覆蓋腰

以汗出爲解。然不如湯隨症良驗。凡發汗溫服湯藥。其方雖言日一二服。若病劇不解。當促其服。可半日間盡一二服。若與病相值。即便有所覺。重病者一日一夜。當晬時觀之。如服一劑。病症猶在。故當復作本湯服之。至有不肯汗出。服三劑乃解。若汗不出者死病也。凡服湯藥發汗。中病卽止。不必盡劑。吐下亦如之。

許學士云。記一鄉人傷寒身熱。大便不通。煩渴鬱冒。醫者用巴荳下之。頃得溏利。宛然如舊。予觀之。陽明結熱在裏。非大柴胡承氣不可。巴荳止去積。不能蕩滌邪熱蘊毒。亟進大柴胡等三服得汗而解。嘗謂仲景一百一十三方。爲丸者有五。理中陷胸抵當烏梅麻仁。是以理中陷胸抵當。皆大如彈子煮化而服。與湯散無異。至於麻仁治脾

欲攻
當先
下後

汗症
不罷
者再
汗吐
下溫
針後
為壞
症後
下病
診病

約。烏梅治濕蠶。皆用小丸以達下部。其他逐邪毒。破堅癥。導於血。潤燥糞之類。皆憑湯劑。未聞用巴豆小丸藥。以下邪氣也。既下而病不除。不免重以大黃芒硝下之。安能無損也哉。

凡傷寒之病。多從風寒得之。始表中風寒。入裏則不消矣。擬欲攻之。猶當先解表。乃可下之。若表已解而內不消。大滿大實。堅有燥屎者。自可除下之。雖四五日不能為禍也。

服桂枝湯。大汗出。脈洪大者。復與桂枝湯。如前法。論見

發汗解。半日許復煩。脈浮數者。可更發汗。活人云。凡發汗病。症仍在者。三日內可二三汗之。令脈已下。周遍為度。

凡病若發汗。若吐若下。若亡津液。陰陽自和者。必自愈。重七津液。則不能作汗。故必待自和。

乃太陽病三日已發汗。若吐若下若溫針。仍不解者。此為壞症。桂枝

不中與也。觀其脈症。知犯何逆。當隨證治之。

夫病陽多者熱。下之則鞭。無陽陰強。大便鞭者。下之則必清穀腹滿。

〔脈〕師持脈病人。欠者無病也。脈之呻者病也。言遲者風也。搖頭言

者裏痛也。行遲者表強也。坐而伏者氣短也。坐而下一脚者腰痛也。

裏實護腹如懷卵物者心痛也。寸口諸微亡陽。諸濡亡血。諸弱發

熱。諸緊為寒。諸乘寒者。則為厥。鬱冒不仁。以胃無穀氣。脾瀦不通。口

急不能言。戰而慄也。微脈極細而軟。濡脈極軟而浮。細弱脈極軟而沉。細

病六七日。手足三部脈皆至。大煩而口噤不能言。其人躁擾。必欲自

寸關
尺同
等者
當愈

能飲
水者
欲解
三陰
病脈
浮長
者欲
愈
三陽
晝解
三陰
晝解
夜解
晝得
夜解
晝得
夜解

解者。必當先煩。乃有汗而解。何以知脈浮。故知汗出解也。若脈和平。其人大煩。目重。瞼內際黃者。皆為欲解也。

河曰。脈病欲知愈未愈者。何以別之。答曰。寸口關上尺中三處。大小浮沉遲數同等。雖有寒熱不解者。此脈為陰陽和平。雖劇當愈。針經云。服藥云。

寸口入迎兩者相應。若引繩。大小齊等者。名曰平人。言手之寸口脈與喉旁之人迎脈等齊。為平人。後條云。六脈陰陽俱停。必先振慄汗出而解者。是也。凡得病厥脈動數。服湯藥更遲。脈浮大減小。初躁後靜。此皆愈症也。脈浮數而微。病人身溫和者。欲解也。論見前條。

風。脈陽微陰濇而長者。為欲愈。論見腹滿。少陰中風。脈陽微陰浮者。欲愈。論見腹滿。太陽病已至未解。見發熱。厥陰中風。脈微浮者。欲愈。不浮未愈。

陽明病申至戌解。見胃實。太陰病亥至丑解。見腹滿。少陽病寅至辰解。見口苦。太陰病亥至丑解。見腹滿。少陰病子至寅解。見欲寐。厥陰病丑至卯解。見氣上撞心。

問曰。凡病欲知何時得。何時愈。答曰。假令日中得病。夜半愈者。以陽得陰。則解也。夜半得病。日中愈者。以陰得陽。則解也。病家人請云。病人苦發熱。身體疼。病人自臥。師到診其脈沉而遲者。知其瘥也。何以知之。表有病者。脈當浮大。今反沉遲。故知愈也。假令病人云。腹內卒痛。病人自坐。師到脈之。浮而大者。知其瘥也。何以知之。若裏有病者。脈當沉而細。今脈浮大。故知愈也。

者。脈當沉而細。今脈浮大。故知愈也。

脈浮緊按之

之戰汗

解而汗

脈浮而汗

解而汗

戰而汗

死診生

禁忌

諸脈

沉及

遲者

問曰病有戰而汗出者因得解者何也答曰脈浮而緊按之反芤此為本虛故當戰而汗出也其人本虛是以發戰以脈浮故當汗出而解也

若脈浮而數按之不芤此人本不虛若欲自解但出汗耳不發戰也問曰病有不戰而汗出解者何也答曰脈大而浮數故知不戰汗出而解也

問曰病有不戰不汗出而解者何也答曰其脈自微此以曾經發汗若吐若下若亡血以內無津液待陰陽自和必自愈故不戰不汗出而解也

右海藏云戰而後解者太陽也不戰有汗而解者陽明也不戰無汗而解者少陽也

太陽病未解脈陰陽俱停必先戰慄汗出而解陽微者汗解陰微者下解論見發熱凡脈大浮數動滑此名陽也沉瀼弦弱微此名陰也

凡陰病見陽脈者生陽病見陰脈者死陰陽俱盛大汗出不解者死陰陽俱虛熱不止者死又診生死詳法並見診法

服藥正如方法縱意違師不須治之

脈沉為在裏而反發其汗則津液越出大便難表虛裏實久則譫語也論見諸語脈浮緊者法當身疼痛宜以汗解之假令尺中遲者不可發

劑和解之愈

汗何以知之。以榮氣不足血少故也。括人云先以小建中湯加黃芪如尺脈尚遲耳作一劑却服柴胡桂枝二越婢一湯其湯分小

許學士云。一鄉人丘生者。病傷寒發熱。頭疼煩渴。脈雖浮數無力。尺以下遲而弱。予曰。此雖麻黃症。而尺遲弱。仲景云。尺中遲者。榮氣不足。血氣微少。未可發汗。予於建中湯加當歸黃芪令飲。翌日脈尚爾。其家煎迫。日夜督發汗藥。幾不遜矣。予忍之。但只用建中調榮而已。至五日尺部方應。遂投麻黃湯。啜二服。發狂。須臾稍定。略睡。已中汗矣。信知此事誠難。仲景雖云不避晨夜。即宜便治。醫者亦須顧其表裏虛實。待其時日。若不循次第。暫時得安。損虧五臟。以促壽限。何足貴哉。昔南史載范雲傷寒。恐不得預武帝九錫之慶。召徐文伯診視。以實懇之。曰。可便得愈乎。文伯曰。便瘥甚易。只恐二年後不復起耳。雲曰。朝聞道夕死猶可。况二年乎。文伯以火燒地。布桃葉。設席。置雲於其上。頃刻汗解。撲以溫粉。翌日果愈。雲甚喜。文伯曰。不足喜也。後二年果卒。夫取汗先期。尚促壽限。况不顧表裏。不待時日。便欲速效乎。每見病家不奈。病未三四晝夜。促汗。醫者隨情順意。鮮不敗事。予故書此為戒。

脈浮大應發汗。醫者反下之。此為大逆。諸外實者不可下。下之則發微熱。脈厥者當臍握熱。諸虛者不可下。下之則大渴求水者易

諸脈浮及外實未解諸虛者忌下

諸脈微瀝汗下
諸脈浮數火者忌

有汗便數飲酒者忌
桂枝便澹忌梔子下
諸變

發熱惡寒
續傷寒通論
脈浮表

愈惡水者劇。太陽症表未解不可下。下之為逆。論見發熱

脈濡而弱。弱反在關。濡反在竈。微反在上。瀋反在下。微則陽氣不足。

瀋則無血。陽氣反微。中風汗出。而反躁煩。瀋則無血。厥而且寒。陽微

發汗。躁不得眠。陽微不可下。下之則心下痞。鞭。陽微不可下當是復不可下之

脈浮熱甚。反灸之。此為實以虛治。因火而動。必咽燥唾吐。微數之

脈。慎不可灸。因火為邪。則為煩逆。追虛逐實。血散脈中。火氣雖微。內

攻有力。焦骨傷筋。血難復也。脈浮且汗。反用火灸之。邪無從出。腰

以下必重而痺。論見下重

桂枝本為解肌。若其脈浮緊發熱無汗者。不可與也。常須識此。勿令

誤也。脈浮自汗。小便數。微惡寒。腳攣急。忌桂枝湯攻表。論見厥酒客

病不可與桂枝湯。得湯則嘔。以酒客不喜甘故也。

凡用梔子湯。病人舊微澹者。不可與服之。

若不宜下而便攻之。內虛熱入。挾熱遂利。煩躁諸變。不可勝數。輕者

困篤。重者必死矣。太陽病下之。其脈促不結胸者。此為欲解也。脈

浮者必結胸也。脈緊者必咽痛。脈弦者兩脇必拘急。脈細數者頭痛

未止。脈沉緊者必欲嘔。脈沉滑者挾熱利。脈浮滑者必下血。

續傷寒通論

活。發熱惡寒。身體痛而脈浮者。表證也。表證者。惡寒是也。惡寒者。

發熱惡寒
便破
腹滿
脈沉
發熱惡寒

寒往來
脇滿
脈弦
為半
裏

表裏
俱見

屬太陽宜汗之

〔成〕惡寒一切屬表。雖裏症悉具。而微惡寒者。亦是表未解也。猶當先解其外。候不惡寒為外解。乃可攻裏也。

不惡寒。反惡熱。手掌心并腋下。或譫語。脈沉而滑者。裏症也。裏症者。內熱是也。內熱者。屬陽明。宜下之。傷寒始發熱惡寒。今汗後。不惡寒。但倍發熱而躁。始脈浮而大。今脈洪實。或沉數細。始惺靜。今狂語。此為胃實陽盛。再汗即死。須下之則愈。亦有始得病。便變陽盛之症。須便下之。不可拘以日數。更有心胸連腹臍大段痠悶。腹中痛。坐臥不安。冒悶喘急極者。亦不問他症。便下之。若失下。則氣血不通。四肢便厥。醫人不知。反疑是陰厥。復進熱藥。禍如反掌。不可不察也。

〔成〕邪之客於表者。為寒邪。與陽相爭。則為寒矣。邪之入於裏者。為熱邪。與陰相爭。則為熱矣。邪在半表半裏。外與陽爭而為寒。內與陰爭而為熱。是以往來寒熱。邪居表多則多寒。邪居裏多則多熱。邪半在表半在裏。則寒熱亦半矣。邪在表者。必瀆形以為汗。邪在裏者。必瀆滌以取利。其餘不外不內。半表半裏。又非發汗之所宜。亦非吐下之所對。是當和解則可矣。小柴胡為和解之劑也。

〔活〕傷寒表症當汗。裏症當下。不易之法也。發表攻裏。本自不同。甘

遂神丹不可合飲。桂枝承氣安可並進。然而假令病人脈浮而大是表症當汗。其人發熱煩渴。小便赤。却當下。此是表裏俱見。五苓散主之。假令傷寒不大便六七日。頭痛有熱者。是裏症當下。其人小便清者。知不在裏。仍在表也。當須發汗。此是兩症俱見。即未可下。宜與桂枝湯。假令病人心中下滿。口不欲食。大便鞭。脈沉細。是裏症當下。其人頭汗出。微惡寒。手足冷。却當汗。此兩症俱見者。仲景所謂半在表半在裏也。小柴胡主之。假令太陰病。表症未除。而醫數下之。遂挾熱而利不止。心下痞鞭。仲景謂之表裏不解。桂枝人參湯主之。本太陽病。醫反下之。因爾腹痛。是有表復有裏。仲景用桂枝加芍藥湯。痛甚者。桂枝加大黃。又云。太陽病桂枝症。醫反下之。利遂不止。脈促者。表未解也。喘而汗出者。葛根黃芩湯主之。此皆仲景治傷寒有表復有裏之法也。

〔海〕大柴胡湯。治表裏內外俱熱之症。治有表者。或脈浮。或頭痛。或惡風。或惡寒。四症中或有一二尚在者。乃十三日過經不解是也。治有裏者。或譫語。或妄語。或擲手揚視。此皆裏之急者也。若欲汗之。則裏症已急。欲下之。則表症尚在。通宜大柴胡湯。

傷寒四五日後。以至過經無表症。又於裏症未可下者。皆可用小柴胡。隨證加減用之。以至十餘日亦可用。十餘日外。用小柴胡不愈者。

百病
皆分
表裏

半表
半裏
不同

頭痛
身熱
脈浮
爲

若大便鞭，看症可下。則用大柴胡下之。以過經。其人稍虛。當下者。用大柴胡湯。則穩當。恐承氣太緊。病人不禁也。仲景云。六七日目中不了了。睛不和。無表裏症。大便難。身微熱。此爲實也。當下之。宜大承氣湯。又云。病人無表裏症。發熱七八日。脈雖浮數。可用大柴胡下之。假令已下。脈數不解。至六七日不大便者。有瘀血也。屬抵當湯。

治傷寒須分表裏。若表裏不分。汗下差誤。豈爲上工。且如均是發熱。身熱不渴。爲表有熱。小柴胡加桂枝主之。厥而脈滑。爲裏有熱。白虎加人參主之。均是水氣。乾嘔微利。發熱而咳。爲表有水。小青龍加芫花主之。體涼表症罷。效而脇下痛。爲裏有水。十棗湯主之。均是惡寒。有熱而惡寒者。發於陽也。麻黃桂枝小柴胡主之。無熱而惡寒者。發於陰也。附子四逆主之。均是身體痛。脈浮發熱。頭痛身體痛者。爲表未解。麻黃湯主之。脈沉自利。身體痛者。爲裏不和。四逆湯主之。以此觀之。仲景表裏之法甚詳。學者宜深究心也。

〔海〕半表半裏者有幾。夫邪在榮衛之間。謂之半表半裏也。太陽陽明之間。少陽居身之半表半裏也。五苓散分陰陽膀胱經之半表半裏也。理中湯治吐泄上下之半表半裏也。

〔活〕太陽陽明少陽。皆屬陽症也。太陽者。膀胱也。發熱惡寒。頭疼腰痛。而脈浮也。陽明者。胃也。不惡寒反惡熱。濇濇汗出。大便秘。潮熱。而

吐利厥陰厥陰微陰

陰症陽症辨

脈長也。少陽者。膽也。口苦咽乾。脇下滿。發熱而嘔。或往來寒熱。而脈弦也。麻黃湯。大青龍湯。桂枝湯。治太陽傷風寒也。大柴胡湯。調胃承氣湯。小承氣湯。大承氣湯。治陽明傷寒也。小柴胡湯。治少陽傷寒也。其他藥。皆發汗吐下後症也。若陽氣獨盛。陰氣暴絕。即為陽毒。必發躁狂走。妄言。面赤咽痛。身斑斑如錦紋。或下利黃赤。脈洪實。或滑促。當以酸苦之藥投之。令陰氣復而大汗解矣。古人云。酸苦涌泄為陰。謂苦參。大青。葶藶。苦酒之類。皆復其陰氣也。微用苦。甚則兼用酸苦。折熱復陰。若熱極發厥。陽症似陰者。學者當以脈別之。

太陰少陰厥陰。皆屬陰症也。何謂太陰症。太陰脾之經。主胸膈腹脹。何謂少陰症。少陰腎之經。主脈細心煩。但欲寐。或自利而渴。何謂厥陰症。厥陰肝之經。主消渴。氣上衝心。心中疼熱。饑不欲食。食則吐。或下之利不止也。三陰中寒微。則理中湯。稍厥。或中寒下利。即乾薑甘草湯。大段重者。用四逆湯。無脈者。用通脈四逆湯。若陰氣獨盛。陽氣暴絕。則為陰毒。其症四肢逆冷。臍腹築痛。身如被杖。脈沉實。病或吐或利。當急灸臍下。服以辛熱之藥。令復陽氣而大汗解矣。古人云。辛甘發散為陽。謂桂枝甘草乾薑附子之類。能復其陽氣也。微用辛甘。甚則用辛苦。若陰極熱躁。陰症似陽者。學者亦當以脈別之。

〔羅〕陰症陽症辨。靜江府提刑李君長子年十九歲。四月病傷寒。

汗下
大法
但當
隨症
不拘
數日

九日。醫者作陰症治之。與附子理中丸數服。其症增劇。別易一醫。又作陽症。議論差互。不敢服藥。李君邀予往視。坐間有數人。予不欲直言其症。但細爲分解。令自忖度之。凡陽症者。身大熱而手足不厥。臥則怛然。起則有力。不惡寒。反惡熱。不嘔不瀉。瀉而飲水煩躁不得眠。能食而多語。其脈浮大而數者。陽症也。凡陰症者。身不熱而手足厥冷。惡寒踈臥。惡聞人聲。或自引衣蓋覆。不煩渴。不飲食。小便自利。大便反快。其脈沉細而微遲者。陰症也。今診其脈數得六七至。其母云。夜來叫呼不絕。全不睡。又喜飲冰水。予聞其言。知陽症悉具。且三日不見大便。宜急下之。予遂以酒煨大黃六錢。甘草炙二錢。芒硝五錢煎服。至夕下數行。燥糞二十餘塊。是夜汗大出。明日又往視之。身涼脈靜矣。予思素問熱論云。治之各通其臟腑。故仲景述傷寒論云。六經各異。傳變不同。活人亦云。凡治傷寒。先須明經絡。其義一也。昧者不學經絡。不問病源。按寸握尺。妄意病症。不知邪氣之所在。動致顛覆。真盲醫哉。昔韓子云。醫之病病在少思。真理致之言也。學者審之。

陰症似陽陽症似陰並見陰陽臟腑部發寒熱反治條

〔活〕未滿三日。可汗而已。滿三日者。可泄而已。此大略言之耳。凡病人有虛有實。邪氣傳受。遲速不同。豈可拘以日數。仲景云。日數雖多。但有表症而脈浮者。猶宜發汗。日數雖少。若有裏症而脈沉者。即宜

辨傷寒傷風症不同

下之。正應隨脈治之。又況六氣之邪。乘虛之經。皆自背得之。則入太陽。或入少陰。自面感之。則入陽明之類。不必皆始於太陽也。兼寒邪有首尾止在一經。或間傳一二經。不可以一理推。但視脈與外症治之。此活法也。假令有人脈浮。頭項強痛。發熱而惡寒。每日如此。不以日數多少。正是太陽經受之。其餘經皆倣此。大抵傷寒惟憑脈與外症以汗下之。若過日多。脈尙大浮。數按之不足者。尙責太陽也。可發汗而愈。若按之實者。汗之必死。須下之而愈也。若始病脈沉細數。外症或腹滿咽乾。或口燥舌乾而渴。爲熱。正責屬裏。可下之而愈。若無此症。表熱脈沉。誤下者必死。須用麻黃附子甘草麻黃細辛附子湯少發汗以治之。此皆仲景之確論也。傷寒脈浮而緊。身體拘急。惡寒無熱。寒多熱少。面色慘而不舒。腰脊疼痛。手足四末微厥。此麻黃症也。傷寒脈浮而緩。寸大而尺弱。自汗。體熱。頭疼。惡風。寒多熱少。其面光而不慘。煩躁。手足不冷。此桂枝症也。傷寒者。脈緊而瀼。傷風者。脈浮而緩。傷寒無汗。傷風有汗。傷寒畏寒不畏風。傷風畏風不畏寒。大抵太陽病者。必脈浮發熱。惡風惡寒。惡寒者不當風而自憎寒。惡風者當風而憎寒也。六經皆有傷風傷寒。其症各異。太陽脈浮有汗爲中風。脈緊無汗爲傷寒。陽明善饑爲中風。不食爲傷寒。少陽兩耳聾目赤胸滿而煩爲中風。口苦咽乾目

發汗
輕重
隨病

助汗
法

眩爲傷寒。若二陰傷風。無變異形症。但四肢煩疼。餘症同三陽也。

傷風見寒脈者。發熱惡風。煩躁。手足溫而脈反浮緊。蓋發熱惡風。煩躁。手足溫爲中風候。脈浮緊爲傷寒候也。傷寒見風脈者。寒多熱少。不煩躁。手足微厥而脈反浮緩。蓋多熱少寒。不煩躁。手足微厥爲

傷寒候。脈浮緩爲中風候也。傷風見寒傷寒見風大青龍症也

傷寒發表。須當隨病輕重而汗之。故仲景有發汗者。有和解者。發汗如麻黃湯。桂枝湯。大青龍湯是也。和解如小青龍湯。桂枝湯。麻黃各半湯。白虎湯。桂枝二越婢一湯。柴胡桂枝之類是也。後人不能深究。寒邪淺深。藥性緊慢。一概用藥。因致夭傷。其間縱或生全。往往汗後虛乏。遂至勞復。或變成百病。淹引歲月。卒至不救。此皆由汗下過度。陰陽並竭。血氣羸損。以致此禍。如遇病輕。但當和解之。所謂調和則榮衛以通津液。令其自解可也。

丹溪治傷寒表症。用補中益氣湯發散。海藏用神朮湯。白朮湯。九味羌活散發散。此皆和解之意。不使真氣散失也。

傷寒連服湯劑而汗不出者。如中風法蒸之。使溫熱之氣於外迎之。無不得汗。其法用薪火燒地。良久掃去。以水洒之。取蠶沙。栢葉。桃葉。糠。麩。皆鋪燒地上。可側手厚。上鋪席。令病人當上臥。溫覆之。移時汗立至。候周身至脚心熱。乃用溫粉撲之。汗止上牀。最得力者。蠶沙。

桃栢葉也。糠麩乃助其厚。多少隨用。

〔衍〕治傷寒汗不出。搗腳法。用海蛤粉烏頭各二兩。穿山甲三兩。為末。酒糊和丸。大一寸許。捏扁。置患人足心下。擘葱白蓋藥。以帛纏定。於煖室取熱湯浸腳至膝下。久則水溫。又添熱水。候遍身汗出為度。凡一二日一次浸脚。以和為度。

攻裏
看熱
探淺

〔活〕傷寒裏症。須看熱氣淺深。故仲景有直下之者。如大承氣小承氣十棗大柴胡湯是也。有微和其胃氣者。如調胃承氣湯脾約丸。少與小承氣微和之。之類是也。

〔金匱〕虛者。十補勿一瀉。強實者瀉之。虛實等者。雖瀉勿大泄之。故王叔和序傷寒。有承氣之戒。

〔垣〕治大便秘結。用通幽湯。潤腸湯丸。皆為血氣津液不足者設也。藥用大承湯最緊。小承湯次之。調胃承氣又次之。大柴胡湯又次之。

〔海〕大承氣湯治大實大滿。滿則胸腹脹滿。狀若合瓦。大實則不大便也。痞滿燥實四症俱備則用之。雜病則進退用之。

大黃 治大實

芒硝 治燥糞比二味
治有形血藥也

厚朴 治大滿

枳實 治痞比二味治
無形氣藥也

小承氣湯。治痞實而微滿。狀如饑人食飽飯。腹中無轉矢氣。即大承氣湯。只去芒硝。心下痞。大便或通。熱甚。須可下。宜此方。調胃承氣湯。治實而不滿者。腹如仰瓦。腹中有轉矢氣。有燥糞。不大便而譫語。

三乘
氣分
輕重
不同

堅實之症宜用之。

右已上三法不可差。差則無者生之。有者遺之。假令調胃承氣症。用大承氣下之。則愈後元氣不復。以其氣藥犯之也。若大承氣症。用調胃承氣下之。則愈後神凝不清。以其無氣藥也。小承氣症。若用芒硝下之。則或利不止。變而成虛矣。

〔垣〕三一承氣湯辨。實則瀉之。人所共知。如緩急輕重之劑。則臨時消息焉。如不惡寒。反惡熱。發渴譫語。腹滿而喘。手足濇然汗出。急下之。宜大承氣湯。如邪未深。恐有燥糞。少腹痛。小承氣湯試之。腹中轉矢氣者。有燥糞也。乃可攻之。不轉矢氣者。初鞭後漉。尙未可攻。攻之則腹滿不能食。若腹不通。止與小承氣湯微和胃氣。勿令大泄。如發汗不惡寒。但實者。胃實也。當和胃氣。調胃承氣湯主之。

〔成〕大熱結實者。與大承氣湯。小熱微結者。與小承氣湯。以熱不大甚。故于大承氣湯中去芒硝。又以結不至堅。故減厚朴枳實。如不至大堅。然邪熱已甚。而須攻下者。亦未可投大承氣湯。必以輕緩之劑攻之。于大承氣湯中。減厚朴枳實。加甘草。乃輕緩之劑。以調胃也。設若大承氣湯症。反用調胃承氣湯下之。則邪氣不伏。小承氣湯症。反用大承氣湯下之。則過傷正氣。而腹滿不能食。故有勿大泄之戒。此仲景所以分而治之。未嘗越聖人之制度。後之醫者。以此三藥合而

爲一。且云通治三藥之症。及傷寒雜病內外一切所傷。若如此說。與仲景之方甚相背戾。且失軒岐緩急之旨。由是紅紫亂失迷惑。世人一唱百和。使病者暗受其弊。將何所咎哉。倘有公心審是者。當于內經仲景方中求之。責使藥症相對。以聖賢之心爲心。則方之真僞。自可得而知矣。

汗下緩急

〔潔〕傷寒之法。先言表裏。及有緩急。三陽表當急。裏當緩。三陰表當緩。裏當急。又曰。脈浮當汗。脈沉當下。脈浮。汗急而下緩。謂三陽表也。脈沉。下急而汗緩。謂三陰裏也。麻黃湯謂之急。麻黃附子細辛湯謂之緩。內經云。有瀆形以爲汗。謂汗之緩。裏之表也。又云。在皮者汗而發之。謂汗之急。表之表也。急汗者太陽。緩汗者少陰。是藏府之輸應也。假令附子麻黃細辛湯是少陰症。始得發熱。脈沉裏和無汗。故瀆形爲汗。今麻黃湯是太陽症。頭項痛。腰脊強。脈浮無汗。裏和是也。在皮者汗而發之可也。經曰。治主以緩。治客以急。此之謂也。麻黃湯方見傷寒表裏上傳假令得肝脈。其外症善潔面青善怒。其三部脈俱弦而浮。惡寒裏和。清便自調。麻黃湯內加羌活防風各三錢。謂肝主風。是膽經受病也。大便祕或泄下赤水無數。皆裏不和也。假令得心脈。其外症面赤口乾善笑。其尺寸脈俱浮而洪。惡寒裏和。清便自調。麻黃湯內加黃芩石膏各三錢。謂心主熱。是小腸受病也。假令得脾脈。其外症面

脈浮有表爲裏之宜

服浮
有裏
爲去
之裏
宜緩
下

服沉
有裏
爲裏
之表
宜緩
汗

黃。善噫。善思。善味。尺寸脈俱浮而緩。裏和惡寒。麻黃湯內加白朮。防風各三錢。謂脾主濕。是胃經受病也。假令得肺脈。其外症面白。善噫。悲愁不樂。欲哭。其尺寸脈俱浮而瀼。裏和惡寒。麻黃湯內加桂枝。生薑各三錢。謂肺主燥。是大腸受病也。假令得腎脈。其外症面黑。善恐。欠。尺寸脈俱沉。而裏和惡寒。麻黃湯內加附子。生薑各三錢。謂腎主寒。是膀胱受病也。

已上五症。皆表之表也。謂在皮者。急汗而發之。皆腑受病也。表之裏者。下之當緩。謂隨臟表症外顯。尺寸脈俱浮。而復有裏症。謂發熱飲水。便利赤色。或洩下赤水。其脈浮。按之內實或痛。麻黃湯方去麻黃。杏仁隨臟元加藥同煎。分作五服。每下一症。初一服加大黃五分。如邪未盡。又加大黃一錢。未盡。再加大黃一錢半。直候邪盡則止。此先緩而後急。是表之裏。宜下之當緩也。

麻黃附子細辛湯

方見下少陰但欲寐條

假令得肝脈。其內症滿悶。淋瀝便難。轉筋。其尺寸脈俱沉而弦。裏和惡寒。肝經受病。麻黃附子細辛湯內加羌活。防風各三錢。假令得心脈。其內症煩心。心痛。掌中熱而噦。其尺寸脈俱沉洪。裏和惡寒。心經受病。於前湯內加黃芩。石膏各三錢。假令得脾脈。其內症腹滿脹。食不消。怠惰嗜臥。其尺寸脈俱沉緩。裏和惡寒。脾經受病。加白朮

防己各三錢。假令得肺脈。其內症喘嗽。洒淅寒熱。其尺寸脈俱沉。瀼。裏和惡寒。肺經受病。加生薑桂枝各三錢。假令得腎脈。其內症泄瀉下重。足脛寒而逆。其尺寸脈俱沉。裏和惡寒。此腎經受病。加薑附各三錢。

已上五症。裏之表也。宜漬形以為汗。皆臟受病也。裏之裏者。下之當急。謂隨臟內症已顯。尺寸脈俱沉而復有表症。謂小便赤大便祕瀼。或瀉下赤水。或瀉或咳。不能飲食。不惡風寒。發熱引飲。其脈俱沉。按之內實而痛。此謂裏實。宜速下之。麻黃附子細辛湯內去麻黃隨臟元加藥同煎。分作三服。每下一症。初一服加大黃三錢。邪盡即止。如邪未盡。第二服加大黃二錢。又未盡。第三服加大黃一錢。此先急而後緩。是裏之裏也。宜速下之。

〔雲〕太陽症。非頭痛項強。不可發汗。非身熱惡寒。不可發汗。非脈浮。不可發汗。

〔活〕其脈微弱。或尺脈遲者。不可表。其人當汗而衄血者。不可表。壞病者。不可表。婦人經水適來者。不可表。風溫者。不可表。濕溫者。不可表。虛煩者。不可表。病人腹間左右上下有築觸動氣者。不可表。

會經發汗。若吐若下。若溫病仍不解者。為壞病。脈尺寸俱浮。頭痛

服沉
有裏
為裏
之裏
下宜急

忌汗

忌表

壞症

身熱常自汗體重其息必喘其形不仁默默但欲眠者為風溫。兩
脛逆冷胸腹滿頭目痛苦妄言必多汗者為濕溫。與傷寒症相似
但不惡寒身不疼痛脈不緊者為虛煩。臍上下左右有動氣按之
牢若痛者為動氣。

太陽咽乾鼻衄淋漓小便不利皆不當汗已經發汗不得重發如無
已上忌症雖經發汗邪氣未盡亦當重發之。當汗不汗則生黃其
症為風寒所傷陽氣下陷入內而與寒水上行於經絡之間本當發
汗以徹其邪醫失汗之故生黃也。脾主肌肉四肢寒濕與內熱相合
故生黃也。不當汗而汗為畜血之症燥火也當益津液為上而反
汗以亡之其毒擾陽之極則侵陰也故燥血畜于胸中也。當汗而
發汗過多腠理開泄汗漏不止故四肢急難以屈伸也。

〔雲〕非陽明之本病不可下。陽明本病胃家實故也。非痞滿燥實
不可下。非潮熱發渴不可下。非罵詈親疎不可下。非脈沉數不
可下。非棄衣而走登高而歌如見鬼狀不可下。

〔活〕脈浮者不可下。脈虛者不可下。惡寒者不可下。嘔吐者
不可下。不轉矢氣者不可下。轉矢氣者下泄也小便清者不可下。大便

堅小便數不可用承氣湯攻之。乃脾約丸症也大便鞭小便少者未可攻。

陽明病自汗出若發汗小便自利者不可下。宜用蜜煎導之

不可和

〔雲〕非往來寒熱者不可和。非脇肋急痛者不可和。非胸滿而嘔者不可和。

可解症

〔海〕太陽傳陽明。其中或有下症。陽明症反退而無熱。與不渴。却顯少陽症。是知可解也。太陽症知可解者。爲頭不痛。項不強。肢節不痛。則知表易解也。陽明症知可解者。爲無發熱惡熱。則知裏易解也。少陽可解者。寒熱日不移時而作。邪未退也。若用柴胡而移其時。早移之于晏。晏移之于早。氣移之于血。血移之于氣。是邪無可容之地。知可解也。可解之脈浮而虛。不可解之脈浮而實。浮而虛者只在表。浮而實者知已在裏也。汗多不解者。轉屬陽明也。傷寒不頭痛。知邪不在經。若頭痛。知邪在經也。大陽傳足傳手經則愈。陽中之陰。水。太陽是也。爲三陽之首。能巡經傳。亦能越經傳。陽中之陽。土。陽明是也。陽明爲中州之主。主納而不出。如太陽傳至此名曰巡經傳也。陽中之陽。木。少陽是也。上傳陽明。下傳太陰。如太陽傳至此爲越經傳。陰中之陰。土。太陰是也。上傳少陽爲順。下傳少陰爲逆。如傳少陰爲上下傳也。如太陽傳太陰爲誤下傳也。陰中之陽。火。少陰是也。上傳太陰爲順。下傳厥陰爲逆。如太陽至此乃表傳裏也。陰中之陰。木。厥陰是也。上傳少陰爲實。再傳太陰爲自安。

大經
病傳

緩有汗者
為中

太陽六傳。太陽者巨陽也。為諸陽之首。膀胱經病若渴者。自入于本也。名曰傳本。太陽傳陽明胃土者。名曰巡經傳。為發汗不盡。利小便。餘邪不盡。透入于裏也。太陽傳少陽膽木者。名曰越經傳也。為元受病。脈浮自汗。宜用麻黃湯而不用故也。太陽傳太陰脾土者。名曰誤下傳。為元受病。脈緩有汗。當用桂枝。而反下之所致也。當病腹痛四肢沉重。太陽傳少陰腎水。名曰表傳裏。為病急當下。而反不攻不發。所以傳裏也。太陽傳厥陰肝木者。為陰不至於首。惟厥陰與督脈上行太陽相接。名曰巡經得度傳。

〔本〕有人病傷寒無汗。惡風。項既屈而且強。予曰。項強凡凡。葛根湯症。或問曰。何謂凡凡。予曰。凡凡者。如凡疾屈而強也。謝復古謂病人羸弱。須憑凡而起。誤也。蓋仲景論中極有難曉處。振振欲擗地。心中懊懣。外氣怫鬱。鬱冒不仁。膈內拒痛。如此之類甚多。成無已云凡音殊凡為伸引其頭項背強者動亦如之非若凡案之凡而可偃屈也甚得仲景之旨短羽鳥不能飛騰動先

太陽病

發痛

惡寒

惡風

頭熱

項強

身體痛

太陽之為病。脈浮。頭項強痛而惡寒。太陽病發熱汗出。惡風脈緩者。為中風。太陽中風。陽浮而陰弱。陽浮者熱自發。陰弱者汗自出。

齋齋惡寒。浙浙惡風。翕翕發熱。鼻鳴乾嘔者。桂枝湯主之。太陽病頭痛發熱。汗出惡風者。桂枝湯主之。太陽病發熱汗出者。此為榮弱衛強。故使汗出欲救邪風者。宜桂枝湯。病人臟無他病。時發熱自汗出而不愈者。此衛氣不和也。先其時發汗則愈。宜桂枝湯。桂枝湯方

桂枝

芍藥

生薑各三兩

甘草二兩

大棗十二枚

右咬咀。每服五錢。水煎去渣溫服。須臾飲熱稀粥一盞。以助藥力。令一時許。遍身熱熱微汗者佳。不可令如水淋漓。若一服便得汗。勿再服。或無汗。或小便數。手足冷者。不可服。活人云。桂枝麻黃。若夏月用。加黃芩知母石膏。總不如陶尚文用羌活沖和湯為最穩。

右桂枝湯。許學士云。有人病發熱惡寒。自汗。脈微弱而浮。三服湯而愈。此方在仲景一百十三方內。獨冠其首。今人全不用何也。仲景云。太陽中風。陽浮而陰弱。陽浮者云云。至翕翕發熱。宜桂枝湯。此脈與症。仲景說得甚明。後人看不透。所以不敢用也。

假令寸口脈微。名曰陽不足。陰氣上入陽中。則洒淅惡寒也。尺脈弱。名曰陰不足。陽氣下陷入陰中。則發汗也。此謂元氣受病而然也。又

脈浮
緊無
汗者
爲傷
寒宜
麻黃
湯

曰陽微則惡寒。陰微則發熱。醫既汗之。使陽氣微。又大下之。令陰氣弱。此謂醫所使也。大抵陰不足。陽往從之。故內陷而發熱。陽不足。陰往乘之。故陰上入陽中。則惡寒。舉此二端。明白易曉。何憚而不用桂枝湯哉。

太陽病。頭項痛發熱。身疼腰痛。骨節疼痛。惡風無汗而喘者。麻黃湯主之。

麻黃

去節先煮去汗焙三兩

桂枝二兩

杏仁

七十個去皮尖

甘草

一兩

右咬咀。每服五錢。水煎溫服。覆取微汗。不須歎粥。有汗者勿服。

太陽中風。脈浮緊。發熱惡寒。身疼痛。不汗出而煩躁者。大青龍湯主之。若脈微弱。汗出惡風者。不可服。服之則厥逆。筋惕肉瞤。此爲逆也。傷寒脈浮緩。身不疼。但重。乍有輕時。無少陰症者。大青龍湯發之。大青龍湯方

麻黃

去節炮去汗三兩

桂枝

去皮

石膏

碎

甘草

炙各一兩

生薑

兩半

大棗

六枚

杏仁

二十個去皮尖

右咬咀。每服五錢。水煎溫服。取汗爲度。若汗周身潤。止後服。未汗可停。待相次服盡。不欲汗多。恐亡陽故也。若汗不止。用溫粉撲之。

溫粉方

白朮

藁本

川芎

白芷

各等分

右研爲細末。每末一兩。入米粉三兩。和勻撲周身止汗。若汗過多。恐亡陽。遂厥逆惡風。煩躁不得眠。故宜以此粉止之。

右中風脈當浮緩。今反浮緊緩者。大青龍症也。

〔活〕發熱惡風。煩躁。手足溫。爲中風候。脈浮緊爲傷寒脈。是中風見寒脈也。寒多熱少。不煩躁。手足微厥。爲傷寒候。脈浮緩爲中風脈。是傷寒見風脈也。蓋脈似桂枝。反無汗。病似麻黃。反煩躁是也。

許學士云。仲景治傷寒。一則桂枝。二則麻黃。三則青龍。桂枝治中風。麻黃治傷寒。青龍治中風見寒脈。傷寒見風脈。三者如鼎立。人皆能言之。而不曉前人處方用藥之意。故醫遂多不用。無足怪也。且脈緩而浮者。中風也。故奮奮惡風。浙浙惡寒。翕翕發熱。仲景以桂枝對之。脈浮緊而濇者。傷寒也。故頭痛發熱。身疼腰痛。骨節疼痛。惡寒無汗而喘。仲景以麻黃對之。至於中風脈浮緊。傷寒脈浮緩。仲景皆以青龍對之。何也。予嘗深究三旨。若症候與脈相對。無不應手而愈。何以言之。風傷衛。衛氣也。寒傷榮。榮血也。榮行脈中。衛行脈外。風傷衛。則風邪干陽。陽氣不固。發越而爲汗。是以自汗。是表虛。故仲景用桂枝以發其邪。芍藥以和其血。蓋中風則病在脈之外。其病稍輕。雖曰發汗。特解肌之藥耳。故仲景于桂枝症云。令半身繫繫微似有汗。不可如水淋漓。病必不除。是知中風不可大發汗。汗過則反動榮血。邪

氣乘虛襲之。故病不除也。寒傷榮，則寒邪入陰血，而榮行脈中者也。寒邪居脈中，非特榮受病，邪自內作，則併與衛氣犯之。久之浸淫及骨，是以汗不出而熱，齒乾而煩寃。仲景以麻黃發其汗，又以桂枝甘草助其發散，欲滌除內外之邪。榮衛之病爾。大抵二藥皆發汗，以桂枝則發其衛之邪，麻黃併榮與衛治之，亦自有淺深也。何以驗之？仲景桂枝第十九症云：病當自汗出者，此為榮氣和，榮氣和者，外不諧，以衛氣不共榮氣諧和故爾。以榮行脈中，衛行脈外，復發其汗，榮衛和則愈。宜桂枝湯。又四十七症云：發熱汗出，此為榮弱衛強，故使汗出者，欲救邪風，宜桂枝湯。是知中風汗出者，榮和而衛不和。又第一卷云：寸口脈浮而緊，浮則為風，緊則為寒，風則傷衛，寒則傷榮，榮衛俱病，骨節煩疼，當發其汗。是知傷寒浮緊者，榮衛俱病也。麻黃湯中併用桂枝，此仲景之言也。至於青龍，雖治傷風見寒脈，傷寒見風脈之病，然仲景又云：汗出惡風者，不可服之。服之厥逆，便有筋惕肉瞤之症。故青龍一症，尤難用藥，須是形症諦當，然後可行。故王實夫症止用桂枝麻黃各半湯治之，蓋慎之也。

太陽病項背強几几，反汗出惡風者，桂枝加葛根湯主之。
桂枝加葛根湯方

桂枝

葛根各二兩

芍藥

甘草各一兩

無汗者葛根湯

太陽病脈微身不痺者宜桂枝湯各半

脈微身不痺者宜桂枝湯各半

右咬咀。每服五錢。水煎溫服。覆取汗。

太陽病。項背強几几。無汗惡風。葛根湯主之。

葛根湯方

葛根四兩

麻黃

生薑各三兩

桂枝

芍藥

甘草各二兩

大棗十二枚

右咬咀。每服五錢。去渣溫服。覆取微汗為度。

太陽病。發熱惡寒。熱多寒少。脈微弱者。此無陽也。不可發汗。宜桂枝

二越婢一湯。

桂枝二越婢一湯

桂枝

芍藥

麻黃去節

甘草各三兩

生薑半兩

石膏半兩

大棗六枚

右咬咀。每服五錢。水煎溫服。

太陽病得之八九日。如瘧狀。發熱惡寒。熱多寒少。又其人不嘔。清便

欲自可。一日二度。脈微緩者。為欲愈也。脈微而惡寒者。此陰陽俱虛。

不可更發汗。更下更吐。面色反有熱色者。未欲解也。以其不能得小

汗出。身必痺。宜桂枝麻黃各半湯。

桂枝麻黃各半湯

大陽中陽
症畜血

桂枝一兩

芍藥

生薑

甘草炙

麻黃各半兩
去節煮

大棗六枚

杏仁十二粒
去皮尖

右咬咀。每服五錢。水煎溫服。

凡仲景稱太陽病者。皆表症。發熱惡寒。頭項強痛也。若脈浮大。則與症相應。宜發汗。今見表症而脈反微。不與症應。故不可發汗。但用一二各半湯等和之可也。

昔太陽中喝。發熱惡寒。脈微弱。手足逆冷而渴者。白虎加入參湯。方

見中暑

太陽六七日表症仍在。脈微而沉。反不結胸。其人發狂者。以熱在下焦。少腹當鞭滿。小便自利者。下血乃愈。所以然者。以太陽隨經。瘀血在裏故也。抵當湯主之。

抵當湯方

水蛭炒去
子并

蟅蟲各十枚
去足翅

大黃二兩

桃仁七枚
去皮尖

右作一服。水一盞煎。溫服。

太陽病身黃脈沉結。小腹鞭。小便不利者。為無血也。小便自利。其人如狂者。血症諦也。亦抵當湯主之。

凡仲景稱太陽症脈沉者。皆謂發熱惡寒。頭項強痛。而脈反沉也。其症兼發狂。小腹硬者。為畜血。此條抵當湯是也。

大陽濕痺

大陽陰症

太陽病不惡寒兼濕病者柔汗不解者即太陽病

兼關節痛。小便不利。身黃者。為濕痺。論見濕痺

兼卒口噤。背反張者為瘧。若無汗惡寒。名剛瘧。宜葛根湯。若有汗不

惡寒。名柔瘧。宜瓜蒌桂枝湯。方論見瘧

病發熱頭痛。脈反沉。若不瘥。身體疼痛。當救其裏。宜四逆湯。方見下利

少陰病但欲寐。始得之發熱脈沉者。麻黃附子細辛湯。論見欲寐

麻黃附子細辛湯方

麻黃去節 細辛各二兩 附子一枚炮去皮

右咬咀。每服五錢。水煎溫服。

凡仲景稱太陽病不惡寒者。皆謂發熱頭項強痛。脈浮而反不惡

寒也。其證兼渴者為溫病。兼汗出者為柔瘧。方論見溫病柔瘧

傷寒六七日。發熱微寒。肢節煩疼。微嘔。心下支結。外症未去者。柴胡

加桂枝湯主之。

柴胡一兩 桂枝 黃芩 人參

芍藥 半夏各半兩 甘草炙三錢

右咬咀。每服五錢。水煎溫服。

凡仲景稱表不解者。皆謂太陽病發熱惡寒。頭項強痛脈浮也。蓋

凡仲景稱表不解者。皆謂太陽病發熱惡寒。頭項強痛脈浮也。蓋

太陽
欲解

太陽
表未
下解
忌

病雖屬太陽表症。而有裏症兼之者。則不言太陽病。但稱表不解也。其兼心下支結者。此條柴胡桂枝湯是也。論見

兼心下有水氣。乾嘔而欬者。小青龍也。方論見欬 兼脇痛手足溫而渴者。

小柴胡也。兼心下痞者。先用桂枝解表。後以瀉心攻痞也。方論見痞 兼

下利腹滿脹者。先以四逆溫裏。後以桂枝攻表也。方論見下利

太陽病欲解時。從巳至未解。太陽病未解。脈陰陽俱停。必先振慄

汗出而解。但陽脈微者。先汗出而解。陰脈微者。下之而解。若欲下之。

調胃承氣湯主之。下之宜解疑衍文 太陽病脈浮緊。發熱身無汗。自衄者愈。

太陽外症未解。不可下之。下之為逆。欲解外者。宜桂枝湯主之。

〔海〕大小調胃三承氣湯。必須脈浮頭痛。惡風惡寒。表症盡罷。而反

發熱惡熱。謔語。不大便。方可用之。若脈浮緊。下之必結胸。若脈浮緩。

下之必痞氣。

許學士云。嘗記一親戚病傷寒。身熱頭痛無汗。大便不通已四五日。

予訊問之。醫者治大黃朴硝等欲下之。予曰。子姑少待。予為視之。脈

浮緩。居密室中。自稱甚惡風。予曰。表症如此。唯大便不通數日。腹且

不脹。別無所苦。何遽便下之。大抵仲景法。須表症罷。方可下。不爾。則

邪乘虛而入。不為結胸。必為熱利也。予作桂枝麻黃各半湯。繼以小

柴胡。藜藜汗出。大便亦通而解。仲景云。凡傷寒之病。多從風寒得

之始則表中風寒入裏則不消矣。擬欲攻之。當先表解。乃可下之。若表已解。而內不消。大滿大堅實。有燥糞者。自可除下之。雖四五日不能為禍也。若不宜下而便攻之。內虛熱入為挾熱。自利煩躁之變。不可勝數。輕者困篤。重者必死矣。原本正文重疊。予刪正此段。其理甚明。大抵風寒入裏不消。必有燥糞。或大便堅秘。須是脈不浮。不惡風。表症罷。乃可下之。大便雖四五日不通。亦無害。若不顧表而下。遂為挾熱利也。

表裏發熱

表裏發熱症

發熱惡寒脈浮者。屬表。即太陽症也。方論見前發熱汗出。不惡寒。反

惡熱者。屬裏。即陽明症也。方論見陽發熱脈弦細。頭痛者。屬半表半

裏。即少陽症也。論見口發熱而嘔者。小柴胡湯。論見發熱欬嗽。表不

解者。小青龍湯。兼脇痛。喜嘔者。小柴胡加乾薑五味子湯。方論發熱

而喘。表不解者。小青龍去麻黃加杏仁湯。兼胸滿者。麻黃湯。方論發

熱口渴。有屬表者。有屬裏者。治法方論甚衆。並見發熱汗解。半日許復煩躁。脈浮數大者。可更發汗。宜桂枝湯。論見煩

發汗後惡風寒者。虛故也。不惡寒但惡熱者。實也。當和胃氣。宜調胃

承氣湯。太陽病三日。發汗不解。蒸蒸發熱者。屬胃也。調胃承氣湯

主之。海藏云大黃煨實芒硝軟堅甘草

汗後脈浮者。更汗後發熱者。惡熱者。下者可

和中必燥實堅三症全者可因之

調胃承氣湯方

大黃 一兩海藏云宜酒浸蓋邪氣居高非酒不到譬如物在高巖人跡所不及則射而取之故用酒浸引而上之若生用苦燥峻下則遺高分之邪熱所以愈後或目赤或喉閉或頭腫屬上反生熱症矣

甘草 半兩夜海藏云甘以緩之 芒硝 九錢海藏云辛以潤之鹹以軟之

右咬咀水一盞煮大黃甘草至七分去渣入芒硝更上火微煮令沸溫服

汗之仍熱

發熱汗出不解心下痞鞭嘔吐而利者大柴胡湯 論見 發汗後身灼熱脈浮汗出身重多眠鼻鼾者風溫 論見 發汗後仍發熱心悸頭眩身瞤動振振欲擗地者宜真武湯 論見 汗出熱不去內拘急四肢疼

下利厥逆惡寒者宜四逆湯 論見 大汗出脈陰陽俱盛不解者死 論見

大法內經云溫病汗微復熱而脈躁疾不為汗衰狂言不能食謂之陰陽交者必死也

下之仍熱

太陽病先發汗不解而復下之脈浮者不愈浮為在外而反下之故令不愈今脈浮故知在外當須解外則愈桂枝湯主之汗下後仍

頭痛發熱心下滿小便不利者桂枝去桂加茯苓白朮湯 論見 大下後身熱不去心中結痛者梔子豉湯主之 論見 大下後身熱不去微

煩者梔子乾薑湯 方論見煩 陽明病下之其外有熱手足溫心中懊憹飢不能食但頭汗出者梔子豉湯 論見煩

太陽病當惡寒今自汗出不惡寒發熱關脈細數者以醫吐之過也

一二日吐之者腹中飢口不能食三四日吐之者不喜糜粥欲食冷

通吐發熱

發熱
脈浮
二症

發熱
厥逆
二症
發熱
下利
四症

發熱
下利
鬱冒
欲解
厥逆
得汗
者死

食。朝食暮吐。以醫吐之所致為小逆。

瘥後更熱者。小柴胡湯。脈浮者以汗解。脈沉者以下解。論見勞復

傷寒脈浮滑。此表有熱。裏有寒。白虎湯主之。

白虎湯方

知母三兩
甘草一兩

粳米三合

石膏八兩
搗碎

右咬咀。每服五錢。水煎溫服。

脈浮而遲。表熱裏寒。下利清穀者。四逆湯。論見下利 下利厥逆。汗出熱不

去者。四逆湯。

少陰病下利清穀。厥逆。裏寒外熱者。通脈四逆湯。方論見下利 身熱手足

逆冷而脈虛。當夏月發者。為中暑。論見中暑

傷寒表不解。乾嘔發熱而咳下利者。小青龍去麻黃加芫花湯。論見欬

太陽與陽明合病。必下利。其症頭痛腰疼。身熱鼻乾。脈浮大而長者。

宜葛根湯。論見合病 發熱下利。脈微遲厥逆者。通脈四逆湯。 太陽與少

陰合病。自下利。其症頭寒胸滿。往來寒熱。脈浮大而弦者。宜黃芩湯。

論見合病

下利清穀。脈沉遲。其人面赤微熱而厥者。必鬱冒汗出自解。

發熱下利厥逆。躁不得臥者死。 發熱而利。汗不止者死。二論俱見下利

發熱吐利。心下痞硬者。大柴胡湯。渴者五苓散。不渴者理中湯。論並見痞

發熱
吐利

二畜
發熱
症血

傷寒
多由
內傷

丹溪
兼補
發散

及吐
利門

發熱經水適來適斷。小柴胡湯。刺期門。論見諸語瘧狀

發熱脈數。消穀不大

便者。有瘀血。宜抵當湯。論見畜血
〔素〕病甚者為五十九刺。穴見鑑病門

太陽病發熱續法

此篇集丹溪海藏諸賢治傷寒。皆以補養兼發散之法。實本經成敗倚伏生於動。動而不已。則變作。及風雨寒熱。不得虛邪。不能獨傷人之旨也。蓋凡外傷風寒者。皆先因動作煩勞不已。而內傷體虛。然後外邪得入。故一家之中。有病者。有不病者。由體虛則邪入而病。體不虛則邪無隙入而不病也。是故傷寒為病。屬內傷者十居八九。後學無知。舉世皆謂傷寒無補法。但見發熱。不分虛實。一利下汗而致天橫者。滔滔皆是。此實醫門之罪人也。今集此法於仲景之後。其應如響。使人遵之。不犯虛虛實實之戒也。

〔丹〕傷寒主平溫散。有卒中天地之寒氣者。有口食生冷之物者。

故傷寒為病。必須身犯寒氣。口食寒物者。是以從補中益氣湯加發散藥。屬內傷者十居八九。其法邪之所凌。其氣必虛。只用補中益氣湯中從所見之症。出入加減。氣虛甚者。少用附子。以行參朮之氣。補中

益氣湯方
見治發熱

內傷之病。專主東垣內外傷。辨甚詳。世之病此者為多。但

有挾痰挾外邪者。鬱熱於內而發者。皆以補元氣為主。宜看其所挾而兼用藥。

一男子素嗜酒。因暴風寒衣薄。遂覺倦怠。不思飲食半日。至睡後大發。遍身疼痛如被杖。微惡寒。天明診之。六脈浮大。按之豁然。左為甚。予作極虛受風寒治之。人參為君。黃芪白朮歸身為臣。蒼朮甘草木通乾葛為佐。使大劑與之。至五帖後通身汗如雨。凡三易被得睡覺。來諸症悉除。

白朮

陳皮

乾葛

蒼朮 各三錢

人參

川芎 各錢半

黃芪

歸身

木通 各一錢

甘草 五分

右分三帖。水煎服。

盧兄年四十九歲。自來大便下血。脈來沉遲瀉。面黃神倦者二年矣。九月間因勞倦發熱。自服參蘇飲二帖。熱退。早起小勞。遇寒。兩手背與面紫黑。昏仆少時却醒。身大熱。妄語。口乾。身痛。至不可眠。脈之三部不調。微帶數。重取虛豁。左手大於右手。以人參二錢半。帶節麻黃黃芪各一錢。白朮二錢。當歸五分。與三五帖得睡。醒來大汗如雨。即安。兩日後再發。脇痛欬嗽。若睡時嗽不作而妄語。且微惡寒。診其脈似前而左略帶緊。予曰。此體虛再感寒也。再以前藥加半夏茯苓。至

十餘帖。再得大汗而安。後身倦不可久坐。不思飲食。用補中益氣去涼藥。加神麴半夏砂仁。五七十帖而安。

一丈夫因勞倦發熱甚倦。不可以傷寒治之用。

人參錢四

白芍藥

陳皮

當歸各三錢

黃芪三錢半

蒼朮二錢

木通錢一

甘草少

右分三帖。水煎溫服。

一丈夫發熱五日。倦甚。略渴。得洪脈。不甚數。略重則散大。此內傷症也。用

白朮二錢

人參

陳皮

柴胡各錢半

黃芪

蒼朮各一錢

木通分六

甘草少

右分二帖。水煎服。

一丈夫倦甚。口乾發熱。汗不出。用

陳皮三錢

人參

白朮

蒼朮各二錢

乾葛錢半

黃芪

木通各一錢

右分二帖。水煎服。

一丈夫發熱振暈。倦怠口渴。

人參

白朮

白芍

柴胡各二錢

陳皮三錢

黃芪一錢

木通錢半

甘草少

右分四帖。水煎熱飲。

王孺人因辛苦發熱。

芍藥錢五

白朮錢三

人參

當歸各二錢

陳皮錢一

川芎

甘草

木通各錢

右分四帖。水煎溫服。

第四女發熱冒風冷。

麻黃

人參各五分

蒼朮錢一

甘草少

右水煎溫服。

右十方。皆補養中氣兼發散之劑。

寒多者補
散加薑附

杭州葉君章。臘月因齋素中飢。而冒寒作勞。遂患發熱頭痛。醫與小柴胡湯。遂自汗。神昏。耳聾。目不見物。予診其脈大如指。似有力。熱不退。與人參黃芪白朮熟附炙甘草作大劑之一日而汗少。二日而熱減半。耳微有聞。目能視物。初用藥至四帖。前藥中加蒼朮與兩服。再得汗而熱除。本日遂去蒼朮附子。又與前藥作小劑。服三日而安。呂仲修年六十六歲。正月間因忍飢冒寒作勞。頭疼惡寒發熱。骨節皆疼。無汗。至次日妄語。熱愈甚。而妄語時止時作。熱亦不為十分。自服參蘇飲兩帖。汗不出。又再進一服。以衣覆取汗大出。而熱不退。至第四日。予診其脈。兩手皆洪數。而右為甚。此因飢而胃寒。加之作勞。

陽明經雖受寒氣。不可攻。當急以大劑補之。以回其虛。俟胃氣充實。自能出汗而解。遂以參芪白朮歸身陳皮炙甘草。每帖加熟附子一片。一晝夜服五帖。至第三日。口稍乾。言語有次。諸症雖解。而熱未退。遂去附子。加白芍。又兩日思食。却作肉羹間與之。又三日精神全。二日許自汗出而熱退。診其脈不數。洪脈却尙有此。洪脈作大脈論。年高而誤汗。此後必有虛症見。又與前藥。至次日。言我大便自病來。不會更衣。今穀道逼痛。坐努責狀如不堪。醫者必欲投大黃巴芩等劑。予謂大便非實秘。爲是氣因誤汗而虛。不得充腹。無力可努。仍與前補藥以肉粥及菘蓉與之。一日半煎濃蔥椒湯浸下體。方下大便軟塊者五六枚。診其脈仍舊大未斂。此因氣血未得回復。又與前藥兩帖。經兩日。小便不通。少腹下妨悶。頗爲所苦。但仰臥則點滴而出。予曰。補藥服之未盡。於前藥內倍加參芪大劑服兩日。小便方利而安。陶明節年十九歲。不憚勞勩。不息農作。忽一日因勞倦大發熱而渴。恣飲冷泉水數碗。次日熱退。目不識人。言語謬誤。自言肚痛不能轉側。飲食不進。身戰掉不自持。又二日求予診之。兩手濇而大。而右爲甚。遂於氣海灸三十壯。用白朮二錢。黃芪二錢。熟附一片。陳皮五分。與十帖不效。又增發熱微渴。餘症仍在。却可進二匙稀粥。予曰。此氣欲利而血未應也。於前藥內去附子加當歸以和血。因有熱。加

人參一錢半。服三十帖而安。

〔海〕黃芪湯。治傷寒兩感拘急。三焦氣虛。自汗。及手足汗出。或手背偏多。或肢體振搖。腰腿沉重。面赤目紅。但欲睡眠。頭面壯熱。兩脇熱甚。手足自溫。兩手心熱。自利不渴。大便或難。或如常度。或口乾咽燥。或渴欲飲湯不欲飲水。或少欲飲水。嘔噦間作。心下滿悶。腹中疼痛。或時喜笑。或時悲哭。或時太息。或時語言錯亂。疑作譫言狂語者非也。神不守舍耳。始得病于寤寐之間。或恐悸。頭項不甚痛。行步只如舊。此陰盛陽虛之故也。兩手脈浮沉不一。或左或右。往來不定。有沉瀟弱微弦五種陰脈形狀。按之全無力。浮之損小。沉之亦損小。皆陰脈也。宜先緩而後急。緩宜用黃芪湯。

黃芪湯方

人參

生薑

黃芩

白茯苓

白朮

白芍藥各一兩

甘草七錢

嘔者加藿香

陳皮各五錢

甚者加乾薑總一錢

右咬咀。水煎。量症加減多少用之。如大便秘結者。調中丸主之。

調中丸方

人參

白朮

白茯苓

乾薑

甘草各等分

熱多者補
散加
芩柏

右為末。煉蜜丸。每兩作十九。或五丸。每服一二丸。水少許煎服。若病急者。黃芪湯。每服加乾薑一錢。大便結者。理中丸主之。

人參

白朮

乾薑炮恐熱以生薑代之

甘草炙

右等分為末。煉蜜丸。每兩作五丸。白湯化下。先緩後急也。若尤急者無汗。宜附子乾薑甘草湯。若自汗者。宜白朮附子甘草湯。量脈症可於四逆湯或真武湯或通脈四逆湯選用之。

〔垣〕馮內翰姪櫟年十六。病傷寒。目赤而煩渴。脈七八至。醫欲承氣湯下之。已煮熟矣。偶東垣從外來。馮告之故。東垣切脈大駭曰。幾殺此兒。彼以脈數為熱。今脈七至。是極熱也。殊不知至真要大論云。病有脈從而病反者何。岐伯對曰。脈至而從。按之不鼓。諸陽脈皆然。此陰盛格陽於外。非熱也。取薑附來。吾以熱因寒用之法治之。治藥未就。而病者爪甲已青。頓服入兩。汗漸出而愈。

右七法補兼發散。隨所見症加薑附。甚者熟附。微者乾薑。又甚者薑附兼施。皆反治法也。

〔丹〕盛孺人年四十歲。外冷內熱。身疼頭痛。倦怠。脈虛微瀼。

川芎

柴胡

芍藥各半用

羌活

黃柏各二錢炒

南星一錢

甘草各二分

右分兩帖。生薑三片。水煎熱服。

沈材妻年五十餘。滿身骨節痛。半日以後發熱。黃昏至半夜却退。

蒼朮

陳皮

羌活各一錢

白朮半錢

木通

炒栢

通草各五分

右咬咀。水煎溫服。

丁親家於久瘧後。暑月涉水。又勞苦。腿臑痛。漸漸渾身痛。脇亦痛。發熱。脈却濇。不甚數。予曰。此勞倦乏力。治用

白朮

黃芪

蒼朮

陳皮各一錢

人參

黃栢酒炒各五分

木通三分

甘草炙二分

右咬咀。水煎下龍蒼湯。

小阿婆午後發熱。遍身痛。血少。月經黑色。大便閉。用

芍藥五錢

黃芩

蒼朮各三錢

黃栢酒炒

木通各二錢

右咬咀。水煎服。

右四方兼補發散。隨所見脈症。加炒栢龍蒼。皆正治法也。

陳小娘年二十。發熱目閉。開口則熱甚。渴思水解。脈濇而濁溷。此食痰也。治用

黃芩

甘草

木通各五分

陳皮

痰病者補散加消導

白朮

乾葛各一錢

黃連

桔梗各六分

右咬咀。水煎下保和丸二三十丸。

一丈夫因恐發熱。心不安。用南星白茯苓各五錢。硃砂二錢。已上為大帖。再用。

人參

當歸

柴胡各三錢

黃芩

川芎

木通各二錢

甘草

紅花各五分

右分四帖。水二盞半。入金銀器同煎。至一盞去渣。熱調服。

右二方兼補發散。隨所見症。加食積痰藥。

〔海〕神朮湯。治內傷冷飲。外感寒邪無汗者。

蒼朮製

防風各二兩

甘草一兩炒

右咬咀。加葱白生薑同煎服。如太陽症發熱惡寒。脈浮而緊者。加

羌活二錢。如太陽症脈浮緊中帶弦數者。是兼少陽也。加柴胡

二錢。如太陽症脈浮緊中帶洪者。是兼陽明也。加黃芩二錢。婦

人服者加當歸。或加木香湯。或加藁本湯各二錢。如治吹燻。煎

成調六一散三五錢。神效。

又神朮湯六氣加減例。

太陽寒水司天。加羌活桂枝。餘歲非時變寒亦加。冬亦加。

陽明燥金司天。加白芷升麻。餘歲非時變涼濕亦加。秋亦加。

少陽相火司天。

加黃芩地黃。餘歲非時變雨濕亦加。夏亦加。

太陰濕土司天。

加白朮藁本。餘歲非時變熱濕亦加。夏末秋初亦

加。

少陰君火司天。

加細辛獨活。餘歲非時變熱亦加。春末夏初亦加。

厥陰風木司天。

加川芎防風。餘歲非時變溫亦加。春亦加。

已上神朮湯六氣加減法。非止爲司天之氣設也。至於歲之主氣。

與月建日時同。前應見者皆當隨所見依上例加減之。按海藏此

論。與戴人云病如不是當年氣。看與何年運氣同。便向此中求妙

法。方知皆在至真中之歌相表裏。實發前人之所未發也。蓋海藏

此論。所謂某氣司天加某藥者。治常氣之法也。所謂隨所應見加

減者。治變氣之法也。戴人所謂看與何年同氣求治法者。亦治變

氣之法也。能將二公之法擴充行之。則內經運氣之本義燦然矣。

夫內經論運氣。有常氣。有變氣。常氣者有定紀。如某年屬某氣司

天當寒。某年屬某氣司天當熱是也。變氣者無定紀。如某年屬某

氣司天當寒反變熱。當熱反寒是也。王氏註文釋以經無定紀之

變氣。作有定紀之常氣。使後學皆以年歲占運氣。而其應者十無

一二。是以人莫之信。而其道湮晦久矣。二公生於數千百年之後。復啓其端而續之。與程朱續孔孟不傳之緒同功也。今僕謹於海

以白
朮枝

檉古
以川
芎湯
代麻
黃以
黃芪
桂枝
傷代

藏逐年司天加藥之後。伸餘歲變常之義。其意有不盡者。別述運氣類註定之。同志之士。幸究心焉。

白朮湯。治內傷冷物。外感風寒有汗者。

白朮三兩

防風二兩

甘草一兩

右咬咀。每服三錢。水一盞。薑三片。煎至七分。溫服。一日止一二服。待二三日漸漸汗少為解。

又白朮湯。治傷寒上解三陽。下安太陰。

白朮

如汗之改用蒼朮

防風各一兩

右咬咀。水煎至七分。溫服。用後方加減。

甘草。頭疼惡風者。加羌活散三錢。羌活一兩半。川芎七錢。細辛

二錢半。

蘆去

若身熱目痛者。加石膏湯四錢。石膏二錢。知母半兩。

白芷七錢。

腹中痛者。加芍藥湯三錢。芍藥一兩。桂枝半兩。往

來寒熱而嘔者。加柴胡散三錢。柴胡一兩。半夏半兩。心下痞者。

加枳實一錢。若有裏症。加大黃一錢。量虛實加減之。邪去止服。

〔潔〕有汗不得服麻黃。無汗不得服桂枝。然春夏汗孔疎。雖有汗不當服桂枝。宜用黃芪湯和解之。秋冬汗孔閉。雖無汗不當服麻黃。宜

用川芎湯和解之。春夏有汗。脈微而弱。惡風惡寒者。乃太陽症。秋冬

之脈也。宜用黃芪湯。無汗亦用川芎湯。秋冬有汗。脈盛而浮。發熱惡

熱者。乃陽明症。春夏之脈也。宜用黃芪湯。無汗亦用川芎湯。大抵有汗皆宜黃芪湯。無汗皆宜川芎湯主之。

黃芪湯。有汗則能止之。

白朮

黃芪

防風各等分

右咬咀。每服五七錢至一兩。水煎溫服。汗多惡風甚者。加桂枝。川芎湯。無汗則能發之。

川芎

蒼朮

羌活各等分

右咬咀。每服五七錢至一兩。水煎熱服。無汗惡風甚者。加麻黃一二錢。

法云五臟之脈。寸關尺也。今止言寸尺。陰陽也。若陽緩而陰急。表和而裏病。陰緩而陽急。裏和而表病。

〔本〕黃芪建中加當歸湯。治發熱頭疼。脈浮數而尺中遲弱者。宜先服此藥補血。却與麻黃桂枝輩。

黃芪

當歸各兩半

白芍

桂枝

甘草各一兩

右咬咀。每服五錢。薑三片。棗一枚。水煎。日三夜二服。如脈尚沉遲。再進一服。

〔潔〕有汗不得服麻黃。無汗不得服桂枝。若未瘥。則其變不可勝言。

表症
具尺
脈遲
弱服
先補
血

故立此法。使不犯三陽禁忌解表神方。

九味羌活湯

陶尚節註云不問四時但有頭眩骨節痛發熱惡寒無汗脈浮緊者宜用此湯以代麻黃為穩當如頭眩發熱惡風自汗脈緩者宜用加減神和傷即羌活湯中減

蒼朮加白朮細辛加黃芪是也

羌活

一兩半治太陽肢骨痛之主藥也然非無為之主乃是攪亂反正之君也故大無不遇小無不入關節痛者非比不降

防風

一兩半治一身盡痛乃卒伍卑賤之下職一職君命將令而行隨所使引至之

川芎

一兩治厥陰頭痛在胸

白芷

一兩治陽明經頭痛在額

甘草

一兩能緩裏急調和藥藥故有國老之稱也

黃芩

一兩治太陰肺熱在膈

生地

一兩治少陰心熱在內

蒼朮

雄壯上行之藥能除濕下氣及安太陽使邪氣不至傳足太陰脾也

細辛

半兩治少陰腎經頭痛

已上九味。雖為一方。然亦不可執。執中無權。猶執一也。當視其經絡前後左右之不同。從其大小輕重之不一。增損用之。其效如神。用咬咀水煎服。若急欲汗者。須熱服。以羹粥投之。若緩欲汗者。溫服。而不用湯粥投之。脈浮而不解者。先急後緩。脈沉而不解者。先緩後急。九味羌活湯。不獨解利。治雜病神效。如中風行經者。加附子中風。秘澁者。加大黃。中風并三氣合痺等症者。各隨十二經絡上下內外寒熱溫涼四時六氣。加減補瀉用之。煉蜜丸亦可。加生地各半。治傷寒兩感如神。用豆淋酒。治破傷風。

〔保〕和解四時傷寒。混解六經。不犯禁忌。大白朮湯。

白朮

石膏

防風

羌活

各二錢

黃芩錢五

白芷錢半

知母錢七

甘草錢一

枳實兩半

細辛錢三

右咬咀，每服半兩，水煎溫服。未解更一服。春倍加防風羌活，夏倍加黃芩石膏，季夏淫雨倍加白朮白芷，秋加桂五錢，冬加桂八錢，或一兩。

〔海〕五積散治陰經傷寒，脾胃不和，及感寒邪。

白茯苓

厚朴

芍藥

當歸

麻黃節去

半夏姜製各三兩

乾薑炮兩半

人參

川芎各二兩

甘草兩半

白芷兩四

枳殼兩五

陳皮

蒼朮新者二兩十四兩

桔梗兩十二

肉桂兩一

右除枳殼肉桂外，餘並為粗末，於大鍋內文武火炒令黃熟，不至焦，用紙攤在板上候冷，入枳殼肉桂末和勻，入磁盒內，每服二錢，水一盞，薑三片，同煎服。若傷寒蔥白一莖，豈豉七粒，同煎連服取汗。若脾胃不和，內傷冷物，渾身疼痛，頭昏無力，胸膈不利，飲食不下，氣脈不和，四肢覺冷，或睡裏虛驚，至晚心躁困倦，即入鹽少許同煎。若陰經傷寒，手足逆冷，及虛汗不止，脈細疾，面青而嘔，更宜加附子同煎，加減多少，並在臨時消息之。神珍方加入參參蘇飲治內外感一切發熱主藥。又云：前胡葛根，自能解肌，枳殼陳

皮自餘身腫大治中脘痞疝凡有熱
不拘其所見小兒室女尤宜服之。

前胡

枳殼

陳皮

甘草

桔梗

木香各一錢

人參

紫蘇

乾葛

半夏

茯苓各八分

右咬咀。每服四錢。用水一盞。生薑五片。棗一枚。煎服。不拘時。若素有痰者。候熱退。以二陳六君子湯間服。

右方治痰飲停積。中脘閉塞。眩暈嘈煩。胸浮嘔逆。及痰飲中人。停留關節。手脚躡曳。口眼歪斜。半身不遂。食已則嘔。頭疼發熱。狀如傷寒者。悉治之。一法用此藥三兩。加四物湯二兩。合和。名茯苓補心湯。大治男子婦人虛勞發熱。或五心煩熱。并衄血吐血便血。及婦人下血過多。致虛熱者。並宜服之。或因用心太過。發虛熱者。及往來寒熱者。用之。神效。

柴胡散。治邪入經絡。體瘦肌熱。推陳致新。解利傷寒時疫。中暍伏暑。

柴胡兩

甘草一兩

右咬咀。水煎。食後熱服。此藥冬月可以潤心肺。止咳嗽。除壅熱。春夏可以禦傷寒。時氣解毒。居常不可缺者。且倉卒可以易得。長幼皆宜服之。

〔山〕冒感用帶根蔥煎湯嚼生薑得汗愈。

右六方。通詳諸表方元氣不虛者服效。

第二方熱多者宜服之。

第三方寒多者宜服之。

第四方疲欬者宜服之。

第五六方倉卒宜備之。

〔海〕治傷寒外症。全是下症大熱。而脈反細。不可下者。瀉心湯主之。
方見傷寒脈有力者黃連瀉心湯無力者干夏瀉心湯

〔雲〕人參散。治傷寒汗下後餘熱不退。或煩或渴面赤者。

人參

山梔

藍葉

甘草

白蘚皮各等分

右咬咀。每服五錢。水煎服。

〔丹〕潔矩新書謂有雜合邪者。當以雜合法治之。譬如惡寒發熱。得之感冒。明是外合之邪。已得浮數之脈。而氣口又緊盛。明為食所傷。病者又倦怠。脈重按俱有韜意。而胸膈痞滿。間引兩脇。其脈輕取又似乎弦。此又平昔多怒。肝邪之所為也。細取左尺大細沉弱。此又平時房勞之過也。治法宜以感冒一節。且放後先視其形色之強弱厚薄。且以補中化食行滯。清涼胃火。而以薑辣行之。則中氣稍回。傷滯

雜合
病當
隨症
治不
必先
必理
胃感

下脈
具細
沉細
者瀉
心湯
汗下
後煩
渴者
人參
散

發熱惡寒似傷寒者有五

發熱惡熱而渴者有二

禁忌

稍行。津液得和。通體得汗。外感之邪自解。醫者不肯詳審求之。只顧表散外邪。又不推究兼見之邪脈。亦不窮問所得之病因。與性情之執着。巧施雜合治法。將見正氣自虛。邪氣愈固。皆拙工之過也。

〔本〕發熱惡寒。近似傷寒者。有五種。脈浮而緊。其人發熱而惡寒者。傷寒之候也。脈浮而數。其人發熱惡寒。或有痛處。是欲為癰癤也。脈浮按之反澹。其人發熱惡寒。或膈實而嘔吐者。此是傷食也。脈浮而滑。其人發熱惡寒。或頭眩而嘔吐。此是風痰之症也。脈浮而弦。其人發熱惡寒。或思飲食。此是欲化瘧疾也。能辨其脈。又能驗其症。斯無誤矣。

〔海〕傷寒與雜症相似。藥不可差。夫傷寒表症。發熱惡熱而渴。與下雜症同。但頭痛身熱。目痛鼻乾不得臥。白虎主之。乃陽明經病也。正陽陽明氣病。脈洪大。先無形也。雜病裏症。發熱惡熱而渴。但目赤者。病臟也。手太陰氣不足。不能管領陽氣也。宜以枸杞生地熟地之類主之。脈洪大。甚則嘔血。先有形也。

氣病在裏。誤用血藥。無傷也。為安血而益陰也。血病在裏。誤用氣藥。如白虎湯者非也。為瀉肺而損陰也。

〔垣〕辨誤服白虎變症。昔西臺據葛君瑞。二月中病傷寒發熱。以白虎湯主之。病者面黑如墨。本症遂不復見。脈沉細。小便不禁。東垣

針灸

初不知也。及診之曰。此立夏以前誤服白虎。白虎大寒。非行經之藥。止能寒臟腑。不善用之。則傷善氣。本病曲隱於經絡之間。或投以大熱之藥。求以去陰邪。他症必起。非所以救白虎也。可用溫藥升陽行經。有難者曰。白虎大寒。非大熱何以救君之症。奈何。東垣曰。病隱經絡間。陽道不行。而本症見矣。又何難哉。果如其言而愈。

〔潔〕大煩熱不止。晝夜無度。用八關大刺。法見赤眼熱無度不可止。宜陷谷出血。

〔密〕遍身發熱如火。狂言妄語。氣虛者。補手三里。氣實者。瀉足三里。

〔摘〕傷寒胸熱不已。大杼五分 風門五分留 中府乳上三肋間動脈 缺盆三分

傷寒胃熱不已。中脘瀉 上廉三分 下廉八分 三里 氣衝

傷寒四肢熱不已。雲門三分灸 肩髃 委中 腰膂在二十一椎節下

地舒身兩手相重支額。縱四體然後取其穴。針入五分。留七呼。灸七十壯。

〔集〕傷寒大熱不退。曲池瀉 絕骨補

傷寒熱退後再發熱。風門 合谷 行間 絕骨

惡寒

病有發熱惡寒者。發於陽也。無熱惡寒者。發於陰也。發於陽者。七日愈。發於陰者。六日愈。以陽數七。陰數六故也。

發熱 惡寒 脈浮 屬太

發熱惡寒。脈浮屬太陽。方論甚衆並見發熱門太陽病條

惡寒脈微而復利者。亡血也。四逆加入參湯主之。王叔和原入霍亂門

四逆加入參湯

人參

乾薑

甘草各一兩

附子一枚去皮燻

右咬咀。每服五錢。水煎溫服。日三。

少陰病惡寒身倦而利。若利止手足溫者可治。利不止手足逆冷者不可治。方論見下利

不可治。方論見下利

少陰病惡寒身倦。時煩欲去衣被者。可治。四逆無脈。不煩而躁者死。

方論見但欲寐

惡寒手足逆冷。若兼大汗拘急下利。四逆湯。方論見下利

若兼頭汗。心下滿。脈沉細。大便鞭者。小柴胡湯。方論見厥

若夏月中暑。脈虛而渴背惡寒者。白虎加入參湯。方論見口

若口中和。但欲寐者。灸之。宜附子湯。

發汗後惡寒者虛也。論見發熱 發汗病不解反惡寒者。虛故也。芍藥甘草

附子湯主之。

芍藥甘草附子湯方

芍藥

白朮各二兩

甘草三兩

桂枝四兩

附子一枚炮去皮

右咬咀。每服五錢。水煎溫服。

太陽病下後。脈促胸滿者。桂枝去芍藥湯主之。

桂枝去芍藥湯方

桂枝去皮

生薑各兩半切

甘草一兩炙

大棗六枚

右咬咀。每服五錢。水煎溫服。

若微惡寒者。去芍藥加附子湯主之。活入云芍藥味酸。脈促胸滿。恐成結胃。故去芍藥。單用辛甘之味。發散毒氣也。

去芍藥加附子湯方

桂枝

生薑各兩半

甘草一兩

大棗六枚

附子半個去皮臍

右咬咀。水煎溫服。每服五錢。

傷寒汗下後。心下痞而惡寒者。表未解也。先用桂枝湯解表。用大黃

黃連瀉心湯攻痞。若痞而汗出惡寒者。表已解也。附子瀉心湯主之。

方論見痞

陽明病胃家實。若汗多發熱惡寒者。表未解也。未可與承氣湯。方論見潮熱

傷寒脈浮汗出。微惡寒。小便數。脚攣急者。忌服桂枝湯。方論見厥

惡寒續法

〔活〕大抵太陽病必發熱而惡寒。不可過覆衣被。及近火氣。恐寒熱相搏。脈道沉伏。愈令病人寒不可過。但去被徹火。兼飲以和表之藥。

惡寒
忌近火

藥忌

自然不惡寒矣。若婦人惡寒，尤不可近火，恐寒氣入腹，血室結聚，針藥所不能治矣。

惡風

表裏

發熱惡風為表虛，屬太陽病。方論見發熱太陽病條 發汗後遂汗漏不止，其症似風濕相搏症，背惡風，汗出，小便不利，四肢難屈伸，但心下不滿者，身不痛，用桂枝加附子湯。方見自汗 風濕相搏者，骨節煩疼，掣痛，用甘草附子湯。方見自汗 手足溫而渴者，用小柴胡湯。方論見 身熱惡風，項強脇

惡風續法

方論見

〔成〕惡風者，見風至則惡矣，必居密室之內，幃帳之中，則坦然自舒，惡寒者，則不待風而自寒，雖身大熱而不欲去衣者是也。活人云：惡寒者，不當風而自憎寒，惡風者，當風而憎寒也。

頭痛

頭痛
表裏
諸症

發熱頭痛惡風者，屬太陽。方論見發熱太陽病 大便不利六七日，頭痛身熱，小

便赤者，宜承氣湯。若小便利者，知不在裏仍在表也，宜桂枝湯。論見

頭痛發熱，脈弦細者，屬少陽，宜小柴胡湯。論見 若脈反沉者，當救裏。胃氣

宜四逆湯。論見 頭痛兼心下痞硬滿痛，若眩冒，時如結胸者，刺大椎

第一間，肺俞，肝俞。論見 若下後仍發汗無汗，小便不利者，桂枝去桂

加茯苓白朮湯。方論見

若表解汗出。脇痛乾嘔者。宜十棗湯。方論見

頭痛乾嘔吐涎沫者。用吳茱萸湯。方論見

若表解汗出。心下鞭引脇痛。脇痛

者。用十棗湯。

若陽明胃實。反無汗而小便利。嘔效。手足厥者。為寒

邪。方論見

頭痛發熱吐利者。為霍亂。方論見

濕家病身痛發熱。面黃

而喘。頭痛鼻塞而煩。其脈大能食者。納藥鼻中則愈。方論見身痛

精濕痺條

太陽病下之復脈細數者。頭痛未止。

頭痛續法

〔丹〕一丈夫因浴冷水。發熱頭痛。脈緊。此有寒濕也。宜溫藥汗之。

蒼朮

麻黃

乾葛各錢半

甘草些

陳皮

川芎各二錢

分二帖服。得汗後知病退。又與下補藥。

芍藥兩半

陳皮

半夏各三錢

白朮

蒼朮

人參

木通各二錢

甘草分

分四帖。薑水煎服。

一婦人頭痛發熱而渴。

白朮兩半

陳皮

川芎各三錢

乾葛二錢

木通半錢

甘草些

右分四帖。水煎溫服。

〔活〕若已發汗。或未發汗。頭痛如破者。用連鬚葱白湯。

連鬚葱白湯方

葱白連鬚切
半升 生薑二兩

右以水二升。煮取一升。分二次溫服。再不止者。宜服後方。

葛根葱白湯方

葛根

芍藥

知母各半兩

葱白

川芎

生薑各一兩

右以水三升。煎至一升。熱服。

吐涎方

若非次頭疼。胸中滿。及發寒熱。脈緊而不大者。即是膈上有涎。宜用瓜蒂末一錢。煖水調下。吐涎立愈。

〔雲〕傷寒汗下後。頭痛起目眩者。宜獨活湯。

防風

獨活

旋覆花

當歸各七錢

右以咀薑水同煎服。

傷寒熱病後頭痛不止者。用石膏川芎湯。

石膏

川芎各一兩

右以咀。每服五錢。水煎服。

〔海〕太陽頭痛。有汗。桂枝湯。無汗。麻黃湯。

陽明頭痛。白虎湯。少

陽頭痛。小柴胡湯。

太陰頭痛。脈浮。桂湯枝。脈沉。理中湯。少陰頭

六經
頭痛
治法

并下
後頭
陰分
精分

痛。小柴胡湯。厥陰頭痛。外傷本經。桂枝麻黃各半湯。嘔而微吐。苦水者。吳茱萸湯。

〔垣〕太陰頭痛者。必有痰也。少陰頭痛者。足寒而氣逆也。蓋太陰少陰二經。雖不至頭。然痰與氣逆壅於膈中。則頭上氣不得暢。降而為痛也。

〔雲〕如脈浮而頭痛。過在手足太陽。刺完骨京骨。如脈浮而長。過在手足陽明。刺合谷衝陽。如脈浮而弦。過在手足少陽。刺陽池丘墟風府風池。此刺頭痛之法也。
〔集〕傷寒頭痛。刺合谷攢竹。

項強

發熱惡風項強者。屬太陽。方論見發熱太陽病證項強脇下滿。若身熱惡風。手足

溫而渴者。小柴胡湯。若下後不能食。身黃。小便難者。與柴胡湯必

反重。方論俱見脇痛

太陽與少陽并病。頭項強痛。或眩冒時如結胸。心下痞鞭者。當刺大椎第一間。肺俞肝俞。慎勿發汗。如發汗則譫語脈弦。五六日譫語不止。當刺期門。

太陽與少陽并病。心下鞭。頭項強而弦者。當刺大椎肺俞。慎勿下之。宜服桂枝湯。或下之。仍頭項強痛。翕翕發熱無汗。心下滿。微痛。小便

針灸

診治

針灸

不利者。桂枝去桂加茯苓白朮湯主之。註云心下滿痛小便利者成結胸小便利為停飲故加苓朮以行之

桂枝去桂加茯苓白朮湯方

芍藥

生薑

茯苓

白朮各兩半

甘草兩一

大棗六枚

右咬咀。每服五錢。水煎溫服。小便利即愈。結胸亦項強如柔瘰狀者。大陷胸丸主之。

項強卒口禁。背反張為瘞。方論見瘞

身體痛

發熱惡寒。身體痛者。屬太陽病。麻黃湯大青龍湯是也。若兼心下

支結者。柴胡桂枝湯。若兼下利清穀腹脹者。先以四逆溫裏。後以

桂枝發表。方論見發熱太陽病條若尺脈遲者。血少榮氣不足。活人先以黃芪建

中湯養其血。俟尺脈回。却用柴胡等湯和解之。身體疼痛。脈沉發

熱頭痛不瘥者。四逆湯。方論見發熱若少陰但欲寐。手足寒者。附子湯。方論

發汗後身體痛。脈沉遲者。桂枝加生芍藥生薑人參新加湯主

之。見但欲寐

桂枝

人參各兩半

芍藥

生薑各二兩

甘草兩一

大棗六枚

右咬咀。每服五錢。水煎溫服。

身痛諸症

身體痛下利。方論見下利條

身體痛。吐利。為霍亂。方論見吐利條

身體痛。手足寒。若

脈沉。但欲寐者。附子湯。方論見但欲寐

若大汗出。熱不去。內拘急。自利惡寒者。四逆湯。方論見下利

身痛如被杖。面目青。咽痛者。為陰毒。升麻鱉甲去雄黃蜀椒湯。方論見陰毒

若夏月中暑。脈虛而渴者。白虎加人參湯。方論見中暑

太陽病。關節疼痛而煩。脈沉而細者。此名濕痺。濕痺之候。小便不利。大便反快。但當利其小便。活人脈沉細作沉緩

濕家之為病。身盡痛。發熱而煩。身黃如熏。可與麻黃加朮湯發其汗。慎不可以大劑攻之。

麻黃加朮湯方

麻黃三兩去節 桂枝二兩 甘草一兩炙 杏仁十個去皮尖

白朮四兩

右咬咀。先以水煮麻黃去沫。入諸藥煎溫服。覆取微汗。

濕家病身上疼。痛發熱。面黃而喘。頭痛。鼻塞而煩。其脈大。自能飲食。腹中和無病。病在頭中寒濕。故鼻塞。納藥鼻中則愈。納鼻藥方見發熱

濕家其人但欲汗出。背強。欲得被覆向火。若下早則噦。胸滿。小便不利。舌上如胎者。以丹田有熱。胸中有寒。渴欲得水。而不能飲。則口煩躁也。濕家下之。額上汗出。微喘。小便利者死。若下利不止者亦死。

右濕痺。活人書為中濕。脈沉細為沉緩。小便自利者。朮附湯。小便不利者。甘草附子湯。五扶散。而不及麻黃加朮湯。并納鼻藥。蓋麻

濕家

忌下

風濕不得屈伸者甘

不能轉側者桂

大便小便不利者

黃納鼻。皆是表藥。而非脈沉緩之劑故也。

風濕相搏。骨節煩疼。掣痛。不能屈伸。近之則痛劇。汗出。短氣。小便不利。惡風。不欲去衣。或身微腫者。甘草附子湯主之。

甘草

白朮各一兩

桂枝二兩

附子一枚

右咬咀。水煎溫服。作四劑。

活人云身腫者加防風一兩。梓氣小便不利者加白茯苓一兩半。

傷寒入九日。風濕相搏。身疼體煩。不能轉側。不嘔。不渴。脈浮虛而澀者。桂枝附子湯主之。若其人大便鞭。小便自利者。去桂加白朮湯主之。

桂枝附子湯方

桂枝一兩

附子一枚

甘草六錢

大棗四枚

生薑切一兩

右咬咀。每服五錢。水煎溫服。

白朮附子湯方

白朮三兩

附子一枚

甘草二兩

生薑兩

大棗六枚

右咬咀。水三升。煮一升。分三服。溫服。一服。覺身痒。半日許。再服三服。都盡。其人如冒狀。勿怪。即是朮附並走皮中。逐水氣未得除故耳。

發熱日晡麻黃

病者一身盡疼發熱日晡而劇者多風濕此病傷於汗後當風或久傷取冷所致也可與麻黃杏仁薏苡湯

薏苡湯方

薏苡仁

麻黃各半兩去節傷泡甘草一兩

杏仁十枚去皮尖

右咬咀每服四錢水煎溫服有微汗者避風

風濕身重脈浮汗出惡風者防己黃芪湯方見身重

身重汗出者防己

問曰風濕相搏一身盡疼痛法當汗出而解值天陰雨不止醫云此

可發汗汗之病仍不愈者何也答曰發其汗汗大出者但風氣去濕

氣在故不愈也若治濕風者發其汗但微微自欲汗出者風濕俱

去也

體痛續法

風濕

〔垣〕風濕相搏一身盡痛者補中益氣湯加羌活防風升麻藁本蒼

朮治之如病去勿再服以諸風藥損人元氣而益其病故也

〔海〕神朮湯治風濕惡寒脈緊無汗白朮湯治風濕惡風脈緩有

汗俱見續條寒發熱條

右二朮湯治風濕又當隨症加減其詳並見瘡條及白朮神朮二

湯後

〔活〕杏仁湯療風濕身體疼痛惡風微腫

桂枝二兩

黃麻去節傷

芍藥

天門冬去心各一兩

生薑兩

杏仁二十五枚去皮尖炒

右咬咀每服五錢水煎溫服。

〔垣〕麻黃復煎湯。治陰室中汗出懶語。四肢困倦乏力。走注疼痛。乃下焦伏火不得伸。浮而躁熱。汗出一身疼痛。蓋風濕相搏也。以麻黃發汗。漸漸發之。在經者亦宜發汗。况值季春之月。脈緩而遲。尤宜發之。令風濕去而陽氣升。困倦乃退。血氣俱得生旺也。

麻黃去節用水五盞先煎令沸去沫渣再煎至三盞方入下藥

黃芪各二錢

白朮

人參

柴胡根

防風

生地各五分

甘草三分

羌活

黃栢各一錢

杏仁三個去皮尖

右咬咀作一服。入麻黃湯煎至一盞。臨臥服。勿飽服。

當歸拈痛湯。治濕熱為病。身體疼痛。方見諸梅門一身盡痛條